

唐 李延壽 撰





中 華 書 局

卷 第 一

一至卷二三(傳) 册

南史卷十

列傳第一

后妃上

宋孝穆趙皇后 文章胡太后 少帝司馬 孝懿蕭皇后 皇后 武敬臧皇后 文元袁皇后 武張 潘淑妃 夫人

前廢帝何皇后 明恭王皇后 後廢帝陳太妃

孝武昭路太后

明宣沈

太后

孝武文穆王皇后

宣貴

妃

齊宣孝陳皇后 高昭劉皇后 武穆裴皇后後廢帝江皇后 順陳太妃 順謝皇后

鬱林王何妃 海 陵 区王王妃 明敬劉皇后 東昏褚皇后

文安王皇后

和王皇后

列

傳

第

后妃上

華,晉武帝所制。美人,漢光武所制。及孝武孝建三年,省夫人,置貴妃,位比相國,進貴嬪 晉武帝所制。 比丞相,貴人比三司,以爲三夫人。又置昭儀、昭容、昭華,以代修華、修儀、修容。又置中才 儀、修華、晉武帝所制。修容、魏文帝所制。修儀、魏明帝所制。婕妤、容華、前漢舊號。 夫人、魏武初建魏國所制。貴人、漢光武所制。淑妃、魏明帝所制。 人、充衣,以爲散位。案昭儀,漢元帝所制。 人、才人、中才人,爵視千石以下。宋武帝省二才人,其餘仍用晉制。案貴嬪,魏文帝所制。 三公,淑妃、淑媛、淑儀、修華、修容、修儀、婕妤、容華、充華,是爲九嬪,位視九卿,其餘有美 六宮位號,前史代有不同。晉武帝采漢魏之制,置貴嬪、夫人、貴人,是爲三夫人,位視 充衣,前漢舊制 昭容,孝武所制。 昭華,魏明帝所制。 淑媛、魏文帝所制。 淑

嬪,美人、才人、良人三職爲散役。其後,帝留心後房,擬百官,備置內職焉 容、昭華、昭儀、昭容、修華、修儀、修容爲九嬪,婕妤、容華、充華、承徽、列榮:凡五職,亞九 三年,又省貴人,置貴姬,以備三夫人之數,又置昭華,增淑容、承徽、列榮,以淑媛、淑儀、淑 及明帝泰始二年,「门省淑妃、昭華、中才人、充衣,復置修華、修儀、修容、才人、良人,

媛、淑儀、婕妤、容華、充華爲九嬪,美人、中才人、才人爲散職。 三年,太子宮置三內職:良 及齊高帝建元元年,有司奏置貴嬪、夫人、貴人爲三夫人,修華、修儀、修容、 淑妃、 淑

紫綬;佩于寘玉;淑妃舊擬九棘,以淑爲溫恭之稱,妃爲亞后之名,進同貴妃,以比三司;夫 娣比開國侯、保林比五等侯、才人比駙馬都尉。及永明元年,有司奏貴妃、淑妃並加金章

人之號,不殊蕃國,降淑媛以比九卿。七年,復置昭容,位在九嬪焉。

五職,美人、才人、良人爲三職。東宮置良娣、保林爲二職。及簡文、元帝出自儲蕃,或迫在 媛、淑儀、淑容、昭華、昭儀、昭容、修華、修儀、修容爲九嬪;婕妤、容華、充華、承徽、列榮爲 拘繁,或逼於寇亂,且妃並先殂,更不建椒閻。 梁武撥亂反正,深鑒奢逸,配德早終,長秋曠位。定令制貴妃、貴嬪、貴姬爲三夫人,淑

作。今總綴緝,以立此篇云。 所制立,無改一藥舊。編之令文,以爲後法。然帝性恭儉,而嬪嫱不備。宣帝、後主,無所改 陳武光膺天歷,以樸素自居,故後宮員位,其數多闕。文帝天嘉之後,詔宮職備員。其

帝,以產武帝,殂于丹徒官舍,葬晉陵丹徒縣東鄉練壁里雩山。宋初追崇號諡,陵曰興寧。 永初二年,有司奏追贈商光祿大夫,加金章紫綬,商命婦孫氏封豫章郡建昌縣君。其年,又 宋孝穆趙皇后諱安宗,下邳僮人也。 父裔, 平原太守。 后以晉穆帝升平四年嬪于孝皇

二七七

墳。 遺令:「漢世帝后,陵皆異處。今可於塋域之內別爲一擴,一遵往式。」乃開別擴,與興寧合 號。 故稱后遺令云。 道憐、臨川烈武王道規。 旦朝太后,未嘗失時刻。 初、武帝微時,貧約過甚,孝皇之殂,葬禮多闕。帝遺旨:「太后百歲後不須祔葬。」至是 帝踐阼,尊曰皇太后,居宣訓宮。上以恭孝爲行,奉太后素謹,及卽大位,春秋已高,每 孝懿蕭皇后諱文壽,蘭陵人也。父卓字子略,洮陽令。后爲孝皇帝繼室,生長沙景王 少帝卽位,加崇曰太皇太后。景平元年,崩于顯陽殿,年八十一。 義熙七年、拜豫章公太夫人、武帝爲宋公、宋王、又加太妃、太后之

子源之襲爵,源之見子思話傳。 卓初 與趙裔俱贈金紫光祿大夫,又追封封陽縣侯。 妻下邳趙氏封吳郡壽昌縣君。

卓

武敬臧皇后諱愛親,東莞人也。祖汪,尚書郎,父儁,郡功曹。后適武帝,生會稽宣長公

祿大夫,妻<u>高密叔孫氏遷陵永平鄉君。</u> 儁子燾、熹,並自有傳。 還葬丹徒。 主興弟。帝以儉正率下,后恭謹不違。義熙四年正月甲子,殂於東城,追贈豫章公夫人,曰 帝臨崩,遺詔留葬建鄴。 於是備法駕迎梓宮,祔葬初寧陵。 宋初追贈儁金紫光

少帝卽位,有司奏上尊號爲皇太后,宮曰永樂。少帝廢,太后還璽敍,隨居吳郡。 元年,拜營陽國太妃,二年薨。 武帝張夫人,諱闕,不知何許人也。 生少帝及義興恭長公主惠媛。 永初元年拜夫人。 文帝元嘉

徒。 武帝踐阼,追贈婕妤。文帝卽位,有司奏上尊號曰章皇太后,陵曰熙寧,立廟建鄴。 文章胡太后諱道安,〔三淮南人也。 義熙初、武帝所納。 文帝生五年,被譴賜死,葬丹

司馬皇后諱茂英,晉恭帝女也。 初封海鹽公主,少帝以公子尚焉。 宋初拜皇太子

列傳第一 后妃上

妃,少帝卽位,爲皇后。 元嘉元年,降爲營陽王妃,又爲南豐王太妃。

后每就 **恚恨稱疾,不復見上,遂憤恚成疾。<a>元嘉十七年疾篤,上執手流涕,問所欲言。 后視上良** 咸言所求無不得。后聞之,未知信否,乃因潘求三十萬錢與家,以觀上意,宿昔便得。 見舉。後適文帝,初拜宜都王妃,生子砌、東陽獻公主英娥。上待后恩禮甚篤,袁氏貧薄, 上自益「撫存悼亡,處今懷昔」八字以致意焉。 · 乃引被覆面,崩于顯陽殿。上甚悼痛之,詔前永嘉太守顏延之爲哀策,文甚麗。及奏, |文元袁皇后諱||齊嬀,陳郡||陽夏人, 左光祿大夫湛之庶女也。 母本卑賤, 后年至六歲方 初,后生砌,自詳視之,使馳白帝:「此兒形貌異常,必破國亡家,不可舉。」便欲殺之。文 上求錢帛以贍之。上性儉、所得不過五三萬、五三十匹。後潘淑妃有寵,愛傾後宮, 有司奏諡宣皇后,詔諡曰元。 因此

狼 狽至后殿戶外,手掇幔禁之乃止。

當知之。」殿戶應聲豁然開,職掌者遽白文帝,驚往視之,美人乃得釋。 前 后亡後,常有小小靈應。明帝所生沈美人嘗以非罪見責,應賜死,從后昔所住徽晉殿 此殿有五間,自后崩後常閉。美人至殿前流涕大言曰:「今日無罪就死,先后若有靈

臧 光 禄、袁敬公、平樂鄉君墓,先未給塋戶,各給蠻戶三以供灑 大明五年,孝武乃韶追后之所生外祖親王夫人爲豫章郡新淦平樂鄉君, 掃。 后父湛之自有傳。 又韶趙、

右 以鹹 潘 水 淑妃者,本以貌進,始未見賞。 灑 地。 帝每至戶,羊輒舐地不去。 帝好乘羊車經諸房,淑妃每莊飾褰帷以 帝曰:「羊乃爲汝徘 徊,況於 人乎。」於 候, 并密令左 此 愛 傾

後宮。

辨也。 長, 於閨房之內禮敬甚寡,有所御幸, 無寵,常隨孝武出蕃。 孝武 昭路太后諱惠男,丹陽建康 孝武即位,有司奏奉尊號 或留止太后房內,故人間咸有醜聲。 人也。 以色貌選入後宮, 日太后,宮日崇憲。 生孝武帝, 拜爲淑媛。 太后居 宫掖事秘,亦莫能 顯陽殿,上 及 年

職。 撫 軍 参軍 太后 孝 建二年,追贈太后父興之散騎常侍, 頗 瓊之上表自陳。 豫 政事,賜與瓊之等財物,家累千金,居處器服與帝子相侔。 有司承旨,奏贈瓊之父道慶給事 興之妻餘杭縣廣昌 中, |郷君。 瓊之及弟休之、茂之並 大明四年,太后弟子 大明五年,太后隨 居

列

傅

第

巡南 豫州 ,妃主以下並從。 廢帝立、號太皇太后。 明帝踐阼,號崇憲太后

脩寧陵。 毒 別居外宮,詔 日崇憲宮。 以進。 初 明帝 侍者引上衣、上寤、起以其巵上壽。 又詔述太后恩慈,特齊衰三月,以申追遠。 欲親奉晨昏,盡歡閨禁,不如所奏。 少失所生,爲太后所攝養,撫愛甚篤。 是日太后崩,秘之, 及聞義嘉難作,太后心幸之,延 及卽位、供奉禮儀、不異舊日。有司 諡曰昭皇太后,葬孝武陵東 喪事 如禮 遷殯東宮, 上飲酒 南,號 奏宜 置置 日 題

考卜。 禮。 創。」有 上性忌,慮將來致災,泰始四年夏,詔有司曰:「崇憲昭太后脩寧陵 先是,晉安王子勛未平,巫者謂宜開昭太后陵,毁去梓宮以厭勝。 司 前歲遭諸蕃之難,禮從權宜,未暇營改,而塋隧之所 ·奏請「脩寧陵玄宮補葺毀壞,權施油殿,暫出梓宮,事 ,山原卑陋 畢卽窓」。至 ,可式遵舊 地, 修復倉卒,不 大明 詔 可 之世 典 以 禮 得 八 改 所 如

司、諡曰敬侯。 廢帝景和 中,又追贈興之侍中、金紫 道慶女爲皇后,以休之爲侍 光祿大夫,諡曰孝侯。 中。 道慶光祿大夫、開府儀同

明宣沈太后諱容姬,不知何許人也。 爲文帝美人,生明帝,拜婕妤。 元嘉

建康之莫府山。 孝武卽位,追贈湘東國太妃。 明帝卽位,有司奏上尊號爲皇太后,諡曰宣,

陵號崇寧。

尚、山陰公主楚玉、臨淮康哀公主楚佩、皇女楚琇、康樂公主脩明。 孝武文穆王皇后諱憲嫄,琅邪臨沂人也。 元嘉二十年,拜武陵王妃,生廢帝、豫章王子 孝武在蕃,后甚寵異,及

卽位爲皇后焉。

太后,宮日 大明四年,后率六宮躬桑于西郊,皇太后觀禮,妃主以下並加班錫。 ||永訓。 其年崩于含章殿,祔葬景寧陵。 父偃別有傳。 廢帝即位,尊曰皇

頗 部羽葆、鼓吹,上自於南掖門臨,過喪車,悲不 日,形色不異。追贈貴妃,諡曰宣。 右宣泄者多死,故當時莫知所出。及薨,帝常思見之,遂爲通替棺,欲見輒引替覩 、廢政 殷淑儀,南郡王義宣女也。 事 毎 寢,先於靈牀酌奠酒飲之,旣而 麗色巧笑。 及葬、給輼輬車、虎賁、班劍。 義宣敗後,帝密取之,寵冠後宮。 慟哭不能自反。又諷有司 自勝,左右莫不掩泣。上痛愛不已,精 變輅九旒、黃屋左纛、前 奏曰:「據春秋,仲子 假姓殷氏,左 屍,如此 神罔罔, 後 積

列

非 魯惠公元嫡,尚得考別宮。今貴妃蓋天秩之崇班,理應創新。」乃立別廟於都下。

貴妃是殷琰家人入義宣家,義宣敗入宮云。 哀策文奏之,帝臥覽讀,起坐流涕曰:「不謂當今復有此才。」都下傳寫,紙墨爲之貴。 帝欲與之言,默然不對。 時 有 巫者能見鬼,說帝言貴妃可致。 將執手,奄然便歇,帝尤哽恨,於是擬李夫人賦以寄意焉。 帝大喜,令召之。 有少頃,果於帷中見形 如平生。 謝莊作 或云,

光 元殿、諡 前 廢帝何皇后諱令婉,廬江灊人也。 日 獻妃。 廢帝即位,追崇日獻皇后。 孝建三年, 納爲皇太子妃。 大明五年, 薨于東宮 明帝踐作,遷后與廢帝合葬龍 Щ 北

徽

海 公主先適徐喬 何 勗 后父踽字幼玉,云晉尚書左僕射澄 等並以 ,美容色,聰敏 輿馬相尙。 公主與瑀情愛隆密,何氏疎戚莫不霑被恩禮。 有智數。 文帝世、禮待特隆。 曾孫也。 **瑀尚武帝少女豫章康長公主諱次男。** 瑀豪競於時, 與平昌孟 瑀位右衞將軍,公 靈休、東 (F)

位 南 濟陰太守。 子 邁尙 文帝第十女新蔡公主諱英媚。 廢帝納公主於後宮,偽言薨殞,殺一婢送出邁第,殯葬行喪禮,常疑邁有異 邁少以貴戚居顯官,好犬馬馳逐,多聚才力士,

| 薨,珥墓開,[<] | 孝武追贈|| 国金紫光祿大夫。

列傳第一 后妃上

圖 邁 亦 招 聚同志,欲因 行 廢立 ,事覺見誅。 明帝卽 位,追封 建寧縣侯

求 侍 中。 瑀 兄 子 旬 日 衍 之間 性 躁 . , 求 進 無 已 。 動、位 黄 門郞 ",拜竟, 不得侍中,以怨詈賜 求 司 徒 司 馬 死。 得 司 馬, 復求 太子 右率,行 日

復

陵長 同。」帝大怒,令后起。 爲歡 「爲樂之事 人,不知今段遂能 公全主 笑。 明恭 后以 伯 王皇后諱貞風,琅邪臨沂人也。 ,其方自多, 姒 扇鄣 、建安長公主伯 剛 面, E 后兄揚州 豈有 如 獨無 此 所言。 姑 媛 姊 刺史景文以此事語從舅陳郡 妹集聚,而 帝怒 明帝即位 曰:「外舍家寒乞,今共作笑樂, 初 裸婦 ,立爲皇后。 拜淮陽王妃, 人形體,以此爲樂。 上嘗宮內大集 明帝改封,又爲湘 謝綽 日:「己」「后在家爲 外舍為歡 而 何獨 裸 東 不 婦 王妃。 適 視。」 人觀 與此不 儜弱婦 后曰: 之,以

劉晃、 事,官便作孝子,豈得 太后嘗賜 劉綽、 帝 卜伯 玉柄 興等有 毛易,帝嫌毛易 出 異志, 入狡獪。」帝曰:「汝語 太后頗與相關。 不華, 因此 欲 大有 加 順帝禪位,太后與帝遜于東邸,因遷居丹陽 就害, 理。 乃止。 令太醫煮藥。 順帝 即位,齊高 左右 止之曰:「若行 帝 執 權,宗室 اال

廢帝即位,尊爲皇太后,宮曰

弘訓。

廢帝失德,太后每

加

勗譬, 始猶

見順,後在

慝

稍甚

宮,拜汝陰王太妃。 順帝殂于丹陽,更立第都下。 建元元年,薨于第,追加諡,葬以宋禮。后

父僧朗,別有傳。

武,於是迎入宮,在路太后房內。經二年再呼不見幸,太后因言於上,以賜明帝。始有寵, 萬,令起瓦屋。尉自送錢與之,家人並行,唯太妃在家,時年十二三。尉見其美,即以白孝 廢帝後每微行,自稱李將軍,或自謂李統。明帝卽位,拜貴妃,秩同皇太子。廢帝踐阼,有 妃家在建康縣,居有草屋兩三間。 上出行,問尉曰:「御道那得此草屋,當由家貧。」賜錢三 日太姬。 司奏上尊號曰皇太妃,輿服一如晉孝武李太妃故事。 年衰歇,以賜李道兒。尋又迎還,生廢帝。先是人間言明帝不男,故皆呼廢帝爲李氏子。 後廢帝陳太妃諱妙登,丹陽建康屠家女也。孝武嘗使尉司采訪人問子女有姿色者,太 昇明初,降爲蒼梧王太妃。 宮曰弘化,置家令一人,改諸國太妃

後廢帝江皇后諱簡珪,濟陽考城人也。泰始五年,明帝訪太子妃而雅信小數,名家女

列傳第一 后妃上

多不合。江氏雖爲華族,而后父祖並已亡,弟又弱小,以卜筮吉,故爲太子納之。 皇太子妃,諷朝士州郡皆令獻物,多者將直百金。 上大怒,封藥賜死,旣而原之。太子卽帝位,立爲皇后。帝旣廢,降后爲蒼梧王妃。 始興太守孫奉伯止獻琴書,其外無餘物。 六年,拜 祖智深

自有傳。

爲母。 輒取以入宮。及生男,皆殺其母,而與六宮所愛者養之。順帝,桂陽王休範子也,以陳昭華 順陳太妃諱法容,丹陽建康人也。明帝素肥,晚年廢疾不能內御,諸弟姬人有懷孕者, 明帝崩、昭華拜安成王太妃。順帝卽位、進爲皇太妃。順帝禪位、去皇存太妃之號。

爲皇后。 順謝皇后諱梵境,陳郡陽夏人。 順帝禪位,降爲汝陰王妃。 祖莊自有傳。 右光祿大夫莊之孫也。父颺,車騎功曹。昇明二年,立

勞,或止之,后終不改。 曰:「政應是汝耳。」 常留家,有相者謂后曰:「夫人有貴子而不見之。」后歎曰:「我三子,誰當應之。」呼高帝小字 高帝年二歲,乳人乏乳,后夢人以兩甌麻粥與之,覺而乳驚,因此豐足。宣帝從任在外,后 齊宣孝陳皇后諱道止,臨淮東陽人,魏司徒矯之後也。 嫁于宣帝。 宣帝庶生子衡陽元王道度、始安貞王道生,后生高帝。 后家貧,少勤織作,家人矜其

明帝等冬月猶無縑纊,而奉膳甚厚,后每撤去棄肉,曰:「於我過足矣。」 尊孝皇后。 年,追贈竟陵公國太夫人。 宣帝殂後,后親執勤,婢使有過,皆恕而不問。 贈外祖父肇之金紫光祿大夫,諡敬侯,后母胡氏爲永昌縣靖君。 齊國建,爲齊國太妃,並蜜印、畫青綬,祠以太牢。 高帝雖從宦,而家業本貧,爲建康令時, 殂于縣舍。 建元元年,追 昇明二

薦肉膾葅羹,昭皇后薦茗粣炙魚。 永明 九年、詔太廟四時祭、宣皇帝薦起麵餅鴨脽、孝皇后薦笋鴨卵脯醬炙白肉、高皇帝 並生平所嗜也。

后,時有紫光滿室,以告壽之。壽之曰:「恨非是男。」桓笑曰:「雖女亦足興家矣。」后寢臥, 高昭劉皇后諱智容,廣陵人也。 祖玄之,父壽之,並員外郞。 后母桓氏,夢吞玉 一勝生

見 |有羽蓋蔭其上,家人試察之,常見其上掩藹如有雲氣。CloJ

家狼 昇明二年,贈寬陵公國夫人。三年,贈齊國妃印綬。 造次必依 墓 有迎至,龍旂豹尾,有異於常,后喜而從之。旣而與裴氏不成婚,竟嬪于上。 后父壽之金紫光祿大夫,母桓氏上虞都鄉君。 側 (狽共營祭食。后助炒胡麻,始復內薪,未及索火,火便自然。|宋|泰豫元年殂,歸葬宣帝 年十七,裴方明爲子求婚,酬許已定,后夢見先有迎車至,猶如常家迎法,后不肯去,次 則泰安陵也。門生王淸與墓工始下鍤,有白兔跳起,尋之不得。及墳成,兔還栖其上。 心禮法。 生太子及豫章王處。太子初在孕,后嘗歸寧,遇家奉祠,爾日陰晦失曉,舉 齊建元元年,尊諡昭皇后。二年。贈 嚴整有軌度,

王妃庾氏爲娣姒,庾氏勤女工,奉事高昭后恭謹不倦,后不能及,故不爲舅姑所重,武帝亦 武 穆裴皇后諱惠昭,河東聞喜人也。 祖封之,給事中。父璣之,左軍參軍。后少與豫章

薄焉。

年,爲皇太子 性 剛 嚴, 妃。 竟陵王子良妃袁氏布衣時有過,后加訓罰。 二年,后薨,諡穆妃,葬休安陵。 昇明三年,爲齊世子妃。

列

傅

武帝. 銘策 卽位 一故以 時議 欲 ,追尊皇后。 紀 立石 行。 誌 自 爾 王儉曰:「石誌不出禮典、〇三起宋元嘉中顏延之爲王球石誌。 以來,共相 贈父璣之金紫光祿大夫,后母檀氏餘杭 祖習。 儲妃之重,禮絕恒例, 廣昌 旣有哀策,不 鄉元君 煩石誌。」從之。 素族無

門 殿 居昭陽 鼓漏 東西 常從,早發,至湖 舊 、聲、置 顯陽、 頭 殿 東 置 一龍姬 昭陽 鍾磬 鍾於景陽樓上,應五鼓 兩廂 荀昭華居 二殿,太后皇后所居也。 北 埭,雞始鳴,故 ,皆宴樂處也。 鳳華栢殿。 呼爲雞鳴埭 及三鼓。 上數游 宮內 永明 ·御所居壽昌畫殿南閣 宮人 幸諸苑囿 中無太后皇后,羊貴嬪居昭 聞 鍾 一聲,早. 載宮 起莊飾。 人從後車。 一置白鷺鼓吹二部 車 駕數幸琅邪城,宮 宮內深隱,不 陽 殿 西,范貴妃 聞端 乾 光

缸 帝以爲博士,教六宮書學。 婦 人吳郡韓蘭英 有文辭,宋孝武 以其年老多識,呼爲韓公云 時獻中興賦,被賞入宮。 宋明帝時用爲宮中職僚。 及

帝 衣 裳 爲 文惠 及首飾、三面后牀帷陳故, 文 安王 太 皇后 子 納 諱寶明 后, 建元 現邪 元 年 臨沂 · 為 古舊釵鑷十餘枚。 南 人也。 郡王 妃。 祖 韶之, 四 年 吳興太守。 爲皇太子 永明十一年, 妃, 父曄之,太宰祭酒。 無寵。 爲皇太孫 太子 太 ,爲宫 妃。 人 宋 鬱 製 世,高 林即 新 麗

位,尊爲皇太后,稱宣德宮,置男左右三十人,前代所未有也。 母桓氏豐安縣君。其年十二月,備法駕謁太廟。 明帝即位,出居鄱陽王故第,爲宣德宮。 贈后父曄之金紫光祿大夫,

崇安陵,諡曰安后。祖韶之自有傳。 永元三年,梁武帝定建鄴,迎入宫,后稱制。 至禪位,遜居外宫。梁天監十一年薨,葬

華族弱,實允外戚之義。永明三年,乃成昏。 無男、門孤、不欲與昏。王儉以南郡王妃、便爲將來外戚,唯須高胄,不須强門。今何氏蔭 鬱林王何妃諱婧英,廬江灊人,撫軍將軍戢女也。初將納爲南郡王妃,文惠太子嫌戢

色美,甚爲妃悅,常與鬭腕較力,南郡王以爲歡笑。 妃禀性淫亂,南郡王所與無賴人游,妃擇其美者,皆與交歡。 南郡王侍書人馬澄年少

爲給事中,門戶旣成,姨家猶是寒賤,政可爲妾耳。」徽字訶而遣之。十一年,爲皇太孫妃。 姨女爲妾,姨不與,澄詣建康令沈徽字訟之。徽字曰:「姨女可爲婦,不可爲妾。」澄曰:「僕父 又有女巫子楊珉之,亦有美貌,妃尤愛悅之,與同寢處,如伉儷。及太孫卽帝位,爲皇后,封 澄者本剡縣寒人,嘗於南岸逼略人家女,為秣陵縣所錄,南郡王語縣散遣之。澄又逼求

列傳

后

妃上

與太后 過,何 后嫡 暫去」。坦之乃曰:「外間並云楊珉之與皇后有異情,彰聞 請,不聽。 報明帝,即令建康行刑,而果有敕 母劉 可 同 ·枉殺。」坦之耳語於帝曰:「此事別有一意,不可令人聞。」帝謂皇后爲阿奴, 爲高 日 又令蕭諶、坦之固請,皇后與帝同席 謁 太廟。 昌縣都鄉君,所生母宋爲餘杭廣昌鄉君。 楊珉之爲帝所幸,常居中侍。 原之,而珉之已死。 坐,流涕覆面,謂坦之曰:「楊郎好年少, 明帝爲輔,與王晏、徐孝嗣 遐邇。」帝不得已,乃爲敕。 后將拜,鏡在牀無因 · 墮地。 、王廣之並 河阿 坦之馳 其冬, 無罪 奴 面

殿 處后家屬。 后旣淫亂,又與帝相愛褻,故帝恣之。 帝廢,后貶爲王妃。 父戢自有傳。 又迎后親戚入宮,嘗賜人百數十萬,以武帝曜

林王卽位,爲新安王妃。 海陵 王 |王妃諱韶明, 琅邪臨沂人, 太常慈之女也。 延興元年,爲皇后。 其年,降爲海陵王妃。 永明八年, 納為臨汝公夫人。二意鬱 妃父慈自有傳。

明敬 劉皇后諱惠端,彭城人,光祿大夫道弘孫也。高帝爲明帝納之。 建元三年,除西昌

父通直郎景猷爲金紫光祿大夫,母王氏平陽鄉君。 侯夫人。 永明七年卒,葬江乘縣張山。 延興元年,贈宣城王妃。明帝卽位,追尊敬皇后。贈 明帝崩,改葬,祔于興安陵。

庶人。 廟。 謂左右曰:「若得如山陰主無恨矣。」山陰主,明帝長女也,後遂與之爲亂。 東昏卽位,爲皇后。 東昏褚皇后諱令璩,河南陽翟人,太常澄之女也。 后父澄自有傳。 帝龍潘妃,后不被遇,黃淑儀生太子誦而卒,東昏廢,后及誦並爲 建武二年,納爲皇太子妃而無寵。帝 明年, 妃謁敬后

位、后降爲妃。 和 王皇后諱蕣華、琅邪臨沂人、太尉儉之孫也。 妃祖儉自有傳。 初爲隨王妃,中興元年爲皇后。 帝禪

校勘記

C12 及明帝泰始二年 「二年」宋書作「元年」。

列傳第一 校勘記

- [1] 追贈豫章公夫人 「追」各本作「故」,據宋書改。
- = 文章胡· 太 后 海道安 「安」各本作「女」,據太平御覽 一四二改。
- 껃 后父湛 之自 有傳 「湛之」宋書袁湛傳無「之」字。 本 書亦作袁湛傳。
- CHJ 事畢即窓 「窓」各本譌「定」,據宋書改。
- C * 】 后父瑀字幼玉 「幼」宋書作「稚」,此避唐高宗小名而改。
- -瑀尙 武帝少女 、豫章康 長公主諱次男 「豫章」各本脫「章」字,據宋書補。「次男」宋書作「欣男」,

諱英媚,各行一諱字。」

未詳

孰是。

殿本考證

云:「凡公主之名皆不書諱,

獨本傳此處與下文邁尚文帝第十女新蔡

公主

- ر الم **]**書補 瑀位右 衞 將軍公主薨 辆墓開 「右衞將軍」朱書作「衞將軍」。 「公主薨」各本脱「公」字, 據/宋
- **≯**υ 后兄揚 州 刺史景文以此事語從舅陳郡謝綽 日 謝綽」朱書作「謝緯」。 張森楷南史校勘記 據
- 謝述傳是『緯』字,疑此作『綽』爲誤。」

常見其

E

一掩藹

如

有雲氣

「有」各本作「似」,據宋書改。

- 〔二〕石誌不出禮典 各本脱「典」字,據南齊書禮志補
- 太子爲宮人製新麗衣裳及首飾 「爲」字各本並脫,據南齊書補

「臨汝公」,今據改。

列

傳 第

校 勘 配

南史卷十一

列傳第一

后妃下

陳武宣章皇后 梁文獻張皇后 簡文王 皇后 元徐妃 文沈皇后 武德都皇后 敬夏太后 廢帝王皇后 武丁貴嬪 敬王皇后 宣柳皇后 武阮修容

後主沈皇后

張貴妃

驚報,侍者皆云不見。[三后曰:「常聞見昌蒲花者當富貴。」 於文帝,生長沙宣武王懿、永陽昭王敷,次生武帝。 之夕,后見庭內若有衣冠陪列焉。 梁文獻張皇后諱尚柔,范陽方城人也。 次生衡陽宣王暢、義興昭長公主令嫕。 父穆之娶文帝從姑而 方孕,忽見庭前昌蒲花, 三光采非常, 因取吞之,是月生武帝。 生后。 后以朱元嘉 后宋泰始七年殂 將產 中嬪

列

傅

第

后

妃下

三三七

於秣陵縣同夏里舍,葬晉陵武進縣東城里山。

天監元年五月甲辰,追上尊號爲皇后,諡曰獻。 [3]

弘籍廷尉卿。弘籍無子,從父弟弘策以子纘嗣,別有傳。 弘籍字真藝,齊初爲鎭西參軍,卒於官。梁武踐阼,追贈穆之光祿大夫,加金章紫綬。 濬引納。穆之鑒其禍萌,求爲交阯太守, 政有異績。 穆之字思靜,晉司室瞱六世孫也。少方雅,有識鑒。 宋文帝將以爲交州刺史, 初爲員外散騎侍郎, 會病 深被始興王 卒。

早卒。后母宋文帝女尋陽公主也,方娠,夢當生貴子。及后生,有赤光照室,器物盡明,家人 怪之。巫言此女光高,將有所妨,乃於水濱祓除之。 武德都皇后諱徽,高平金鄉人也。祖紹,宋國子祭酒、領東海王師。父曄,太子舍人,

緬 海武進縣東城里山。中興二年,武帝爲梁公,齊帝詔贈后爲梁公妃。及武帝踐阼,追崇爲 婉、永康公主玉嬛。及武帝爲雍州刺史,殂于襄陽官舍,年三十二。其年歸葬南徐州 又欲結婚、郗氏並辭以女疾、乃止。齊建元末、嬪于武帝,生永興公主玉姚、永世公主玉 后幼明慧,善隸書,讀史傳。女工之事,無不閑習。 宋後廢帝將納爲后,齊初,安陸王 南東

皇后,謚曰德。陵曰脩陵。后父曄,贈金紫光祿大夫。

輒 激 水 后 騰 酷 涌。 妬忌,及終,化爲龍入于後宮井, (E) 於露井上爲殿,衣服委積,常置銀鹿盧金瓶灌百味以祀 通 夢於帝。或見形,光彩照灼。帝體將不安,龍 之。 故帝卒不置后。

敬。 失 帝 嘗 嬪 月 所 登 示 贈 生 於 武 在 以 樓 紡 金環 樊城 以 績, 於 1 望 德后 貴嬪諱 供 諸 養經案側 ,見漢濱五采 納 女並 初 酷 之,時年十四。貴嬪 產 忌,遇貴嬪 令光, 譙國人也。 患 有 蛟 神 ,髣髴若 外纳, 光之異, 如龍,下 而 無道,使日 貴 見 紫氣滿室,故以「光」爲名。 神 嬪弗之覺也。 有女子擘絖,則 人,心 生 祖父從官襄陽, 而 春 有赤誌 獨 五 異之。 斛, 鄕 在 春 貴嬪 左臂,療 人 每 因居沔北五女村, 魏 中 也。 益德將娉之,未及成,而 程, 之不滅; 若有 叉丁氏了 相者云「當大貴」。 "助者, 叉體 因人以 寓於劉惠 被遇雖 多 光子 相者言聞之於帝, 1,至是 武 少 明廡下。 帝 時 盆 鎭 無 小 與鄰女 樊城, 1 何 並 祗

位 有司 得通 天監 奏日 信 元 問 年 者 五 皇太子 月, 及六宮三 有 副 司 貢 奏 宸極, 爲 一夫人雖與貴嬪 貴 人,未拜,其年八月,又奏爲貴嬪,(三)居顯陽 率土 一咸 執 同 皮禮 列 並應以敬皇太子之禮敬貴嬪。 旣 盡禮 皇儲, 則所 生不 容 無敬。 殿 宋 及 元嘉中 E 太子定 一侯妃

列

始興、武陵國臣並以吏敬敬王所生潘淑妃、路淑媛。 節稱慶,亦同如此。且儲妃作配,率由盛則,以婦踰姑,彌乖從序,謂貴嬪典章,一與太子不 泰豫朝議百官以吏敬敬帝所生,事義政同。謂宮僚施敬,宜同吏禮,詣神獸門奉牋致謁,年 貴嬪於宮臣雖非小君,其義不異,與宋

私謁。 義,[8] 皆得其指歸,尤精淨名經。 普通七年十一月庚辰,薨,移殯於東宮臨雲殿,時年四十 異。」於是貴嬪備典章禮數,同乎太子,言則稱令。 . "「莫道猪狗子。」世人以爲笑。後位兗州刺史、宣城太守。 韶東部郞張纘爲哀册文,有司奏諡曰穆,葬寧陵, 稍于小廟。簡文卽位, 追崇曰太后。 **貴嬪父道遷,天監初,爲歷陽太守。**廬陵威王之生,武帝謂之曰:「賢女復育一男。」答 貴嬪性仁恕,及居宮接馭,自下皆得其歡心。 不好華飾,器服無珍麗。 未嘗爲親戚 及武帝弘佛教、貴嬪長進蔬膳。受戒日、甘露降于殿前、方一丈五尺。帝所立經

大赦。 文宣阮太后諱令嬴,會稽餘姚人也。本姓石。 建康 尋拜爲修容,賜姓阮氏。嘗隨元帝出藩。 城平、爲武帝采女。在孕,夢龍罩其牀。天監七年八月,生元帝于後宮。〔+〕是 大同九年六月,薨于江州正寝,公時年 初,齊始安王遙光納焉。遙光敗,入東

六十七。 其年十一 月,歸葬江寧縣通望山,諡 日宣。 元帝即位,有司奏追崇爲文宣太后,

附小廟。

康侯夫人。 承聖 二年,追贈太后父齊故奉朝請石靈寶散騎常侍、左衞將軍,封武康縣侯,母陳氏武

于永福省,時年四十五。 哀太子大器、南郡王大連、長山公主妙䂮。 夫、南昌安侯。 簡文王皇后諱靈賓,琅邪臨沂人也。 后幼而柔明,叔父陳見之曰:「吾家女師也。」天監十一年,拜晉安王 其年,簡文卽位,追崇爲皇后,諡曰簡。 祖儉, 大通三年十月,拜皇太子妃。 齊太尉、南昌文憲公。 大寶元年九月,葬莊陵 父騫, 太清三年三月,薨 金紫光祿 妃。 生

三二年一入房。 妃以天監十六年 元帝徐妃諱昭 十二 妃以帝眇 佩 月拜湘東王妃, 東海郯 一目,每知帝將至,必爲半面粧以俟,帝見則 人也。 祖孝嗣,齊太尉、枝江文忠公。 生世子方等、 益昌公主含貞。 父親,侍中、信武 妃無容質, 大怒而 出。 不見禮, 妃性嗜

列傳

第

后

妃下

普賢尼寺,書白角枕為詩相贈答。 酒,多洪醉, 便交杯接坐。 相直狗雖老猶能獵,蕭溧陽馬雖老猶駿,徐娘雖老猶尙多情。」時有賀徽者美色,妃要之於 帝還房,必吐衣中。 纔覺有娠者, 即手加刀刃。 與荆州後堂瑤光寺智遠道人私通。 帝左右暨季江有姿容,又與淫通。 酷妬忌,見無寵之妾, 季江每歎曰:

金樓子述其淫行。 年,遂逼令自殺。 及長還之日,又大雷震西州聽事兩柱俱碎。 旣而貞惠世子方諸母王氏寵愛,未幾而終,元帝歸咎於妃,及方等死,愈見疾。 妃知不免,乃透井死。帝以屍還徐氏,謂之出妻。 初,妃嫁夕,車至西州,而疾風大起,發屋折木。無何,雪霰交下,惟簾皆 帝以爲不祥,後果不終婦道。 葬江陵瓦官寺。帝制

妃。 紹泰元年,尊爲太后。 敬夏太后,會稽人也。 明年冬,降爲江陰國太妃。 普通中,納于湘東王宮,生敬帝。 承聖元年冬,拜晉安王國太

敬王皇后,琅邪臨沂人也。 承聖元年十一月,拜晉安王妃。 紹泰元年十月,拜皇后。

臟,

嘗遇道士以小龜遺己,光采五色,

曰「三年有徵」。

及期,

后生,紫光照室,因失龜所在。 陳武宣章皇后,諱要兒,吳興烏程人。本姓鈕,父景明爲章氏所養,因改姓焉。 后母

郡錢仲方女,早卒,後乃聘后。 后少聰慧,美容儀,手爪長五寸,色並紅白。每有春功之服,則一爪先折。 武帝先娶同

卒,與后父葬吳興。 明年,追封后父爲廣德縣侯,諡曰溫。 父梁散騎侍郎<u>景明</u>特進、金紫光祿大夫,加金章紫綬。拜后母<u>蘇安吉縣</u>君。二年,安吉君 后善書計,能誦詩及楚辭。帝爲長城縣公,后拜夫人。永定元年,立爲皇后。 追贈后

尊后爲皇太后,宮曰<u>慈</u>訓。 武帝崩,后與中書舍人蔡景歷定計,秘不發喪。 廢帝即位,后爲太皇太后。 時衡陽獻王昌未至,召文帝。及卽位,

丙申,崩于紫極殿,時年六十五。 光大二年,后下令黜廢帝爲臨海王, 遺令喪事並從儉約,諸饋奠不用牲牢。 ,命<u>宣帝</u>嗣立。<u>太建元年,復爲皇太后。二年三月</u> 其年四月,羣臣上

諡曰宣,祔葬萬安陵。

列傳第

后

妃下

后親屬無在朝者,唯本族兄鈕洽官至中散大夫。

爲臨 同 中歸于文帝。 川王 追贈后母高爲綏安縣君,諡曰定。廢帝卽位,尊后爲皇太后,宮曰安德 文沈皇后諱妙容,吳興武康人也。父法深,梁安前中錄事參軍。后年十歲餘,以梁大 妃。 文帝卽位,爲皇后。追贈后父法深光祿大夫,加金章紫綬,封建城縣侯,諡曰 武帝之討侯景,文帝時在吳興,及后並被收,景平,乃獲免。 武帝踐阼,后

自入 宣帝將出,毛喜止帝曰:「今若出外,便受制於人,如曹爽願作富家公不可得也。」「己宣帝乃 意。」喜又言於廢帝,廢帝曰:「此自師知等所爲,(10)非朕意也。」喜出報宣帝,帝因囚 稱疾,召師知留與語,使毛喜先入,言之於后。 后曰:「今伯宗年幼,政事並委二郎,此非我 而宣帝爲揚州刺史,與左右三百人,入居尚書省。師知忌宣帝權重,矯敕令還東府理 見后及帝,極陳師知之短。 時宣帝與僕射到仲舉、舍人劉師知等,並受遺輔政。 仍自草敕請畫,以師知付廷尉,其夜於獄賜死。 師知與仲舉恒居禁中,參決衆事, 自是政歸 師知。 州務。

后憂悶,計無所出,乃密賂宦者蔣裕,令誘建安人張安國使據郡反,冀因此圖帝。

事發被誅,時后左右近侍頗知其事,后恐連逮黨與,並殺之。

宣帝卽位,以后爲文皇后。陳亡入隋,大業初自長安歸于江南,頃之卒。

后兄欽,襲爵建城侯,位尚書左僕射。 飲素無伎能,奉己而已。 卒,諡曰成。 子觀嗣,

頗有學識,官至御史中丞。

封臨海嗣王。陳亡,入長安。后父固自有傳。 海王,后廢爲妃。 廢帝王皇后,琅邪臨沂人也。天嘉元年,爲皇太子妃。 至德中薨。 后生臨海嗣王至澤。 至澤,光大元年爲皇太子,太建元年,襲 廢帝卽位,立爲皇后。 廢帝為臨

有若成人。侯景之亂,后與弟盼往江陵,依梁元帝,帝以長城公主故,待遇甚厚,以配宣帝。 宣柳皇后諱敬言,河東解縣人也。曾祖世隆,祖惲,父偃,並有傳。后九歲,幹理家事,

承聖二年,后生後主於江陵。及魏剋江陵,宣帝遷于關右,后與後主俱留穰城。

一年,與後主還朝,后爲安成王妃。宣帝即位,立爲皇后。

列傳

第二

妃,甚有寵。后傾心下之,每尙方供奉物,其上者皆推於貴妃,而己御其次焉。 后美姿容,身長七尺二寸,手垂過膝。初,宣帝居鄉里,先娶吳興錢氏,及卽位,拜貴

弘範。是時新失淮南地,隋師臨江,又國遭大喪,後主患創不能聽政。其誅叔陵,供大行喪 宣帝崩,始興王叔陵爲亂,後主賴后與吳媼救而獲免。後主卽位,尊后爲皇太后,宮曰

事,邊境防守及百司衆務,雖假後主之赦,實皆決之於后。後主創愈,乃歸政焉。 東都,年八十三。葬于洛陽之芒山。 后性謙謹,未嘗以宗族爲請,雖衣食亦無所分遺。陳亡,入長安。隋大業十二年,薨於

時后尙幼,而毀瘠過甚。及服畢,每歲時朔望,恒獨坐涕泣,哀動左右,內外敬異焉。太建 元年,拜爲皇太子妃。[三後主即位,立爲皇后。 後主沈皇后諱婺華,吳興武康人也。父君理自有傳。后母卽武帝女會稽穆公主,早亡。

卒,居憂處別殿,哀毀逾禮。後主遇后旣薄,而張貴妃有寵,總後宮之政,后澹然未嘗有所 忌怨。而身居儉約,衣服無錦繡之飾,左右近侍纔百許人,惟尋閱圖史及釋典爲事。嘗遇 后性端靜,有識量,寡嗜欲,聰敏强記,涉獵經史,工書翰。後主在東宮,而后父君理

歲旱,自暴而誦佛經,應時雨降。 立張貴妃,會國亡不果,乃與後主俱入長安。及後主薨,后自爲哀辭,文甚酸切。 無子,養孫姬子胤爲己子。 數上書諫爭,後主將廢之,而

隋煬帝每巡幸,恒令從駕。及煬帝被殺,后自廣陵過江,於毗陵天靜寺爲尼,名觀音

真觀初卒。

娣,貴妃年十歲,爲之給使。 性聰慧,甚被寵遇。 張貴妃名麗華,兵家女也。父兄以織席爲業。後主爲太子,以選入宮。 後主見而悅之,因得幸,遂有娠,生太子深。後主卽位,拜爲貴 時襲貴嬪爲良

太后猶居柘梁殿,即皇后之正殿也。而沈皇后素無寵於後主,不得侍疾,別居求賢殿 後主始以始興王叔陵之亂,被傷,臥于承香殿。時諸姬並不得進,唯貴妃侍焉。 而柳

帶、縣楣、欄檻之類,皆以沈檀香爲之,又飾以金玉,間以珠翠,外施珠簾。內有寶牀寶帳,其 服玩之屬,瑰麗皆近古未有。每微風暫至,香聞數里,朝日初照,光映後庭。其下積石爲 |仙閣,並複道交相往來。 Щ ,引水爲池,植以奇樹,雜以花藥。後主自居臨春閣,張貴妃居結綺閣,襲、孔二貴嬪居望 至德二年,乃於光昭殿前起臨春、結綺、望仙三閣,高數十丈,並數十間。其窗牖、壁 又有汪、季二美人,江三張、薛二淑媛,袁昭儀、何婕妤、江修容等七

第

新聲。 等游宴,則使諸貴人及女學士與狎客共賦新詩,互相贈答。 采其尤豔麗者,以爲曲調,被以 <u>臨春樂等。其略云:「壁月夜夜滿,瓊樹朝朝新。」大抵所歸,皆美張貴妃、孔貴嬪之容色。</u> 有寵,遞代以游其上。以宮人有文學者袁大拾等爲女學士。後主每引賓客,對貴妃 選宮女有容色者以千百數,令習而歌之,分部迭進,持以相樂。其曲有玉樹後庭花、

善候 淫祀 視 **眄睞**,光彩溢目,照映左右。 嘗於閣上靚粧,臨于軒檻,宮中遙望,飄若神仙。 於宮中,聚諸女巫使之鼓舞。 人主顏色。薦諸宮女,後宮咸德之,競言其善。又工厭魅之術,假鬼道以惑後主。置 張 (貴妃髮長七尺,鬒黑如漆,其光可鑑。 特聰慧,有神彩,進止閑華,容色端麗。 才辯强記, 每瞻

於是張 貴妃 井,隋軍出之,晉王廣命斬之於靑溪中橋。日司 貴 膝 內外交結,轉相 (妃,貴妃則令)字、||蔡先啓其事,而後從容爲言之。 大臣有不從者,因而 上共決之。一次、蔡所不能記者、貴妃並爲疏條、無所遺脫。因參訪外事,人間有一言一事, 必先知白之,由是益 時後主总於政事,百司啓奏,並因宦者蔡臨兒、李善度進請,後主倚隱囊,置張貴妃於 孔 之權,熏灼四方,內外宗族,多被引用,大臣執 引進。 賄賂公行,賞罰無常,綱紀瞀亂矣。 |加寵異,冠絕後庭。而後宮之家,不遵法度,有絓於理者,但求恩於 政,亦從風 及隋軍剋臺城,貴妃與後主俱入 而靡。閥宦便佞之徒, 譖之,言無不聽。

以德升,姬嬙並御,進非色幸,欲使情有覃被,愛罔偏流,專貞內表,妖蠱外息,乃可以輔興 隨 事升降,以立節文。 論 曰:飲食男女,人之大欲存焉,故聖人順于人情而爲之度。 若夫義篤閩闈,政刑邦國,古先哲王有以之致化矣。 王宮六列,士室二等,皆 夫后妃專夕,配

君德、燮理陰政。

歲時不過肴漿,斯爲美矣。及文帝之傾惑潘嫗,謀及婦人,大明之淪沒殷姬,並后匹嫡,其 爲喪敗,亦已甚矣。 於軍署,徵引極乎廝阜,非若晉氏采擇,濫及冠冕者焉。而愛止帷房,權無外授,戚屬餼贅, 宋氏因晉之舊典,聘納有方,俔天作儷,必四岳之後。自元嘉以降,內職稍繁, 所選止

風大扇,哲婦傾城,同符殷、厦,可以垂誠,其在斯乎。 承閑奏曲,事由私蓄,無損國儲。明帝統業,矯情儉陋,奉己之制,曾莫云改。東昏喪道,侈 位,運藉休平,壽昌前興,鳳華晚構,香栢文檉,花梁繡柱,雕金鏤寶,照燭房帷,趙瑟吳趨, 顯瑞,徒萃徽名。高皇受命,宮禁貶約,衣不文繡,色無紅采,永巷貧空,有同素室。 齊氏孝、昭二后,並有賢明之訓,惜乎早世,不得母臨萬國。 有婦人焉,空慕周典,禎符 武帝嗣

列

梁武志在約己,示存宮掖,雖貴嬪之徽華早著,誕育元良,唯見崇重,無聞正位。 徐妃

無行,其殲滅也宜哉。

無聞於喪德,後主嗣業,實敗于椒房,旣曰牝晨,亦唯家之索也。 陳武撫茲歸運,奄開帝業。若夫儷天作則,變隆王化,則宣太后其懿焉。文、宜宮童,

校勘記

CID 忽見庭前昌蒲花 「昌蒲」下,梁書及太平御覽九九九有「生」字。

驚報侍者皆云不見 梁書作「后驚視,謂侍者曰:『汝見不?』對曰:『不見。』」「警視」此作「驚

報」。

八】〕諡曰獻 「獻」各本作「文獻」。「文」字衍文,據梁雲删。

及終化爲龍入于後宮井「井」字各本並脫、據太平御覽九二九補。按下文云「於露井上爲殿」,

則此當有「井」字。

(五)又奏爲貴嬪 「爲」各本作「初」,據梁書改。

C六〕帝所立經義 「經」字各本並脫,據梁書補。

天監七年八月生元帝于後宮 「七年」各本作「六年」。王鳴盛十七史商権五九、「按帝於承聖三

三年十一月爲魏人所戕,梁書云年四十七。 從是年逆溯至天監七年,恰四十七。」據元帝紀及册

府元龜一八二改。

<u>ハ</u> ハ *い* 大同九年六月薨于江州正寢 「九年」各本作「六年」。王鳴盛十七史商権五九據梁元帝所著金

樓子云,「阮太后生於宋順帝昇明元年丁巳,薨於大同九年癸亥,年六十七。自丁巳至癸亥,正樓子云,「阮太后生於宋順帝昇明元年丁巳,薨於大同九年癸亥,年六十七。自丁巳至癸亥,正

六十七年」。按王說是,今改正。

八九山 如曹爽願作富家公不可得也 「富家公」按三國魏志曹爽傳裴注引魏氏春秋作

「富家翁」。

}陳

書亦作「富家翁」。

[10] 此自師知等所爲 「所」字各本並脫,據陳書補。

太建元年拜爲皇太子妃 「元年」各本作「二年」。按陳書及本書宣帝紀並作「元年」,今據改。

[1三] 又有王季二美人 「季」陳書作「李」。

晉王廣命斬之於靑溪中橋 各本脱「橋」字,據通志補。 按陳書作「晉王廣命斬貴妃, 膀於青溪

中橋」。

南史卷十三

列傳第三

宋宗室及諸王上

長沙景王道憐 臨川烈武王道規 鮑照 營浦侯遵考

武帝諸子

長沙景王道憐、「日宋武帝中弟也。謝琰爲徐州、命爲從事史。武帝剋京城及平建鄴、

公。及討司馬休之,道憐監太尉留府事。江陵平,為驃騎將軍、開府儀同三司、荆州刺史,護 道憐常留侍太后,後以軍功封新渝縣男。從武帝征廣固,所部獲慕容超,以功改封竟陵縣

南蠻校尉,加都督,北府文武悉配之。

空、徐克二州刺史,加都督,出鎭京口。 道憐素無才能,言音甚楚,舉止多諸鄙拙,畜聚常若不足。去鎭日,府庫爲空。 武帝受命,遷太尉,封長沙王。 徴拜司

列傳第三 朱宗室及睹王上

豈不如十歲兒邪。了上曰:「車士雖爲刺史,事無大小,皆由害奴。 道憐年長,不親其專,於聽 **一寄奴於道憐,豈有所惜。** 廬陵王 |義眞爲揚州刺史,太后謂上曰:「道憐汝布衣兄弟, 揚州根本所寄,事務至重,非道憐所了。」太后曰:「道憐年五十, 宜用爲揚州。」上曰

望不足。」太后乃無言,竟不授。

脩縣公檀道濟、故青州刺史龍陽縣侯王鎭惡,並勒功天府,[三配祭廟庭。 馬臨川烈武王、故司徒南康文宣公劉穆之、開府儀同三司華容縣公王弘、開府儀同三司永 車、挽歌二部,前後羽葆、鼓吹,虎賁班劍百人。文帝元嘉九年,詔故太傅長沙景王、故大司 永初三年薨,加贈太傅,葬禮依晉太宰安平王字故事,鸞輅九旒,三黃屋左蠹, 醖輬

道憐子義欣嗣,位豫州刺史,鎭壽陽,境內畏服,道不拾遺,遂爲盛蔣强鎭。 薨,贈開府

儀同三司,諡曰<u>成</u>王。

子悼王瑾嗣,傳爵至子,齊受禪,國除。

圖示征西將軍蔡興宗,興宗戲之,陽若不解畫者,指韞形問之曰:「此何人而在輿。」鰮曰: **谨弟韞字彥文,位雍州刺史,侍中,領右衞將軍,領軍將軍。昇明元年,四被齊高帝誅。** 嘗以

政是我。」其庸鄙類如此。

之,問其母安否。|述曰:「惟有愁惛。」次訪其子,對曰:「所謂父子聚應。」蓋謂塵爲憂也 酒肉令促進之,皆莫知其意。或問焉,答曰:「禮云,有疾飲酒食肉。」述又嘗新有總慘,或詣 **韞弟述字彥思,亦甚庸劣。** 從子俱疾危篤,父彥節母蕭對之泣,述嘗候之,便命左右 取

鄙,爲郢州刺史,暑月露褌上聽事,時綱紀政伏閤,怪之,訪問乃知是톓。 有質幹,善於用短楯。至卒諡恭侯。子孝侯閎嗣,無子,弟襲以子熀繼 義欣弟義融封桂陽縣侯,邑千戶。凡王子爲侯,食邑皆千戶。議融位五兵尚書,領軍 襲字茂德,性庸

横打人,入義宗第蔽隱,免官。德靈以姿色,故義宗愛寵之。義宗卒於南兗州刺史,諡曰惠 義融弟義宗,幼爲武帝所愛,字曰伯奴,封新渝縣侯,位太子左衞率。 坐門生杜德靈放

佚。子懷珍嗣,無子,弟 彦節以子承繼。

徽元年,領吏部,加兵五百人。 軍,所給加兵,自隨入殿。封當陽侯,與齊高帝、袁粲、褚彥回分日入直,平決機事, 爾,今日迺可一門同盡,無容奉敕。」衆以此稱之。後廢帝卽位,累遷尚書左僕射,參選。「元 **今**,加撫軍將軍。 口血出,衆疑遐行毒害。孝武使彥節從弟祗諷彥節啓證其事。彥節曰:「行路之人尙不應 彦節少以宗室淸謹見知,孝武時,其弟遐坐通嫡母殷氏養女<u>雲敷,殷</u>每禁之。 及帝廢爲蒼梧王,彥節出集議,於路逢從弟韞。韞問曰:「今日之事,故當 桂陽王休範爲逆,中領軍劉勔出守石頭,逐節權兼領 及殷亡, 遷中書 軍將

王

上

踰 歸 **節旣貴,士子自非三署不得上方榻,時人以此少之。其妻蕭思話女也,常懼禍敗,每謂曰:** 劉實、建康令劉遐密告齊高帝,高帝夜使驍騎將軍王敬則收殺之,伯興亦遇害。 粲敗,彥節 **彥節歠羹寫胸中,手振不自禁。其主簿丁靈衞聞難卽入,語左右曰:「今日之事,難以取濟。** 素怯,騷擾不自安。再晡後,便自丹陽郡車載婦女,盡室奔石頭。 兵,齊高帝入屯朝堂,袁粲鎭石頭,潛與彥節及諸大將黃回等謀夜會石頭,詰旦乃發。 咸云此 公,萬死何恨。」從弟體直省內,與直閣將軍卜伯興謀其夜共攻齊高帝,會逐節事覺,秣陵令 但 「君富貴已足,故應爲兒作計。」彥節不從,故及禍。 而 惡之。 城走,於額檐湖見禽被殺。 我受劉公厚恩,義無二情。」及至見燦,燦驚曰:「何遽便來,事今敗矣。」彥節曰:「今得見 爲所句。事敗,假與弟陔剃髮被法服向京口,於客舍爲人識,執於建康獄盡殺之。彥 順帝卽位,轉尚書令。 彥飾子假嘗賦詩云:「城上草,植根非不高,所恨風霜早。」時 時齊高帝輔政,彥節知運祚將遷, 臨去,婦蕭氏强勸令食, 密懷異圖。及沈攸之舉 彦節

見誅。遐 **彥節當權,遐累求方伯。 彥節弟遐字彥道,爲嫡母殷暴亡,有司糾之,徙始安郡。後得還,位吳郡太守,至是亦** 人才甚凡,自諱名有同主諱,常對客曰:「孝武無道,見枉殺母。」其 |彥節日:「我在事,而用汝作州,於聽望不足。」||遐曰:「富貴則言不 . 頑騃若此。及

可相關,從坐之日得冤不。」至是果死。

不識 識 始興 義宗 |士衡,何忽見苦。」其庸塞皆然。位湘州刺史,諡僖侯。 |王濬嘗謂曰:「陸士衡詩云,『營道無烈心』,其何意苦阿父如此。」義綦曰:「下官初 弟義賓、封興安侯、位徐州刺史。卒、諡曰肅侯。 義賓弟義綦,封營道縣侯,凡鄙無

江陵 無忌 校 尉、荆州 征 之平,道規 追 虜 臨 一破之。 争 JII 且 兵參軍。 烈武王道規字道則,武帝少弟也。倜儻有大志,預謀誅桓玄。時桓弘鎭廣陵,以 可 刺史,加都督。 頓 無忌欲乘勝直造江陵。「私」道規曰:「諸桓 兵以 推毅 計策縻之。」無忌不從,果爲振敗。 武帝剋京城,道規亦以其日與劉毅、孟昶斬弘。 爲元功,無忌 善於刑 政,士庶畏 爲次,自居其末。 而 愛之。 以起義勳,封華容縣公,累遷領護南蠻 乃退還專陽,繕舟甲復進,遂平巴陵。 世居西楚,羣小皆爲竭力,桓振勇冠 玄敗走,道規 與劉毅、何

以 尋陽 謙爲荆州 盧循寇逼 爲循黨荀林 刺 建鄴, 史, 與其大將 所破。 道規 遣司 林乘勝伐江陵,聲言徐道覆已剋建鄴。而 識道 馬王鎭之及揚武將軍檀道濟、廣武將軍到彥之等赴援 福俱寇江陵。 道規乃會將士告之曰:「吾東來文武足以濟 桓 謙 自長安 入蜀,譙縱 朝廷,

列

体

第

宋

宗室

及

賭

王上

巴陵。初,謙至枝江,江陵士庶皆與謙書,言城內虛實。 「非吾自行不決。」乃使宗之居守,委以心腹,率諸將大敗謙,斬之。諮議劉遵追荀林, 之未可測。 ,,欲去者不禁。」因夜開城門,衆咸憚服,莫有去者。 雍州刺史魯宗之自襄陽來赴,或謂宗 道規乃單車迎之,衆咸感悅。 衆議欲使檀道濟、到彥之共擊荀林等。 道規一皆焚燒,衆乃大安。 道規曰

得游軍之力,衆乃服焉。遵字慧明,臨淮海西人,公道規從母兄也,位淮南太守,追封監利 愈厲,遵自外橫擊,大破之。初使遵爲游軍,衆咸言不宜割見力置無用之地。及破道覆,果 漢 士庶威其焚書之思,無復二志。道規使劉遵爲游軍,自拒道覆,至前驅失利。 徐道覆奄至破冢,魯宗之已還襄陽,人情大震。或傳循已剋都,遣道覆上爲刺史。 道規壯氣

旒,黄屋左纛,給節鉞,前後部羽葆、鼓吹,虎賁班劍百人。及長沙太妃檀氏、臨川太妃曹氏 後薨,葬皆準給。 |義慶爲||州,廟主當隨往江陵,文帝下詔褒美勳德及慈蔭之重,追崇丞相, 義慶嗣。初,文帝少爲道規所養,武帝命紹焉。咸以禮無二繼,文帝還本,而定義慶爲後 徒、諡曰烈武、進封南郡公。武帝受命、贈大司馬、追封臨川王。 道規進號征西大將軍、開府儀同三司,改授豫州,以疾不拜。 無子,以長沙景王第二子 義熙八年薨于都,贈司 加殊禮,鸞輅九

義慶幼爲武帝所知,年十三襲封南郡公。永初元年,襲封臨川王。元嘉中爲丹陽尹。

以爲「玄象茫昧,左執法嘗有變,王光祿至今平安。日蝕三朝,天下之至忌,晉孝武初有此 孝道」。六年,加尚書左僕射。八年,太白犯左執法,義愿懼有災禍,乞外鎮。文帝詔諭之, 暴,本由於酒,論心卽實,事盡荒耄。豈得以荒耄之王母,等行路之深讎,宜共天同域,無虧 之冤,理不可奪。至於骨肉相殘,當求之法外。禮有過失之宥,律無讎祖之文。況趙之縱 異。彼庸主耳,猶竟無他」。義慶固求解僕射,乃許之。 有百姓黃初妻趙殺子婦遇赦,應避孫讎。義慶議以爲「周禮父母之仇,避之海外,蓋以莫大

敍,以述皇代之美。 江州,亦有此制。在州八年,為西土所安。撰徐州先賢傳十卷奏上之。又擬班固典引為典 覺授。[4]義慶留心撫物,州統內官長親老不隨在官舍者,一年聽三東餉家。先是,王弘爲 武帝諸子徧居之。義慶以宗室令美,故特有此授。性謙虚,始至及去鎭,迎送物並不受。十 一年,普使內外羣臣舉士,義慶表舉前臨沮令新野庾實、前徵奉朝請武陵龔祈、處士南陽師 九年,出爲平西將軍、荆州刺史,加都督。荆州居上流之重,資實兵甲居朝廷之半,故

愛好文義,文辭雖不多,足爲宗室之表。歷任無浮淫之過,唯晚節奉沙門頗致費損。少善 改授江州,又遷南兗州刺史,並帶都督。尋卽本號加開府儀同三司。性簡素,寡嗜慾,

騎

乘,及長,不復跨馬,招聚才學之士,遠近必至。太尉袁淑文冠當時, 義慶在江州請為衛

軍諮議。 其餘吳郡陸展、東海何長瑜、鮑照等,並有辭章之美,引爲佐吏國臣。[10]所著世說

十卷,撰集林二百卷,並行於世。 ` 文帝每與義慶書,常加意斟酌。

卑,不可輕忤大王。」照勃然曰:「千載上有英才異士沉沒而不聞者,安可數哉。大丈夫豈可 爲美瑞。照爲河淸頌,其序甚工。照始嘗謁義慶未見知,欲貢詩言志,人止之曰:「卿位尙 鮑照字明遠,東海人,文辭贍逸。嘗爲古樂府,文甚遒麗。元嘉中,河濟俱淸,當時以

及,照悟其旨,爲文章多鄙言累句。咸謂照才盡,實不然也。臨海王子頊爲荆州,照爲前 擢爲國侍郎,甚見知賞。遷|秣陵令。|文帝以爲中書舍人。[11] 上好爲文章,[111] 自謂人莫能

軍參軍,掌書記之任。子項敗,爲亂兵所殺。

還朝。二十一年,薨于都下,追贈司空,諡曰康王。子哀王曄嗣,爲元凶所殺。曄子綽嗣, 義慶在廣陵有疾,而白虹貫城,野屬入府,心甚惡之。因陳求還,文帝許解州,以本號

昇明三年見殺,國除。

帝初卽位,封營浦縣侯。 太守,鎭蒲坂。 父涓子,彭城內史。始武帝諸子並弱,宗室唯有遵考。及北伐平定,以爲幷州刺史,領河東 爲有司所糾,上寢不問。 營浦侯遵考,武帝族弟也。曾祖淳,皇曾祖武原令混之弟,位正員郎。祖巖,海西令。 關中失守,南還,再遷冠軍將軍。晉帝遜位,居秣陵宮,遵考領兵防衞。 元嘉中,累遷寧蠻校尉、雍州刺史,加都督。爲政嚴暴,聚斂無節, 孝武大明中,位尚書左僕射,領崇憲太僕。 後老疾失明。 元徽元 武

不得並,琨之老父在,將安之乎。」、誕殺之。後贈黃門郎,詔謝莊爲誄。 觀父爲楚國之寶。未聞以琴瑟爲寶。」誕忸然不悅。|誕之叛,以爲中兵參軍。 罰焉。|琨之諫,|誕日:「此余寶也。」|琨之日:「前哲以善人爲寶,不以珠玉爲寶,故|王孫圉稱 子澄之,昇明末貴達。澄之弟琨之爲竟陵王誕司空主簿。 誕有寶琴,左右犯其徽, 辭曰:「忠孝

年卒,贈左光祿大夫、開府儀同三司,諡曰元公。

遵考從父弟思考亦官歷淸顯,卒於散騎常侍、金紫光祿大夫。

明帝言其有異迹。 中,爲平西蕭遙欣長史、南郡太守。遙欣多招賓客,明帝甚惡之。季連有憾於遙欣,乃密表 子季連字惠續,早歷淸官。齊高帝受禪,將及誅,太宰褚彦回素善之,固請乃免。建武 明帝乃以遙欣爲雍州刺史,而心德季連,以爲益州刺史,令據遙欣上流

列傳第

遂嚴愎酷很,土人始怨。

吏皆泣對之。遂寧人龔愜累世有學行,辟爲府主簿。及聞東昏失德,稍自驕矜。性忌福, 季連父思考,宋時爲益州,雖無政績,州人猶以義故,故善待之。季連存問故老,見父時人

青石, 誑百姓云, 天與己玉印, 當王屬。季連遣中兵參軍李奉伯大破獲之。 將刑, 謂刑人 州郡遂多叛亂。明年十月,巴西人趙續伯反,奉其鄉人李弘爲聖主。弘乘佛興,以五綵裹 永元元年九月,因聲講武,遂遣中兵參軍宋買以兵襲中水穰人李託。買戰不利,退還,

社稷、退不失作劉備、欲以此安歸乎。」遂矯稱齊宣德皇后令、復反、收朱道琛殺之。書報朱 爲質,季連許之。旣而召兵算之,精甲十萬。臨軍歎曰:「據天嶮之地,握此盛兵,進可以匡 季連、季連以爲然。又惡昔之不禮元起,益憤懣。司馬朱士略說季連求爲巴西郡守,三子 及至,言語不恭,又歷造府州人士,見器物輒奪之,曰「會屬人,何須苦惜」。軍府大懼,言於 朱道琛者,嘗爲季連府都錄,無賴,季連欲殺之,逃免。至是說元起請先使檢校緣路奉迎。 裝。武帝以西臺將鄧元起爲益州刺史。元起,南郡人,季連爲南郡時,待之素薄。元起典籤 士略,兼召陪令李膺,並不受命。 曰:「我須臾飛去。」復曰:「汝空殺我,我三月三日會更出。」遂斬之。 梁武帝平建鄴,遣左右陳建孫送季連二子及弟通直郎子深喻旨,己己季連受命,修還

季連謝 中 餓 死者相枕,又從而相食。二年,乃肉祖請罪。 天監 目 元年六月、元起至巴西、季連遣其將李奉伯拒戰、見敗。 早知如此,豈有前日之事。」元起誅李奉伯,送季連還都。 元起遷季連于外, 季連固守,元起圍之。 俄而造焉,待之以禮。 將發,人莫之視,唯襲 城

初,元起在道,懼事不集無以賞,士之至者皆許以辟命,於是受別駕、中從事檄者

連在蜀,殺其父。 會不及公孫述,豈無臥龍之臣乎。」赦爲庶人。 季連旣至,詣闕謝罪,自東掖門入,數步一稽首以至帝前。 變名走建鄴,至是報焉。 乃面縛歸罪,帝壯而赦之。 四年,出建陽門,爲蜀人藺相如 帝笑謂曰:「卿欲慕劉備而 所殺。四季

將二千人。

愜送焉。

王 [義康] 桓美人生江夏文獻 宋 武帝七男:張夫人生少帝,孫修華生廬陵孝獻王義眞,胡婕妤生文帝,王修容生彭城 王義恭,孫美人 生南 郡王義宣,呂美人生衡陽文王 義

廬陵 孝 獻 王 義眞,美儀貌,神情秀徹。 初封桂陽縣公。 年十二,從北征。 及關中平,武

上

手 然,慰譬曰:「受命朝廷,不得擅留。今留第二兒與文武才賢共鎭此境。」「己的臨還,自執義眞 上 衣 兆 帝 流 以授王脩、令脩執其子孝孫手授帝。義眞又進都督持、東秦二州,領東秦州刺史。 王脩爲長史,委以關中任。帝將還,三秦父老泣訴曰:「殘生不霑王化,於今百年。 東還,日三欲留偏將,恐不足固人心,乃以義眞爲雍州刺史,加都督。 冠,方仰聖澤。 近戶多在 關中、望得歸本。及置康秦州、父老知無復經略隴右、固關中之意,咸共歎息。 長安十陵,是公家墳墓,咸陽宮殿,是公家屋宅,拾此何之。」武帝爲 以太尉諮議參軍京 時隴 之憫 始覩

霸城 若 眞 朱齡石代義眞鎭關中,使義眞疾歸。諸將競斂財貨,方軌徐行。 鎭 泣 而 識 曰:「死生共之,下官不忍。」乃束義眞於背,單馬而歸。 至,何以待之。」賊追兵果至。至靑泥,大敗,義眞獨逃草中。中兵參軍段宏單騎追尋,義 赫連勃勃寇逼交至。 惡欲反,故田子殺之;脩殺田子,豈又欲反也。」義眞使左右劉乞殺脩。脩字叔,曰己京兆 其聲,日:「君非段中兵邪? 人。初南度見桓玄,玄謂曰:「君平世吏部郎才也。」脩旣死,人情離異。武帝遣右將軍 沈 田子旣殺王鎭惡,王脩又殺田子,兼裁減義眞賜左右物。左右怨之,因白 身在此。行矣,必不 兩全,可刎身頭以南,使家公望絕。」宏 義眞謂宏曰:「丈夫不經此,何以 建威將軍傅弘之曰:「虜騎 [義眞日:

知

く艱難。」

尋爲 司 初,武帝未得義眞審問,怒甚,剋日北伐。謝晦諫不從,及得宏啓,知義眞줲乃止。 州刺史,加都督。 以段宏爲義眞諮議參軍。 宏鮮卑人,爲慕容超尚書左僕射, 義眞

伐廣固歸降。

深怨執政,表求還都 因宴舫裏,使左右剔母舫函道施己船而取其勝者,及至歷陽,多所求索,羨之等每不盡與。 賞,故與游耳。」將之鎭,列部伍於東府前。旣有國哀,義眞與靈運、延之、慧琳等坐視部伍, 慧琳道人爲西豫州刺史」。徐羡之等嫌義眞與靈運、延之昵狎過甚,使故吏范晏戒之。日公 德業,與陳郡謝靈運、琅邪顏延之、慧琳道人並周旋異常,云「得志日,以靈運、延之爲宰相, 府儀同三司、南豫州刺史,加都督,鎭歷陽。未之任而武帝崩。義眞聰敏,愛文義,而輕動無 蔡茂之問其故。 義眞曰:「靈運空疎,延之隘薄,魏文云『鮮能以名節自立』者。但性情所得,未能忘言於悟 義真改揚州刺史,鎭石頭。永初元年,封廬陵王。武帝始踐阼,義眞色不悅,侍讀博士 對曰:「安不忘危,何可恃也。」明年遷司徒。 武帝不豫,以爲車騎將軍、開

晦不甚答,還曰:「德輕於才,非人主也。」由是出居于外。及羨之等專政,義眞愈不悅。 至 重,不可使負荷非才。」帝曰:「廬陵何如。」晦曰:「臣請觀焉。」晦造義眞,義眞盛欲與談, 初,少帝之居東宮,多狎羣小,謝晦嘗言於武帝曰:「陛下春秋旣高,宜思存萬代。神器

傳第三

朱宗室

及諸王上

寮爲庶人,徙新安郡。 少帝失德,羡之等謀廢立,次第應在義眞。 前吉陽令張約之上疏諫,徙爲梁州府參軍,日也尋殺之。 以義眞輕診,不任主社稷,因其與少帝不協,奏

柩,幷孫修華、謝妃一時俱還。 王如故。贈張約之以郡。 景平二年,羨之等遣使殺義眞於徙所,時年十八。元嘉元年八月,詔追復先封,迎靈 三年正月,誅徐羨之、傅亮等。是日, 詔追崇侍中、大將軍,

子,以南平王鑠子敬先嗣。 義眞無子,文帝以第五子紹字休胤嗣,公司襲廬陵王。紹少寬雅,位揚州刺史。

驃騎將軍、開府儀同三司。元嘉三年,改授都督、荆州刺史,給班劍三十人。 彭城王義康,永初元年,封彭城王。歷南豫、南徐二州刺史,並加都督。文帝卽位,爲

指數,至是待遇特隆,動皆諮訪,故前後在藩多善政。九年,王弘薨,又領揚州刺史。十二 讓,自是內外衆務一斷之義康。太子詹事劉湛有經國才用,義康昔在豫州,湛爲長史,旣素 徒、錄尚書事、都督、南徐州刺史。二府置佐領兵,與王弘共輔朝政。弘旣多疾,且每事推 議康少而聰察,及居方任,職事修理。六年,司徒王弘表義康宜還入輔。徵爲侍中、司義康少而聰察,及居方任,職事修理。六年,司徒王弘表義康宜還入輔。徵爲侍中、司

年,又領太子太傅。

康亦自强不息,無有懈倦。府門每旦常有數百乘車,雖復位卑人微,皆被接引。又聰識過 錄命斷之。凡所陳奏,入無不可,方伯以下,並委養康授用,由是朝野輻湊,權傾天下。議 湯藥飲食,非口所嘗不進。或連夕不寢,彌日不解衣。內外衆事,皆專決施行。 負。|文帝有虚勞疾,每意有所想,便覺心中痛裂,屬纊者相係。|義康入侍醫藥,盡心衞奉, 之。愛惜官爵,未嘗以階級私人。凡朝士有才用者,皆引入己府,自下樂爲竭力,不敢欺 一聞必記,嘗所暫遇,終身不忘。稠人廣坐,每標題所憶,以示聰明,人物益以此推服 義康性好東職,銳意文案,糾剔是非,莫不精盡。旣專朝權,事決自己,生殺大事,皆以

「身不讀書,君無爲作才語見向。」其淺陋若此。旣闇大體,自謂兄弟至親,不復存君臣形 以次者供御。上嘗冬月噉柑,歎其形味並劣。養康在坐,曰:「今年柑殊有佳者。」遣還東府 迹。率心而行,曾無猜防。私置僮六千餘人,不以言臺。時四方獻饋,皆以上品薦義康,而 其年,答曰:「鄧仲華拜袞之歲。」義康曰:「身不識也。」淑又曰:「陸機入洛之年。」義康曰: 取枯,大供御者三寸。 十六年,進位大將軍,領司徒。義康素無術學,待文義者甚薄。袁淑嘗詣義康,義康問

僕射殷景仁爲帝所寵,與劉湛素善,而意好晚乖,湛常欲因宰輔之權傾之。 列 第 氽 室 及 醏 王 £

咸康立康帝 所 盡忠奉 自入,見帝疾篤,皆謂宜立長君。 司 徒右 保持,義康 國不 長史擢爲左長 同己者,必搆以罪黜。 舊事,義康 屢言不見用,湛愈憤。 史。 不 知 從事 也。 中郎琅邪 及帝疾瘳,微聞之;而斌等旣爲義康所 上嘗危殆,使義康 每采景仁短長,或虛造同異以告湛,自是主 南陽劉 義康、景仁並不答,「三一而胤秀等輒 王履 斌,湛之宗也, 、主簿 具顧 沛 郡 劉 命 有涉俗才用。三 詔。 敬文、祭酒魯郡 義康還省,流涕以告湛 龍, 遂結 就尚書儀曹 孔 」 爲義· 胤 相 秀 朋黨, 康 之勢分矣 並 所 以 知 索晉 若有 及 傾 景 自 側

年, 之、永 丹陽 慰 孙 義康 殿內,以 日:「恨公不讀數百卷書。」征虜司馬蕭斌爲義康所昵, 視。 刺 乃收劉湛; 丞孔文秀、司空從事 史,出鎭豫章,實幽之也。 又欲以斌代之。上時未有所擬,倉卒曰:「我已用王鴻。」上以嫌隙旣成,將致 義 興令顏遙之、湛弟黃門郎素、斌弟給事 於省 康 備 欲 非 奉辭,便下渚,上唯對之慟哭,遣沙門慧琳 以斌爲丹陽尹 常。 又誅斌及大將軍錄事參軍劉敬文幷賊曹孔劭秀、中兵邢懷明、主簿孔 義康時入宿,留止中書省,遣 中郎司 **、**,言其家貧。 停省十餘日,桂陽侯義融、新渝 馬亮、 烏程 上覺之,曰:「以爲吳郡。」後會稽太守羊玄保 中溫於 令盛曇泰; 人宣旨告以湛等罪。 廣州,王履廢於家。 視 徙尙書庫部 劉斌等讒之被斥,乃以斌爲諮議, 之。 義康 侯義宗、 曰:「弟子有還理 郎何 義康上表遜位,改授江 青州刺 秘書監徐湛之往 . 默子 史杜 餘姚 大 禍,十七 不ご琳 驥 令韓景 胤 求還, 兵

領豫章 太守,事無大小皆委之。 司徒主簿謝綜素爲義康所狎,以爲記室。 左右愛念者並聽

隨 從至 豫章 辭 州 見許,資奉優厚,朝廷大事,皆報示之。

義 康 未敗時,東府聽事前井水忽涌,野雉 江 一鷗並入所住齋前。 龍驤參軍巴東扶令育上

表申明義康,奏,卽收付建康獄賜死。曰司

不 日:「必 曉 、其意,起自扶之,主曰:「<u>車子</u>歲暮,必不見容, 特乞其命。」因慟哭。 會 福長 無 此 慮,若違 公主於兄弟爲長,帝所親敬。 今誓,便是負初寧陵。」即封所飲酒賜義康曰:「會稽姊飲憶弟,所飲餘, 上嘗就主宴集甚歡,主起再拜頓首,悲不自勝。上 上亦流涕,指蔣山

徙安成郡。 十二年,太子 義康 在安成讀漢書 詹事范曄等謀反,事連義康,詔特宥大辟,幷子女並免爲庶人,絕屬籍 見淮南 厲王 長事 ,<u>廢書歎曰:「前代乃有此,我得罪爲宜也。</u>

今封送。」車子,義康

小字也。

明 藥, 奏可 僕 四 射 年 何 未行,會魏軍至瓜步,天下擾動, 義康 干 尙 佛教 之並言宜早 四 年, 女玉 自 殺 豫章胡誕世、前吳平令袁惲等謀奉戴義康,太尉江 不復 秀等乞反 爲之所。 人身。」 葬舊坐,詔 乃以被掩殺之, 二十八 聽之。 年正月, 上慮 有異 以侯禮葬安成郡。 遣中書舍人嚴麝持藥賜 志者奉義康 爲 亂,孝武時鎮彭城及尚 子允, . 夏王義恭奏徙義康廣州 元凶殺之。 死。〔三義康不 孝武大 ·肯服 書左

Ŀ

江夏文獻王義恭,幼而明疑,姿顏端麗,武帝特所鍾愛。 帝性儉,諸子飲食不過五酸

盤。 義恭求須果食,日中無算,得未嘗噉,悉以與傍人。 諸王未嘗敢求,求亦不得。

元嘉六年, 爲都督、荆州刺史。 義恭涉獵文義, 而驕奢不節。及出藩,文帝與書賦

之 E

之累。 77、張飛, 禮賢下士,聖人垂訓,驕侈矜尙,先哲所去。豁達大度,漢祖之德,猜忌褊急,魏武 漢書稱衞靑云:「大將軍遇士大夫以禮,與小人有恩。」西門、安于,矯性齊美,關 任偏同弊。 行己舉事,深宜鑒此。 汝一月日自用不可過三十萬,若能省此

益美。

訊簿密與劉湛輩粗共詳論,愼無以喜怒加人。 西楚殷曠,常宜早起,接對賓侶。 園池堂觀,計無須改作。凡訊獄前一二日,可取 能擇善者從之,美自歸己。 不可專意自

决,以矜獨斷之明也。 凡事皆應愼密。 名器深宜慎惜,不可妄以假人。 刑獄不可壅滯,一月可再訊。 聲樂嬉游,不宜令過。

佐吏,非惟臣主自應相見。

不數則彼我不親,不親無因得盡人情,人情不盡,何由具知

宜數引見

領兵。 文帝安之。年給相府錢二千萬,他物稱此。而義恭性奢,用常不足,文帝又別給錢年至千 蕃,徵義恭爲侍中、都督揚南徐亮三州、司徒、錄尚譽事,領太子太傅。給班劍二十人,置佐 九年, 二十一年,進太尉,領司徒。 爲南兗州刺史,加都督,鎭廣陵。十六年,進位司空。明年,彭城王義康有罪出 義恭小心,且戒義康之失,雖爲總錄,奉行文書而已。

萬。

百里馬者,以賜義恭。

莫之敢犯。 濟居延,庶免劉仲奔逃之恥。」及魏軍至,義恭果欲走,賴衆議得停。降號驃騎將軍、開府儀 同 閉城自守。 時有獻五 二十七年,文帝欲有事河、洛,義恭總統羣帥,出鎭彭城。及魏軍至瓜步,義恭與孝武 魯郡孔子舊廟有栢樹二十四株、歷漢、晉,其大連抱。有二株先倒折,土人崇敬, 初,魏軍深入,上慮義恭不能固彭城,備加誠勒。義恭答曰:「臣雖未能臨瀚海, 義恭悉遣伐取,父老莫不歎息。又以本官領南兗州刺史,加都督,移鎭盱眙,修

還鎭東府。 人,至是,養恭求常所遺傳詔,閱遺之而後入。 一十九年冬,還朝,上以御所乘蒼鷹船上迎之。 遭太妃憂,改授大將軍、南徐州刺史。 元凶 肆逆,其日砌急召義恭。 先是,詔召太子及諸王,慮有詐妄致害者,召皆有 義恭凡府內兵仗,並送還臺。進位太保。

館字擬東城

武前 孝武 鋒至新亭,砌挾義恭出戰,故不得自拔。 砌疑義恭有異志,使入住尚書下省,分諸子並住神獸門外侍中下省。CIKJ孝 戰敗,義恭單馬南奔。 励大怒,遺始興王濬殺

義恭十二子。

增班劍爲三十人,以在藩所服玉環大綬賜之。上不欲致禮太傅,諷有司奏「天子不應加拜」, |義恭旣至,勸孝武卽位。授太尉、錄尚書六條事、假黃鉞。事寧,進位太傅,領大司馬,

從之。 四條。大抵「聽事不得南面坐施帳,國官正冬不得跣登國殿,公主妃傳令,不得朱服,輿不得 陵王 武以義宣亂逆,由於强盛,欲削王侯。 簿,諸王子繼體爲王者,婚葬吉凶,悉依諸國公侯之禮,不得同皇弟皇子; 車輿非軺車不得 過六隊,刀不得過銀銅飾,諸王女封縣主,諸王子孫襲封王之妃及封侯者夫人行,並不得 悉用絳,郡縣內史相及封內長官於其封君,罷官則不復追敬,不稱臣,諸鎭常行,車前 過二匹,「ロコ」胡伎不得綵衣,舞伎正冬著桂衣,不得莊面,諸妃主不得著繉帶,信幡非臺省官 重掆,鄣扇不得雉尾, 劍不 及南郡王義宣等反,又加黄鉞,白直百人入六門。事平,以臧質七百里馬賜義恭。 及立太子,東宮文案,使先經義恭 得鹿盧形,槊毦不得孔雀白氅,夾轂隊不得絳襖,平乘但馬不得 義恭希旨,請省錄尚書,上從之。又與驃騎大將軍竟 於是有司奏九條之格猶有未盡,更加附益,凡二十 不得 鹵

油 幢 "不乘船皆 下 兩 頭作露平形,不得擬象龍舟」。詔可。

卷, 起前漢訖晉 孝建二年,爲 太元 揚州 表上之。 刺 史,加 入朝 詔付 不 秘閣。 趨,贊拜不名,劍履上殿。 時西陽王子尚 有盛 固辭殊禮。 義恭 然解揚州 義恭撰要記 以避之。 乃

進位太宰,領司徒。

崩,遺 大事 容儀 州 不 須置 與沈慶之參決,若有軍 前 義 記:「義恭解尚 毎有祥 恭 廢帝即位 『府」。: 常慮 瑞輒 其餘制 爲孝武所疑,及海陵王休茂於襄陽爲亂,乃上表稱「諸王貴重,不應居邊。 ,復錄尚書,本官如故。 上賦 書令,加中書監。 度又 頌。 多所減省。 旅,可 大明元年, 爲總統。 柳元景領尚書令,入住城內。 時孝武嚴暴,義恭慮不見容,乃卑辭曲 有三脊茅生 尚書令柳 尚書中事委顏師伯,外監所統委王玄謨。」 元景卽本號開府 石頭 西岸,又勸 儀 對禪, 事無巨細,悉關二公, 同三司,領兵置佐,一 上甚悅。 意 附 會,皆有 及孝武 有

依 舊準。 叉增 義 恭班 劍爲 四 十人,更申 殊禮之命。 固辭殊禮

律 度,不 厚,而 游 義 愛財 行或二三百里,孝武 用 恭 常常 性 寶, 不 嗜 足。 左 不 右親 恒, 赊市百姓 與時移變, 幸, 一日乞與,或至一二 恣其所· 物, 無錢 自始至終, 之。 可還,民有通辭求錢 東至吳郡,登虎丘山,又登無錫縣 屢遷第宅。 一百萬; , 小 有忤意,輒追奪之。 與人游款, (者) 輒題後作「原」字。善騎馬,解音 意好亦多不終。 烏山 大明 以望太湖 時 資 奢侈 供 豊 無 大

王

上

明 中撰國 史,孝武 自爲義恭作傳。

祭廟 書事 欲廢立,廢帝率羽林兵於第害之,幷其四子。云三斷析義恭支體 之,以爲鬼目粽。Chā明帝定亂,令書「追崇侍中、都督中外諸軍、丞相,領太尉、中書監、錄尙 庭。 、 王 及永 如 光 故。 中, 雖 給九旒鸞輅,虎賁班劍百人,前後部羽葆、鼓吹,輼輬車」。泰始三年,又詔陪 任宰輔,而承事 近臣戴法興等常若不及。 前廢帝狂悖無道,義恭、元景謀 ,分裂腹胃,挑取眼睛 以蜜漬

點, 都督。 中軍將軍 南郡 王義宣,生而 給鼓吹。 舌短、澀於言論。 時竟陵羣蠻充斥,役刻民散,改封南譙王。 元嘉元年, 封竟陵王, 都督、 + 三年,出爲江 南兗州 刺史, 州 遷 刺 中書

加

慶,而以義宣爲南徐州刺史。 慶叉居之。 義康 初, 入相,次江夏王義恭,又以 武帝以荆州上流形勝, 其後應在義宣,上以義宣 而 會稽公主每以爲言, 地廣兵强,遺詔諸子次第居之。 臨 川王義慶宗室令望, 人才素短, 不堪居上 上遲回久之。 流。 且臨川烈武王 十六年, 謝晦 二十一年,乃以義宣都 平後,以授彭城王 以衡陽 有大功於 王 義 社 季 稷, 代 義 義 義

列傳第三 朱宗室及諸王上

自是 百 自 減之者,旣於西夏交有巨礙,遷代之譏,必歸責於吾矣。」師護,義季小字也。 換,更在 通 督 懷 課厲,政事 七州諸軍事、車騎將軍、荆州刺史。 勇女三十人。 期物,不恣羣下。 經 國常理, 亦何必其應於一往。 欲爲汝耳。 修理。 崇飾綺麗,費用殷廣。 白皙,美須眉,長七尺五寸,腰帶十圍。 汝與師護年時一輩,各有其美,方物之義,亦互有少劣,若今向事脫一 此信未易,在彼已有次第,爲士庶所安,論者乃謂未議遷之。今之回 今欲聽許,以汝代之。 先賜中詔曰:「師護以在西久, 進位司空,改侍中。 師護雖無殊績、「同」潔己節用, 多畜嬪媵,後房千餘,尼媼數 比表求還, 出內左右, 義宣至鎭,勤

須營潛逃計 二十七年、魏軍南侵、義宣慮寇至、欲奔上明。 也。」遷司徒、揚州刺史、侍中如故。 及魏軍退,文帝韶之曰:「善修民務,不

督揚豫 賞秩。 督 證 遠。 義宣 八 會孝武 州 元 諸 所 X 二州、丞相 生 | 弑立,以義宣爲中書監、太尉,領司徒。 軍 爲 入討,義宣遣參軍徐遺寶率衆三千,助爲先鋒。 事 、荆湘二州刺史,持節、侍中、丞相如故。降愷爲宜陽縣王,將佐以下, 獻太妃, 、錄尚 ·書六條事、揚州刺史,加羽葆、鼓吹,給班劍四十人,改封南郡王。追 封次子宜陽侯愷 爲南譙王。 義宣聞之,卽時起兵,徵聚甲卒,傳檄近 義宣固辭內任及愷王爵。 孝武卽位,以義宣爲中書監、都 於是改授都 並加

制 度,意不 義宣 在 同者,一不遵承。 鎭 十年,兵强財富。 嘗 獻孝武酒,先自酌飲,封送所餘、 旣首創大 義,威名著天下,凡所求 一,其不 欲,無 識大體 不 ·必從。 如 此 朝 廷 所

傅江 儀。 馬,使僚佐 史徐遺寶 義宣 者。 義宣,便盡禮 夏王 遺寶 宜在 諸 初 で減質 女淫 一義恭又 人前 使 亦勒兵向 悉稱 同。 亂 ,及至江州,每密信說義宣,以爲「有大才, 陰有異志,以義宣 早有處分,不爾,一旦受禍,悔無所及」。義宣 名。 義宣因此發怒,密治舟甲,剋孝建 爽狂 與義宣書,諭以禍 彭城。 遣傳奉表,以姦臣交亂,圖 酒失旨,其年正月便反。 |義宣及質狼狽起兵,二月, 凡弱 ,易可傾移,欲假手 . 傾宗社,輒徵召甲卒,戮此 遺 府戶曹送版, 元年秋冬舉兵, 加都督中 ·爲亂, 負 大 陰納質言。 功, 以義宣 以 外諸軍 報豫州 成其姦。 挾震主之威, 補天子,幷送 而孝武 事 凶 ,置左· 刺史魯爽 自襄陽往 醜 閨庭 自古尠 右長史、 韶答之。太 無禮, 兗州 天子 江. 有 凌 司 78 全 刺 與 見

至 出 子 順 · 拊 慆 頭 義宣· 爲 義宣移 膺 輔 聞徐遺寶敗,魯爽於小峴授首,相視失色。 E . 率 或 機諸 衆 將軍,留鎭 ष्म 十萬、發 兄 州 誤 郡 人事,乃與癡人共作賊,今年敗矣。」義宣至尋陽,與質 江陵。 自江津,舳 遺參軍劉 遣魯秀、 艫數 諶之、 白 朱曇韶萬 里。 尹周之等率軍下就臧質。 是日 .餘 大風,船垂覆沒,僅得 人北 孝武使鎭北大將軍沈慶之送爽首於義 討朱脩之。 雍州 秀 初 刺 入 至 俱 中 史朱脩之起兵 江 下。 夏 陵 口 見義宣 質 爲 以第 前 旣 八 鋒

宣幷與書,義宣、質並駭懼。

宣 場姑 入 單. 壓奮 虚。 質 月 具 唯 舸 一十九 城 又遣 有 時 羽 孰 进 屯西岸,延火燒營殆盡。 擊,大敗質軍,軍人一時投水。|護之等因風縱火,焚其舟乘, 義宣 儀 -取 Ŀ 將 先遣 走。 爲 迎 許 日,西南風猛,質乘 女, 龐法 之,時帶 大統、偏 人。 至梁山,質上出軍東岸攻玄謨。 載 豫 東 以西奔。 脚痛 起數千兵趣南浦,仍使自後掩玄謨。 州 人士庶並歸順,西人 刺史王玄謨舟師頓梁山洲 甲尚萬餘 師 不復能行,就民僦 鄭琨、武念戍南浦。 至江夏,聞 風順流 人。 諸將 巴陵有軍 攻玄謨西壘,冗從僕射胡子友等戰失利, 與義宣 乘風火之勢,縱兵攻之,衆一時奔潰。 露車自載。 質徑入梁山、去玄謨一里許 相隨者,船舸猶 玄謨分遣游擊將軍 被抄斷,回 一內,東西兩岸爲却月城,營栅甚固。 無復食、緣道求告。 與琨、 入逕口 有百餘。 念相遇。 步向江 垣護之、竟陵太守薛安都等出 風勢猛 女先適 法起戰 結營。 凌。 至江陵郭 盛,煙爓 義宣 臧質子,過尋陽, 大敗, 衆散 義宣 棄壘 真質 撫軍柳元景 Ī. 外,竺超人 度就玄謨。 屯 覆江。 赴水 燕湖 證,左右 相失,各 死略 Ŧ.

利 今治兵繕甲,更爲 義宣 旣 竺超 入城,仍 人 (等種) 出 後 聽事 爲 圖 之爪 見客。 昔漢 牙,欲 高 左右翟 收合餘燼,更圖 百敗,終 靈寶誠使撫慰衆賓,以「臧質違指授 成 大業」。 一決。 而 義宣 面 義宣情 誤云「項羽 墊, 千敗」。 無 復 神 之宜,用致失 衆咸 守, 掩 入內不 口 illi

列

傅

第

宋

宗

室

及

赭

Œ

上

步

地。

超人

送城外,更

以

馬

與之。

超人還守

城

背刀 復 出 攜 左 息慆 右 腹 及 N) 所 相 愛妾 率 奔叛。 五 人,皆著男子 魯秀北 走,義宣不復 服 相 隨。 城 自立,欲 內 擾 亂 隨 秀去。 白 刃 交横, 乃於 義宣大懼落馬, 內戎服 盛糧 糗, Vi 便 帶

之書 舊墓。 語獄 姦。 而 已。 義宣 義宣 吏)言「義宣 目 夜還向 冀 止 常 及 獄 秀, 城, 戶,坐地 反 日 非苦, 道 望諸 入南 叛恩,便宜專行大戮」。書未達, 將送北 歎 郡 今日分別始是苦。」大司馬 空解,無牀 曰:「臧質老 入魏。 席 奴誤我。」始與五 旣 地 失秀所在,未出郭,將士逃盡,唯餘慆及 至 日。 遣黃 江夏王 脩之已至江陵, 一妾俱 í 門 報 一義 恭諸 入獄 超 人, ,五妾尋 公王 超 於 獄 八 、遣故 盡 被遣 座 之。 與 軍 荆 出 孝武 州 五妾 乘, 義宣 期 炉 聽 載 兩 朱 黄 號 资 脩 泣 刺 門

弟愷 故復 尙 書寺 長子 字 置 景穆 衞 內 恢 著 尉 卿 年 婦 生 一,以 人衣 + 而 養於 恢 , , 乘問訊 拜南 爲 宮 侍 中 中 譙 一龍均 ·, 領 車投臨汝公孟詡 王 世子。 衞 皇子 尉。 晉氏 0 衞 尉 十歲封 過江 之置,自恢 詡 , 宜陽侯 於妻室內為 不 置 始 城 孝武 門校尉 也 地窟 時 義宣 及 進 藏之。 爲 衞 反, 王 尉 錄 官。 事覺, 付 義宣 廷尉, 孝 武 反問 **幷翻誅。** 欲 自 至,愷 重城 殺。 禁 恢 於 其

餘

並

爲

脩之所殺。

衡 陽 文王 義季, 幼 而 夷簡,無鄙近之累。 文帝爲荆州, 武帝使隨往, 由是特爲文帝所

愛。 元 嘉 元 年 対衡 陽王。 十六年,代臨 川王 義慶爲都督、荆州 刺 史。

主 一續豐 先是 母 老家 義 慶 在任,遇巴、蜀擾亂,師旅 貧,無以充 養,遂不食肉。 應接,府庫 義季 哀 以其志 空虚。 給給 豐母月米二斛,錢 義季畜財節用,數年還復充實。隊 一千,并 制豐噉

肉。

義

李

素

拙

書,上

一聽使

人書啓事

,唯自署名

而

틴

時皆享 近 王 義 尹 長 義 季 今陽和 沙 康 止 嘗 王 馬 天 廢後 兄弟皆緣 八蒐於野 賜,老人不偏 曰:「此賢者也。」命賜 **扇氣,播厥之始,** 此致故,將軍蘇徵 夜飲、略 有野老帶苫而耕 其 、私矣。 一日不作,人失其時。 少 之食。 醒 斯飯 日。 耽 酒 也弗敢當。」問其名, 老人曰:「吁! 文帝詰 成疾, 命 左右斥之。 旦夕待盡 責日:「此非 大 /王馳 願 老人擁来對曰:「昔姓子盤游 大 唯傷 王均其 不言 騁爲樂,驅斥老夫, 門無此酣 事業 而 賜 退。 也。 亦自 法,〔三)汝 義 苟不 季素嗜 損 性, 非 奪 人時, 勸 於何得之? 酒, 皆 農之意。 ,受譏令 汝 自彭 所諳 則 城

服 諸 應隨 + 刺 年,徵 史者, 悉 爲 留 征 之, 北 大 荆 將軍、開 楚以 爲 美談 府 儀 同 司、南兗州刺 史, 加都督。 發州 之日,帷帳器 義

季

雖

奉旨

酬

縦

不

改成

疾,

以至於終。

列傳第三 宋宗室及諸王上

三八〇

一十二年,遷徐州刺史。明年,魏攻邊,北州擾動。義季慮禍,不欲以功勤自業,無他

經略,唯飲酒而已。文帝又詔責之。

司空。 一十四年,薨於彭城。太尉江夏王義恭表解職迎喪,不許。上遣東海王禕迎喪,追贈 傳國至孫,齊受禪,國除。

未云幾,而磔體分肌。古人以隱微致誠,斯爲篤矣。衡陽晚存酒德,何先後之云殊,其將存 戚自保。及在永光,幼主南面,公旦之重,屬有所歸,自謂踐冰之慮已除,泰山之安可恃,曾 上相,大明之世,親禮冠朝,屈體降身,歸于卑下,得使兩朝暴主,永無猜色,歷載踰十,以尊 公、管、蔡、若處茅屋之內,宜無放殺之酷。觀夫彭城、南郡,其然乎。江夏地居愛子,位當 天倫猶子,分形共氣,親愛之道,人理斯同,富貴之情,其義則舛。善乎龐公之言:比之周 其行事,有以知」。這是之則哲。廬陵以帝子之重,無高明之姿,釁跡未彰,禍生忌克,痛矣!夫 正擥羣才,揚盛策,一舉而掃勍寇,蓋亦人謀之致乎。

長沙雖位列台鼎,不受本根之寄,跡 荷、桓交逼,荆楚之勢,同于累卵。如使上略未盡,一算或遺,則得喪之機,未可知也。 論曰:自古帝王之興,雖係之于歷數,至於經啓多難,莫不兼藉親賢。當於餘祆內侮, 烈武

校勘記

長沙景王道憐 嚴可均輯全宋文載宋故散騎常侍護軍將軍臨澧侯劉使君墓誌,「道憐」 作「道

鄰」,唐顏師古匡謬正俗據其家藏宋高祖集亦作「道鄰」,謂「史牒誤爲『憐』字,莫有知其本實」。

按誌、集是。

鸞輅九旒 「鸞輅」各本作「鸞路」。按晉書宗室安平獻王字傳:「給鸞輅輕車。」南齊書輿服志:

「黄屋車,建碧旂九旒」,本注:「九旒、鸞輅也。」路輅古今字,今改作「輅」。 後類此逕改不 出校。

故青州刺史龍陽縣侯王鎭 並作「龍陽縣侯」,今據改。 惡並勒功天府 「龍陽縣侯」各本作「龍陽縣公」。按宋文帝紀及本傳

[四] 昇明元年 「元年」各本作「二年」,據宋書順帝紀改。

(五) 善於用短楯「短楯」各本脱「楯」字、據宋書補。

無忌欲乘勝直造江陵 「乘勝」下各本衍「追玄」二字,據宋書删。 按宋書云:玄單舸走江陵,欲

入蜀、爲馮遷所殺,此即上「玄敗走」之事。道規等軍阻風不能進,乃攻破桓艦於馬頭,攻破桓蔵

於龍洲, 此即上「道規與劉毅、何無忌追破之」之事。桓玄死,桓諡破,桓謙、桓振復據江陵 故

列傳第三 校勘記

「無忌欲乘勝直造江陵」。宋書此處無「追玄」二字,得其實。

/<u>`</u> 道規使劉遵爲游軍自拒 道覆 「自」字各本並脫,據宋書補。

ヘスコ 臨淮 海西人 「臨淮」各本作「淮南」。 按宋書州郡志、臨淮屬縣有海西、據宋書改

書及宋書宗炳傳改。 義慶表舉前臨沮令新野庾實至 處士南陽師覺授 按本書孝義師覺授傳 亦云「南陽涅縣人」。 「臨沮」、「南陽」各本作「臨汝」、「南郡」。 據 }宋

C103 引爲佐吏國臣 「佐吏」宋書作「佐史」。

文帝以爲中書舍人 「文帝」朱書作「世祖」,乃孝武帝。 錢大昕廿二史考異:「按鮑照爲中書舍

一上子為文章 「為·字子本立兒,裴卡書甫。 人在|孝武時(見恩]年傳),此云|文帝者誤也。」

CIII 上好爲文章 「爲」字各本並脫,據宋書補。

遣左 右 陳建孫送季連二子及弟通直郎子深喻旨 「子深」梁書作「子淵」、此避唐諱改。

爲蜀 人藺 相 如所殺 藺 相 如」梁書作「藺道恭」,此蓋習聞戰國 藺 相 如 而 譌。

[三] 武帝東還 「還」各本作「遷」,據宋書改。

今留第二兒與文武才賢共鎭此境 與」各本作 「令」,據通鑑改。

(1七) 脩字叔 「叔」朱書作「叔治」,此避唐諱省。

徐羨之等嫌義眞與靈運延之昵狎過甚使故吏范晏戒之 「與」字「使」字各本並脱,據宋書補。

- 徙為梁州府參軍 「府參軍」各本作「府軍參軍」,據宋書删
- 文帝以第五子紹字休胤嗣 「以」字各本並脫,據通志補。
- 有涉俗 :才用 「涉」字各本並脫,據宋書補。
- 湛曰至 義康景仁並不答 「湛曰」之「湛」各本脱;「義康」各本作「湛」,並據宋書訂
- 巴東扶令育上表申明義康奏即收付建康獄賜死 「扶令育」各本作「令扶育」;「獄」字各本並脱。

今據宋書乙補

- 遣中書舍人嚴麝持藥賜死 「嚴麝」朱書作「嚴龍」。
- 不親 無 因得 盡 人情人情不盡 一何由具. (知衆事 二「情」字各本並脫,據宋書補
- **砌疑義恭有異志使入住尚書下省分諸子並住神獸門外侍中下省** 「有」字及二「住」字,各本並

脱,據宋書補

- **平乘但馬不得過二匹** 「但馬」朱書禮志、册府元龜二九一並作「誕馬」。張元濟南史校勘記謂
- 「但」、「誕」二字通

 幷其四子

- 以爲 鬼目粽 「其」字各本並脫,據太平御覽一五一引、通鑑、通志補。 李慈銘宋書礼記:「粽當作粽,即緣字。 廣韻:『粽,蜜漬瓜食也』,即今之小菜。」
- 師 頀 雖 無 殊 績 「師護」各本作「護」、下「汝與師護年時一輩」同。按古人雙字名無單稱一字者,

據册府元龜一九六及通鑑補。

[三] 嘗大蒐於郢

「郢」太平御覽八三一引南史、又八五〇引朱書並作「郊」。按江陵,楚之郢都,作

「郢」可通、然作「郊」義似更長。

(三) 一門無此酣法 「酣法」宋書作「酣酒」・

列傳第四

宋宗室及諸王下

宋文帝諸子 孝武諸子 孝明諸子

邢美人生山陽王休祐,至一蔡美人生海陵王休茂,董美人生鄱陽哀王休業,顏美人生臨慶沖 障,[1]謝容華生晉熙王昶,江修容生武昌王渾,沈婕妤生明帝,楊美人生始安王休仁,[1] 王休倩,陳美人生新野懷王夷父,荀美人生桂陽王休範,羅美人生巴陵哀王休若。 廬陵孝獻王義眞。 王鑠,高修儀生廬陵昭王紹,殷修華生竟陵王誕,曹婕妤生建平宜簡王宏,陳修容生東海王 文帝十九男一元皇后生元凶励,潘淑妃生始興王濬,路淑媛生孝武帝,吳淑儀生南平穆 紹出繼

劭 生。自前代人君卽位後,皇后生太子,唯殷帝乙踐阼,正妃生紂,至此又有劭焉 元凶励字休遠,文帝長子也。帝卽位後,諒闇中生劭,故秘之。元嘉三年閏正月方云

鬚眉,大眼方口,長七尺四寸。親覽宮事,延賓客,意之所欲,上必從之。東宮置兵與羽林 年十二,出居東宮,納黃門侍郎殷淳女爲妃。十三加元服。好讀史傳,尤愛弓馬。 後 惡焉,改刀爲力。年六歲,拜爲皇太子,中庶子二率入直永福省,爲更築宮,制度嚴麗。 十七年,劭拜京陵,大將軍彭城王義康、竟陵王誕、桂陽侯義融並從。 始生三日,帝往視之,簪帽甚堅,無風而墜于砌側,上不悅。初命之曰砌,在文爲召刀, 及長,美

劭 是與江、徐不平。 曰:「不斬江湛、徐湛之,無以謝天下。」上曰:「北伐自我意,不關二人,但湛等不異耳。」由 二十七年,上將北侵,劭與蕭思話固諫,不從。魏太武帝至瓜步,上登石頭城,有憂色。

及劭並信惑之。 東陽公主應閣婢王鸚鵡白公主道育通靈,主乃白上託云善蠶,求召入。道育云:「所奉天 **,當賜符應。」時主夕臥,見流光相隨,狀若螢火,遂入巾箱化爲雙珠,圓靑可愛。 於是主** 上 ·時務本業,使宮內皆蠶,欲以諷勵天下。 有女巫嚴道·育夫爲劫,坐沒入奚官。 捌姊 始興王濬素佞事劭,並多過失,慮上知,使道育祈請,欲令過不上聞。歌舞

児詛 一,不捨晝夜。 道育輒云:「自上天陳請,必不泄露。」劭等敬事,號 日 一天師。 後塗寫 巫蠱,

刻玉爲上形像,埋於含章殿前。

府佐吳 者。 使,視 道育 犍 使報 承祖 丽 大 得 圆 慶之漸。」凡例 之。四殿下已見王未?宜依此具令嚴自躬上啓聞。 審 並 計 一義恭 國 實 讓劭 臨賀主, 初 上天 與 形容粗健,便兼隊副,下人欲嫁者猶未有處。」時鸚鵡已嫁懷遠矣。 調往 也。 臨賀故不應翻覆言語,自生寒熱也。 興沈懷遠爲妾。不啓上,慮事泄,因臨賀公主微言之。 巫蠱事 ,東陽公主有奴陳天興,鸚鵡養以爲子而與之淫 爲「佞人」,東陽主第在西掖門外,故云「南第」。 白天神也。 曰:「汝間用隊主副盡是奴邪? 來唯 其若見問,當作依違答之。 天興先署佞人府位, 上若問嫁處,當言未定。濬答書曰:「啓此事多日,今始來問, ,砌以天興補隊主。 溶相 有二人,天興旣死,慮將見及,乃以白上。 鸚鵡旣適懷遠,慮與天興私通事泄,請劭 與書類如此。 東陽主薨, 所言皆爲名號,謂 欲嫁者又嫁何處。」砌答:「南第昔屬 此姥由來挾 , 鸚鵡 應出嫁,劭 彼人若爲不已,政可促 上爲「彼人」,或以爲「 通。 兩端 王卽鸚鵡姓。 上驚惋,即收鸚鵡家,得劭、濬手 不審 鸚鵡、 慮言 難 殺之。 上後知天興領隊, 監上當無此 可 語 天興及寧州所獻黃 孤 泄, 伽密使 保, 「躬. 與濤謀之, 砌懼,書告濬,并 正爾 上啓聞」 「其」: 天興 當 人害 簿 其 自問 是有感發之 領 餘 天興。 謂 遣閥 求 命,或 嫁與濬 臨賀冀 太尉 可急· 將吏驅 者, 人奚 旣 江

唯 書,皆呪詛 陳 謝 而 Ę 巫 盡之言。 道育變服爲尼,逃匿 得所埋上形像於宮內。 東宮。 濬往 |京口,又以自隨,或出止人張旿家。 道育叛亡,捕之不得。 上詰責劭 上謂江 伽

汝兒 子多,將來遇此不幸耳。」 夏王

義恭

曰:「常見與籍有此,

謂止

書傳空言,(E)不意親覩。

砌南面之日,非復我及汝事

殯,江夏王疑其仙也,使開棺視之,首如新 廷, 自十一 先是二十八年,彗星起畢、昴,入太微,掃帝坐端門,滅翼、軫。二十九年,熒惑逆行守 月霖雨 連雪, 陽光罕曜。時道士范材修練形術,是歲自言死期,如期而死。 刎,血流于背,上聞而 惡 旣

別賜 京口 出 之、任建之謀之。 妃以告濬 入 潛死。 、征北內,似是<u>嚴道</u>育。」上使掩得二婢,云:「<u>道</u>育隨征北還都。」上惆悵惋駭,須檢覆,廢 入朝,當鎭江陵,復載道育還東宮,欲將西上。 三十年正月,大風飛霰且雷, 濟報砌, 初,濬母卒,命潘淑妃養以爲子。 因有異謀。 每夜饗將士,或親自行酒,密與腹心除主陳叔兒、齋帥張超 上憂有竊發,輒加劭兵,東宮實甲萬人。其年二月,濬自 淑妃 愛濬,濬心不附。 有告上云:「京口人張旿家有 妃被寵, 上以謀告之。 二尼服食,

士二千餘人皆被甲,云「有所討」。 其 月二十一 日夜, **詐作上詔**, 宿召前中庶子右軍長史蕭斌及左衞率袁淑、中舍人殷仲 云:「魯秀謀反,汝可平明率衆入。」因使超之等集素所發

語門衞云:「受詔有所收討。」令後速來,張超之等數十人馳入雲龍東中 素、左積弩將軍王正見並入,告以大事,自起拜斌等,因流涕。 殺潘淑妃, 剖其心觀其邪正。使者阿旨, 答曰:「心邪。」問曰:「邪佞之心,故宜邪也。」 之。遣人於崇禮闥,殺吏部尚書江湛。文帝左細仗主卜天與攻劭於東堂,見殺。 徑上合殿。上其夜與尚書僕射徐湛之屛人語,至旦燭猶未滅,門階戶席並無侍衞。 戏服上,乘畫輪車,與蕭斌同載,衛從如常入朝儀,從萬春門入。 刀侍直,呼中書舍人顧嘏。云跛懼,不時出,及至,問曰:「欲共見廢,何不早啓。」未及答,斬 自鄣,超之行殺,上五指俱落,幷殺湛之。砌進至合殿中閣,文帝已崩。 並驚愕。 舊制。東宮隊 華門。 出坐東堂,蕭城執 明旦,劭以朱服 及齎閣,拔刃 不得入城,劭 又使 上以几 又殺 入入入 加

問侍中王僧綽,僧綽曰:「晉惠帝卽位便改年。」問喜而從之。 年。」對曰「得十年」。 極 乃使王僧綽。始文帝未崩前一日甲夜,太史奏:「東方有急兵,其禍不測,宜列萬 人斯得、元凶克殄、可大赦、改元爲太初。」素與道育所定也。 文帝親信左右數十人。急召始興王濬率衆屯中堂。 |前殿,可以銷災。] 上不從。 伽卽偽位,百僚至者裁數十人,乃為書曰:「徐湛之弑逆,吾勒兵入殿,已無所及。 退而 !語人曰:「十旬耳。」励聞而怒,歐殺之。 及励弑逆, 聞而歎曰:「幾誤我事。」 乃問太史令曰:「我得幾 初使蕭斌作詔,斌辭以不文, 蕭斌曰"「舊踰年改元。」 励以 人兵於太 今罪

傳第四

司 欲相危、我已爲卿除之。」使秀與屯騎校尉龐秀之對掌軍隊。 司 空。 徒左長史何偃 卽 大行 位 訖 大斂,劭辭疾不敢出。 ,便稱疾還入永福省,然後遷大行皇帝升太極殿,以蕭斌爲尚書僕射,何尚之爲 爲侍中。 先給諸處兵仗,悉收還武庫。 以侍中王僧綽爲吏部尚書、守己 遺人謂魯秀曰:「徐湛之常

皇帝 義宣為 分義恭諧子住侍中下省。 臨川王燁、桂陽侯覬、新渝侯玠,並以宿 五 郡 為會州 成服日,砌登殿臨靈,號慟不自持。 太尉。 及聞南譙王義宣 ,省揚州,立司隸校尉,以殷冲補之。 荆州刺史始興王濬進號驃騎將軍,王僧綽以先豫廢立 隨王 一誕等起義師,悉聚諸王於城內。 恨死。 博訪公卿,詢求政道,遣使分行四方。 禮官希旨,諡文帝 以大將軍江夏王義恭爲太保,司徒南譙王 移江夏王義恭住尚書下舍, 不敢盡美稱,諡日中宗景 見誅。 長沙王 分浙江以東 一種弟楷

四月,立妻殷爲皇后。

空屋。 當 毎厚法師 自出 砂使濬 武 唯恐賊虜不敢動耳。」中外戒嚴。 檄至,伽自謂素習武 令在殿內住, 與孝武書,言「上親御六師, 想弟欲知消息, 事,謂朝士曰:「卿等助我理文書,勿厝意戎陣。 故及」。 太保又執鉞臨統, 防孝武 烏羊者, 世子於侍中省,南 南平王鑠, 吾與烏羊相 護 王 義 宣 法師, 尋卽 若有寇難,吾 諸子 孝武 道。 Ŀ 世子小 於太倉 聖恩

名也。

劭 欲殺三鎭士庶家口,江夏王義恭、何尚之說 曰:「凡舉大事,不顧家口, 且多是驅

今忽誅其餘累,政足堅彼意耳。」砌乃下書,一無所問。

軍參 侯勤 蕭 策以爲「宜以近待之,遠出 子偉之爲皇太子。 爲之用,厚撫 斌厲色曰:「南中郎 至 軍 濬 耳。 ·, 劭 及 蕭 以其有將用,故以心膂委焉。 我若守此, 斌 正羅漢 勸劭勒 、魯秀,悉以兵事委之,多賜 水 二十年少, 誰當 軍自上決戰,江夏王義恭慮義兵倉卒,船舫陋小,不宜水戰。 則京師空弱 一見救,唯應力戰決之。」日日自 業能 建 東軍 如 或勸劭保石頭城者,劭 此大事,「八」豈復可量。」 乘虛,容能爲患。 珍玩美色以悅其志。 出行 不 軍,慰勞將士。 曰:「昔人所以 如養銳待 砌 羅漢先爲南 不 納。 期」。 疑 固石頭,俟 使有司 朝廷舊 | 副善: 平王鑠 其議 奏立 臣不 乃進 右 誻

其夜, 退鼓,軍乃止,爲柳元景等所乘,故大敗。 於宮內,乞恩,拜爲 二十七日,臨軒, 及義軍至新亭,砌登朱雀門躬自督戰。 魯秀又南奔。 拜子 大司 二十五日,江夏王義恭單馬南 偉之爲皇太子,百官皆戎服,問獨衮衣,下書大赦,唯孝武 馬,封 鍾山 郡王,蘇侯 褚湛之携二子與檀 將士懷劭 為驃 騎 奔,劭遣濬殺 將軍 重賞) o 使南 皆爲之力戰。 和 義恭諸子,以輦迎蔣侯 之 平王鑠 同 歸 順、劭 爲 祝 將剋,而 文,罪狀孝武。 懼,走還臺城 劉義恭 魯秀打 神像

列

傅

第

四

朱

宗

室及

甜

王

下

宣、誕不在原例。

燒輦及衮冕服。 夜,劭閉守六門,於門內鑿塹立栅,以露車爲樓。城內沸亂,將東並踰城出奔。劭使詹叔兒 五月三日,魯秀等攻大航,鉤得一舶。 蕭斌聞大航不守,惶窘不知所爲,宣令所統皆使解甲,尋戴白幡來降,卽於 王羅漢昏酣作妓,聞官軍已度,驚放仗歸降。

軍門伏誅。

斬首。 闕請罪。」又曰:「未審猶能得一職自効不。」義恭又曰:「此未可量。」 勒與俱自歸, 明門出,俱南奔,於越城遇江夏王義恭。濬下馬,曰:「南中郎今何在。」義恭曰:「已君臨萬 國。」又稱字曰:「虎頭來,得無晚乎?」義恭曰:「恨晚。」又曰:「故當不死?」義恭曰:「可詣行 一並號哭俱出。砌穿西垣入武庫井中,副隊高禽執之。濬率左右數十人,與南平王鑠於西 前得俱入。臧質從廣莫門入,同會太極殿前。即斬太子左衞率王正見,建平、東海等七 四 日,砌腹心白直諸同逆先屯閶闔門外,並走還入殿。程天祚與薛安都副譚金因而乘 命於馬上

愛,文帝甚所留心。與建平王宏、侍中王僧綽、中書郎蔡興宗等,並以文義往復。 少好文籍,資質端妍,母潘淑妃有盛寵。時六宮無主,潘專總內政。濬人才旣美,母又至 字休明,將產之夕,有鵬鳴於屋上,聞者莫不惡之。元嘉十三年,年八歲,封始興王。

督 隶 弟 及。 外 取 目 H 年 不不 劭 散 盡 七 , 領護 藏 汝始 月 騎 不 汝 初 應遠 劭 嚴 侍 也 元 母 與之 忍見汝 道育 南 完 皇 郞 子 田 蠻 岩 徐爱求鎮江陵, 后性忌,以潘氏 上惋) 逐善。 校 事 事 可 闹 上以 尉。 發, 發,循 数彌 敗。 H 上流 多 明 濬 無 日 冀 濬 旦濬 有 入 我 (刻己 奮 之重,宜 過 謂 朝, 邪 見幸 衣 入謝, 失, 叉求 潘淑 ご明 遣還京口, 思 去,日:「天 屢爲 ٠, 愆 助於尚書僕射徐湛之。 妃 年荆州 有至 恚 上容色 日:一 恨致崩 何意忽藏嚴 上 親、故 所 太子圖富貴, 下 〕非常, 事方行 讓 爲行留處分。 事 一、憂懼,乃 以 尋 故劭深病潘氏及濬 濬 :自判, 道育。 其 爲 夕卽 衞 與 月, 必不 更是 將 今日 加 至京口 劭 軍、開府儀 濬 詰 而 共 上累 還朝。 問。 用 理, 尙 爲 活 書令何尚之等咸謂濬 數 巫 虎頭 何 濬 盛 日 唯 同三司、荆州 濬慮將· 爲,可送藥來,吾當 + 而 謝罪。 後 巫蠱 四 復 出 日 如 來受禍, , 此, 鎭 事發, 時二十九 潘 臨 京 淑 非 軒 刺史, П 受 復 妃 太子 抱潛 拜 思慮 乃 功 先自 曲 加 因 都 意 次 泣 所 員 其

逆。 馬 日二 禍 召 變所 濬 今宫內 濬 砌 日 至 入 濬 ______ 弑 :「皇太 問 濬 有 之 狀訖, 旦 變, 陽 湾 驚 子 令 未 日 在 卽 一一个當 知 西州 敢 戎 主 服 有 上 復 乘 一安危, 奈何。」 馬 言者 府舍人朱法 而 斬。 去。 預 濬 在 未 及入見劭 朱 臣 得劭 法 瑜 · 子, 瑜 日:「臺 信,不 當 固 勸殺 投 止 濬 袂 內 知 赴 事 114. 有赤松等 |濬 . 喚,宮門皆閉 難 之濟 不 從 不 濬 颗 不 至 劭 聽。 一中門, 擾 謂 ",道上傳太子反,未測 不 濬 俄 知 王慶 所爲。 日二 而 劭 潘 叉 遣 淑 將 諫 張 妃 超 軍 不 逐為 宜 之 王 馳 從 慶

列

傅

第

四

宋

宗

室

及

諸

王

下

下

亂 兵所害。」 濬 曰:「此 是下情由來所願。」 其悖逆如 此。 砌將敗, 勸問 入海, 辇 珍寶繒帛

在航 投劭 不能 、格氏、丹陽尹湛之之女。 湛之南奔之始、即見離絕、故免於誅。 父。」江湛 在嚴道育處。 之所,為亂兵 殺天下無罪人。」恪曰:「受拜皇后,非罪而何。」殷氏曰:「此 梟首大航,暴尸 南平王鑅曰:「此 王共 見之慟哭。 作獄 、濬尸首於江,其餘 臨 南,自當 及 劭 視 妻庾氏 中囚。 之,義恭曰:「我背逆歸順,有何大罪,頓殺十二兒。」 入井,高禽於井出之。 劭 (所殺) 有處 就取得之。 曰:「天地所不覆載, が市。 乘 何有哉。」乃斬于牙下。 問計於蕭斌, 分。」縛砌馬 車駡之,龐秀之亦 剖腹刳心,臠割其肉,諸將生噉 **砌妻殷氏賜死於廷尉,臨刑謂獄丞江恪曰:「汝家骨肉** 同逆及王羅漢等皆伏誅。 道育、鸚鵡並都街鞭殺, 上, 斌 励問天子何在,禽曰:「至尊近在新亭。」將励至 見勸如此。」 防送軍門。 丈人何爲 加消讓。 臨刑數曰:「不圖宋室 見哭。」質因辨其逆狀,答曰:「先朝當 叉語質曰:「可得爲乞遠徙不。」質曰:「主 及至牙下, 劭属聲曰:「汝輩復何煩 之。 張超之聞兵入,遂至合殿 於石頭四望山焚其尸,揚灰于江。 焚其頭 據鞍顧望。 權時耳,當以鸚鵡 骨。 一至於此。」問、潛及其 其餘子女妾媵 砌曰:「殺諸弟此 時不 太尉江夏王 爾。」先殺其 見 傳 故基,止於御床 爲后 國 相殘, 並於獄 T, 殿前,臧質 義恭 也。」濬妻 一事負阿 間 四子,語 見枉廢, 何以枉 劭 賜死 子 與諸 一上近 云

隸 東宮所住齋,汙瀦其處。 校尉 殷 沖 丹陽 爭 尹弘並賜死。 封高 禽新陽縣男。 | 沖爲|| 南京的文,又妃叔父,弘爲|| 的簡配兵士,盡其心力 追贈潘淑妃爲長寧園夫人,弘置守冢。 偽司

故也。

未弱冠 外略,罷南豫州併壽陽,以鑠爲豫州 南平穆王鑠字休玄,文帝第四子也。一元嘉十六年,年九歲,封南平王,少好學,有文才, ,擬古三十餘首,時人以爲亞迹陸機。 刺史,領安蠻校尉 二十二年,爲南豫州刺史,加都督。 時文帝方

朔將軍臧質救之,魏人燒攻具而 奮,戰士無不一當百,殺傷萬計,汝水爲之不流。 思,輒設奇以應之。 内負戶以汲。 二十六年,魏太武圍汝南懸瓠城,行汝南太守陳憲保城自固,魏作高樓施弩射城內,城 又毁佛圖,取金像以爲大鈎,施之衝車端以牽樓堞。 魏人以蝦蟇車填塹,肉薄攻城,死者與城等,遂登尸以 退。 相拒四十餘日,饑遣安蠻 城內有一 司馬劉康 陵 城。 沙門頗 憲 祖 銳 與寧 氣 有機 愈

號, 璽,事寧更鑄給之。 使鑅造策文。 元凶弑立,以饑爲侍中、錄尙書事。 及義軍 進侍中、司空,領兵置佐。 入宮,鑠與濬俱歸孝武。 励迎<u>蔣</u>侯神於宮內,疏孝武年諱厭咒,祈請假 以國哀未闋,讓侍中。 濬即伏法。 上迎鑠入宮,當時倉卒失國 泛授位

列傳第四 朱宗室及諸王下

加

以楚穆之諡。

三子:敬猷、敬深、敬先。[10]

復 魂守。」鱳爲 樂旣 歸 義 人負才狡競,每與兄弟計度藝能,與帝又不能和,食中遇毒,尋薨。 最晚,常懷憂懼,每於眠中蹶起坐,與人語亦多謬僻。 語家人云:「我自覺無 贈司徒,

宣曜爲 爲 十八子臨賀王子產字孝仁爲南平王,繼鑠後,未拜被殺。秦始五年,立晉平王休祐第七子 敬先等,鞭江氏一百。其夕廢帝亦殞。 南平王,繼鑠後,昇明三年被誅。 江氏不受命,謂曰:「若不從,當殺汝三子。」江氏猶不從,於是遣使於第殺敬猷、敬深 敬深封南安縣侯, 南平王,繼鑠。休祐死,宣曜被廢還本。 敬先繼廬陵王紹,前廢帝景和末,召鑠妃江氏入宮,命左右於前逼 明帝卽位,追贈敬猷侍中,諡曰懷。 後廢帝元徽元年,立衡陽恭王處第二子伯玉 改封孝武帝第

刺史, 江 乃罷江州軍府,文武悉配雍州,湘州入臺租稅雜物,悉給襄陽。 師 東五郡立會州,以誕爲刺史。 ,皆奔敗,唯誕遣中兵參軍柳元景剋弘農、關、陝。 **| 宽陵王誕字休文,文帝第六子也。 元嘉二十年,年十一,封廣陵王。 二十六年,爲雍州** 加都督。以廣陵凋弊,改封隨郡王。上欲大舉侵魏,以襄陽外接關河,欲廣 元凶立,以揚州浙江西屬司隸校尉,浙 及大舉北侵, 命諸藩並 其資力, 出

肯就徵,以誕爲侍中、驃騎大將軍、揚州刺史,開府如故。 飲、庾遵於曲阿之齊牛塘,大敗之。事平,以誕爲荆州刺史,加都督、衞將軍、開府儀同三 司。誕以位號正與潛同、惡之、請求回改、乃進號驃騎將軍,加班劍二十人。 孝武入討,遺寧朔將軍顧彬之受誕節度,誕遺參軍劉季之舉兵與彬之幷。 改封寬陵王。誕性恭和,得士庶 南譙王義宣不 遇 砂將華

之心,頗有勇略。

利器,莫非上品。上意愈不平。 相疑憚。而誕造立第舍,窮極工巧,園池之美,冠於一時。多聚材力之士實之。第內精甲 上流平定,誕之力也。誕初討元凶,豫同舉兵,有齊牛之捷,至是又有殊勳。 興法物以迎義宣, 誕固執不可,曰:「奈何持此座與人。」 帝加誕節,仗士五十人出入六門。 明年。義宣反,有開、江、院、豫四州之力,勢震天下。 上即位日淺,朝野大懼。 上性多猜,頗 上欲奉乘

邊,修城隍,聚糧練甲。嫌隙旣著,道路常云誕反 |孝建二年,以司空太子太傅出爲都督|南徐州刺史。上以|京口去都密邇,猶疑之。 大明元年秋,又出爲南兗州刺史,加都督。 誕知見猜,亦潛爲之備。至廣陵,因魏侵

人殺饒。吳郡人劉成又訴稱息道龍伏事誕,見誕在石頭城內修乘興法物,習唱警蹕,向伴 三年,建康人陳文紹訴父饒爲誕府史,自己恒使入山圖畫道路,不聽歸家。 誕大怒,使

列

第四

傅元 之。 禮 等 潛 誕 知 圖 「姦逆, 密捕 常疏 殺道龍。 陛 下 年紀姓諱, 豫章人陳談之又上書稱弟詠之在誕左 往 巫鄭師憐家 呪 詛 詠 之與 右, 建 康 見誕 右 尉黃 與 左 達往 右 莊慶、

誕疑其宣漏, 誣以罪被殺。

其 年 四 月, Ŀ 使 有 司 奏誕 罪惡,宜絕屬籍,削爵土,收付法獄。 上不許。 有司 又固請,

乃貶爵爲侯,遣令之國。

誕, 自 人 許宗之,宗之告誕。 衞 使閬 Ŀ 遣 將 以之鎭 腹 謀 誕, 心 率 爲 以 壯 名。 義 士 興太守 擊明實等破 誕驚 閬 至 起,召 廣 垣 陵, **閬爲兗州刺史、[三] 配以羽林禁兵。** 之,閬 錄事參軍王 誕 未悟 卽 也。 遇 害,明 與之日:「 明寶 寶 夜 逃 報 自海陵 我 誕 何罪 典籤蔣成 界還 於天,以至 遣給事中戴明實隨闖製 使爲 内 此。 .應, 斬 成 蔣成 以 告 府 勒 兵 舍

武 見 忿 衆 軍 誕 Ŀ 深 遣 大 集, 切 車 騎 欲 凡 大將軍 誕 棄 左 城 北 右 沈慶之討 走,行 腹 心 同籍 十餘 誕、誕 春 里 親 一,衆並 奉 並 表 談 投之城 不欲 之, 死者千 去,請 外, 誕 自 數。 乃還 申 於 車 城 駕 國 出 無負,并言帝宮闈 頓 宣武堂, 內外纂嚴。 之醜。 誕

伏 内 陰 P 結 流 五. 月 死 血 十 士 廣 欲襲誕, 九 凌 日 夜, 城 舊 有 先欲布誠於 示 流 開 星 南 長 門, + "慶之, 云 餘 文從 開 乃說 南 西 門者 北 誕求為 來 不 墜 利 城 其主 間 內 構, 是謂 。[三] 誕 見許。 天 狗。 乃 領宗旣 開焉。 占曰 出 彭 致誠畢 天狗 城 邵領宗 所墜,下 復 還城 在 城 有

內。事泄,誕鞭二百,考問不伏,遂支解之。

男,食邑三百戶」。募賞先登。若剋外城舉一烽,剋內城舉二烽,禽誕舉三烽。 上遣送章二紐:其一曰「竟陵縣開國侯、食邑千戶」。募賞禽誕。其二曰「建興縣開國

黨悉伏誅。城內女口爲軍賞,男丁殺爲京觀,死者尙數千人,每風晨雨夜有號哭之聲。賦 傳首建鄴,因葬廣陵,貶姓留氏。帝命城中無大小悉斬,慶之執諫,自五尺以下全之,於是同 母殷、妻徐並自殺。追贈殷長寧園淑妃。日日 七月二日,慶之進軍,剋其外城,乘勝又剋小城。一臟聞軍入,走趣後園墜水,引出殺之,

直,眠中夢人告之曰:「官須髮爲矟毦。」旣覺已失髻矣,如此者數十人。 誕甚怪懼。 大明二 問其本末。答曰:「姓夷名孫,家在海陵。天公與道佛先議,欲燒除此間人。道佛苦諫,强 年,發人築廣慶城,誕循行,有人干輿,揚聲大駡曰:「大兵尋至,何以辛苦百姓。」誕使執之, 得至今。大禍將至,何不立六愼門。」誕問「六愼門云何」,答曰:「古有言,禍不過六愼門。」 陵,將入城,衝風暴起,揚塵,晝晦。 又嘗中夜閑坐,有赤光照室,見者莫不駭愕。 誕左右侍 |誕以其言狂悖,殺之。又五音士忽狂易見鬼,驚怖啼哭曰:「外軍圍城,城上張白布帆。」||誕 一錄二十餘日乃殺。城陷之日,雲霧晦冥,白虹臨北門,亘屬城內 初,誕爲南徐州刺史,在京口,夜大風飛落屋瓦,城門鹿牀倒覆,誕心惡之。及遷鎮廣

八年,前廢帝即位,義陽王昶爲徐州刺史,道經廣陵,至墓盡哀,表請改葬誕。

及妻子並以庶人禮。明帝泰始四年,又改葬,祭以少牢。

之。」五子號叫於外,呼其父。及城平,慶之悉撲殺之。 許以富貴。與之曰。「吾受主王厚恩,不可以二心。三十之年,未獲死所耳,安可以私親誘 王璵之、琅邪人、有才局。其五子悉在建鄴。璵之嘗乘城、慶之縛其五子、示而招之、

宏少而閑素,篤好文籍,文帝寵愛殊常,爲立第於雞籠山,盡山水之美。建平國職高他國 建平宣簡王宏字休度,文帝第七子也。 早喪母。元嘉二十一年,年十一,封建平王。

階,歷位中護軍,中書令。

年,益諸弟國各千戶,薨者不在其例,唯宏追益。子景素嗣。 開府儀同三司,自己未拜薨。追贈司徒。上痛悼甚至,每朔望出臨靈,自爲墓誌銘幷誄。五 鎌儉周愼,禮賢接士,明達政事,上甚信仗之。轉尙書令。宏少多病,求解尚書令。以本號 周法道齎手板詣孝武。事平,以爲尚書左僕射,使迎太后。還加中軍將軍、中書監。爲人 |元凶弑立、孝武入討、| 砌錄|宏殿內、自拔莫由。| 孝武先嘗以一手板與宏,宏遣左右親信

景素少有父風,位南徐州刺史,加都督。桂陽王休範為逆,景素雖纂集兵衆以赴朝廷爲

名,而陰懷兩端。及事平,進號鎭北將軍。

皆謂 **久其權,慮景素立,不見容於長主,深相忌** 景素 素 宜當神器,唯廢帝所生陳氏親戚疾忌之,而楊運長、阮佃夫並明帝舊隸,貪幼主以 好文章書籍,招集才義之士,以收名譽,由是朝野屬意。 憚。 而後廢帝狂凶失道,內外

運長 隱 獨 州,又奪景素鎭北將軍、開府儀同三司。「云自是廢帝狂悖日甚,朝野並屬 衞 孫 處曲 或殺 于 將 ,林木之下,飢則啄,渴則飲,形體無累于物,得失不關於心,一何樂哉。」 **[等彌相猜疑。景素因此稍爲自防之計,多以金帛結材力之士。時大臣誅夷,孝武帝子** 軍袁粲以下並保持之,景素亦馳遣世子延齡還都,具自 元徽三年,景素防閣將軍王季符恨景素,因奔告之。 或廢,無復在朝者。 臺,有鵲集於承塵上,飛鳴相追。 且景索在蕃甚得人心,而謗聲日積,深懷憂懼。 景索泫然曰:「若斯鳥者,遊則參于 運長等便欲遣軍討之。 申 f 理。 運長等乃徙季符於梁 心景素。 風 嘗與故吏劉雅 煙之上,止則 齊高帝及 陳氏及

之,送首還臺 時 景素 廢帝單馬獨出,游走郊野。 每禁之,未欲忽忽舉動。 輔 運長 國將軍 密遣信人周天賜偽投 曹欣之等謀候廢帝出行,因聚衆作難,事剋,奉 景素勸爲異計,景素知卽斬

几 年七月,羽林監垣祗祖奔景素,口书言臺城已潰。 列 傅 第 四 宋 宗 室 及 賭 王 ፑ 景素信之,即舉兵。 運長等常疑景

素有異志,即纂嚴。 景素本乏威略,不知所爲,竟爲臺軍破,斬之。 卽葬京口

齊受禪,景素故秀才劉璡又上書述其德美,陳寃,並不見省。至齊武帝卽位,下詔曰:「宋建 平王劉景素,名父之子,雖末路失圖,而原心有本。可聽以禮葬舊塋。」 簿何昌寓曰:「我持此安所用哉。」乃謝而反之。及敗後,昌寓與故記室王摛等上書訟其冤。 常恐傷其情。又甚儉素,爲荆州時,州有高齋刻楹栢構,景素竟不處。朝廷欲賜以甲第,辭 而不當。 景素性甚仁孝,事獻太妃,朝夕不違侍養。太妃有不安,景素傍行蓬髮。與人言响响, 兩宮所遺珍玩,塵於笥篋。食常不過一肉,器用瓦素。時有獻鏤玉器,景素顧主

孝武答曰:「婚禮旣不舉樂,且敬深孤苦,伎非宜也。」至是明帝與建安王休仁詔曰:「人旣不 進位司空。明帝踐阼,進太尉,封廬江王。初,廢帝目禕似驢,上以廢帝之言類,故改封焉。 文帝諸子,韓尤凡劣,諸兄弟並蚩鄙之。南平王鑠薨,子敬深婚,豫視之,白孝武借伎。 廬江王樟字休秀, 公公文帝第八子也。 元嘉二十二年,年十一,封東海王。 大明七年,

南豫州刺史、車騎將軍、開府儀同三司。上遣腹心楊運長領兵防衞。明年,又令有司奏禕 反,欲立緯,緯與相酬和。欣慰結征北諮議參軍杜幼文,幼文具奏其事。上暴其罪惡,黜爲 比數西方公,汝便爲諸王之長。」時障住西州,自己故謂之西方公。泰始五年,河東柳欣慰謀

令、

中軍將軍、

開府儀同三司。 晉熙王昶字休道,文帝第九子也。元嘉二十二年,年十歲,封義陽王。 。廢帝卽位,爲徐州刺史,加都督。 | 飛輕沙編急,不能事孝武 大明中,位中書

大明中常被嫌責,人間常言,視當有異志。

把姬手南望慟哭,左右莫不哀哽。每節悲慟,遙拜其母。 騎馬自隨。在道慷慨為斷句曰:「白雲滿鄣來,黃塵半天起。關山四面絕,故鄉幾千里。」因 卽起兵,統內諸郡並不受命。。昶知事不捷,乃夜開門奔魏,棄母妻,唯携妾一人,作丈夫服 求還、甚善。」又問法生:「義陽謀反,何不啓。」法生懼,走還彭城,帝因此北討。 |恭誅後,|昶表求入朝,遣典籤||蘧法生衡使。帝謂法生:「義陽與太宰謀反,我政欲討之,今知 廢帝旣誅羣公,彌縱狂惑,常語左右曰:「我卽大位來,遂未戒嚴,使人邑邑。」江夏王義 法生至,昶

兩贖昶于魏不獲,乃以第六皇子燮字仲綏繼昶,封爲晉熙王。 「晉熙國太妃謝氏,沈刻無親,物理罕比,骨肉至親,尚相棄蔑,況以義合,免苦爲難。 一般家還都,二妾各生一子,明帝卽位,名長者曰思遠,小者曰懷遠,尋並卒。 明帝既以變繼昶,乃詔曰: 帝以金千 可還

其本家,削絕蕃秩。」

列傳第四 朱宗室及諸王下

先是、改謝氏爲射氏。元徽元年、變年四歲,以爲郢州刺史。 明年,復展所生謝氏爲晉

熙國太妃。齊受禪,變降封陰安縣公,回以謀反賜死。

渾 武 昌王輝字体深、至立文帝第十子也。元嘉二十四年,年九歲,封汝陰王。 少而凶戾,嘗忿左右,拔防身刀斫之。一元凶弑立,以爲中書令。 山陵夕,裸身露頭往 後徙武昌

散騎省戲,因彎弓射通直郎周朗中枕,以爲笑樂。

鎭, 對呈孝武。 四年,聽還葬母江太妃墓次。明帝即位,追封武昌縣侯。 與左右人作文檄,自稱楚王,號年爲元光,備置百官以爲戲笑。長史王翼之得其手迹, 孝 建元年,爲雍州刺史,監雍梁南北秦四州荆州之竟陵隨二郡諸軍事、寧蠻校尉。 上使有司奏免爲庶人,下太常絕屬籍,使付始安郡,逼令自殺。卽葬襄陽。 大明 至

理。 年, 仁爲殺王,休祐爲賊王。 累遷護軍將軍。時帝狂悖無道,誅害羣公,忌憚諸父,並聚之殿內,歐捶陵曳,無復人 体仁及明帝、山陽王体祐形體並肥壯,帝乃以籠盛稱之,以明帝尤肥,號爲猪王。 建安王休仁,文帝第十二子也。元嘉二十九年,年十歲,立爲建安王。 以三王年長,尤所畏憚,故常錄以自近,不離左右。 前廢帝景和元 東海王韓凡 號休

歡笑。 道隆歡以奉旨、盡諸醜狀。 帝嘗忤旨,帝怒,乃裸之, 令和合,掘地爲阬穽,實之以泥水。 劣,號之驢王。 曰:「未應死。」帝問其故,体仁曰:「待皇太子生,殺猪取肝肺。」帝意解,曰:「且付廷尉。」一 常於休仁前,使左右淫逼休仁所生楊太妃。 欲害明帝及休仁、休祐,前後以十數。休仁多計數,每以笑調佞諛酬悅之,故得推 桂陽王休範、巴陵王休若年少,故並 縛其手脚,以杖貫手脚內,使擔付太官,卽日屠猪。 時廷尉劉蒙妾孕臨月,帝迎入後宮,冀其生男,欲立爲太子。 裸明帝內坑中,以槽食置前, 左右並不得已順命, 至右衛將軍劉道隆, 得從容。 嘗以木槽盛 令以口就槽 飯, 內諸 中食之, 休仁笑謂帝 雜 食 用爲 明

明帝。 帝將南游荆、湘二州, 時南平王敬猷、廬陵王敬先兄弟被害,猶未殯斂,休仁、休祐同載臨之,開帷歡笑,鼓 明旦欲殺諸父便發,其夕被殺於華林園。 休仁卽日便執臣 禮 於

吹往反,時人咸非焉。

宿出之。

帝初與蘇侯神結爲兄弟,以祈福助。 爲三十人,出據獸艦,三三進赭圻。 職,曰:「臣不得與此人同朝。」上乃賜道隆死。 明帝以休仁爲侍中、司徒、尚書令、揚州刺史、給三望車。 尋領太子太傅,總統諸軍。中流平定,休仁之力也 及事平,與休仁書曰:「此段殊得蘇兄神力。」 尋諸方逆命,休仁都督征討諸軍事 時劉道隆爲護軍,休仁求解 增班 劍 明

|休仁悟其旨,表解揚州,見許。 進位太尉,領司徒,固讓。 泰始初,四方逆命,休仁親當矢石,大勳克建,任總百 休仁年與明帝相亞, 俱好文籍, 素相愛。 及廢帝世, 揆,親寄甚隆, 同經艱危, 又加漆輪車, 劍履升殿。 受漆輪 明帝又資其權譎之力。 四方輻湊。 Ŀ 甚 不悅。

車,固辭劍履。

有疾,翻入視脉,悅之,遂與姦。 上疾 計。 特降爲始安縣王,幷停子伯融等流徙,聽襲封爵。及帝疾甚,見休仁爲祟,叫曰:「司徒 稱其自殺,宥其二子,幷全封爵。有司奏請降休仁爲庶人,絕屬籍,兒息悉徙遠郡。 者皆懼。上與運長等定謀,召休仁入宿尚書下省,其夜遣人齎藥賜休仁死,休仁對使者駡 曰:「上有天下,誰之功也。」孝武以誅子孫而至于滅,今復遵覆車,枉殺兄弟,奈何忠臣抱此 尋崩。 ! 我大宋之業,其能久乎。」上疾久,慮人情同異,自力乘輿出端門,休仁死後乃入。 詔 暴甚,內外皆屬意休仁。 運長等又慮帝晏駕後,休仁一旦居周公之地,其輩不得執權,彌贊成上使害諸 明帝末年多忌,休仁轉不自安。 伯融,妃殷氏所生。 主書以下皆往東府詣休仁所親信,豫自結納。 事泄、遺還家賜死。 殷氏,吳興太守冲女也。 及殺晉平王休祐,与三其年上疾篤,與楊運長 范陽祖翻有醫術,姿貌又美,殷氏 其或直 部休仁 不得出 爲身後

平刺王休祐,文帝第十三子也。孝建二年,年十一,封山陽王。 明帝卽位,以山陽荒

改封晉平王,位驃騎大將軍、開府儀同三司、荆州刺史。

史,加都督。「三」上以休祐貪虐,不可莅人,留之都下,遣上佐行府州事 以 短錢一百賦人,田登就求白米一斛,米粒皆令徹白,若碎折者悉不受。 休祐 至時又不受米,評米責錢,凡諸求利皆如此。百姓嗷然,不復堪命。 素無才能,强梁自用。大明之世,不得自專,至是貪淫好財色,在荆州多營財貨。 人間糴此米一斗 徵為南徐州刺

复文秀馬相蹋,文秀墮地,驃騎失控,馬重驚,觸松樹墜地落硎中,時頓問,故馳報弟。」其年 諸壯 近。 詰責之,且慮

体

施將來難制,欲方便除之。

七年二月,

車駕於巖山射雉,有一维不肯入場, 體大,落馬殊不易。」卽遣御醫上藥相係至,頃之休祐左右人至,久已絕矣。與以還第,贈司 便馳去,上遣左右數人隨之。上旣還,前驅淸道,休祐人從悉散,不復相得。上遣壽寂之等 日暮將反,留休滿射之,令不得雉勿歸。休滿時從在黃麾內,左右從者並在部伍後。 時巴陵王休若在江陵,其日卽馳信報休若曰:「吾與驃騎南山射雉,驃騎馬鷲,與直閣 有一人自後引陰,因頓地,即共拉殺之。遣人馳白上,行唱驃騎落馬,上聞鶩曰:「驃騎 士追之,日已欲闇,與休祐相及,蹴令墜馬。休祐素勇壯,有氣力,奮拳左右排擊,莫得 **|休**祐狠戾,前後忤上非一。在||荆州時,左右||范景達善彈棊,上召之,休|| 林留不遣。上怒 休祐

列

傳

五月,追兔休祐爲庶人,十三子並徙晉平。

順 帝昇明三年,稱謀反,並賜死。 明帝 專病,見休祐爲祟,使使至晉平撫其諸子。 帝尋崩。 廢帝元徽元年,聽諸子還都。

茂,宗治禽之,斬首。 史, 出城行營,諮議參軍沈暢之等閉門 拒之。 衞,縱不成,不失入虜中爲王。」休茂從之,夜使伯超等殺司馬庾深之,集兵建牙馳檄。 曰:「主帥密疏官罪,欲以啓聞。」 休茂曰:「今爲何計。」 伯超曰:「唯殺行事及主帥, 每禁之。常懷忿,因左右張伯超至所親愛,多罪過,曰三主帥常加訶賣。 加都督、北中郎將、寧蠻校尉。時司馬庾深之行府州事,休茂性急欲自專,深之及主帥 海陵王休茂,文帝第十四子也。 母妻皆自殺,同黨悉伏誅。 孝建二年,年十一,封海陵王。 城陷,斬暢之。 有司奏絕休茂屬籍,貶姓爲留,不許。 其日,參軍尹玄度起兵攻休 大明二年,爲雍州刺 伯超懼罪,謂休茂 舉兵自 休茂 卽葬

鄱 陽哀王休業,文帝第十五子也。 孝建二年,年十一,封鄱陽王。 三年薨,以山陽王休

智井 加 -6 年, 爲 臨 立第二十七皇子子嗣爲東平王,紹休倩。 慶沖 東平王,繼休倩,未拜,薨。其年,追改休倩爲臨慶王。 王休倩,文帝第十六子也。 孝建元年,年九歲,疾篤,封東平王,未拜,薨。大明 泰始三年還本,遂絕。 休倩爲文帝所愛,故前後屢 六年,以第五 皇子

紹

嗣

新 野懷王夷父,文帝第十七子也。 元嘉二十九年薨,明帝泰始五年,追加封諡

王休仁 範素 弟故、生便富貴。[1]程氏願生王家、良有以也。」及明帝晚年、晉平王休祐以狠 泰始六年,累遷驃騎大將軍、江州刺史,加都督。 凡訥,少知解,不爲諸兄齒遇。 桂 陽王休範,文帝第十八子也。 以權逼不容,巴陵王休若素得人情,以此見害,唯休範謹澀 明帝常指左右人謂王景文曰:「休範人才不及此,以我 孝建三年,年九歲,封順陽王。 遺韶進位司空、侍中, 無才,不爲物情所向,故 大明元年,改封桂陽。 加 班劍三十人。 戾致禍,建安 休

及 明 列 帝 傳 晏駕,主幼時艱,休範自謂宗戚莫二,應居宰輔。 第 四 宋 宗 室 及 誻 \pm 下 事旣不至,怨憤彌結。 招

得

自保

而

常

憂懼

夏口。 兵力。 荀太妃薨,即葬廬山,以示不還之志。 位太尉,明年五月遂反。 士,繕修器械。 元徽元年,乃以第五皇弟晉熙王燮爲郢州刺史,長史王奐行 慮爲休範所撥留,自太子狀去,不過尋陽。 行人經過尋陽者,莫不降意折節,於是至者如歸。 發自尋陽, 晝夜取道。 時夏口 「闕鎭,朝讓以居尋陽上流, 大雷戍主杜道欣馳下告變。 休範怒,欲舉兵,乃上表修城堞。 朝 府州事,配 廷知之,密 欲樹置 以實 道欣至一 相 腹 防禦。 心, 力,出 其 年進 重 鎭 其

與齊高帝爲質,至卽斬之。 士李恒、鍾爽進諫不宜親之,休範曰:「不欺人以信。」 時休範 林步上攻新亭壘。 齊高 帝出 次新亭壘。 屯騎校尉 時事起倉卒,朝廷兵力甚弱,及開 回 黃回乃爲往降,幷宣齊高帝意。 與越騎校尉張敬兒直前斬休範首持還,左右 日飲醇酒,以二子德宣、 武庫、隨將士意 休範大悅,置之左 並散 取。 右。 休範 休範 於 壯 新 付

休範已至新林,朝廷震動

道隆 省恇擾,無復固志。 臺,逢賊,埋首道側 **雀門,道隆爲亂兵**所殺。 率羽林兵在朱雀門內,聞賊至,急召劉勔, 初,休範自新林分遣同黨杜墨蠡、丁文豪等直向朱雀門。 ,挺身得達。 撫軍長史褚澄以東府納賊。 墨蠡等唱云「太尉至」。 雖唱云已平,而 **勔自石頭來赴戰,死之。** 無以爲據,衆愈疑惑。 休範之死也,齊高帝遣隊主陳靈寶齎首還 賊擁安成王據東府,稱休範教曰:「安成王 休範雖死, 墨蠡徑至杜姥宅,宮 墨螽等乘勝直入朱 墨蠡等不 知。

等,諸賊一時奔散。 氣殊壯,厲聲曰:「我獨不能定天下邪。」休範首至,又羽林監陳顯達率所領於杜姥宅破墨蠡 吾子也,勿得侵。」賊勢方逼,衆莫能振。 斬墨蠡、文豪等。 晉熙王燮自夏口遣軍平尋陽。 尋而丁文豪之衆知休範已死,稍欲退散。 文豪勇

夏寶期事休若無禮,啓明帝殺之。慮不許,啓未報,於獄行刑。 殊異,並不知沈居喪。 **|休若,多受財賂。時內外戒嚴並袴褶,<[云] 沈居母喪被起,聲樂酣飲,不異吉人。 衣冠旣無** 太守,加都督。二年,遷都督、雍州刺史、寧蠻校尉。前在會稽錄事參軍陳郡謝沈以諂側 上怒敕之曰:「孝建之世,汝何敢爾。」使其母羅加杖三百。 巴陵哀王休若,文帝第十九子也。孝建三年,年九歲,封巴陵王。 沈嘗自稱孤子,衆乃駭愕。休若坐與沈褻黷,降號鎭西將軍。 信反令鎖送,而寶期已死 明帝卽位,出爲會稽

休若甚惡之。 憂,嘗衆賓滿坐,有一異鳥集席隅,哀鳴墜地死。又聽事上有二大白蛇長丈餘,哈哈有聲。 晉平王休祐被殺,建安王休仁見疑,都下訛言休若有至貴之表,明帝以此言報之。休若甚 四年,改行湘州刺史。六年,爲荆州刺史,加都督、征西大將軍、開府儀同三司。 七年,

會被徵爲南徐州刺史, 傳 第 四 宋 宗 室 及 加都督、征北大將軍、開府如故。休若腹心將佐咸謂還朝必有 詔 王下

大禍 授 上以休若善能諧緝 泛爲 江州 中兵参軍京兆王敬先勸割據荆楚。 刺史,至,即於第賜死,贈侍中、司空。 物情,慮 心將來 傾 幼主 一、欲遣使殺之,慮不奉詔。 休若執錄,馳使白明帝 子沖始襲封。 ,敬先坐誅。 徴 入朝,又恐猜駭。 休若至京口

始安 平 與 鸞 貴 華 皇 陵 Œ 皇 子產 Ė 子 王 妃 生 同 子 子 子 生 安陸王 子 王 生 孝 子真。 武帝 一始平 產、廬陵王 玄 輿 與永嘉 子 江美 衡 與 同 孝敬 生 淮 子 同 二十八男。 南 綏 ,次皇子子雍 生;次東 人 江 王 婕妤 生皇 子仁 王 王 子輿並 子鸞。 子孟 徐昭 同 生皇子子玄。 子 平 子衡。 容 生,次晉陵孝王子雲、次皇子 文穆皇后生廢帝子業、 同 山繼 Ė 次永嘉王子仁與皇子子深同 生 生,次南海哀 子 與始安王 皇子 嗣 楊婕妤生 與始 皇子子深、子鳳、子玄、 子深。 史昭 子眞 安王 主 一淮南 何淑儀 儀生邵陵王子元。 子 子 同 生; 眞 師與始平 王子孟。次皇子 同 豫章王子尚。 生 次皇子子趨 生。 松 滋 子文並 張容華 孝敬 生。 子衡 侯子房。 王 次齊敬 何婕妤 與 子況 一子鸞 與始 生皇子子悅。 陳淑媛 子況、子文、 皇子子鳳 史昭 同 與 平孝敬王 生 王 皇子子玄同 生,次淮陽思 子 生晉安王子勛。 皇 華 子子 羽 生 同 臨海 與始平孝 生, 安陸王子綏、南 子鸞 子雍未封早天。 鳳 主 次皇子子期 生 同 王 子 謝 生、次 一,次南 子霄 昭 頊 敬 容 王 阮 平 廬 子 生 殷 與

農、「同己又立左學,召生徒,置儒林祭酒一人,學生師敬,位比州中從事。文學祭酒一人,比 州西曹。勸學從事二人比祭酒從事 西立王畿;以浙江東爲揚州,以子尙爲刺史,加都督。五年,改封豫章王,曰司領會稽太守。 七年,進號車騎大將軍、開府儀同三司。時東土大旱,鄞縣多疁田,孝武使子尚表至鄞縣勸 豫章王子尙字孝師,孝武第二子也。孝建三年,年六歲,封西陽王。大明三年,分浙江 0

風。 武以子尚太子母弟,甚留心,後新安王子鸞以母幸見愛,子尚寵衰。及長凶慝,有廢帝之 山陰公主也。廢帝改封會稽郡長公主,給鼓吹一部,加班劍二十人,未拜受而廢帝敗。至己 明帝旣殞廢帝,乃稱太皇太后令曰:「子尚頑凶,楚玉淫亂,並於第賜盡。」楚玉,廢帝姊 前廢帝即位,罷王幾復舊,徵子尚都督揚、南徐二州諸軍事,領尚書令。 初,孝建中,孝

安王。七年,爲江州刺史,加都督。八年,改授雍州,未拜而孝武崩,還爲江州 晉安王子勛字孝德,孝武第三子也。眼患風,不爲孝武所愛。 大明四年,年五歲,封晉

邁,使八座奏子勛與邁通謀,遣左右朱景送藥賜子勛死。 時 廢帝狂凶,多所誅害。 明帝定亂,進子勛車騎將軍、開府儀同三司。 前撫軍諮議參軍何邁謀因帝出爲變,迎立子勛。 景至盆口,造報長史鄧琬。 事 泄, 琬等 帝談

琬等不受命

歲四 方貢計,並詣尋陽。 泰始二年正月七日,奉子勛爲帝,卽僞位於尋陽,年號義嘉,備置百官, 及軍敗,子勛見殺,時年十一。 即葬尋陽廬山。 四方響應。 是

奉子勛起兵,以廢立爲名。

勛。 爲 弟終爲禍難,勸上除之。廢徙遠郡見殺,年十一。 會稽太守, 上虞令王晏殺覬,送子房還建鄴。上宥之,貶爲松滋縣侯。 松滋侯子房字孝良,孝武第六子也。大明四年,年五歲,封尋陽王。 加都督。 明帝卽位,徵爲撫軍,領太常。長史孔覬不受命,舉兵應晉安王子 司徒建安王休仁以子房兄 前廢帝景和元年,

位,進督雍州,長史孔道存不受命,應晉安王子勛。 臨 海 王子頭字孝烈,孝武第七子也。 初封歷陽王,後改封臨海,位荆州刺 事敗賜死,年十一。 史。 明帝即

始平孝敬王子鸞字孝羽,孝武第八子也。 大明四年,封襄陽王,尋改封新安。 五年,爲

北 中郎將、南徐州 刺史,領南琅邪太守。 母殷淑儀寵傾後宮,子鸞愛冠諸子,凡爲上眄遇者

莫不入子鸞府國。 爲南徐州,又割吳郡屬之。 六年,丁母憂。

右曰:「願後身不復生王家。」同生弟妹並死。 前廢帝素疾子鸞有寵,及卽位,旣誅羣臣,乃遣使賜子鸞死,時年十歲。 明帝卽位,改封始平王,以建平王景素子延 子鸞臨 死謂左

年嗣。

帝尋從司徒建安王休仁計,未拜賜死,時年十歲。 永嘉王子仁字孝龢、孝武第九子也。 大明五年,封永嘉王。 明帝即位,以爲湘州刺史。

始安王子眞字孝貞,孝武第十一子也。

邵陵王子元字孝善,孝武第十三子也。 並被明帝賜

齊敬 王子羽字孝英,孝武第十四子也。 生二歲而薨,追加封

四一六

淮南王子孟字孝光,孝武第十六子也。 初封淮南王,明帝改封安成王,未拜賜死。

晉陵孝王子雲字孝舉,孝武第十九子也。 大明六年封,未拜而亡。

南海哀王子師字孝友,孝武第二十二子也。 大明七年封,未拜,爲前廢帝所害。 明帝

即位追諡。

准陽思王子霄字孝雲,孝武第二十三子也。 早薨,追加封諡。

東平王子嗣字孝叔,孝武帝第二十七子也,明帝賜死。

武陵王贊字仲敷,小字智隨,明帝第九子也。 明帝既誅孝武諸子、韶以智隨奉孝武爲

子,封武陵郡王。順帝昇明二年薨,國除。

生。 **躋與第四皇子同生。徐良人生武陵王贊。** 皇子。鄭修容生皇子智井。次晉熙王變與皇子法良同生。 明帝十二男 又泉美人生始建王禧。 陳貴妃生後廢帝。 智井、燮、躋、贊並出繼。 謝修儀生皇子法良。 杜修華生隨陽王翽。 法良未封。 泉美人生邵陵殤王友,次江夏王 陳昭華生順帝。 次新興王嵩與武陵王贊同 第四皇子朱有名,早夭。 徐婕好 生第四

廢帝元徽二年,桂陽王休範誅後,王室微弱,友府州文案及臣吏不諱「有無」之「有」。「昌三順 帝昇明二年,徙南豫州刺史,薨。 邵陵殤王友字仲賢,明帝第七子也。 無子國除。 年五歲、出爲南中郎將、江州刺史、封邵陵王。 後

隨陽王翽字仲儀,明帝第十子也。 初封南陽王,昇明二年,改封隨陽。 齊受禪,封舞陰

縣公。

新興王嵩字仲岳,明帝第十一子也。 齊受禪,降封定襄縣公。

始建王禧字仲安,明帝第十二子也。齊受禪,降封茘浦縣公,尋並云謀反賜死。

礦暴摧軀, 巴哀由和良耽體, 保身之路, 未知攸適。 昔之戒子, 愼勿爲善, 詳求其旨, 將遠有 酷,未極於斯,其不至覆亡,亦爲幸也。明皇統運,疑隙內構,尋斧所加,先自王戚。 出,枝葉不茂,豈能庇其本乎。 內沸騰,王室如燬,而帝之諸胤莫不殲焉。 以乎。詩云:「不自我先,不自我後。」蓋古人之畏亂也。孝武諸子,提挈以成釁亂,遂至宇 論曰:甚矣哉,元嘉之遇禍也。殺逆之釁,事起肌膚,因心之童,遂亡天性。雖鳴鏑之 强不如弱,義在於此。明帝負螟之慶,事非已 晉剌以

校勘記

- 陳修容生東海王禕 始封。今改目錄「廬陵」爲「廬江」。 「東海王」目錄及本傳並作「廬陵王」。宋書作「廬江王」,而「東海王」爲其
- 楊美人生始安王休仁 「始安王」目錄同,本傳作「建安王」。按「始安王」爲其降封。
- 邢美人生山陽王休祐 「山陽王」目錄及本傳並作「晉平王」。按「山陽王」爲其始封。

- 24 <u>__/</u> 可 急宜 一犍之 -犍」各本作「撻」,據宋書改。 按犍之謂闍 割 之。
- ŦŦ. 謂 止 書 傅 空 言 ---謂 止書傳」各本作 「謂之傳」, 據 宋 書 訂
- ベ 呼 中 書 舍 人 顧 嘏 嘏」各本作「瑕」,據宋書改。
- -以 侍 中 王 僧 綽 爲 吏 部 尚 書 王 僧 綽 各本譌「王僧 達」。 按王 一僧綽傳: 一 立, 轉 僧 綽 更部 尙

書。」今據改

- 南中 此 據 郞 南 北 二十年 監 本及 少業能 殿本、局 建 如 本 此 大事 同, 百衲· 惟 本、 無 業字 汲古閣 本作「中 郞二十年業不少,能建 如 此 大事
- 妃 長 寧園夫人 通流 園」各本 作 國」,據宋書改。 按長 寧宋文帝陵名。

. ₩

追

贈

潘

淑

爲

- 三子 敬 猷敬 深敬 先 「敬深 」宋書作「敬 淵」,此 避 唐 諱 改
- 建康 人 陳 文 紹 訴 父饒 爲 誕 府 史 紹 各本作「 詔 رِٿ 據(宋 書改。
- 以義 垣闄 興 事 太守 則 是『垣』非『桓』也。」 垣 闦 爲 兗州 刺 史 按宋書作 垣 閬 各本 垣 閬 作 一个據 恒恒 閪 改。 ٠, 張 森 楷南史校 勘記: 據垣 護之傳附載
- 廣 陵 城 舊 不 開 南 門云 開 南 門者 不 利 其 主 不 利 其 主」各 本 作「其主王」、今據宋書改。
- 追 贈 殷 長 滥. 遠 淑 妃 長 部 園」各 本 作「長 寧 國 按 長 寧 園 爲 宋文帝陵 園 據宋書改。
- 二吾 以 本 號 開 府 儀 司 司 「以」字各本 並 一脫演宗書補。

列 悔 第 四 校 勘 記

- 又奪景素鎭北將軍開府儀同三司 「鎭北」各本作「征北」。 按上云「進號鎭北將軍」, 通鑑胡注
- 亦云「征北」當作「鎭北」,今改正。
- 羽林監垣祗祖 齊景素 「垣」各本作「桓」,據宋書、通鑑改,南齊書作「袁祗」。
- **廬江王韓字休秀** 「廬江王」各本作「廬陵王」。 按宋宗室及諸王傳,廬陵王」爲武帝子義眞封

號,宋書作「廬江王」,是,今改正。

- [12] 時緯住西州 各本脱「州」字,據宋書補。
- 變降封陰安縣公 「陰安」各本作「安陰」,按陰安爲南豫州晉熙郡屬縣, 見宋、齊書州郡志,今

乙正。

- 「二」武昌王渾字休深 「深」宋書作「淵」,此避唐諱改。
- CIII 出據獸檻 「獸」本字「虎」,避唐諱改。
- 三 及殺晉平王休祜 宋書此下有「憂懼彌切」四字、語意始完足。
- 徐州 加都督 、荆州、無不都督者、非此除乃特加也。 宋書作「加侍中」。張森楷南史校勘記:「按休祐自初單爲東揚州、湘州 侍中非外任時應得,故云加,與 都督不同 刺史、後凡再爲
- 至 常懷 忿因左右 張伯超至所親愛多罪過 「忿」下,朱書有「怒」字,無「因」字。
- (三六) 參軍尹玄度起兵攻休茂 「度」宋書、通鑑並作「慶」。

記

- [三八] 時內外戒嚴並袴褶 「並」下宋書有「著」字。
- 三型 五年改封豫章王 「五年」各本作「六年」,據孝武紀及册府元龜二六四改
- [MO] 孝武使子尚表至鄞縣勸農 「表」宋書作「上表」。
- 三] 未拜受而廢帝敗 「廢帝」各本脫「帝」字,據宋書補。
- 友府州文案及臣吏不諱有無之有 「之有」各本譌「君之心」,據宋書删改。

南史卷十五

列傳第五

劉穆之 曾孫祥 從子秀之 徐羨之 從孫湛之 湛之孫孝嗣 孝嗣孫君蒨

傅亮 族兄隆 檀道濟 兄韶 韶孫珪 韶弟祗

劉穆之字道和,小字道人,自東莞莒人也, 世居京口。 初爲琅邪府主簿, 嘗夢與宋武

帝汎 海遇大風,驚俯視船下,見二白龍挾船。 旣而 至一山,山峯聳秀,意甚悅。

之聞京城有叫聲,晨出陌頭,屬與信會,直視不言者久之,反室壞布裳爲袴往見帝,帝謂曰: 及武帝剋京城,從何無忌求府主簿,無忌進穆之。 帝曰:「吾亦識之。」卽馳召焉。 時修

矣。」卽於坐受署。 「我始舉大義,須一 軍吏甚急,誰堪其選。」穆之曰:「無見踰者。」帝笑曰:「卿能自屈,吾事濟 從平建鄴、諸大處分、皆倉卒立定、並穆之所建、逐動見諮詢。 穆之亦竭

節盡誠,無所遺隱。

列傳第五 劉穆之

時 晉 綱 寬 驰,三 一威禁不行,盛族豪家,負勢陵縱;重以司馬元顯政令違舛,桓玄科條繁

之斟 酌 時 `宜、隨方矯正,不盈 旬日,風 俗頓改。

帝於 子。 受 力 得 京邑,彼必不敢越公更授餘 如 居 制 敵 厠 丹徒 及 謙 於 遷尙 勢均,終相 刨 揚 人。 逐 密 州 領 書 疏 **| 為守蕃將邪?劉、孟諸公倶** 州 刺 祠 白帝,言沈 部 失權柄,無由 ,以內事 史王謐薨,帝次應入輔。 吞 郎,復爲府主簿、記室、錄 咀 r付僕 揚州 語不可從。 根 射孟昶。 人。」帝從其言,由是 可 得。 本 所係,不可假人。 公功高 帝旣見沈, 遣尙 起布 劉毅 書右 事 勳重,不 衣,共立 等不 參軍,領堂邑太守。以平桓玄功,封西華縣五 丞皮沈 且. 入輔 一令出 欲帝入, 議以中領 前 可直 大義,事 授王 以二議諮帝。 外,呼穆之問 置疑 謐,事 乃一時相推 畏,便可入朝共盡 茁 權道, 焉。 軍謝混 沈 先與穆之言, ,非宿定臣 穆之曰:「公今日豈 今若復 爲揚州 同異。 他 授 主分也。 或欲 穆之 便 公 至 應 偽 令 等

之。 外 陳 奏 所 無 聞 叉 從 廣固 愛賓游, 隱 見 大小 還拒 人 或譏之,穆之曰:「我蒙公恩,義 坐客恒 必白, 盧循 常居 [滿,布] 雖 閪 里言謔,皆 幕 耳目以 中 畫策。 爲視 一二以聞。 劉毅等疾之,每從容言其權 聽, 故朝 無隱諱,此張遼 野同 帝 毎 .異 得 人間 穆之 所 以告關 莫不 委密消 重,帝愈信仗之。 必 息以示 羽 知 欲 雕 叛 聰明, 親 也 昵 短長,皆 省由 穆之 穆

帝 舉 止 施爲,穆之皆下節度,帝書素拙 穆之曰:「此雖小事,然宣布 四遠,願公小復留

所 意。」帝旣不能留意,又禀分有在, 包,其 、勢亦美。」帝從之, 紙不過六七字便滿。 `穆之乃曰::「公但縱筆爲大字,一字徑尺無嫌。 大旣 足有

石 並 便尺牘 穆之凡所薦達,不納不 ,嘗於武 一帝坐與齡石並答書,自旦至日 ょ 常云:「我雖不及一首令君之舉善,然不舉不善。」穆之與朱齡 中, 穆之得百 函,齡石得八十函 · ; 而

應

對

無廢。

輔 盡,豈容若 悠之言,云太尉 必 之。 踐危機。 遷 申 加 建 軍、太尉司馬、加丹陽尹。 此。」長人意乃小安,穆之亦厚爲之備。 今日思爲丹徒布衣,不可得也。」帝還,長人伏誅。 威將軍,置佐吏,配 與我不平,何以 給實力。 至此了廖之曰:「公泝流遠伐,以老 帝西討劉毅,以諸葛長人監留府,疑其難獨任,留 長人果有異謀,而猶 長人謂 所 親 豫 進前將軍 曰:〔三〕「貧賤常思富貴」富貴 不 母弱 能發,屏人謂穆之曰:「悠 子委節下,若一 豪不 穆之

選 軍二府 帝 西 軍 將 伐 司 軍 將 尹 司馬休之, 如故。 軍 、尹、領選 帝北 中軍將 伐,留 如故,甲仗五 軍道憐 世 字 知留任,而 爲 十人 中軍將 入殿,入居 軍 事 、監太尉 無大 東城 小, 留 府。 決穆之。 轉穆之左僕射、領監 遷尚書右僕射,領 軍 中

滿室。 穆之內 目 I覽 總朝 詞 訟, 政, 手答牋 外供 書,耳行 軍 旅,決 斷 聽受,口並酬應,不相參涉,皆悉贍舉。 如流,事 無壅滯。 賓客輻湊,求訴百 「端,內 又言談賞笑 外諮 禀,盈階 彌 H

本 人 亘 ·貧賤,贍生多闕,叨忝以來,雖每存約損,而朝夕所須,微爲過豐,此外 時, 饌,未嘗 1倦苦。 「獨餐。 裁有閑暇,手自寫書,尋覽篇章,校定墳籍。 每至食時,客止十人以還,帳下依常下食,以此爲常。 性奢豪,食必方丈, 無一豪負 嘗白帝曰:「 公。 旦輒爲十 穆之家

帝 唯 逮 有 於 外 中 庶 前 本虚,乃馳還彭城。 德之休明,沒而 ·作捍, 政 又表 寧濟其 讜 虞 邇 視 軍府文武二萬人,以三千配羡之建威府,餘悉配世子中軍 悼 旣 聽 義 者,不 天子曰:「臣聞崇賢旌善,王教所先,念功簡勞,義深追遠。 嘉 心。 熙十三年卒。 殷,內難亦荐 撫 勿 事者矣。 謀,溢于 寧之勳,實洽朝野,識量局致,棟幹之器也。 軍 皇恩褒述,班同三事,榮哀旣備,寵靈已泰。 可 國,心力俱 勝 彌著。 紀。 人 履謙居寡,守之彌固,每議及封爵,輒深自抑絕。 聽,若乃忠規密謨,潛慮帷幕,造 ,時屯世故,靡有寧歲。臣以寡乏,負荷 以司馬徐羨之代管留臺,而朝廷大事常決於穆之者, 帝在長安,本欲頓駕關中,經略趙、魏,聞問 所以 故尚書左僕射、前將軍臣穆之,爰自 盡。 陳 及登庸朝右,尹司京畿,敷讚 力一 紀,遂克 有成, 出 征 膝 入輔, 方宣讚盛化,緝隆聖世, 詭辭,莫見 臣伏思尋,自 百 國 · 布衣,協佐義始, 揆, 幸不 府。 重,實賴穆之匡翼 翼新大猷。 驚慟, 其際。 辱 追贈穆之開府儀 故司 命。 所以勳高當年,而茅土 義熙 勳執 良惋 事隔 微 草 並 內竭 頃戎 夫 策, 創 悉北 者數 於 人 之益 皇朝 在 艱 忠績 車遠 之左 謀 日。 患 猷 同 勤 品品品 三司。 未 役,居 了外勤 右,未 功功 未究, 必記, 以 弭 根

弗及、撫事永念、胡寧可昧。 及,永旌於善人。 臣契闊屯夷,旋觀終始,金蘭之分,義深情感,是以獻其乃懷,布之朝聽。」 謂宜加贈正司,追甄土宇。俾忠貞之烈,不泯於身後, 大賚所

於是重贈侍中、司徒,封南昌縣侯。

聞驥騄乎,貴 禄大夫范 封南康郡公,諡曰文宣 及帝 泰對曰:「聖主在上,英彥滿朝,穆之雖功著艱難, 受禪,每歎憶之,曰:「穆之不死,當助我理天下。 日致千里耳。」帝後復曰:「穆之死, 人輕易我。」其見思如此。 可謂『人之云亡,邦國殄瘁。』」光 未容便關興毀。」帝笑曰:「卿不 以佐命元勳,追

江嗣 弟戲 所致憂。」 對穆之梳沐。 之曰:「檳榔消食、君乃常飢,何忽須 女,甚明識,每禁不令往江氏。 穆之少時,家貧誕節,嗜酒食,不修拘檢。 及至醉飽,以移之乃令厨人以金件貯檳榔 及穆之爲丹陽尹,將召妻兄弟,妻泣而稽顙以致謝 後有慶會,屬令勿來。 此。」妻復截髮市肴饌,爲其 好往妻兄家乞食,多見辱,不以爲耻。 斛 以進之。 穆之猶往,食畢求檳 兄弟以餉穆之,自此 穆之曰:「本不匿怨,無 榔。 江氏兄 其妻 不

長子慮之嗣,卒。 子邕嗣。 先是郡縣爲封國者,內史、相並於國主稱臣,去任便止。

元嘉二十五年,車駕幸江寧,經穆之墓,詔致祭墓所。

列

邕嗜酒, 給膳。 先患灸瘡,痂落在牀,邕取食之。 建中始革 今與汝比肩,旣不勸汝酒,亦不願汝年。」 邕性嗜食瘡痂,以爲味似鰒魚。 曰:「劉邕向顧見噉,遂舉體流血。」 南康國東二百許人,不問有罪無罪, 謂欲之曰:「卿昔見臣,今能見勸一盃酒不。」飲之因劉孫皓歌答曰:「昔爲 ·此制 爲 下官致敬。 河東王歆之嘗爲南康相,素輕邕。 靈休大驚,痂未落者,悉褫取飴邕。 後飲之與邕俱豫元會並坐, 邕去,靈休與何 遞與鞭, 嘗詣孟靈休,靈休 瘡痂常以 汝作臣, 島書

廟墓不修,削爵爲羽 五百錢爲買棺,以泥洹輿送葬,爲有司奏,事寢不出。 邕卒,子肜嗣,坐刀斫妻奪爵,以弟彪紹。 林監。 又坐與亡弟母楊別居,楊死不殯葬,崇聖寺尼慧首剃頭爲尼,以 齊建元初,降封南康縣侯、虎賁中郎將。 坐

式之召從事謂曰:「還白使君,劉式之於國粗有微分,偸數百萬錢何有,況不偸邪。」從事還 穆之中子式之字延叔,爲宣城、淮南二郡太守,犯贓貨,揚州刺史王弘遣從事 由此得停。 從征關洛有功,封德陽縣五等侯。 卒,諡曰 恭 檢校之。

郡 顧邁輕薄有才能,濟待之厚。 璃字茂琳, 始興王濬 爲南徐州, 瑀乃折節事邁,邁以瑀與之款盡,濬所言密事,悉以語瑀。 以瑀爲別駕。 **两性陵物護前,時濬征北府行參軍吳**

瑀 與邁 共 、進射堂下,忽顧左右索單衣幘,邁問其故,瑀曰:「公以家人待卿,言無不盡, 卿外

泄。 我 是公吏,何得不啓白之。」濬大怒,啓文帝徙邁廣州。

達 云:「蔭藉 瑀 性 使氣尙 高 華, 人,後爲御史中丞, 人品冗末。」朝士莫不畏其筆端。 甚得志。 彈蕭 惠開云:「非才非望,非勳非德。」彈王僧

之三 致千 當入,不入當出,安能長居戶限上。」因求益州。及行,甚不得意,至江 祀 駿 何 馭 有 時偃 精 .里。」答曰:「一蹙自造青雲, 世叛兵,一 ,政恐匈 轉 所 右 乘 衞 以疾耳。」偃 車 將軍。 在前 奴 輕漢 日居荆州, ,瑪策駟居後, 年位本在 耳。 日 :「君馬 坐奪人妻爲妾発官 青油 何偃前,孝武 幕 何至與駑馬爭路。」然甚不得意,謂 何遲?」曰「騏驥羅 相去數十步, 下, 作謝宣明 初, 偃爲 **瑀蹋馬及之**,謂 面 目 於覊絆,所以居後」。 見向,使齋帥以長刀 偃曰:「君 所 一陵,與顏竣書曰:「朱脩 親曰:「人 引 轡何疾。」 偃 日... 吾下席,包 與偃 何 、仕宦, 不着 偃 同從郊 日: 於吾 不 |鞭使 出 4

有 遂 後 與 爲吳興太守, 偃 絕。 族叔 侍中何偃嘗案之云:[5]「 秀之爲丹陽,瑀又與親故 書曰: 參伍時望。」 吾家 黑 瑀大怒日: 面 阿秀遂 居劉 「我於時望何參伍之 安 衆 處,朝

其 年 疽 發背,何偃 亦發背瘫。 | 踽疾已篤〕聞偃亡,歡躍叫呼,於是亦卒。 諡 目

列

爲

多

士。

羞 下。 面 見人、扇障何益。」彥回曰:「寒士不遜。」詳曰:「不能殺袁、劉、安得觅寒士。」 祥 字顯徵,式之孫也。父敳,太宰從事中郎。祥少好文學,性韻剛疎, 齊建元 中,爲正員郎。 司徒褚彦回入朝,以腰扇鄣日,祥從側過,曰:「作如 輕言肆行,不避 此舉止,

州。 尉。 鄓。 是以 僕射,祥 著連珠十五首,以寄其懷。 上別 明玉黜於楚岫,章甫窮於越人。」有以祥連珠啓上,上令御史中丞任遐奏其過惡,付廷 不得意,終日縱酒,少時卒。 祥兄整爲廣州,卒官, 祥就整妻求還資, 事聞朝廷。 永明初,撰宋書,畿斥禪代,尚書令王儉密以啓開,上街而不問。爲臨川王驃騎從事中 與與子融同 遣 .載,行至中堂,見路人驅驢,詳曰:「驢,汝好爲之,如汝人才, 其譏議者云:「希世之寶、違時必賤、偉俗之器、無聖 里思愆。 卿若能改革,當令卿得還。」 又於朝士多所貶忽。 王奐爲 乃徙廣 皆已令 川淪。 尚書

雅 興 諸 相知器,以女妻之。 見戲 秀之字道寶、穆之從父兄子也。 前 渚忽 有大 兄欽之爲朱齡石右軍參軍,隨齡石敗沒,秀之哀感不歡宴者十年。 蛇來,勢甚猛,莫不顚沛驚呼, 祖爽,山陰令。 父仲道,餘姚令。 秀之獨 不 動, 衆並異之。 秀之少孤貧,十歲時 東 海 何承天

參 軍 宋景平二年,除駙馬都尉。 、襄陽 令。 有 六門堰,良田 元嘉中,再爲建康令,政績 數千頃, 堰 **外决壞**, 公私 有聲。 廢業。 孝武鎭襄陽,以 孝武 遣 為撫軍錄

事 襄陽 秀之修復,雍

部 由 ...是 大 豐。

絹 爲 貨 後 除西戎校尉、梁南秦二州 秀之限令用錢 百百 姓利之。 刺 史,加都督。 漢川饑饉, 秀之躬自儉約。 先是漢川悉以

十七年,大舉北侵,遣 輔 國將 軍楊文德、巴西梓潼二郡太守劉弘宗受秀之節度,

汧 雕

金。 奉 禄 所 元 二百百 擕 区 八十萬 賓 弑逆,秀之卽日起兵, 徐並 都 付 梁州 下貧 鎭 子 ', 出 庫, 爲 此 求赴 郡 外 縣 蕭 襄陽, 皆 然。 以茍 梁、 司空南 得自 益 豐富, 資。 譙王義宣不許。 秀之為 前 後 刺 政整肅 史莫不大營聚畜 事寧,遷益 遠近近 悅 州 刺 3 史,折 者 致萬 留

試 尹 以 栗 先 南 遙 是 譙 秀 擲 王 義宣 柱, 之從叔 入穿者後 據荆 穆之爲 州 爲 必得 丹陽 逆,遣 此 徴 郡 與子 兵 弟 唯 於秀之,秀之斬 秀之 聽 事 獨 上 宴, 入焉, 聽 事 其 其言遂 使。 柱 有 以 驗 穿, 起 義 時 穆之謂 功,封 賒 買 康樂 百 子 弟 姓 縣 物 及 侯, 秀 不 之, 還 徙 錢, 汝等 丹 秀

遷 尙 書 右 僕 射。 時 定 制令 疑 人殺長 吏科,公 議者謂會赦宜 以 徙 論 秀 之以爲「律文

之 以

爲

非

宜

陳

之甚

切

雖

納

其言

,竟不用

害之身雖遇赦,謂宜長付尙方,窮其天命,家口補兵」。從之。 雖不顯人殺官長之旨,若遇赦但止徙論,便與悠悠殺人曾無一異。人敬官長比之父母,行

後為寧蠻校尉、雍州刺史,加都督。將徵為左僕射,會卒。贈司空,諡忠成公。

秀之野率無風采,而心力堅正。上以其莅官清潔,家無餘財,賜錢二十萬,布三百疋。

傳封至孫,齊受禪,國除。

中兵參軍,與宋武帝同府,深相親結。」武帝北伐,稍遷太尉左司馬,掌留任,副貳劉穆之。 徐羨之字宗文,東海郯人也。祖寧,尚書吏部郎。父祚之,上虞令。羨之爲桓脩撫軍

帝議北伐,朝士多諫,唯歲之默然。或問何獨不言,羨之曰:「今二方已平,拓地萬里,

唯有小羌未定。公寢食不安,何可輕豫其議。」

穆之卒,帝欲用王弘代之。謝晦曰:「休元輕易,不若徐羡之。」 乃以羡之爲丹陽尹,總

知 《留任,甲仗二十人出入,加尙書僕射。

爲道扶姑雙女所告,周棄市。 義熙十四年,軍人朱興妻周生子道扶,年三歲,先得癎病。周因其病,發掘地生埋之, 羡之議曰:「自然之愛,豺狼猶仁,周之凶忍,宜加顯戮。 臣以

爲法律之外,尙弘通理,母之卽刑,由子明法。爲子之道,焉有自容之地。愚謂可特申之遐

裔。」從之。

聚,亮、晦才學辯博,羨之風度詳整,時然後言。鄭鮮之歎曰:「觀除、傅言論,不復以學問 觀戲常若未解,當世倍以此推之。傅亮、蔡廓嘗言徐公曉萬事,安異同。嘗與傅亮、謝晦宴 爲長。」「10〕 以局度,一旦居廊廟,朝野推服,咸謂有宰臣之望。沉密寡言,不以憂喜見色。頗工弈棊, 及武帝即位、封南昌縣公、位司空、錄尚書事、揚州刺史。羨之起自布衣、又無術學、直

同 .被顧命。<u>少</u>帝韶<u>羡之、亮率衆官內月一決獄。[11]</u> 武帝不豫,加班劍三十人。宮車晏駕,與中書令傅亮、領軍將軍謝晦、鎮北將軍檀道濟

時謝 帝卽位,改封南平郡公,固讓加封。有司奏車駕依舊臨華林園聽訟,詔如先二公權訊。 威服殿省,且有兵衆,召入朝告之謀。旣廢帝,侍中程道惠勸立皇子義恭,羨之不許。及文 晦 帝後失德,羨之等將謀廢立,而廬陵王義眞多過,不任四海。乃先廢義眞,然後廢帝。 爲領軍,以府舍內屋敗應修理,悉移家人出宅,聚將士於府內。檀道濟以先朝舊將,

、吳興太守王韶之等,並謂非宜,敦勸甚苦。 元嘉二年,羡之與傅亮歸政,三奏乃見許。 羡之仍遜位,退還私第。 兄子佩之及程道 復奉詔攝任。

至一西 內人問訊車出郭,步走至新林,入陶竈中自縊而死,年六十三。 羨之初不應召,上遣領軍到 彦之、右衞將軍王華追討。及死,野人以告,載尸付廷尉。 [明門外,21三時謝晦弟日爲黃門郎正直,報亮云:「殿中有異處分。」 亮馳報羨之,羨之乘 三年正月,帝以羨之、亮、晦旬月間再肆酖毒,三三下詔暴其罪,誅之。 爾日,詔召羨之

守關將入,彗星辰見危南。又當拜時,雙鸛集太極殿東鴟尾鳴喚,口門竟以凶終。 樂安縣,嘗行經山中,見黑龍長丈餘,頭有角,前兩足皆具,無後足,曳尾而行。及拜司空, 嘗暫出,而賊自後破縣,縣內人無冤者,雞犬亦盡,唯羡之在外獲全。又隨從兄履之爲臨海 厄,宜以錢二十八文埋宅四角,可以免災。過此可位極人臣。」後湊之隨親之縣,住在縣內。 初,|羨之年少時,嘗有一人來謂曰:「我是汝祖。」 |羨之拜。 此人曰:「汝有貴相而有大

平初,以羨之知權,頗豫政事,與王韶之、程道惠、中書舍人邢安泰、潘盛爲黨。時謝晦久病 免官而已。其冬佩之謀反事發被誅 之。 亮曰:「己等三人同受顧命,豈可自相殘戮。」 佩之等乃止。 羨之旣誅,文帝特宥佩之, 連灸,不堪見客,佩之等疑其託疾有異圖,與韶之、道惠同載詣傅亮,稱羨之意,欲令作詔誅 |羨之兄欽之位祕書監。|欽之子佩之輕薄好利,武帝以其姻戚,累加寵任,爲丹陽尹。景

佩之弟達之尙武帝長女會稽宣公主,爲彭城、沛二郡太守。武帝諸子並幼,以達之姻

戚,將大任之,欲先令立功。 及討司馬休之,使統軍爲前鋒,待克當即授荆州,於陣見害。追

贈 中書侍郎。 子湛之。

湛之字孝源, 幼孤、爲武帝所愛。常與江夏王義恭寢食不離帝側。 永初三年,韶以公

赴之。 主 門嫡長,且湛之致節之胤,封枝江縣侯。 湛之先令取弟,衆咸歎其幼而 有識。 及長頗涉文義,善自位待,事祖 數歲與弟淳之共車行,牛奔車壞,左右人馳來 母及母以孝聞。

嫡,爲文帝所禮,家事大小必諮而後行。 元嘉 中, 以爲黃門侍郎。 祖 母 年老,辭以朝直不拜。 西征謝晦,使公主留止臺內,總攝六宮,每有不得 後拜祕書監。 會稽公主身居長

意,輒號哭,上甚憚之。

以示 帝 康 所 既貴,以此 愛,與劉湛等頗相附。 號哭,湛之由 初, 上曰:「汝家本賤貧,此是我母為汝父作此納衣。 公主卽 武 |衣付公主曰:「後世若有驕奢不節者,可以此衣示之。」<u>|湛之爲大將軍|彭城|</u>王 日入宫,及見文帝,因號哭下牀,不復施臣妾之禮。以錦囊盛武帝納衣,擲 及得罪,事連湛之。文帝大怒,將致大辟。 今日有一頓飽食,便欲殘害我兒子。」 湛之憂懼 無計,以告 地 武

列 傳 第 五 徐 羙 之 上

亦

此得全。

公孟靈休,昶之子也,並名奢豪,與湛之以肴膳器服車馬相尙,都下爲之語曰:「安成食,臨 游,塗巷盈滿。泥雨日,悉以後車載之。文帝每嫌其侈縱。時安成公何勗,無忌之子,臨汝 游莫及,伎樂之妙,冠絕一時。 ,尋加侍中。 門生千餘,皆三吳富人子,姿質端美, 湛之善尺牘,音辭流暢,貴戚豪强,產業甚厚,室宇園 靈休善彈棊,官至秘書監。 衣服鮮麗。 毎出入行 池

劍爲易,而視然視息,忍此餘生,實非苟吝微命,假延漏刻。 顧,不容自絕,音翰信命,時相往來。或言少意多,旨深文淺,辭色之間,往往難測 意,頗形言旨。遺臣利刃,期以際會。 積歲,末乃歸聞,多有藏匿,請免官削爵,付廷尉。 上不許。 湛之詣闕上疏請罪,以爲「初通 心無邪悖,故不稍以自嫌,慺慺丹實,具如此啓。 以關啓,懼成虛妄。 其謀,爲誘引之辭,曄等並見怨咎,規相禍陷。又昔義康南出之始,敕臣入相伴慰,慇懃異 意未申。 反,湛之始與之同,後發其事,所陳多不盡,爲曄等款辭所連。 湛之後遷丹陽尹,加散騎常侍,以公主憂不拜。 謂此僥倖,亦不宣達。 非爲納受,曲相蔽匿。 陛下敦惜天倫,彰於四海,蕃禁優簡,親理 臣苦相諫譬,深加拒塞,以爲怨憤所至,不足爲虞,便 又令申情范曄,釋中間之憾,致懷蕭思話,恨婚 臣雖駑下,情匪木石,豈不知醜點難嬰,伏 過葬,復授前職。 誠以負戾灰滅,貽耻方來,貪 有司以湛之關豫逆黨,事起 二十二年,范曄等謀 一咸通。 又昔蒙眷 臣顧惟

及視息,少自披訴。 乞蒙隳放,江江伏待鈇鑕。」上優 詔不 許。

舊 琴室,果竹繁茂,花藥成行。 有 高樓,湛之更修整之,南望鍾 二十四 [年,服 闋 ,轉中書令、太子詹事,出 招集文士,盡游玩之適。 Щ 城 北 有陂 爲南 澤, 兗州 水物豐盛, 時有沙門釋惠休善屬文,湛之與之甚 刺史。 善政 湛之更 俱肅,威惠並行。 起風亭、月觀,吹臺 廣陵

厚。

孝武

命使還俗。

本姓湯,位至揚州

從事

史。

申私 分守石頭。二十八年,魯爽兄弟率部曲來奔,爽等軋子也,湛之以爲廟算特所獎納,不敢苟 怨,乞屛田里。 二十六年,湛之入爲丹陽尹、領太子 不許。 ·詹事。 二十七年,魏太武帝至瓜步 一、湛之與 皇太子

之以 並 受解訴。 令 轉尙 事 無 書僕射,領護軍 尚之雖爲令,而 不 總,又以事 歸 將 以 尙 軍。 朝 之。 事 時尚書令何尚之以湛之國戚,任遇隆重,欲以 悉歸 互相 湛之。 推 委,御史中丞袁淑奏並觅官。 詔 乃使湛之與尚之 朝 政推之。湛

毎疾,湛之輒侍醫藥。 初 仲文免,演之、瑀之並卒,至是江湛爲吏部尚書,與湛之並居權 劉湛 伏誅 ,殷景仁卒,文帝 任沈演之、庾仲文、范曄等、こむ後又有 要,世謂之江、徐。 江湛 、何瑀之。 自

区 巫 蠱 事 發,上欲廢間,賜濬死,而孝武無寵,故累出外藩,不得停都下。 南平王鑠、

列

僔

者。 其非次,議久不決。日已與湛之議,或連日累夕。 建平王宏並被愛,而鱳妃即湛妹,湛勸上立之,口以微鱳自壽陽入朝。 時年四十四。 孝武即位,追贈司空,諡曰忠烈公。子聿之爲元凶所殺。 問入弑之旦,其夕上與湛之屛人語,至曉猶未滅燭。 每夜,使湛之自執燭繞壁檢行,慮有竊聽 湛之驚起趣北戶,未及開,見害, 至又失旨,欲立宏,嫌 **聿之子孝嗣**

衣杵春其腰, 并服墮胎藥, 胎更堅。及生, 故小字遺奴。 孝嗣字始昌。父被害,孝嗣在孕,母年少,欲更行,不願有子,自牀投地者無算,又以擣

樂公主,拜駙馬都尉。泰始中,以登殿不著靺,爲書侍御史蔡準所奏,罰金二兩。 幼而挺立。八歲襲爵枝江縣公,回回見宋孝武,升階流涕,迄于就席。 帝甚愛之,尙康

軍。 曰:「徐孝嗣將來必爲宰相。」轉御史中丞。 三十餘可知,汝宜善自結。」昇明中,爲齊高帝驃騎從事中郎,帶南彭城太守,轉太尉諮議參 齊建元初,累遷長兼侍中。曰三善趨步,閑容止,與太宰褚彦回相埓。 孝嗣姑適東莞劉舍,舍兄臟爲尚書左丞,孝嗣往詣之。臟退謂舍曰:「徐郎是令僕人, 武帝問儉曰:「誰可繼卿。」儉曰:「臣東都之日, 尚書令王儉謂人

其在徐孝嗣乎。」

出爲吳興太守,儉贈孝嗣四言詩曰:「方軌叔茂,追淸彥輔,柔亦不茹,剛亦不吐。」時人

以比蔡子尼之行狀也。在郡有能名。

苑也。 事。 王 從武 儉亡,上徵孝嗣 孝嗣答曰:「繞黃山,款牛首,乃盛漢之事。今江南未廣,願陛下少更紹神。」上乃止。 帝幸方山。 爲五 上曰:「朕經始此山之南,復爲離宮,應有邁靈丘。」靈丘 |兵尙書。其年,敕撰||江左以來儀典,令諮受||孝嗣。明年,遷太子 山湖,新林

竟陵王子良甚善之。歷吏部尚書,右軍將軍,領太子左衞率,臺閣事多以委之。

人 以 帝 人,加兵百人。舊拜三公乃臨軒,至是,帝特詔與陳顯達、王晏並臨軒拜授。 以告孝嗣,孝嗣奉旨無所釐替,卽還家草太后令。明帝入殿,孝嗣戎服隨後。鬱林旣死,明 i須太后: 情物望不 廢立功, 武 、帝崩,遺詔以爲尙書右僕射。 一令,孝嗣於袖出而奏之,帝大悅。時議悉誅高、武子孫,孝嗣堅保持之,故得無恙。 封枝江縣侯,甲仗五十人入殿。轉左僕射。 ·及孝嗣,晏誅,轉尙書令。孝嗣愛好文學,器量弘雅,不以權勢自居,故見容明 隆昌元年,爲丹陽尹。 明帝卽位,進爵爲公,給班劍二十 明帝謀廢鬱林,造左右莫智明 時王晏爲令,

崩 壓 旅。 初 在 建 率府,畫臥齋北壁下,夢兩童子遽云:「移公牀。」孝嗣驚起,聞壁有聲,行數步而壁 武 四年,即本號開府儀同三司,讓不受。

帝

之世

時 連 年 魏 軍 動,國用虛 乏,孝嗣表立屯田。 帝已寢疾,兵事未已,竟不行。 及崩,受遺

列

託,重 德,孝嗣 |申開府之命, 加中書監。 不敢諫,及江而誅,內懷憂恐,然未嘗表色。始安王遙光反,衆懷惶惑,見孝嗣入宮 永元初輔政,自尚書下省出住宮城南宅,不得還家。 帝失

乃安,然羣小用事,不能制也。

者,皆取其蟬冕,剝其衣服。衆情素敬孝嗣,得無所侵。 之。其冬,孝嗣入華林省,遣茹法珍賜藥,孝嗣容色不異,謂沈昭略曰:「始安事,吾欲以門 應之,賢叔若同,無今日之恨。」少能飲酒,飲藥至斗餘方卒,乃下詔言誅之。于時凡被殺 故得未及禍。虎賁中郎將許準有膽力,陳說事機,勸行廢立。孝嗣遲疑,謂必無用干戈理, 以他語、孝嗣乃止。進位司空、固讓。求解丹陽尹、不許。孝嗣文人、不顯同異、名位雖大、 須少主出游,閉城門,召百僚集議廢之。雖有此懷,終不能決。羣小亦稍憎孝嗣,勸帝除 時孝嗣以帝終亂天常,與沈文季俱在南掖門,欲要文季以門爲應,四五目之,文季輒亂

馬都尉,俱見殺。 長子演,尚齊武帝女武康公主,位太子中庶子,第三子況,尚明帝女山陰公主,並拜駙

孝嗣之誅,衆人懼,無敢至者,唯會稽魏溫仁奔赴,以私財營喪事,當時稱之。

惡,徐曰:「緣有此慮,故令卿決之。」 初,孝嗣復故封,使故吏吳興丘叡筮之,當傳幾世。 叡曰:「恐不終尊身。」孝嗣容色甚

中 興元年,和帝贈孝嗣太尉。 二年,改葬宣德太后,詔增班劍四十人,加羽葆、鼓吹,諡

日文忠,改封餘干縣公。

子耀,仕樑,位侍中,太常,信武將軍,諡順子。

參軍 孫武 見之。 君構文冠一 日 酣 了遂欲驅戰婦人。」君庸應聲曰:「項籍壯士,猶有虞兮之愛, 歌 繉 君蒨辯於辭令,湘東王嘗出軍,有人將婦從者。 時襄 子君禱字懷簡,幼聰朗好學,尤長丁部書,問無不對。 頗 每遇歡謔,則飲至斗。 好聲色,侍妾數十,皆佩金翠,曳羅綺,服玩悉以金銀。 一府,特有輕艷之才,新聲巧變,人多諷習,竟卒於官。 陽 魚弘 亦以豪侈稱,於是府中謠曰:「北路魚,南路徐。」然其服翫次於弘也 有時載伎肆意游行,荆楚山川,靡不畢踐。 王曰:「才愧李陵、未能先誅女子、將非 善弦歌,爲梁湘東王鎭西諮議 紀信成功,亦資姬人之力。」 飲酒數升便醉,而閉 朋從遊好,莫得 門盡

瑗 與 傅亮字 、郗超善,超常造暖,見二子迪及亮。 季友,北地靈州 人,晉司 隸校尉咸之玄孫也。 **麂年四五歲,超令人解衣使持去,初無客色。** 父暖以學業知名,位至安成 超謂

列

傳

第

暖曰:「卿小兒才名位宦當遠踰於兄,然保家終在大者。」 迪字長猷, 宋初終五兵尚 贈

驗矣。」亮至都,即徵帝入輔。 意。 篡,鼎命已移,我首唱大義,興復皇室,今年時衰暮,欲歸老京師。」羣臣唯盛稱功德,莫曉 須祿耳,能 勞,欲以爲東陽郡。 自送。]亮曰:「須數十人。」於是奉辭。 庶子,加中書令。 院悟旨,日晚宮門已閉,叩扉請見曰:「臣暫宜還都。」帝知意,無復他言,直云:「須幾 亮博涉經史,尤善文辭。義熙中,累遷中書黃門侍郎,直西省。 如此,甚協所望也。」以爲太尉從事中郎,掌記室。 從還壽陽,武帝有受禪意,而難於發言,乃集朝臣宴飲,從容曰:「桓玄暴 先以語迪,大喜告亮,亮不答,卽馳見武帝,陳不樂出。 及出,夜見長星竟天,拊髀曰:「我常不信天文,今始 宋國初建,除侍中,領世 宋武帝以其久直之勤 帝笑曰:「謂 子中 此 卿

史王誕,自此之後至于受命,表策文誥,皆亮辭也。 見客。神獸門外,每旦車常數百兩。 永初元年,加太子詹事,封建城縣公, 武帝登庸之始,文筆皆是參軍滕演,北征廣固,悉委長 入直中書省, 專典詔命。 演字彥將,南陽西鄂人,位至秘 以亮任總國權,聽於省 書監。

位,進中書監、尚書令,領護軍將軍。 二年,加亮尙書僕射。 及帝不豫,與徐羨之、謝晦並受顧命,給班劍二十人。少帝即

莫能仰視,亮流汗霑背不能答。於是布腹心於到彥之、王華等。 及至都,徐羨之問帝可方 甚盛。文帝將下,引見亮,哭泣哀動左右。旣而問義眞及少帝薨廢本末,悲號嗚咽,侍側者 少帝廢,亮奉迎文帝,立行臺於江陵城南,題曰大司馬門,率行臺百僚詣門拜表,威儀

誰? 亮日:「晉文、景以上人。」 羨之日:「必能明我赤心。」 亮日:「不然。」

及文帝卽位,加左光祿大夫、開府儀同三司。司空府文武卽爲左光祿府,進爵始興郡

公,固讓進封。

江陵之誠,當使諸子無恙。」 亮讀詔訖曰:「亮受先帝布衣之眷,遂蒙顧託。 黜昏立明,社稷 因 之計。欲加之罪,其無辭乎。」於是伏誅,妻子流建安。 ·乘車出郭門,騎馬奔兄迪墓。 屯騎校尉郭泓收之。 初至廣莫門,上亦使以詔謂曰:「以公 元嘉三年,帝將誅亮,先呼入見,省內密有報之者。 亮辭以嫂病暫還,遺信報徐羨之,

懼之辭。 懷憂懼。 亮之方貴,兄迪每深誡焉,而不能從。及見世路屯險,著論名曰演慎。及少帝失德,內 自知傾覆,求退無由,又作辛有、穆生、董仲道贊,稱其見微之美云。 直宿禁中,睹夜蛾赴燭,作感物賦以寄意。初奉大駕,道路賦詩三首,其一篇有悔

隆字伯祚,亮族兄也。曾祖晞,司徒屬。父祖並早卒。隆少孤貧,有學行。 義熙初,年

四十,爲孟昶建威參軍,累遷尙書左丞。 以族弟亮爲僕射,總服不得相臨,徙太子率更令。

體猶 趙竟不可分。 因 矣。 戴天日, 之情理,非從天墮,非從地出。 妻汪遇赦,汪有父母及男稱女葉,依法徙趙二千里外。 「親以 趙當避汪春 元嘉. 出 教愛也。 爲 則石碏、秺侯何得流名百代。 稱雖創鉅痛深,固無讎祖之義。 初,爲御史中丞,甚得司直之體,轉司徒左長史。 義興太守,有能名。 趙雖 功千里外耳。 趙旣流移、載爲人子,何得不從。、載從而稱不行,豈名敎所許。 內愧終身,稱沈痛沒齒,孫祖之義,自不得以永絕,事理然也。」從之。 拜左戶尚書,坐正直受節假,對人未至委出,白衣領職。 父子至親,分形同氣,稱之於載,卽職之於趙。 令亦云凡流徙者,同籍親近欲相隨者聽之。 舊令言殺人父母,徙之二千里外,不施父子孫祖明 向使石厚之子,日磾之孫,砥鋒挺鍔,不與二祖同 隆議曰:「禮律之興,本之自然。求 會稽剝縣人黃初妻趙打殺息載 此叉大通情體, 雖言三世,爲 如此,稱、 尋轉

太常,文帝以新撰禮論付隆,使更下意。 隆表上五十二事。

後 (致仕)拜光祿大夫,歸老於家。 手不釋卷,博學多通,特精三禮。 少孤,居喪備禮,奉兄姊以和謹稱。 年八十三卒。 宋武帝建義,

檀道濟,高平金鄉人也,世居京口。

道 濟 與兄韶 祗等從平京城,俱參武帝建武將軍事。 累遷太尉參軍,封作唐縣男。

悉 一数以 義 爲 熙 京 十二年,武帝北伐,道濟爲前鋒,所至望風 觀。 道濟曰:「伐罪弔人,正在今日。」皆釋而遣之。 降服。 徑進洛陽,議者謂所獲俘囚,應 於是中原感悅, 歸者甚衆。

長

安平,以爲琅邪

內史。

晦

以

此

服

之。

陳 出 不可, 爲 鎭 武帝 北 竟不納。 將 受命 軍 、南兗州刺史。 ,以佐命功,改封永脩縣公,位丹陽尹、護軍將軍。 將 廢帝夜, 道濟入領軍府就謝晦宿、三三晦悚息不得眠。 徐羨之等謀廢立,諷道濟入朝,告 以將廢廬陵王義眞,道濟屢 武帝不豫,給班劍二十人。 道濟寢 便睡熟,

平, 旣 可 濟 臣 、」上曰:「道濟從 . 勇。 彌 而 遷 使道 相結 文帝 晦 征南 今奉 有 濟 附,每構羨之等,弘亦雅 即位、給鼓吹一部、進封武陵郡公。 大將軍 其 王命 與中 九。 領軍到 外討,必未陣 · 開 才 【人者也,曩非創謀,撫而使之,必將無慮。」 道濟至之明日,上誅羨之、亮。 略 府儀 明練,殆難 彦之前驅 同 三司、江州刺史。 而 禽。」時 與敵; 仗之。 西伐,上問策於道濟。 晦本謂 然 上將誅徐羨之等, 未嘗 固辭進封。 道濟與羨之同誅,忽聞來上,遂不 1孤軍 決勝,戎事 對 道濟素與王弘善,時被遇方深,道 曰:「臣昔與謝晦 召道濟欲使西計。 恐非 、其長。 同 臣 從 悉 王華曰:「不 北 戰自潰。事 晦 智,晦 征,入關 悉

者具 魏 說糧食已罄,於是 元嘉 軍盛,遂克滑臺。 八年,到彦之侵魏,已平河南,復失之。 一士卒憂懼,莫有固志。 道濟時與魏軍三十餘戰多捷,軍至歷城,以資運竭乃還。 道濟夜唱籌量沙,以所餘少米散其上。 道濟都督征討諸軍事, 北略 地, 轉戰至 時 及旦, 人 降魏 濟

伏,不敢 時 道濟兵寡弱,軍中大懼。 逼,乃歸。 道濟雖不剋定河南,全軍而反,雄名大振。 道濟乃命軍士悉甲,身白服乘輿,口司徐出外圍。 魏甚憚之,圖 之以 釀 魏軍懼有 鬼。 還

魏軍

謂

資糧

有餘,故不復追,以降者妄,斬以

徇。

道濟立 一功前 朝,威名甚重,左右腹心並經百戰,諸子又有才氣,朝廷疑畏之。 時人或目

之曰:「安知非司馬仲達也。」

進位

司空,鎭尋陽。三回

浮鳩 似鷦鳥 從 勳 一道家所忌,今無事 事 中 文帝 道濟 郎 集船悲鳴。 一殺檀江州。」 寢 |粲、太子 不 疾累年,屢經危殆,領軍劉湛貪執朝政,慮道濟爲異說,又彭城王義康亦慮宮車 復可制。 舍人混、征 會 道濟死日,建鄴地震白毛生。 上疾 相召,禍 十二年,上疾篤,會魏 動,義康 北主簿承伯、 其至矣。」及至,上已間。 矯認 召 入祖道,收付 秘書郎 軍南伐、召道濟 中傳等八人並誅。 又誅司空參軍薛肜、 士三 廷尉,及其子 一年春, 入朝。 將遺還鎭, 其妻向 給事 時 高進之, 人 黄門侍 氏 歌 日:「夫高 下 目 可 渚未發, 郎植、司 並道濟心 憐 世之 祖 徒 有

腹也。

城。 」魏人聞之,皆曰「道濟已死,吳子輩不足復憚」。自是頻歲南伐,有飲馬長江之志。 道濟見收,憤怒氣盛,目光如炬,俄爾間引飲一斛。乃脫幘投地,曰:「乃壞汝萬里長

石頭城望,甚有憂色。 歎曰:「若道濟在,豈至此」, 曰:「不然,昔李廣在朝,匈奴不敢南望,後繼者復有幾人。」二十七年,魏軍至瓜步,文帝登 文帝問殷景仁曰:「誰可繼道濟。」答曰:「道濟以累有戰功,故致威名,餘但未任耳。」帝

循,以功更封宜陽縣侯,公武拜江州刺史,以罪免。 韶字令孫,以平桓玄功封巴丘縣侯。三三從征廣固,率所領先登,位琅邪內史。 從討盧

|韶嗜酒貪橫,所莅無政績,上嘉其合門從義,道濟又有大功,故特見寵授。 卒。 子臻字

係宗,位員外郎,臻子跬。

求祿不得,與僧虔書曰:「僕一門雖謝文通,乃忝武達。羣從姑叔,三媾帝姻,而令子姪餓 死,遂不荷潤。蟬腹龜腸,爲日已久。飢彪能嚇,人遽與肉,餓驎不噬,誰爲落毛。 <u></u>
珪字<u>伯玉,位沅南令。 元徽中,王僧虔爲吏部尚書,以</u><u> </u>
其爲征北板行參軍。 珪訴僧虔 雖復孤

伯爲 微,百世國士,姻媾位宦,亦不後物。尚書同堂姊爲江夏王妃,檀珪同堂姑爲南譙王妃,尚書 耳。」乃用爲安成郡丞。 氣 類 , 尚書何事爲爾見苦。」 江 州 ,檀珪祖亦爲江州。 僧虔報書曰:「吾與足下素無怨憾,何以相苦? 僕於尚書人地本懸,至於婚宦皆不殊絕。 今通塞雖異,猶忝 直是意有左右

傷股,語左右曰:「賊乘暗得入,欲掩我不備,但打五鼓懼之,曉必走矣。」賊聞鼓鳴,直謂爲 曉,乃奔散,追殺百餘人。 **蹯兄弟自北徐州界潛得過淮,因天陰闇,夜率百許人緣廣陵城入,叫喚直上聽事** 宋國 祗字恭叔,與兄韶弟道濟俱參義舉,封西昌縣侯,歷位廣陵相。 初建,爲領軍。 祗性矜豪,樂在外放恣,不願內職,不得志,發疾不自療,其年卒于 義熙十年,亡命司馬國 祗被射

廣陵。 諡 一日威侯。 傳嗣至濟受禪,國除。

章,歸于平道。 論 曰:自晉網不綱,主威莫樹,亂基王室,毒被江左。 以 建武、永平之風,變太元、隆安之俗,此蓋文宣公之爲乎。曰以其配饗淸廟, 宋武 朝創業,事屬橫流 ,改易紊

豈徒然也? 亡,則義異於此。湛之、孝嗣臨機不決,旣以敗國,且以殞身,「反受其亂」,斯其効也。 震主之地,甫欲攘抑後禍,禦蔽身災,使桐宮有卒迫之痛,淮王非中霧之疾,若以社稷爲存 始因錄用,故得忘瑕,晚困大名,以至顚覆。 韶、祗克傳胤嗣,其木雁之間乎。 可謂位無虛授。當徐、傅二公跪承顧託,若使死而可再,固當赴蹈爲期。及至處權定機,當 若夫怙才驕物,公旦其猶病諸,而以劉祥居之,斯亡亦爲幸焉。 秀之行己有道,

校勘記

(一) 小字道人 「道人」宋書作「道民」,此避唐諱改。

[1]時晉綱寬弛 「綱」各本作「網」,據宋書改。

長 人謂所親曰 各本無「長人」二字,據朱書、晉書、通鑑補。按諸書作「長民」,此避唐諱改。

29 遷尙 書右僕射領選 「右」各本作「左」。按下云「轉穆之左僕射」,則此當是「右僕射」,據宋書

改。

CH」 實賴穆之匡翼之益 「益」各本作「勳」,據宋書改。

[六]及至醉飽 各本並脫「飽」字,據通志補

-6 作 謝 宣明 面 目見 向使齋帥以長刀引吾下席 各本脫「見」字,據宋書補。初學記二五引此作「作

四四九

列

謝宣明面孔向人」。

[八] 侍中何偃嘗案之云 「嘗」各本作「當」,據宋書改。

. ≯. ₩ 疑人殺長吏科 「疑人」各本作「隸人」、宋書作「疑民」。 錢大昕廿二史考異:「『隸』當依宋書改

「疑」。 人殺長吏、謂部民殺官長也。」荊、北史避『民』字。」今從改。

[10] 不復以學問爲長 「以」字各本並脫,據通志補。

亮率衆官內月一決獄 「官」各本作「宮」、據宋書改。宋書無「內」字、疑此字衍文。

帝以羨之亮晦旬月間再肆耽毒 「耽」各本作「醜」、涉形近而譌、據宋書改。

[II] 爾日韶召羨之至西明門外 「明」字各本並脫,據宋書補。

雙鸛集太極殿東鴟尾鳴喚 「鸛」各本作「鶴」,鶴非不祥之物, 據宋書五行志改。

二吾 嘗自往新洲 伐荻 各本並脫「往」字,據太平御覽一五三引補。

[1六] 乞蒙隳放 「隳」各本作「隨」,據宋書改。

文帝任沈演之庾仲文范曄等「庾仲文」宋書作「庾炳之」,此避唐嫌諱而稱其字。

而鑠妃即湛妹湛勸上立之「湛」各本作「湛之」。按湛謂江湛,南平穆王鑠傳:「鑠妃江氏」,則

鑠妃非徐湛之妹,據宋書删。

議久不決 「久」各本作「又」。按宋書江湛傳:「徐湛之欲立隨王誕,江湛欲立南平王鑠,文帝

- 八歲襲爵枝江 縣公 錢大昕廿二史考異:「湛之封枝江縣侯,身後亦未見加封之文,其子何以得
- 襲公爵? 又考宋書州郡志,枝江止云侯相,不云公相,疑此誤也。」
- 累遷長兼侍中 「長」各本作「長史」。按兩齊書百官志:三公府、公督府皆得置長史。 此長史而

異於此辨之甚析。今删正。

不系府名,其「史」字顯爲後人誤增,當作「長兼侍中」。

長兼者,非正授之稱。

錢大昕廿二史考

- [三] 道濟入領軍府就謝晦宿 各本脫「宿」字,據宋書補。
- 身白服乘輿 「白」各本作「自」。 季汝梅南北史考證補(未刊本)謂「自」當作「白」,今從改。
- 鎭尋陽 「尋陽」各本作「壽陽」。按江州治尋陽,前文已言道濟爲江州刺史,此處自以「尋陽」爲

是。據宋書改。

- 呈 以平桓玄功封巴丘縣侯 「平」字各本並脫,「巴」字各本譌「邑」,並據宋書補改。
- (三代)以功更封宜陽縣侯「侯」各本作「後」、據宋書改。
- 此蓋文宣公之爲乎 各本脫「文」字,據宋書補。 劉穆之諡文宣。

南史卷十六

列傳第六

王鎭惡 朱齡石 弟超石 毛脩之 孫惠素 傅弘之

朱脩之 王玄謨 子瞻 從弟玄象 玄載 玄邈

主,要取萬戶侯,當厚相報。」方曰:「君丞相孫,人材如此,何患不富貴,至時願見用爲本縣 矣。」故名爲鎭惡。 人 以俗忌,欲令出繼疎宗。猛曰:「此非常兒。昔孟嘗君惡月生而相齊,是兒亦將興吾門 王鎭惡,北海劇人也。祖猛,仕苻堅,任兼將相。父休爲河東太守。 年十三而 苻氏敗,寓食澠池人李方家。 方善遇之,謂方曰:「若遭英雄 鎮惡以五月生,家

宋武帝伐廣固,鎮惡時爲天門郡臨澧令。人或薦之武帝,召與語,異焉,因留宿。 後隨叔父曜歸晉,客荆州,頗讀諸子兵書,喜論軍國大事,騎射非長,而從橫善果斷 旦謂諸佐

令足矣。」

列傳第六

王

鎭蠠

四五三

四

日 鎭 惡 王 猛 孫 ,所謂將門有將。」卽以署前部賊曹。 **拒盧循有功,封博陸** | 縣五

率 驤 武 將 帝 軍 謀 蒯 討 恩 劉 毅 百 頻惡 舸 前 發。 曰:「公若有 鎭惡受命 事 ,便晝夜兼行,揚聲劉 西楚,請給百 舸爲 前驅。」及 竞州 上。 西討 毅謂 轉鎭 為信 惡參軍 不不 知 見襲。 ·事,使

恶 及 躍 所 鎭 安鼓 軍 赦 馬 在 惡 告毅 軍 文 徑 人 鎭 與毅 前 語 幷 惡 ^^,令閉 襲 所 武 去 答云「在後」。 下 帝手書凡 城,津戍 留 江 將 人日 陵 城門。 城二十里,含船步 或是父兄子弟中 [:「計 及百姓皆言劉藩 三函 鎭惡 我將至城,便長嚴, 及至 示 亦 一般,三 馳 軍 後不 進得 表 上,蒯 親 毅皆燒不視。 見潛 實 入 親,言 城, 上, 恩軍在 令如 便因 又望見江津船艦被燒而 晏然 且 鬭 後有大軍狀。[] 前, 風 不 (放火) 且 疑。 金城 鎮惡次之, 語,知武 將至 內亦未信 焼大. 一城,逢 帝在後, 城南 舸 又分隊在後,令燒 留 帝自來。 鼓 毅 門及東門。 一二人,對 聲 人情離 要將朱顯之馳 一甚盛, 及 懈 知非藩 短 舸 叉 兵接戰,鎮 遣人以詔 岸 江 上竪旗 前 津船。 上,便 問 藩

一箭,手 取 初 汝 所 父 毅 常 執 而 惜馬 稍 所 於 乘 手 馬 汝走 中 在 破 城 欲 折。 外不得 何 之。」奪馬 江 陵 入, 平後二十日 倉卒 以授黻, ·無馬, ·大軍 從大 使就子 方至, 城 東門出 庸 以 取 馬, 功封漢壽縣子 奔牛牧 ZH L 肅 佛寺自 不 與。 縊 朱 顯之謂 鎭 惡 身被

王 [委屬於鄧艾,今亦委卿以關中,卿其勉之。] 鎭惡曰:「吾等因託 及 武 帝 北 伐, 爲鎭 西 諮 議 行 龍 驤將 軍 領 前 鋒。 將發, 前 將 風雲,並蒙抽擢,今咸陽不 軍 劉 穆之謂曰「昔晉文

剋 誓不濟江。 三秦若定,而公九錫不至,亦卿之責矣。」

酬 贅, 鎮惡入賊境, 戰無不捷, 破虎牢及相谷塢。 即授方澠池令。 方軌徑據潼關,將士乏食,乃親到弘農督人租。百姓競送義栗,軍食 進次澠池,造故人李方家,升堂見母,厚加

振

紹 開 軍 又病死,偽撫軍將軍姚讚代紹守嶮,衆力猶盛。 舫北戶指河上軍示之曰:「我語令勿進而深入,岸上如此,何由得遣軍。」鎭惡旣 姚紹所拒不得進,馳告武帝求糧援。時帝軍入河,魏軍屯 初 ,武帝與鎭惡等期,若剋洛陽, 須待大軍, 未可 武帝至湖城,讚引 輕前。 河岸,軍不得進。 旣而鎭惡等至潼關,爲僞大將 退。 帝呼所遣人 得義租

謝 內六萬餘戶、鎭惡撫慰初附,號令嚴肅。 外, 令將士食畢,便棄船登岸。 船 曰:「此明公之威,諸將之力。」帝笑曰:「卿欲學馮異邪 者 去家 悉在艦 大軍次潼關,謀進取計,鎮惡請率水軍自河入渭,直至渭橋。 萬里,而舫乘衣糧並已逐流,唯宜死戰,可立大功。」乃身先 內,派渭而進,艦外不見有行船人。北土素無舟檝,莫不驚以爲神。 渭水流急, 諸艦悉逐流 於獨上奉迎,武帝勞之曰:「成吾霸業者真 去,鎭惡撫慰士卒曰:「此是長 鎮惡所乘皆蒙衝小艦,行 士卒,卽 陷 長安城。 鎭惡 安城 (卿也。 既至, 北門 城

時關 中豐全,鎭惡性貪,收斂子女玉帛不可勝計,帝以其功大不問。 時有白帝言鎮惡

藏 級,例如爲輦,有異志,帝使覘之,知鎭惡剔取飾辇金銀,棄輦於垣側,帝乃安。

帝留第二子桂陽公義眞爲安西將軍、雍秦二州刺史,鎭長安。鎭惡以征虜將軍領安西

司馬、馮翊太守,委以扞禦之任。

堡, 力,今擁兵不進,賊何由得平了使反言之,田子甚懼。 (至) 遺使還報鎮惡。鎮惡對田子使謂安西長史王脩曰:「公以十歲兒付吾等,當共思竭 及大軍東還,赫連勃勃逼北地,義眞遣中兵參軍沈田子拒之。 房甚盛,田子退屯劉因

州刺史。及帝受命,追封龍陽縣侯,諡曰壯。傳國至曾孫叡,齊受禪,國除。 至,言鎭惡反。脩執田子,以專戮斬焉。是歲,義熙十四年正月十五日也。追贈左將軍、青 時鎭惡師于涇上,與田子俱會傳弘之壘,田子求屛人,因斬之幕下,幷兄基弟鴻、遵、深從弟 亂者,爲有衞瓘等也。語曰:『猛獸不如羣狐。』卿等十餘人何懼<u>王鎭惡。」故二人常有猜心</u>。 柳之捷,威震三輔,而與鎭惡爭功。 武帝將歸,留田子與鎭惡,私謂田子曰:「鍾會不得遂其 、朗、弘,凡七人。云弘之奔告義眞,義眞率王智、王脩被甲登橫門以察其變。俄而田子 **|王猛之相||苻堅也,北人以方諸葛亮。入關之功,又鎭惡爲首,時論者深憚之。||田子嶢**

壽 將斬之,溫弟冲請得免。 陽 眞 朱齡石字伯兒,沛郡沛 以憲兄弟潛 通溫 綽受冲更生之恩,事冲如父。 並 人也。 一殺之,齡石父綽逃歸溫。壽陽 世爲將,伯父憲及斌並 位西陽、廣平太守。 平,眞 爲西中郎袁眞將佐。 已死 |海輒 發棺戮尸。 及冲薨,綽歐血 桓溫伐眞於 溫 怒

子 、縣擲之,相去八九尺, 齡 石 少好武,不事崖檢。 百擲百中。 舅淮南<u>蔣氏才劣,齡石使舅臥聽事,翦紙方寸帖</u>着舅枕,以 舅畏齡石, 終不敢動。 舅頭有大瘤, 齡石 伺 眠 密割之

卽

而

部得清。 石至縣,爲與厚,召爲參軍。 在軍後。 武帝剋京城,以爲建武參軍。 後領中兵。 帝義而 許之。 齡石 以爲鎭軍 有武幹,又練吏職,帝甚親委之。平盧循有功,爲西陽 係祖 恃强,乃出應召。 參軍,遷武康令。 從至江乘將戰,齡石言世受桓氏恩,不容以兵刃 齡石斬之,掩其家,悉殺其 縣人姚係祖 專爲规, 郡縣 、兄弟、 畏不 太守 能計、斷 相向,乞 由是

武、三無功而退。 而慮 以 備 此聲先馳 義熈 內 道。 九年,徙益 若向 財財 黃武,正墮其計。今以大衆自外水 審虛實,別有函封付齡石,署日至白帝乃開。 賊謂 州 我 刺史,爲元帥伐蜀。 今應從外水往,而料我當出其不意猶從內水 初,帝與齡石密謀進取,曰「劉敬宣 取 成都、疑兵出 諸軍雖進,未知處分,至白 内水、此制 來 也,必重兵守涪城 敵 往年 之奇 也。 H

列

向黄 至廣 夾水爲城。 帝發書,曰:「衆軍悉從外水取成都;臧熹、朱枚於中水取廣漢, 漢,復破譙道福別 武。」譙縱果備內水,使其 十年六月,齡石至彭模。 軍。 。

識縱奔涪城,

,巴西人王志斬送之,

,并獲 大將譙道福 七月,齡石率劉鍾 戍涪城,遣其秦州刺史侯暉 、蒯恩等於北城斬侯暉 使羸 道福 弱 一、僕射 乘高艦十餘, ,斬于軍 譙詵等屯彭模 菛 由內水

衆咸服 從。 乃分大軍之半,令猛將勁卒悉以配之。 帝之伐蜀,將謀元帥,乃舉齡石。 帝 知 人,又美齡石善於事。 以平蜀功,封豐城侯。 衆咸謂齡石資名尚輕,慮不克辨,〔〈〕論者甚衆,帝不 臧熹,敬皇后弟也,亦命受其節度。 及戰克捷,

發。 + 義眞敗于青泥,齡石亦舉城奔走見殺。 四 年,桂陽公義眞被徵,以齡石 為雍州 傳國至孫,齊受禪,國除。 刺 史,督關中諸 軍事。 歸石至長安, 義眞乃

爲 武 帝徐州 齡 石 弟超石, 主簿 ,收迎 亦果銳。 桓謙 身首,躬營殯 雖出自將家, 兄弟並閑尺牘。 李。 桓謙爲衞將軍,以補行參

後

仗士。 魏軍 所 義熙十二年北伐,超石爲前鋒入河。 [R] 時軍人緣河南岸牽百丈。 殺 事畢,使竪一長白毦。 略。 帝遣白直隊主丁旿率七百人及車百 魏軍不解其意,並未動。帝先命超石戒嚴二千人、(10)白毦旣 「乘於|河北岸為却月陣, 有漂度北岸者,軏 兩頭 抱河 ,車置

舉,超石赴之,幷齎大弩百張,一車益二十人,設彭排於轅上。 槌之,四一稍輒洞貫三四人。魏軍不能當,遂潰。大軍進克蒲坂,以超石爲河東太守。 於是百弩俱發。 超石先以弱弓小箭射之,魏軍四面俱至。魏明元皇帝又遣南平公長孫嵩三萬騎肉薄攻營, 魏軍旣多,弩不能制,超石初行,別齎大槌幷千餘張矟,乃斷矟三四尺以槌 魏軍見營陣立,乃進圍營。

後除中書侍郎、封興平縣五等侯。關中亂、帝遣超石慰勞河洛、與齡石俱沒赫連勃勃、

見殺。

脩之字敬文,滎陽陽武人也。 祖武生、自己伯父璩並益州刺史。父瑾、梁、秦二州

刺史。

洲,脩之力也。宋武帝以爲鎭軍諮議,遷右衞將軍。旣有斬玄之謀,又父伯並在蜀,帝欲引 脩之仕桓玄爲屯騎校尉,隨玄西奔。玄欲奔漢川,脩之誘令入閩。 馮遷斬玄於枚洄

爲外助,故頻加樂爵。

脩之言狀,帝乃令冠 及父瑾爲譙縱所殺,帝表脩之爲龍驤將軍,配兵遣奔赴。時益州刺史鮑陋不肯進討, 軍將軍劉敬宣伐蜀,無功而退。 . 離縱由此送脩之父伯及中表喪極口累

並得還。

以

死自固。

不許。

宥。 後劉毅 時遣朱齡 西鎭江陵,以爲衞軍司馬、南郡太守。 石伐蜀,脩之固求行。 帝慮脩之至蜀多所誅殺,且土人旣與毛氏有嫌,亦當 脩之雖爲毅將佐,而深結於帝,及緣敗見

脩之不信鬼神,所至必焚房廟。 時蔣山廟中有好牛馬,並奪取之。 累遷相國右司馬,

行 司州事。 王 鎭惡死,脩之代爲安西司馬。 戍洛陽,修立城壘。 武帝至,履行善之,賜衣服玩好,當時評直二千萬 桂陽公義眞敗,爲赫連勃勃所禽。 及赫連昌滅,入魏。

薦 脩之在洛, 一魏尚書,尚書以爲絕味,獻之太武,大悅,以爲太官令,被寵,遂爲尚書、光祿大夫,封南 敬事嵩高 道士寇謙之。 謙之爲魏太武帝信敬,營護之,故不死。 脩之嘗爲羊羹

公,太官令、尚書如故。三言

之具答,弁云:「賢子」、燆甚能自處。」脩之悲不得言,直視良久, 「吾昔在南,殷尙幼少,我歸罪之日, 後朱脩之俘于魏 亦見寵, 脩之問朱脩之,南國當權者爲誰,答云殷景仁。 便當巾韝到門。」經年不忍問 乃長數曰:「嗚呼」」自此一 家消息, 久之 乃 訪焉。 脩之笑曰: 脩

不復及。

初,北人去來言脩之勸魏侵邊,幷敎以在南禮制,文帝甚疑責之。 朱脩之後得還,具相

申 理 一,上意乃釋。 脩之在魏多妻妾,男女甚衆, 身遂 死於魏。

孫惠素,仕齊爲少府卿。 性至孝,母服除後,更修母所住處牀帳屛帷,每月朔十五 向帷

悲泣,日日傍人爲之咸傷,終身 如 此

惠素 無罪,甚悔 、納利, 惠素東才强濟,而臨事淸刻,敕市銅官碧靑一千二百斤供御畫,用錢六十五 恨之。 武 帝怒,敕尚書評價,貴二十八萬餘,有司奏,伏誅。 死後家 徒四 壁, 武 萬。 帝 後 有 讒 知

晉穆帝永和 廢 司 靈州 徒,後封 傅弘之字仲度,北地泥陽人也。 故 靈州 傅氏 中 一,石氏 公。 悉屬泥陽。 亂,度江。 不欲封本縣, 晉武 洪生 帝太康三年 故祗 梁州 傅氏舊屬靈州,漢末失土,寄馮 刺史歆、歆生弘之。 門還屬泥陽。 復立 靈 州縣, 曾 傅氏還 祖 陽, 秘 屬靈州。 書丞, 郊,置 沒石勒, 泥陽 弘之高 、富平二縣, 祖 生子 胍 洪

少 倜 爣 有 大志,歷位 太尉 行參 軍。 宋武 帝北伐 ,弘之與扶風 太守沈田 子 等七 軍 自 武 關

弘之素習 騎 乘,於 姚泓 馳 道內戲馬, 甚 歎 稱 善。 留 爲 柱 陽公

列

傳

第

六

傅

弘

之

四

義眞雍州中從事史。

及 義 眞 東 歸,赫連勃勃傾國追躡,於靑泥大戰,弘之躬貫甲胄,氣冠三軍,軍敗陷沒,不

爲之屈。時天大寒裸弘之,弘之叫駡見殺。

朱脩之字恭祖, 義陽平氏人也。 曾祖燾, 晉平西將軍。 祖序, 豫州刺史。 建, 益州

刺史。

脩之初爲州主簿,宋元嘉中,累遷司徒從事中郎。 文帝謂曰:「卿曾祖昔爲王導丞相 中

郎,卿今又爲王弘中郎,可謂不忝爾祖矣。」

汁時,今如此,兒必沒矣。」魏果以其日剋滑臺, 鼠 食之。 後隨右軍到彦之北侵,彦之自河南回,脩之留戍滑臺,被魏將安頡攻圍。 脩之被圍旣久,母常悲憂,忽一 旦乳汁驚出,母 囚之。 太武嘉其固守之節,以爲 號慟告家 人曰:「我年老非 糧盡,將 雲中 復 鎭將, 有乳 土熏

妻以宗室女。

嘉 其義 脩之潛謀 而不告也。 南歸,妻疑之,每流涕謂曰:「觀君無停意,何不告我以實,義不相負。」脩之深 及太武伐馮弘,脩之及同沒人邢懷明 並 從。 又有徐卓者亦沒魏,復欲 率

南 顯,傳詔見便拜。 人竊發,事泄見誅。 彼國敬傳詔,呼 脩之、懷明懼 爲 禍,同奔馮 天子邊人。 弘,不見禮。 見傳詔 致敬 停一 一乃始禮 年,會床使至。脩之名位 之。

海 師 時魏 慮 向 海 屢伐黃龍,弘遣使求救,脩之乃使傳詔說 北,垂長索,舫乃正。 海師 視 上有鳥飛,知去岸不遠,須臾至東萊。 而遣之。 泛海,未至東萊,舫極折, 及至, 風猛, 以爲

黄

門侍

郎

|Щ 爲 郡 昌縣侯。 荆 道,秀不得前 王 州 義宣 武 刺 史,加都 初 反,檄脩之舉兵。 累遷寧蠻校尉、雍州 乃退。 督。 義宣 脩之率衆向江陵, 雍土時 乃聞脩之不 刺史,加都督。 饑, 脩之偽 同, <u>竺超已執義宣,[三脩之至,於獄殺之。</u> 更以 與 (之同; 魯秀為雍州 脩之政在寬簡,士庶 既而遣使陳情於孝武、孝武 刺 史, 撃襄 悦附。 陽。 及荆州 脩之命斷 以
功
封
南 嘉 刺 之,以 馬 鞍

設菜羹 姊之鎭,資給 未嘗入己。 而 脩之立身淸約,百城貺贈,一無所受。唯以蠻 儉 粗 飯 刻 去鎭 以激之,脩之曰:「此是貧家好食,進之致飽。」先是,新野 無潤 供奉, 之日 ()薄於恩情,姊在 中分秩祿,西土稱焉 1,秋毫 無犯。 鄕 計在州 里,飢 以 寒不立,脩之貴 來, 然油及私牛馬 人宜存撫納,有餉皆受,得輒 爲 刺 史,未曾供 食官穀草,以 庾彦達爲 贍。 私錢六十萬償 益州 往姊家 與佐史賭之, 刺史,攜 姊

列

六

脩之後拜左戶尚書、領軍將軍。 至建鄴,牛奔墜車折脚,辭尚書,徙崇憲太僕,仍加特

進、金紫光祿大夫。 脚疾不堪獨行見,特給扶侍。卒,諡貞侯。

官北居新興,仍爲新興、雁門太守。 王玄謨字彥德,太原祁人也。 六世祖宏,河東太守、縣竹侯,江以從叔司徒允之難,棄 其自序云爾。祖牢,仕慕容氏爲上谷太守,隨慕容德居

青州。 父秀,早卒。

臨徐州 非大帥見原。 玄謨幼而不羣,世父蕤有知人鑒,常笑曰:「此兒氣概高亮,有太尉彦雲之風。」宋武帝 ,辟爲從事史,與語異之。 少帝末、謝晦爲荆州、請爲南蠻行參軍、武寧太守。晦敗,

中,補長沙王義欣鎭軍中兵參軍,領汝陰太守。

每陳北侵之規,上謂殷景仁曰:

「聞王玄謨陳說,使人有封狼居胥意。」

以

元嘉

後爲興安侯義賓輔國 司 馬 、彭城太守。 義賓薨,玄謨上表,以彭城要兼水陸,請以皇子

撫 臨州政,乃以孝武出鎮。

及大舉北侵,以玄謨爲寧朔將軍。 前鋒入河,受輔國將軍蕭斌節度。 軍至碻磯,玄謨

少 進 戰將以自弱,非良計也。」賦乃止。 散亡略盡。 將士並 「損亡軍實。」不 一器械精 向滑臺,圍城二百餘日。 懷離怨。 嚴, 蕭斌將斬之,沈慶之固諫曰:「佛狸威震天下, 而專仗所見,多行殺戮。 聽。 又營貨利,一匹布責 城中即撤壞之,穴地爲窟室。日刊及觀救將至, 魏太武自來救之,衆號百萬,鼓鞞動 人八百梨,以此倍失 初圍城, 城內多茅屋, 控弦 人心。 百萬,豈玄謨所能當。日日殺 衆求以火箭燒之。 天地。 及太武軍至,乃夜遁,麾下 衆請發車爲營,又不從。 玄謨之行也,衆力不 玄謨曰:

授,旣覺誦之,且得千編。 還至歷城。 征討都督,以碻磝沙城不可守,召令還。 初,玄謨始將 義恭與玄謨書曰:「聞因敗爲成、臂上金創、將非金印之徵邪。」 見殺,夢人告曰:「誦觀世音千編則免。」玄謨夢中曰:「何可竟也。」仍見 明日將刑,誦之不輟。 爲魏軍所追,大破之,流矢中臂。 忽傳唱停刑,遺代守福磝。 二十八年正月, 江夏王義恭爲

元凶 弑立,以玄謨爲冀州刺史。 孝武伐逆,玄謨遣濟南太守垣護之等將兵赴義。

平,除徐州刺史,加都督。

質尋至, 大破之。 檢雖無實,上意不能明,使有司奏玄謨沒匿所得賊寶物,虛張戰簿,與徐州刺史垣護之 及 南郡王 義宣與江州刺史臧質反,朝廷假玄謨輔國 加都督, 封曲江縣侯。 中軍 司馬劉冲之白孝武、言玄謨 將軍,爲前鋒南討,拜豫州 在梁山 與義宣 刺史。 通

列

傅

第

六

Œ

玄

並発官。

曾妄笑,時人言玄謨眉頭未曾申,故以此見戲。 | 謨令內外晏然,以解衆惑,馳啓孝武,具陳本末。帝知其虚,馳遣主書吳喜公慰撫之。 又答 弟僧景爲新城太守,以元景之勢,制令雍土南陽順陽上庸新城諸郡並發兵,欲討玄謨。 謨又令九品以上租,使貧富相通,境內莫不嗟怨。人間訛言玄謨欲反,時柳元景當權,元景 錯亂,租課不時,宜加幷合。見許。乃省幷郡縣,自此便之。百姓當時不願屬籍。其年,玄 曰:「玄謨啓明白之日,七十老公反欲何求?聊復爲笑,想足以申卿眉頭耳。」玄謨性嚴,未 尋爲寧蠻校尉、雍州刺史,加都督。 雍土多諸僑寓,玄謨上言所統僑郡無有境土,新舊

右,令以杖擊羣臣。自柳元景以下皆罹其毒。 曰:「菫茹供春膳,栗漿充夏飡,飑醬調秋菜,白醝解冬寒。」又寵一崑崙奴子名白主,常在左 護之雖 並 北 人,而玄謨獨受老傖之目。凡諸稱謂,四方書疏亦如之。嘗爲玄謨作四時詩 相係,欲其占謝傾踣,以爲歡笑。又刻木作靈秀父光祿勳叔獻像送其家聽事。柳元景、垣 呼爲老慳。黃門侍郎宗靈秀軀體肥壯,拜起艱難,每一集會,輒於坐賜靈秀器服飲食,前後 臣,各有稱目,多須者謂之羊,短長肥瘦皆有比擬。顏師伯軼齒,號之曰鯵,劉秀之儉吝,常 後為金紫光祿大夫,領太常。及建明堂,以本官領起部尚書,又領北選。孝武狎侮羣

伯 節,且吾荷先朝厚恩, 與羣公俱被顧 、柳元景等,狂悖滋甚,以領軍徵玄謨,子姪咸勸稱疾。 玄謨 尋遷徐州 命。 刺史, 時 '朝政多門,玄謨以嚴直不容,徙凊、冀二州刺 爾不得逡巡。」及至,屢表諫諍,又流涕請緩刑去殺,以安元元之意 加都督。 時北土災饉, 乃散私穀十萬斛牛千頭以賑 玄謨曰:「避難苟免, 史, 加都督。 之。 旣乖事 少帝誅顏 孝武 君之 崩 師

少帝大怒。

尋除 光祿大夫、開府儀同 自歸。 車騎將軍 明帝卽位,禮遇益崇。 子深早卒,深子繢嗣。 以母在西,爲賊所執,請西行,遂襲破 、江州刺史、日也副司徒建安王休仁於赭圻、賜以諸葛亮筩袖鎧。 三司,領護軍將軍,遷南豫州 深弟寬,泰始初,爲隨郡太守。 時四方反叛,玄謨領水軍前鋒南討,以脚疾未差,聽乘輿出 隨郡 刺 ,收其 史,加都督。 母。 逢四方反,父玄謨在建鄴, 事平,明帝嘉之,使圖寬形以 薨年八十二,諡 頃之,以爲左 日 莊公。 寬 棄

郡 齊永明元年,爲太常,坐於宅殺牛,発官。 後卒於光祿大夫。

豫章王 直 登 榻 寬 弟瞻字 嶷少時,早與瞻友。 曰:「君侯是公孫,僕是公子,引滿促膝,唯 明遠,一 一字叔鸞。 **瞻常候處高論,齊武帝時在大牀寢,瞻謂處曰:「帳中人物亦復** 負氣傲俗, 好貶裁 余二人。」彥節 人物。 仕宋爲王府參軍。 外跡雖酬之,意甚 嘗詣 不 劉彦節 齊

列

僔

第

嘗形色。後歷黃門侍郞。 稱嶷小名阿玉,5月0月汝兄愚,那得忽來王參軍此句」。瞻曰:「直恐如卿來談。」武帝銜之,未 隨人寢興。」處言次忽問王景文兄楷賢愚何如殷道矜,瞻曰:「卿遂復言他人兄邪。」武帝笑

命左右啓高帝曰:「父辱子死,王瞻傲朝廷,臣輒已收之。」高帝曰:「此何足計。」及聞瞻已 死,乃默無言。 及齊建元初,瞻爲永嘉太守,詣闕跪拜不如儀。武帝知之,召入東宮,仍送付廷尉殺之。

勿見害。」女臂有玉釧,破冢者斬臂取之,於是女復死。」玄謨時爲徐州刺史,以事上聞,玄象 初升,見一女子立冢上,近視則亡。或以告玄象,便命發之。有一棺尙全,有金蠶、銅人以 百數。剖棺見一女子,年可二十,姿質若生,臥而言曰:「我康海王家女,應生,資財相奉,幸 玄謨從弟玄象,位下邳太守。好發冢,地無完槨。人間垣內有小冢,墳上殆平,每朝日

| 載起義,送誠於齊高帝, 封鄂縣子。 齊建元元年,爲左戶尙書。 永明四年,位兗州刺史,卒 玄載字彥休,玄謨從弟也。父蕤,東莞太守。玄載仕朱,位益州刺史。沈攸之之難,玄

如初。 曰:「物各爲主,無所賣也。」玄邈罷州還, 高帝塗中要之, 玄邈嚴軍直過。還都, 啓宋明帝, 表上天子,不上將軍。且僕之所言,利國家而不利將軍,無所應問。」荀伯玉勸殺之,高帝 邈意乃定。仍使叔安使建鄴,發高帝謀。高帝於路執之,幷求玄邈表。叔安答曰:「寡君使 居方州之重,託君臣之義,無故舉忠孝而棄之,三齊之士寧蹈東海死耳,不敢隨將軍也。」」玄 稱高帝有異謀,高帝不恨也。昇明中,高帝引爲驃騎司馬、泰山太守。 書結玄邈。 玄載弟玄邈字彥遠,仕宋位靑州刺史。 再遷西戎校尉、梁南秦二州刺史,封河陽縣侯,兄弟同時爲方伯。 玄邈長史房叔安進曰:「夫布衣韋帶之士,銜一餐而不忘,義使之然也。今將軍 齊高帝之鎭淮陰,爲宋明帝所疑,乃北勸魏,造 玄邈甚懼,高帝待之

人已去矣。」鳥奴喜,輕兵襲州城,玄邈奇兵破之。高帝聞之曰:「玄邈果不負吾。」 齊建元初,亡命李烏奴作亂梁部,玄邈使人偽降烏奴,告之曰:「王使君兵弱,攜愛妾二

延興元年,爲中護軍。 明帝使玄邈往江州殺晉安王子懋,玄邈苦辭不行,及遣王廣之

廣陵 取安陸王子敬,玄邈不得已奉旨。建武中,卒於護軍,贈雍州刺史,諡壯侯。

叔安字子仁,清河人。 高帝即位,懷其忠正,時爲益州司馬、寧蜀太守,就拜前將軍

列傳第

方用爲梁州,會病卒。 義行,永明中,爲州中從事。 帝歎曰:「叔安館義,古人中求之耳,恨不至方伯而終。」子長瑜,亦有

於時變。膽傲很不悔,卒至亡驅,然齊武追恨魚服,匹夫懼矣。」玄邈行己之度,有士君子之 之弱卒,當八州之勁勇,欲以邀勝,不亦難乎。蹙境亡師,固其宜也。觀夫慶之言,可謂達 終假道自歸,首丘之義也。」玄謨封限之心,雖簡帝念,然天方相魏,人豈能支。宋氏以三吳 爲不幸矣。脩之滑臺之守,有疎勒之難,苟誠節在焉,所在爲重,其取榮大國,豈徒然哉。 壯矣乎。 薄震,重關自闢,故知英算所包,先勝而後戰也。三鎮惡推鋒直指,前無强陣,爲宋方叔,其 旣立,心欲挂施龍門,折衝翼、趙,跨功桓氏,取高昔人。方復觀兵崤、渭,陳師天嶮。及靈威 威於四海,則不能成配天之業,一異同之心。故須外積武功,以收入望。及金墉請吏,元勳 布衣、非藉人譽,一旦驅率烏合,奄興霸緒,功雖有餘而德猶未洽。非樹奇功於難立,震大 桓溫一代英人,志移晉鼎,自非兵屈霸上,戰衂枋頭,則光宅之運,中年允集。宋武帝屈起 論曰:自晉室播遷,來宅揚、越,關邊遙阻,汧、隴遐荒,區甸分其內外,山河判其表裏。 朱齡石、超石、毛脩之、傅弘之等,以歸衆難固之情,逢英勇乘機之運,以至顚陷,

校勘記

- 令如 後有大軍狀 「如」字各本並脱,據册府元龜四二一、太平御覽三一六引晉書補。
- 又遣人以韶及赦文幷武帝手書凡三函示毅 「文」字各本並脫,據宋書補。
- 鎭惡軍人與毅下將或是父兄子弟中表親親 「下將」朱書作「東將 ۳, 通典兵典掩襲及太平御覽

六引作「東來將士」。

<u>┌</u> |23| | 使就子肅 取馬 「肅」朱書作「肅民」、此避唐諱而省。

35. 田子退屯劉因堡 「劉因堡」朱書作「劉回堡

幷兄基弟鴻遵深從弟昭朗弘凡七人 「深」、宋書作「淵」、此避唐諱而省。「弘」各本並脱、不足七

人之數,據宋書補。

フセン 劉敬宣往年出黃武 「黄武」朱書作「黄虎」、此避唐諱改。

慮不 克辨 「克辦」各本作「辦克」、據册府元龜二〇四 乙正

「九山 超石 爲前鋒 入河 「爲」字各本並脫,據册府元龜三四 四

帝先 命超石 戒嚴二千人 「二千人」各本並脫,據通典兵典、 册府元龜七二四、太平御覽三一八

列 傳 第 六 校 勘 記

引補。 按上云「車百乘」、下云「一車益二十人」、正合二千人之數。

C二〕乃斷稍三四尺以槌槌之 各本不疊「槌」字、據宋書補。

[三] 祖武生 「武」宋書作「虎」,此避唐諱改。

[一] 太官令尚書如故 「尚書」各本作「常」,據宋書改。

每月朔十五向帷悲泣

「朔」各本作「朝」,據册府元龜七五三改。

(1五) 竺超已執義宣 「竺超」宋書作「竺超民」,此避唐諱省。

二 六世祖宏河東太守縣竹侯 「縣竹」各本作「縣竺」,據宋書改。

[1七] 穴地爲窟室 「穴地」各本作「空地」,據通志改。

〇〇 豈玄謨所能當 「能」字各本並脫,據宋書補。

二凸 尋除車騎將軍江州刺史 「將軍」上原有「大」字,據宋書明帝泰始二年紀删。

武帝笑稱嶷小名阿玉 「阿玉」各本作「多王」。錢大町廿二史考異:「嶷小名阿玉,見梁本紀,此

文誤。」今據梁書武帝紀改。

南史卷十七

列傳第七

劉敬宣 劉懷肅 弟懷敬 懷愼 劉 粹 族弟損 孫處

蒯恩 向靖 子柳 劉鍾 虞丘進 孟懷玉 弟龍符

胡藩 劉康祖 伯父簡之 簡之弟謙之 簡之子道產 道產子延孫

之。 母灌像,因悲泣不自勝。序謂字之曰:「卿此兒非唯家之孝子,必爲國之忠臣。」 輔國將軍恒序鎭蕪湖,牢之參序軍事。 劉敬宣字萬壽,彭城人也。父牢之,晉鎭北將軍。 四月八日, 敬宣見衆人灌佛,乃下頭上金鏡爲 敬宣八歲喪母, 晝夜號泣, 中表異

馬尚之爲名,牢之時爲恭前軍司馬。 起家王恭前軍參軍,又參會稽世子元顯征虜軍事。隆安二年,王恭起兵京口,以誅同 | 恭以豪戚自居, 甚相陵忽, 牢之心不能平。 及恭此舉,

列

使牢之爲前鋒,牢之遣敬宣襲恭,敗之。元顯以敬宣爲後將軍諮議參軍

三年,孫恩爲亂,牢之自表東討,敬宣請以騎傍南山趣其後。

敵,遂大敗之,進平會稽。遷後軍從事中郎。

驕肆,羣下化之,敬宣每預宴會,調戲無所酬答,元顯甚不悅。 宋武帝既累破祇賊,功名日盛,敬宣深相憑結。 元顯進號驃騎, 敬宣仍隨府轉。 元顯

得志天下。將許玄降。|敬宣諫恐|玄威望旣成,則難圖。|牢之怒曰:「吾豈不知今日取之如 凶,慮平」立己日,亂政方始,會」玄遣信說字之,字之欲假手於」玄誅執政,然後乘」立之隙,可以 反覆手,但平後令我奈驃騎何。」

遺敬宣爲任。 元興元年,牢之南討桓玄,元顯爲征討大都督,日夜昏酣。牢之以道子昏闇,元顯淫

興,後奔慕容德。 爲玄禽,乃縊而死。敬宣奔喪,哭畢,就司馬休之、高雅之等俱奔洛陽,往來長安,求救於姚 大霧,府門晚開,日旰,敬宣不至。牢之謂謀泄,欲奔廣陵,而敬宣還宜口迎家。牢之謂已 |玄旣得志,害元顯,廢道子,以牢之爲會稽太守。| 牢之與||敬宣謀襲||玄,期以明旦。 爾日

當復本土乎。」乃結青州大姓諸催、封謀滅德,日淮休之爲主。時德司空劉軌大被任,高雅 敬宣素明天文,知必有興復晉室者。尋夢丸土服之,覺而喜曰:「丸者,桓也,桓吞,吾

之又要軌,謀泄,乃相與殺軌而去。會宋武帝平京口,手書召敬宣,卽馳還,襲封武岡縣男,

後拜江州刺史。

陵 反正,自表求解。」武帝恩款周洽,所賜莫與爲比。敬宣女嫁,賜錢三百萬,雜綵千匹。 上 取禍。」繳聞深恨。及在江陵,知敬宣還,尋知爲江州,大駭惋。敬宣愈不自安。 劉 一般之少,人或以雄桀許之。
敬宣曰:「此人外寬內忌,自伐而尙人,若一旦遭逢,當以

繼,毛脩之家讎不雪,不應以得死爲恨。劉敬宣蒙生存之恩,亦宜性命仰答。 死之甘心,忘國家之重計,愚情竊所未安」。不從。假敬宣節,監征濁諸軍事。 成都五百里,食盡,遇疾疫而還。爲有司奏觅官。 帝方大相寵任,欲令立功。義熙三年,表遣敬宣伐蜀。博士周祗諫,以爲「道遠運漕難 敬宣至黃武, 將軍 欲驅二

宣寬厚,善待士,多伎藝,弓馬音律,無事不善。尚書僕射謝混美才地,少所交納,與敬宣遇 略。 有 便盡禮。 非之邪。 盧循 五 年,武帝伐慕容超,除中軍諮議參軍,與兗州刺史劉藩大破超軍,進圍廣固,屢獻規 或問混:「卿未嘗輕交,而傾蓋劉壽,〔三何也。」混曰:「孔文舉禮太史子義,天下豈 逼建鄴,敬宜分領鮮卑獸斑突騎,三置陣甚整。循走,仍從南討,爲左衞將軍。敬

初 敬宣蜀還,劉毅欲以重法繩之。武帝旣相任待,又何無忌謂不宜以私憾傷至公。毅

曰:「但令老兄平安,必無過慮。」後領冀州刺史。 毅 雖 出 止,猶謂武 爲 荆州 ,謂敬宣 帝曰:「平生之舊,豈可孤信? 曰:「欲屈卿爲長史、南蠻,豈有見輔意乎。」敬宣懼禍,以告武帝。 光武悔之於龐萌,曹公失之於孟卓。宜深愼之。」 帝笑

居損。 滅。 異端將盡,世路 時帝西討劉毅,豫州刺史諸葛長人監太尉軍事,貽敬宣書曰:「盤龍狼戾專恣, 富貴之旨,非所敢當。」便以長人書呈,帝謂王誕曰:「阿壽故爲不負我。」 方夷,富貴之事,相與共之。」敬宣報曰:「下官常懼福過災生,實思避盈 自取夷

道賜 空中 之。 喪至,武帝臨哭甚哀。子光祖 有投 猛子 乃陰結同府辟閭道秀、左右 十一年,進號右軍將軍。四時晉宗室司馬道賜爲敬宣參軍。 取敬宣刀殺敬宣,文武佐吏卽討道賜、道秀、猛子斬之。 一隻芒屬於坐,墜敬宣食盤 嗣。 小將王猛子等謀反。 宋受禪,國除。 上,長三尺五寸,已經人著,耳鼻間並欲壞,頃之而敗。 道賜自號齊王, 先是敬宣嘗夜與僚佐宴, 會武帝西征 規據廣固 司馬休之,而 舉兵應休

盈 懷 肅 彭城 宋武帝從母 兄也。 家世貧窶,而躬耕好學。 仕晉爲費令。 及聞武帝

及桓氏餘黨爲亂,懷肅自請討之,及行失旨,緣上表免懷肅官。三年卒,追贈左將軍。 東 興縣侯。 |義熙元年,爲輔國將軍、淮南壓陽二郡太守。 二年,又領劉毅撫軍司馬,以建義功,封 其冬,桓石綏、司馬國璠、陳襲於胡桃山聚衆爲寇,懷肅討破之。江、淮間羣蠻 無

殺其母以徇。 蔚祖卒、子道存嗣、位太尉江夏王義恭諮議參軍。 景和中,爲義恭太宰從事中郎。義恭敗,以黨與下獄死。 孝武伐元凶,道存出奔義軍,元凶乃

子,弟懷愼以子蔚祖嗣,位江夏內史。

舉 以為速,武帝曰:「亡姨於我恩重,此何可忘。」歷尚書,金紫光祿大夫。 ,帝從母生懷敬,未春,乃斷懷敬乳而自養帝。帝以舊恩,懷敬累見寵授,至會稽太守。時 懷 肅 次弟懷敬,澀訥無才能。初,武帝產而皇妣殂,孝皇帝貧薄,無由得乳人,議欲不

表眞道及餘杭令劉道錫有美政。上嘉之,各賜穀千斛,以眞道爲步兵校尉。 懷敬子眞道爲錢唐令,元嘉十三年,東土饑,帝遣揚州中從事史沈演之巡行在所,演之

宼 子 盜 積弩將軍劉康祖等進軍,大致剋捷,以眞道爲建威將軍、雍州刺史,方明輔國將軍、梁南 一猶不已,文帝遣龍驤將軍裝方明率禁兵五千,受眞道節度。 十九年,方明至武興,率太 十 四年,出爲梁、南秦二州刺史。十八年,氐帥楊難當侵寇漢中,眞道討破之,而難當

列

秦 行於世。 二州 刺 真道、方明並坐破仇池斷割金銀諸雜寶貨,又藏難當善馬,下獄 史。 又韶故晉壽太守姜道盛殞身鋒鏑,可贈給事中,賜錢十萬。 死。 道盛注古文尚書

廣 相殺免官。 類 如 固 此 、盧循 懷敬弟懷慎,少謹慎質直。從宋武帝征討,位徐州刺史。 功,封南城縣男。 雖名位轉優,而恭恪愈至。每所之造,位任不踰己者,皆束帶門外下車,其謹退 十二年,武帝北伐,以爲 中領軍、征虜將軍、宿衞 爲政嚴猛, 境內震肅。 輦 穀。 坐 府 以平 內

軍 ·將軍。 永初 元年,以佐命功,進爵爲侯,位五兵尚書,加散騎常侍、光祿大夫。 祿賜班於宗族,家無餘財,卒諡肅侯。 景平元年, 遷護

秦郡 姬,答曰:「我爾日自哭亡妾耳。」志滑稽,善爲諧謔,上亦愛狎之。 刺史。 曰:「卿哭貴妃若悲,當加厚賞。」德願應聲便號慟,撫膺擗踴,涕泗交流。 太守。 子德願 又令醫術人|羊志哭|殷氏,|志亦 德願 嗣。 性粗 大明初,為游擊將軍,領石頭 率、爲孝武狎侮。 鴻咽。 上寵姬殷貴妃薨,葬畢,數與羣臣至殷墓。 他日 成事。 有 問志:「卿那得此副急淚。」」志時新 坐受賈客韓佛智貨,下獄奪爵。 上甚悅,以爲 謂 燛 德 後爲 豫 州 願

德願善御車,嘗立兩柱,使其中劣通車軸,乃於百餘步上振轡長驅,未至數尺, 打牛奔

從柱間 冠 , 短 朱 衣 直過 ,執轡進止,甚有容 一,其精 如此。 孝武 聞其 狀。 永光 能, 爲之乘畫 中,爲廷尉, 輪 車, 與柳元景厚善。 幸太宰江夏王義恭第。 元景敗,下 獄 德願岸著 詸

半城 之。 軍事 心。 或 令三軍不 將 卒于官。 榮祖 懷愼 軍 從討 帝 ·得 大饗 庶 陷 追 司馬休之。 ,

朝 論 陣,身被數 長子 戦 半 士,謂 賊。 城 樂祖,少好騎射,爲武帝所 功, 樂祖不勝憤怒,冒禁射之,所中應弦 榮祖 創。 彭城 賜爵都 及帝北伐, 曰:「卿以寡剋衆,攻無堅城,雖古名 內史徐逵之敗沒,諸將 鄉侯。 樂祖 轉鎭西中兵參軍。 爲 知。 人輕財貴義, 及盧循攻逼,時賊乘 意沮, 榮祖 而倒,帝益 水軍 善撫將 入河, 請戰愈厲, 將 何以 士; 奇焉。 小艦 與朱超石 然性編,頗失 過此。」永初 入淮 上乃 以戰功,參太尉 拔栅, 大破 解所 中,爲 士 魏 著 武帝宣 鎧 軍 輔 於 授

侯, 食, 欲致長生,迎武 歷梁、盆二 懷愼 弟 懷默,江夏內史。 州 刺 當 史。 Щ 道士 在任 孫懷道使合仙藥,藥成, 廉儉,所得 子孫登, 武陵 公祿, 內史。 悉以還官, 孫登子亮, 服之而 宋明帝 卒。 少工刀楯, 下韶 及就斂, 襃美。 屍弱 以軍 亮 在 如 功 封 梁州 生。 順 忽服 陽 諡 日

明帝 虚 孫登弟道隆, 力, 遷左衛 將軍 前廢帝景 、中護軍。 和 中,位 賜 右 死,事在建安王休仁傳。 衞 將軍,封 永昌 縣侯, 委以腹 心之任。 泰始

剛侯

51

西安縣五等侯。累遷中軍諮議參軍。盧循之逼,京口任重,文帝時年四歲,武帝使粹奉文 劉粹字道冲,沛郡蕭人也。 家在京口。 初爲州從事,從宋武帝平建鄴,征廣固, 以功封

帝鎭京口。後爲江夏相。

位,爲雍州刺史,加都督。 大軍至, 竭其誠力。 事平, 封灄陽縣男。[吾] 永初元年, 以佐命功, 改封建安縣侯。 文帝卽 族兄繳貳於武帝,粹不與歲同而盡心武帝。帝將謀繳,衆並疑粹在夏口,帝愈信之。及

私,必無憂也。」及受命南討,一無所顧。文帝以此嘉之。晦亦不害曠之,遣還。粹尋卒,曠 元嘉三年,討謝晦。初,晦與粹善,以粹子曠之爲參軍,至是帝甚疑之。 王弘曰:「粹無

之嗣。

呼嗟,百姓咸欲爲亂,氐奴等因聚黨爲盜,及趙廣等詐言司馬殿下猶在陽泉山中。 是道濟以五城人帛氐奴、梁顯爲參軍督護、費謙固執不與、遠方商人至者、謙又抑之。 晉宗室,走仇池。一元嘉九年,聞道濟綏撫失和,遂自仇池入綿竹爲亂,道濟遣軍討斬之。先 粹弟道濟,位益州刺史,任長史費謙等聚斂,傷政害人。初,晉末有司馬飛龍者,自稱 蜀土僑 商旅

涪城。 騎 舊 兵參軍裴方明頻破之。 大將軍 「翕然並反,奉道人程道養,言是飛龍。 廣 、盆梁二州牧,建號泰始元年, 自號鎮軍將軍,帛氐奴為征虜將軍,梁顯爲鎮北將軍,奉道養圍成都。 備置百官,以道養弟道助爲驃騎將軍 道養,枹罕人也。 趙廣改名爲龍興,號爲蜀王 長沙王,鎭 道濟遣中 車

蕭 教。 會平西將軍臨川王義慶使巴東太守周籍之帥衆援成都,廣等屯據廣漢,分守郭川。 方明攻郫,克之。 汪 酬答籤疏,不異常日,雖母妻不知也。 之討 十年正月,賊復大至,攻逼成都,道濟卒,方明等共埋尸於後齋,使書與道濟相似者爲 俄 而 張尋攻破陰平,復與道養合,逃于||數山,其餘羣賊出爲盜不絕。 方明禽偽驃騎將軍司馬龍伸,斬之。 二月,道養升壇郊天,方就柴燎,方明擊,大敗之。 龍伸卽道助也。涪、蜀皆平。 文帝遺寧朔將軍 籍之與

之。十四年,餘黨乃平,遷趙廣、張尋等於建鄴。 十六年,廣、尋復與國山令司馬

敬琳謀反,伏誅。

徴, 公不就, 常謂 粹族弟損字子騫,衞將軍毅從父弟也。父鎭之字仲德,以毅貴顯,閑居京口,未嘗應 毅、「汝必破 卒於家。 我家」。一般甚畏憚,每還京口,未嘗敢以羽儀入鎭之門。 時廟室 以左光 一類毀,垣牆不 **心酸大夫**

列 傅 第 七 劉 粹

修,損愴然曰:「淸塵尙可髣髴,衡字一何摧頹」」即令修葺。 卒,贈太常。

常在家慨然,召左右將營十一之方,忽見一鬼在傍撫掌大笑。 復爲鬼所笑也。」遂止。 |損同郡宗人有||劉伯龍者,少而貧薄,及長,歷位尚書左丞,少府,武陵太守,貧寠尤甚。 伯龍歎曰:「貧窮固有命,乃

將軍沈田子等討平嶺表諸郡。 即遣季高泛海襲番禺,拔之。循父嘏、長史孫建之、司馬虞尩夫等輕舟奔始興,即分遣振武 平建鄴,封新夷縣五等侯。[P] 盧循之難,武帝謂季高曰:「此賊行破, 贈南海太守,封侯官縣侯。 孫處字季高,會稽永興人也。 九年,武帝表贈交州刺史。 循於左里走還襲廣州,季高破走之。 籍注字,故以字行。 少任氣,武帝征孫恩,季高樂從。 義熙七年,季高卒,追 非卿不能破其窟穴。」 及

於地,數曰:「大丈夫彎弓三石,奈何充馬士。」武帝聞之,即給器仗。 蒯恩字道恩,蘭陵承 人也。 武帝征孫恩,縣差恩伐馬芻,常負大束,兼倍餘人。 自征祆贼,常爲先登, 毎捨芻 列 傅 第 七 孫 颼 蒯 恩 向 蜟

固 膽力過人,甚見愛信。 征討,凡百餘戰,身被重創。 ,破<u>盧循,隨劉</u>藩追斬徐道覆,與王鎭惡襲江陵,隨朱齡石伐蜀,又從伐司馬休之。 於婁縣戰,箭中右目。平京城,定建鄴,以軍 武帝錄其前後功、封新寧縣男。 中功封都 鄕 侯。 從伐廣 自從

國至孫,無子,國除。 人,撫士卒甚有恩紀。 武帝北伐、留恩侍衞世子,命朝士與之交。 世子開府, 再遷爲司馬。 後入關迎桂陽公義眞, 恩益自謙損,與人語常 沒於赫 呼官位,公自稱鄙 連 勃勃。

傳

位 封安南縣男。 從平京城,參建武軍事,進平建鄴,以功封山陽縣五等侯。 太子 向靖字奉仁,小字爾,河 ,左衞率,加散騎常侍。卒于官。 武帝西伐司馬休之,征關中,並見任使。及帝受命,以佐命功,封曲江縣侯、 內山陽人也。 名與武帝祖諱同,故以 叉從征 廣固 小 字行。 ,計盧循,所 彌 與 武帝有舊, 在著績

獅立 身儉約,不營室宇,無園田商貨之業,時 人稱之。

子植嗣,多過失,不受母訓,奪爵。 更以植次弟楨紹封,又坐殺 人、國除。

事 得作曩時意邪。」柳曰:「我與土遜心期久矣,豈可一旦以勢利處之。」及柳爲南康郡,涉義宜 友善。及竣貴,柳猶以素情自許,不推先之。 ,敗,緊建康獄。屢密請峻,求相申救。 植弟柳宇玄季,有學義才能,立身方雅。 孝武嘗與竣言及柳事,竟不助之。 太別袁淑、司空徐湛之、東揚州刺史顏竣皆與 順陽范璩誡柳曰:「名位不同,禮有異數,卿何 柳遂伏法。

據字伯玉,平北將軍汪會孫也,位淮南太守。

政見鍾,謂曰:「此山下當有伏兵,卿可往探之。」鍾馳進,果有伏兵,一時奔走。後除南齊國 內史,封安丘縣五等侯。求改葬父祖及親屬十喪,帝厚加資給。 於是立義隊,連戰皆捷。及桓謙屯于東陵,卞範之屯覆舟山西,武帝疑賊有伏兵,顧左右, 征伐,盡其心力。及義旗建,帝板踵爲郡主簿,曰:「豫是彭城鄉人赴義者,並可依劉主簿。」 劉鍾字世之,彭城人也。少孤,依鄉人中山太守劉回共居,常慷慨於貧賤。從宋武帝

不得入。 從征廣固,孟龍符於陣陷沒,鍾直入取其屍而反。 循南走, 鍾又隨劉藩追徐道覆, 斬之。 盧循逼建鄴,鍾拒棚, 身被重創, 賊

後隨朱齡石伐蜀為前鋒,去成都二百里,鍾于時脚疾,齡石乃詣鍾,謀且欲養銳息兵,

緩兵,彼將知人虛實,當爲獨子虜耳。」齡石從之,明日,陷其二城,徑平成都。 蜀 永新縣男。 以伺其隙。 人已破膽矣。 鍾曰:「不然,前揚言大衆向內水, 譙道福不敢拾涪城, 今重軍卒至, 出其不意, 賊今阻兵守險,是其懼不敢戰,非能持久也。 因其兇懼攻之,其勢必克,若 以廣固功,封

十二年,武帝北伐,踵居守。 累遷右衞將軍。 元熙元年卒。 傳國至孫,齊受禪,國除。

恩,頻戰有功。從定建鄴,除|燕國內史,封龍川縣五等侯。 虞丘進字豫之, 東海郯人也。 少時隨謝玄討苻堅有功, 封關內侯。 後從 宋武帝征孫

卒,追論討司馬休之功,進爵爲子。 守。 後隨劉藩斬徐道覆。 及盧循逼都,孟昶等議奉天子過江,進廷議不可,面折昶等, 義熙九年,以前後功,封望蔡縣男。 傳國至會孫,齊受禪,國除 永初二年,累遷太子右衛率。 武帝甚嘉之。 除鄱陽太

孟懷玉,平昌安丘人也,世居京口。 列 傳 第 七 劉 鍾 蘪 丘 朱武帝東伐孫恩,以爲建武 一司馬。 豫義旗,從平京

縣男,位江州刺史、南中郎將。 「, 定建 鄴, 以 功封鄱陽縣五等侯。 卒官。 盧循逼都,以戰功爲中軍諮議參軍。〔云〕循平, 無子,國除。 封陽豐

參軍 ·加龍驤將軍、廣川太守。[10]乘勝追奔,被圍見害,追贈|青州刺史,封臨沅縣男。 懷玉弟龍符,驍果有膽氣,早爲武帝所知,以軍功封平昌縣五等子。 從伐廣固 一,以車

崇待太過,非將來計也。」仲堪不悅。 及。」後玄自夏口襲仲堪,藩參玄後軍軍事。 州刺史,藩外兄羅企生爲仲堪參軍。 「卿此姪當以義烈成名。」州府辟不就,須二弟冠婚畢,乃參爲恢征虜軍事。 胡藩 字道序,豫章南昌人也。 少孤、居喪以毁聞。 藩過江陵省企生,因說仲堪曰:「桓玄意趣不常, |藩退謂企生曰:「倒戈授人,必至大禍,不早去,後悔無 仲堪敗,企生果以附從及禍 太守韓伯見之,謂藩叔尚書少廣曰 時殷仲堪 節下 爲荆

及玄於蕪湖。 有八百,皆是義故西人,一旦捨此,欲歸可復得乎。」玄直以鞭指天而已。 藩轉參太尉大將軍相國軍事。 |玄見||藩喜謂張須無曰:「卿州故爲多士,今復見|王脩。」桑落之敗, 藩艦被燒, 宋武帝起兵,玄戰敗將出奔,藩扣馬曰:「今羽林射手猶 於是奔散相失,追

并鎧入水,潛行三十許步,方得登岸。乃還家。

祥。」明旦攻城,陷之。從討盧循於左里,頻戰有功,封吳平縣五等子。 如鵝,蒼黑色,飛入帝帳裏,衆以爲不祥。 遣 言於武帝曰:「賊屯軍城外,留守必寡,今往取其城而斬其旗幟,此韓信所以剋趙也。」帝乃 檀韶與瀟潛往,卽剋其城。賊見城陷,一時奔走,還保廣固。圍之,將拔之夜,忽有鳥大 武帝素聞藩直言於殷氏,又爲玄盡節,召參鎮軍軍事。從征慕容超,超軍屯聚臨朐。審 **膳賀曰:「蒼黑者,**胡虜色。 胡虜歸我,大吉之

拜闕。 詠一談,自許以雄豪,加以誇伐,搢紳白面之士,輻湊而歸,此繳不肯爲公下也。」帝曰:「吾 尋除<u>鄱陽太守,從伐劉毅。初,</u>毅當之荆州,表求東道還建鄴辭墓。 帝出倪塘會緣,藩請殺之,乃謂帝曰:「公謂劉衞軍爲公下乎。」帝曰:「卿謂何如。」對 去都數十里,不過

受命,顧曰:「寧前死耳。」以刀頭穿岸,劣容脚指徑上,隨之者稍多。 及登,殊死戰,敗之。 丈,休之臨岸置陣,無由可登。帝呼旛令上,旛有疑色。帝怒,命左右錄來,欲斬之。旛不 又從征司馬休之,復爲參軍。 徐逵之敗沒,帝怒,卽日於馬頭岸度江。江津岸壁立數

從伐關中,參太尉軍事,統別軍至河東。暴風漂輜重艦度北岸,魏軍牽得此艦。 藩氣

憤,率左右十二人乘小船徑往。 圍,騰及超石不盈五千,力戰,大破之。」武帝還彭城,參相國軍事。 倒者十許人。 功,封陽山縣男。 魏軍皆退,悉收所失而反。又遣藩及朱超石等追魏軍 元嘉中,位太子左衞率。卒,諡曰壯侯。子隆世 一嗣。 於半城,魏騎數 論平司馬休之及廣固 萬

以他事殺之。十六子誕世,十七子茂世,後欲奉庶人義康,交州刺史檀和之至豫章討平之。 藩 諸子多不遵法度,第十四子遵世同孔熙先逆謀,文帝以藩功臣,不欲顯其事,使江州

及魯宗之,宗之子軌襲殺虔之,追贈梁、秦二州刺史,封新康縣男。 劉 康祖,彭城呂人也,世居京口。父虔之,輕財好施,位江夏相 宋武帝西征司馬休之

禽。 祖為征虜中兵參軍。 旣被委任,折節自修。 帝以勳臣子 要職、俄而建康移書錄之、府州執事者並證康祖其夕在京口、遂得無恙。 夜入人家,爲有司所圍,突圍去,並莫敢追,因夜還京口,半夕便至。 康祖便弓馬,膂力絕人,以浮蕩蕭酒爲事。 每原貸之。 後襲封拜員外郎,再坐蒲戲免官。 歷南平王鑠安蠻府司馬。 每犯法爲郡縣所錄,輒越屋踰牆, 孝武爲豫州刺史,鎭歷陽,以康 前後屢被糾劾,文 明旦守門詣府 莫之能 州

刺 矢中頭而死,於是大敗,舉營淪覆,免者裁數十人。 軍四面來攻,衆分爲三,且休且戰。康祖率厲將士,無不一當百,魏軍死者太半,流血沒踝。 里,會應永昌王以長安之衆八萬騎,與康祖相及於尉武。康祖有八千人,乃結車營而進。魏 洛。 歲月已晚,請待明年。 新蔡,攻破魏軍,去懸瓠四十里。 史、諡曰壯。 |玄謨等敗歸,南平王鑠在||壽陽,上慮爲魏所圍,召康祖速反。||康祖回軍,未至||壽陽數十 元嘉二十七年,魏太武帝親率大衆攻圍汝南,文帝遣諸軍救援,康祖總統爲前 上不許。其年秋,蕭斌、王玄謨、沈慶之等入河,康祖率豫州 太武燒營而還。 魏人傳康祖首示彭城,面如生。 轉左軍將軍。文帝欲大舉北侵, 軍出許 康祖 贈益州 驅。 以

有客。簡之悟其意,謂虔之曰:「劉下邳再來,必當有意。 之至,武帝已剋京口。 簡之弟謙之,好學,撰晉紀二十卷,位廣州刺史,太中大夫。 康祖伯父簡之,有志幹,爲宋武帝所知。 虔之卽投義。 簡之聞之,殺耕牛,會衆以赴之。位太尉諮議參軍。 帝將謀興復,收集才力之士,嘗再造簡之,會 旣不得語,汝可試往見之。」及虔

簡之子道產 一初爲無錫令,襲爵晉安縣五等侯。 元嘉三年,累遷梁、南秦二 州刺史,加

都督。 諡曰襄侯。道產澤被西土,及喪還,諸蠻皆備縗絰號哭,追送至于沔口 政績尤著,蠻夷前後不受化者皆順服,百姓樂業,由此有襄陽樂歌,自道產始也。卒于官, 在州有惠化。 後爲雍州刺史、領寧蠻校尉,加都督,兼襄陽太守。善於臨職,在雍部

廣陵。 於帝室本非同宗,不應有此授。時司空寬陵王誕爲徐州,上深相畏忌,不欲使居宜口,遷之 失,領太子詹事。又出爲南徐州刺史。先是,武帝遺詔:京口要地,去都密邇,自非宗室近 史劉懷武居叢亭里。三里及延孫所居呂縣凡四劉,雖同出楚元王,由來不序昭穆。延孫 戚不得居之。劉氏之居彭城者,分爲三里,帝室居綏輿里,左將軍劉懷肅居安上里,豫州 諸王序親。 長子延孫,孝武初,位侍中,封東昌縣侯,累遷尚書右僕射。大明元年,除金紫光祿大 廣陵與京口對岸,使腹心爲徐州據京口以防誕,故以南徐州授延孫,而與之合族,使 刺

閉城自守,乃還。一誕遺劉公泰齎書要之,延孫斬公泰,送首建鄴,復遺幼文受沈慶之節度。 三年,南兗州刺史竟陵王誕有罪不受徵,延孫馳遣中兵參軍杜幼文赴討。及至,誕已

中、尚書左僕射、領護軍。延孫病、不任拜赴。卒、贈司徒、給班劍二十人。有司奏諡忠穆、 五年,韶延孫曰:「舊京樹親,由來常準。今此防久弭,當以還授小兒。」乃徵延孫爲侍

潚 康祖門奉興王,早裂封壤,受委疆場,赴蹈爲期。 其心力,或攀附風雲,奮其鱗羽,咸能振拔塵滓,自致封侯。詩云「無德不報」,其言信矣。 或爽。隆赫之任,遂止於人存,節終之數,無聞於身後。 、劉懷愼、劉粹、孫處、蒯恩、向靖、劉鍾、虞丘進、孟懷玉、孟龍符、胡藩等,或階緣恩舊,一 論 **覽其行事,可謂異迹均美。延孫隆名盛寵,擇而後授,遂以腹心之託,自致宗臣之** 曰:劉敬宣與朱武恩結龍潛,義分早合,雖興復之始,事隔逢迎,而深期久要,未之 道產樹績漢南,歷年踰十,遺風餘烈,有足 恩禮之有厚薄,將別有以乎? 劉懷

校勘記

重,亦其遇也。日日

- 乃結青州大姓諸崔封謀滅德 「崔」各本作「省」、據册府元龜七五八改。按崔氏、青州大族。
- (三)敬宣分領鮮卑獸斑突騎「獸」本字「虎」、避唐諱改。
- 列 而 傅 傾 蓋 第 劉壽 七 校 按劉敬宣字萬壽、未可簡稱劉壽、朱書作「萬壽」、疑是。 勘 祀

[] 進號右軍將軍 「右軍將軍」宋書作「右將軍」·

Ħ. 封躡陽縣男 「灄」下各本並脫「陽」字,據宋書補。 錢大町廿二史考異:「宋州郡志江夏有攝陽

縣,徐羨之傳作攝陽縣男。」

「宀」以左光祿大夫徵 「以」字各本並脫,據通志補。

نا-封新夷縣五等侯 「新夷」各本作「新番」, 宋書作「新夷」。 按朱、齊州郡志有新夷縣, 屬廣州新

會郡,無新番縣,今據改。

八人 與人語常呼官位 「官位」各本作「位官」,據册府元龜八六四乙正。

以戰功爲中軍諮議參軍 「中軍」各本並作「中書」,據宋書改。

/\ 九 U

以車騎參軍 加龍驤將軍廣川太守 「參軍」各本作「將軍」。 按宋車騎將軍位 二品, 龍驤將軍位

三品。孫彪朱書考論:「將軍當是參軍之誤」,今從改。

(11) 亦其遇也 「遇」各本譌作「過」,今改正。

南史卷十八

列傳第八

趙倫之子伯符 蕭思話 子惠開 惠明 惠明子际素 惠明弟惠基

惠基子洽 惠基弟惠休 惠休弟子介 介子允 引 惠開從孫琛

臧燾 玄孫嚴 嚴族叔未甄 未甄子盾 厥 **羆弟熹** 熹子質

趙倫之字幼成,下邳僮人,宋孝穆皇后之弟也。 幼孤貧,事母以孝稱。 宋武帝起兵,以

軍功封閬中縣五等侯,累遷雍州刺史。

武帝北伐,倫之遣順陽太守傅弘之、扶風太守沈田子出嶢柳, 大破姚泓於藍田。

帝受命,以佐命功,封霄城縣侯。少帝卽位,徵拜護軍。元嘉三年,拜領 軍將軍

倫之雖外戚貴寵,而居身儉素,性野拙澀,於人間世事多所不解。 **外居方伯**, 公私富

傳第八 趙倫之

列

諡元侯。 奴。 我不言汝資地所任, 入爲護軍,資力不稱,以爲見貶。 子伯符嗣。 要是外戚高秩次第所至耳。」 光祿大夫范泰好戲,笑謂曰:「司徒公缺, 倫之大喜,每載酒肴詣康。五年,卒, 必用 汝老

伯符字潤遠,少好弓馬,爲寧遠將軍,總領義徒, 以居宮城北。 每火起及有劫盜,輒身

貫甲胄,助郡縣赴討,武帝甚嘉之。

怒,離婚。 領焉。 境。 頓與五十鞭。 元嘉十八年,徵爲領軍將軍。 文帝卽位,累遷除、院二州刺史。爲政苛暴,吏人畏懼如與虎狼居,而劫盜遠迸,無敢入 後爲丹陽 伯符慚懼,發病卒,諡曰潚。 子倩尚文帝第四女海鹽公主,甚愛重。倩嘗因言戲,以手擊主,事上聞,文帝 尹,在郡嚴酷,曹局不復堪命,或委叛被戮,透水 先是,外監不隸領軍,宜相 傳國至孫勗,齊受禪,國除。 統攝者, 而死。 自有別詔, 至此始統 典筆吏取筆失旨,

蕭思話,南蘭陵人,宋孝懿皇后弟子也。 父源之字君流,歷徐、兗二州刺史。 永初元年 列傳第八 蕭思話

思話十許歲時,未知書,好騎屋棟,打細腰鼓,侵暴隣曲,莫不患毒之。 自此折節,數年

中遂有令譽。 頗工隸書,善彈琴,能騎射。後襲爵封陽縣侯。

元嘉中, 爲靑州刺史。亡命同馬朗之兄弟聚黨謀爲亂, 思話遣北海太守蕭汪之討

斬之。

州刺史甄法護在任失和,氐帥楊難當因此寇漢中,乃自徒中起思話爲梁、南秦二州刺史,平 覆在藥厨下,忽於斗下得二死雀。 思話歎曰:「斗覆而雙雀殞,其不祥乎。」旣而被繫。 八年,魏軍大至,乃棄鎭奔平昌。 魏軍定不至,由是徵繫尚方。 初在青州,常所用銅斗 及梁

漢中,悉收侵地,置戍葭萌水。思話遷鎭南鄭。

爲府所收,於獄賜死。文帝以法崇受任一方,命言法護病卒。 法護, 中山無極人也。 過江, 寓居南郡。 弟法崇自少府爲益州刺史。 文帝使思話上定漢中本末, 法護委鎮

下之史官。

賞有松石間意。」歷寧蠻校尉,雍州刺史,監四州軍事,徵爲吏部尚書。 舊物,今以相借,幷往桑弓一張,材理乃快。[1]良材美器,宜在盡用之地,丈人眞無所與讓 也。」嘗從文帝登鍾山北嶺,中道有盤石清泉,上使於石上彈琴,因賜以銀鍾酒,謂曰 十四年,遷臨川王義慶平西長史、南蠻校尉。 文帝賜以弓琴,手敕曰:「前得此琴,言是 思話以去州無復事 相

將軍。

力,倩府軍身九人。 文帝戲之曰:「丈人終不爲田父於閭里,何憂無人使邪。」未拜,遷護軍

<u>|</u>克二州刺史,監四州軍事。後爲圍<u>隔</u>破城不拔,退師壓下,爲江夏王義恭所奏発官。 是時,魏攻懸瓠,文帝將大舉北侵,朝士愈同,思話固諫不從。魏軍退,卽代孝武爲徐、

改爲 州 刺史,加都督。卒,贈征西將軍、開府儀同三司,諡曰穆侯。 中書令、丹陽尹、散騎常侍。時都下多劫掠,二旬中十七發,引咎陳遜,不許。後拜即 元凶弑立,以爲除、兗二州刺史,即起義以應孝武。 孝武即位,徵爲尚書左僕射,固辭,

思話 愛才好士,人多歸之。 外戚令望,早見任待,歷十二州,杖節監督者九焉。 所至雖無皎皎淸節,亦無穢黷

疾。」轉太子舍人,與汝南周朗同官友善,以偏奇相尚。 此 肩或三年不 長子惠開少有風氣,涉獵文史,家雖貴戚而居服簡素。初爲秘書郎,意趣與人多不同, 共語。外祖光祿大夫沛郡劉成戒之曰:「汝恩戚家子, 無多異以取天下之

彈 惠開,乃上表解職,由此忤旨。 孝 建元年,為黃門侍郎,與侍中何偃爭推積射將軍徐冲之事,偃任遇甚隆,怒使門下推 別敕有司以屬疾多,免之。思話素恭謹,與惠開不同,每

候,爲新安王子鸞冠軍長史。 關一人,則在我所讓,若人人等分,又事可悲耻。寺衆旣立,自宜悉供僧衆。」襲封封陽縣 加嫌責,及見惠開自解表,數曰:「兒不幸與周朗周旋,理應如此。」杖之二百。尋除中庶子, 丁父艱,居喪有孝性。 家素事佛,凡爲父起四寺:南岡下名曰禪岡寺,曲阿舊鄉宅名曰禪鄉 謂國僚曰:「封秩鮮而兄弟甚多,若全

爲憲司,冀當稱職。 聽其肆意聚納, 惠開妹當適桂陽王休範,女叉當適孝武子,發遣之資,應須二千萬。 由是在郡著貪暴之聲。再遷御史中丞。孝武與劉秀之詔曰:「今以蕭惠開 但一往眼額,已自殊有所震。」及在職,百僚憚之。 乃以爲豫章內史,

開說求不得,又欲以四女妓易之,不許。 所遇,交結不逞,向臣訕毀朝政,輒已戮之。」孝武稱快。 後拜益州刺史,路經江陵。時吉翰子在荆州,共惠開有舊,爲設女樂。 惠開怒,收吉斬之,即納其妓。啓云:「吉爲劉義宣 樂人有美者,惠

江。」獨人素怨惠開嚴,及是所遣兵皆不得前。 晉原郡反,諸郡悉應, 三並來圍城。 竟無成功。嚴用威刑,獨人號曰「臥虎」。明識過人,嘗供三千沙門,曰一閱其名,退無所失。 明帝卽位,晉安王子勛反,惠開乃集將佐謂曰:「吾荷世祖之眷,當投袂萬里,推奉九 惠開素有大志,至蜀欲廣樹經略。善於敍述,聞其言者皆以爲大功可立。才疏意廣, 城內東

列傳

目,惠開舉動自若,從容答曰:「臣唯知逆順,不識天命。」又云:「非臣不亂,非臣不平。」 州,實首欲以平蜀爲功,更獎說蜀人,處處蜂起。惠開乃啓陳情事,遣宋寧太守肅惠訓、州 別駕費欣業分兵並進,大破之,禽寶首送之。惠開至都,明帝問其故,侍衞左右莫不悚然側 惠基破其渠帥,然後得前。惠開奉旨歸順,城圍得解。 獨士險遠,

赦其誅責,

遣其弟惠基使獨宣旨。而獨人志在屠城,不使王命速達,遏留惠基 兵不過二千,凡燭人,惠開疑之,悉皆遣出。 子勛尋敗,蜀人並欲屠城,以望厚賞。 明帝又遣惠開宗人寶首水路慰勞益 明帝以

事不厚,而愿中凡有馬六十匹,悉以乞希微償責。其意趣不常如是。惠開還資二千餘萬, 悉散施道俗,一無所留。 初,惠開府錄事參軍劉希微負蜀人責將百萬,爲責主所制,未得俱還。惠開與希微共

盛、遣人訪訊、事力二三百人皆低頭直去、無一人答者。 假還都,相逢於曲阿。 己,戒勒部下: 察會稽部伍若問, 愼不得答。 後除桂陽王休範征北長史、南東海太守。其年,會稽太守蔡興宗之郡,惠開自京口請 惠開先與興宗名位略同,又經情款,自以負釁摧屈,慮興宗不能詣 惠開素嚴,部下莫敢違。興宗見惠開舟力甚

復低頭入中邪。」寺內所住齋前,嚮種花草甚美,惠開悉剗除別種白楊。每謂人曰:「人生不 **尋除少府,加給事中。|惠開素剛,至是益不得志,曰:「大丈夫入管喉舌, 出莅方伯, 乃**

得行胸懷,雖壽百歲猶爲天也。」發病嘔血,吐物如肝肺者。 惠開與諸弟並不睦,惠基使至益州,遂不相見。 與同產弟惠明亦致嫌隙云。 卒,子睿嗣,齊受禪 國除

|羽多居郡聽事,前後太守不敢上。|惠明謂綱紀曰:「孔季恭嘗爲此郡,未聞有災。」遂盛設鑑 惠明其次弟也,亦有時譽。 泰始初,爲吳興太守,郡界有十山,山下有項羽廟。 相承 云

楊接賓,數日,見一人長丈餘,張弓挾矢向惠明,旣而不見。因發背,旬日而卒。

左西屬、南徐州中從事 子际素,梁天監中,位丹陽尹丞。 初拜日,武帝賜錢八萬,际素一朝散之親友。 遷司徒

暨令。 險女, <u>人與別居,遂無子。</u> 卒,親故迹其事行,諡曰貞文先生。 通率,不自矜尚,天然簡素。及在京口,便有終焉之志。後爲中書侍郎。 性靜退,少嗜慾,好學,能清言,樂利不關於中,喜怒不形於色。 到縣十餘日, 挂衣冠於縣門而去。獨居屏事, 非親戚不得至其籬門。 在人間及居職,並 在位少時,求爲諸 妻即齊太尉王 任情

惠明弟惠基,幼以外戚見宋江夏王義恭,歎其詳審,以女結婚。 歷中書黃門郎。

列

史 卷 + 八 五〇〇

善 遂 復 隸 書及 作 賊 。」高帝頓新亭壘,以惠基 來棊,齊高帝與之情好相得。 爲軍副。 桂陽王休範妃、惠基姊也、高帝謂之曰:「卿家桂陽, 惠基弟惠朗親爲休範攻戰,惠基在城內了不自

疑。 後 爲 長 余侍 中。

袁 粲 、劉彦節起兵之夕,高帝以彦節是惠基妹夫,惠基時直在省,遣王敬則觀其指趣,

見 惠 基安靜,不與彥節相 知,由是益加恩信

仕 齊爲都官尚書,掌吏部。 永明 中爲侍中,領驍騎將軍。 尚書令王儉朝宗貴望,惠基

同 在 一禮閣 非 公事不 私觀焉。 遷太常, 加給事 中。

自宋 大明 以來,聲伎所尙,多鄭 、衞,而雅樂正聲鮮有好者。 惠基解音律,尤好魏 三祖

曲 及 相和 }歌 每奏輒賞悅不能 已。

思莊 決。 能 帝 對 前 抗 覆 戲 當 遲 時 抗、 Z 腄 於 能 一,巧於鬭棊。 思莊 齊高 棊 局 後寢 人琅邪 並 帝使思莊 至給事中。 王抗第一品,吳郡褚思莊、會稽夏赤松第二品。 宋文帝時,羊玄保爲會稽,帝遣 思莊 與王抗 達 永明 旦不寐。 交賭,自食時至 中,敕使抗 時或云,思莊 品基,竟 日暮,一局始竟。 陵王 所以 思莊入東,與玄保戲,因置 品第致高,緣 子良使惠基 上 赤松思速,善於大行, 一後,遣 掌 其 其 用 還省 事 思深 了至五 局 圖,還於

初 思話先於曲阿 起宅,有閑曠之致。 惠基常謂所親 曰:「須婚嫁畢, 當歸老舊盧。」立

身退素,朝廷稱爲善士。卒,贈金紫光祿大夫。

州 不発飢寒。 _{(張碑})辭甚贍麗。卒於官。文集二十卷行於世。 中從事。近幾重鎭,職吏數千人,前後居者皆致巨富。給淸身率職,饋遺一無所受,妻子 子治字宏稱。 累遷臨海太守,爲政淸平,不尙威猛,人俗便之。 幼敏寤,年七歲,誦楚辭略上口。及長,好學博涉,善屬文。 還拜司徒左長史。敕撰當塗 仕梁位南徐

「可問蕭惠休,故當不復私邪?〔邑吾欲分受之也。」後封建安縣子。 惠基弟惠休。 齊永明四年, 爲廣州刺史,罷任,獻奉傾資。上敕中書舍人茹法亮曰:

謹,故得美遷。 惠休弟惠朗,同桂陽賊,齊高帝赦之。後爲西陽王征虜長史,行南兗州事,坐法兒官。 永元元年,徙吳興太守。[K] 徵爲尚書右僕射。吳興郡項羽神舊酷烈,人云惠休事神 于時朝士多見殺,二年,惠休還至平望,帝令服藥而卒,贈金紫光祿大夫。

惠朗弟惠薦,仕齊左戶尚書。子介。

白稱。 <u>|</u>介字||茂鏡,少穎悟,有器識。梁||大同中,||武陵王||紀爲||揚||州刺史,以||介爲府長史,在職以清 武帝謂 何敬容曰:「蕭介甚貧,可處以一郡。」〔4〕復曰:「始興郡頻無良守,可以介爲

列

之。」由是出爲始興太守。及至,甚著威德。

徵爲少府卿,尋加散騎常侍。會侍中闕,選司舉王筠等四人,並不稱旨。 帝曰:「我門

中久無此職,宜用蕭介爲之。」應對左右,多所匡正,帝甚重之。

仕,帝優詔不許,終不肯起,乃遣謁者僕射魏祥就拜光祿大夫。 遷都官尚書,每軍國大事,必先訪介。帝謂朱异曰:「端右材也。」中大同二年,辭疾致

太清中,侯景於渦陽敗走,入壽陽。帝敕助防韋黯納之,分聞而上表致諫,極言不可。

帝省表歎息,卒不能用。

<u>/</u>介性高簡,少交游,唯與族兄琛、從兄际素及洽從弟淑等文酒賞會,時人以比謝氏鳥衣

之游。

也。」年七十三,卒於家。 不變,言笑自若。介染翰便成,文無加點。帝兩美之曰:「臧盾之飲,蕭介之文,卽席之美 初,武帝招延後進二十餘人,日置酒賦詩。滅盾以詩不成,罰酒一斗。盾飲盡,顏色

景攻陷臺城,百僚奔散,沈獨整衣冠坐于宫坊,景軍敬焉,弗之逼也。 第三子/允字叔佐,少知名。風神凝遠,通達有識鑒,容止醞藉。 尋出居京口。時寇賊 仕梁位太子洗馬。侯

縱 爭欲奮臂 横,百姓波駭,沧獨不行。 而論大功, 何事 於一書生哉。 人問其故, 允曰:「性命自有常分, 豈可逃而免乎。 莊周所謂畏影避迹, 吾弗爲 也。」乃閉門靜處,併日 方今百姓,

晉安王 陳 一爲南 永定中,侯安都爲南徐州刺史,躬造其廬,以申長幼之敬。 豫州,以爲長史。 時王尙少,未親 人務,故委允行府事。 宣帝卽位,爲黃門侍郎。 入爲光祿 卿

加

食,卒発於患

辛苦蕃外。」答曰:「已許晉安,豈可忘信。」其恬榮勢如 父黨之敬,聞<u></u>允將行,乃詣允曰:「公年德並高,國之元老,從容坐鎭,旦夕自爲列曹,何爲方 允性敦 重,未嘗以榮利干懷。 及晉安出鎭湘州, 叉苦攜允。 此 允少與蔡景歷善,子徵修

託 可 測 異代之交,爲詩以敍意,辭理清典。 (`)至於文章,可得而言。」因 至德中, 鄱陽王出鎭會稽,允又爲長史,帶會稽郡丞。 一誦允詩 以對。 後主嘗問感徵,比之爲人,徵曰:「其清虚玄遠,殆不 後主嗟賞久之。 行經延陵季子廟,設蘋藻之薦, 尋拜光祿大夫。

隋文帝義之,並厚賜帛。 及隋 師濟江,允遷于關右。 尋卒,年八十四。 時南 士至長安者,例皆授官,允與尚書僕射謝伯辭以老疾

弟引 字叔休,方正 有器度,性聰敏,博學善屬文。 **仕梁位西昌侯儀同府主**

百 未 餘 是擇君 人南 侯景 之秋。 之亂 奔嶺表。「九時始興 ,梁元帝爲荆州刺史,朝士多歸之。 吾家再 世爲始興郡,遺愛在人,政可南行以存家門耳。」乃與弟肜及宗親等 人歐陽頗為 衡州 刺史,乃往依 月日:一 諸王力爭, 焉 禍 患方始, 今日 逃難

正 士 身以 人岑之敬 頠 遷 明道,直己以行義,亦 廣 州病死,子統領其 、公孫挺等並惶駭,唯引怡 何憂乎。」及章昭達平番禺,引始北 衆,引疑紇 然, 具圖 謂之敬等曰:「管幼安、袁曜卿亦但安坐耳。 因事 ·規正, 由是 還,拜尚書金部 情禮漸疏。 及紇反,時都下 侍 郞

飛。 曰:「此 引 居 自 謝 善 些 曰:「此乃陛下假其毛羽 隸 下 書,[10]為當時所 不遷怒,臣 何預 重, 此思。」 耳。 宣帝嘗披奏事 帝 又謂引曰:「我每有所忿,見卿 指引署名曰:「此字筆 趣翩 **呱意解** 翩, 何也。日 似鳥 之欲

靖 物 爲 甚 情 庫 得 部 引 且遣引觀靖,審其 領表 侍 性 抗 郎,掌知 直 人心,而甲兵精練,每年深 不不 營造。 事權貴,宣帝每欲遷用,輒爲用專者所裁。 舉措,諷 引在 職 令送質。 年,而 入俚洞,數有 器械 及至,靖卽悟旨,遣 充足。 戰功,朝野 歷中書,黃門,爽部 及呂梁覆師, 見弟為 頗 生 異議 質 侍 宣帝以引悉嶺 鄎 戎儲空匱, 唐 州 刺史 轉同 外

皆不許。 後 主 卽 引始族子密,時為黃門郎,諫引曰:「李、蔡之權,在位皆憚, 位,爲中庶子、建康令。 時殿 內隊主吳 难及宦者李善度、蔡脫兒等多 亦宜少爲身計。」引 所請屬,引

||李、蔡證之,坐発官,卒於家 四:「吾之立身,自有本末,亦安能爲李、蔡致屈,就令不平,不過免職耳。」吳璡竟作飛書,

子德言最知名。

踩字彥瑜,惠開從子也。祖僧珍,宋廷尉卿。 引弟肜,位太子中庶子,南康王 父惠訓,齊末爲巴東相。 一長史。 梁武帝起兵,齊

歸降。 武帝宥之,以爲太中大夫,卒官。

和帝於荆州卽位,惠訓與巴西太守魯休烈並以郡相抗,惠訓使子璝據上明。

建康城平,始

博士。時王儉當朝,踩年少,未爲儉所識。負其才氣,候儉宴于樂游,乃著虎皮靴,策桃枝 琛少明悟,有才辯。 數歲時,從伯惠開見而奇之,撫其背曰:「必興吾宗。」起家齊太學

杖,直造儉坐。 **儉與語大悅。檢時爲丹陽尹,辟爲主簿。**

琛於御筵舉酒勸彪,彪不受,曰:「公庭無私禮,不容受勸。」琛答曰:「詩所謂『雨我公 永明九年、魏始通好、琛再銜命北使、還爲通直散騎侍郎。 時魏遣李彪來使,齊武帝讌

田,遂及我私』。」坐者皆悅服,彪乃受踩酒。

起自後漢,爾時郎官位卑,親主文案,與令史不異。故郎三十五人,令史二十人,是以古人 累遷尚書左丞。時齊明帝用法嚴峻,尚書郎坐杖罰者皆卽科行,琛乃密啓曰:「郎有杖

列 傅 第 八

蕭

思 話

是 成長,彌復難爲儀適。 元 已久,人情未習。 而 (應受罰者)依舊不行 嘉 罰 耻 、大明 爲 遵曩科。 此 職 中 ·,經有被罰者,別由犯忤主心,非關常準。 自魏 所以從來彈舉,雖在空文,而許 自奉敕之後, 、晉以來,郎官稍重。 其應行罰,可特賜輸贖,使與令史有異,以彰優緩之澤。」 已行倉部 今方參用高華, 郎江 以推 重欣杖督五十,皆無不人懷 遷。 或逢赦恩,或入春令,便得息停。 自泰始、建元以來, 吏部又近於通貴, 不應官高昔品, 慚懼 未經 帝納之。 施 兼 行 有子 事 弟 自 廢 宋

梁武 東昏 在 初 西邸, ·嗣立,時議無廟見文。 與踩 有舊。 梁 臺建, 琛議據周頌烈文、閔子,皆爲卽位朝廟之典。 以爲御史中 恋。 天監九 年, 累遷平西 長史、 於是從之。 江夏

篆。 以 爲 琛 班 始深 甚 固 祕之。 眞 爲宣城太守,有北僧南度,唯齎一 本。 一琛固 及是以書餉鄱 求得之,其書多有異 陽王 範 一、獻于 八个者, 東宮 īfii 中有漢書字傳。僧云:「三輔舊老相傳、三三 紙 墨亦古, 文字多如龍舉之例, 非 隸

有 私 叱 **整**。 請 彸 爲 禱 琛厲色曰:「生不能與漢祖 吳 興太守 前 後二千石皆於 那 有 項羽 聽拜祠,以軛 廟 ,土人名爲「憤 争中原,死據此聽事,何也。」因遷之於廟。 下 牛 主, ·
充祭 而 甚 避居他 「有靈 驗, 室 遂於 深 至,著 郡 聽 履登 事 安牀幕 聽 又禁殺牛解 事 爲神座, 聞 至 中

祀, 以脯代肉。 踩頻莅大郡,不事產業,有闕則取,不以爲嫌。 歷左戶、度支二尚書,侍中

奴異。」 夙 投臣以赤心,臣敢不報以戰栗。」上笑悅。 應諱順。」上曰:「各有家風。」踩曰:「其如禮何。」又經預御筵醉伏,上以棗投踩,踩仍取 上,正中 忝同閈,雖迷興運,猶荷洪慈」。上答曰:「雖云早契闊,乃自非同志。勿談興運初,且道狂 帝每朝讌,接琛以舊恩。 煎。 御史中丞在坐,帝動色曰:「此中有人,不得如此,豈有說邪。」踩即答曰:「陛下 嘗犯武帝偏諱,帝斂容。 上每呼踩爲宗老,踩亦奉陳昔恩,以「早簉中陽, 踩從容曰:「二名不偏諱。三三陛下不 栗擲

遺,幷諸文集,數十萬言。 自 祭以蔬菜。 解竈,事 踩常言:「少壯三好: 畢餘餕, 葬止車 十乘, 必陶然致醉。 音律、書、酒。 事 存 率素。」 位特進、金紫光祿大夫。 卒,遺令諸子:「與妻同 乘輿臨哭甚哀, 年長以來,二事都廢,唯書籍不衰。」而深性通脫,常 諡日平子。 琛所撰漢書文府、齊梁拾 墳異藏,

子遊,位少府卿。 遊子密字上幾,幼聰敏,博學有文詞。 位黃門郎,太子中庶子,散騎

常侍。

議者從之。 恭愍皇后,雖不繫子爲號,亦祭於陵寢,不配章、安二帝。此則二漢雖有太后皇后之異,至 是晉制所異。謂宜遠準陽秋考宮之義,近慕二漢不配之典。 人爲皇后,配孝武廟。此非母以子貴之例,直以高、武二廟無配故耳。 於並不配食,義同陽秋。唯光武追廢呂后,故以薄后配高廟。又衞后旣廢,霍光追尊李夫 園,不配於高祖、孝武之廟。 祖母宣太后,議者或謂宜配食中宗。 建寢廟,則嚴禰之義顯。繫子爲稱,兼明母貴之所由。一舉而允三義,固哲王之高致也。」 人。經言考仲子宮,若配食惠廟,則宮無緣別築。前漢孝文孝昭太后並繫子爲號,祭於寢 晉太元中,衞將軍謝安始立國學,除、院二州刺史謝玄舉燾爲助教。晉孝武帝追崇庶 臧燾字德仁,東莞岜人,宋武敬皇后兄也。少好學,善三禮,貧約自立,操行爲鄉 後漢和帝之母日恭懷皇后,安帝祖母日敬隱皇后,順帝之母日 憲議曰:「陽秋之義,母以子貴,故仲子、成風咸稱夫 尊號旣正,則罔極之情申,別 又漢世立寢於陵,自 里所

亡,居喪六年,以毀瘠著稱 頃之去官,以父母老家貧,與弟熹俱棄人事,躬耕自業,約己養親者十餘年。 父母喪

入補尙書度支郎,改掌祠部,襲封高陵亭侯。日己 宋武帝義旗建,參右將軍何無忌軍事,隨府轉鎭南參軍。 武帝鎭京口,參帝中軍軍事,

時 太廟 與尾災,燾謂著作郎徐廣曰:「昔孔子在齊聞魯廟災,日必桓、僖也。 今征 西、京

兆 四 府 君 宜在 一毀落,而猶列 「廟饗,此其徵乎。」乃上 一議日:

以求 盡崇嚴乎祖考,然後能流淳化於四海,通幽感於神明, 中者也。三四 臣 聞「國之大事,在祀與戎」。 將營宮室,宗廟爲首。 固宜詳廢 古先哲王莫不致肅 興於古典,循 恭之誠 情禮

祭於 貴者 也。 級之典,上下殊異之文。 則 武 祧 廟 有 祀 之 有二祧, 之禮 公太祖 鄭玄以 ,故傳稱 從 廟 享嘗之降,去祧則有壇墠之殊,明世遠者其義彌疏 {禮 矣。 , 天子七廟, 三昭三穆與太祖 王氏 ,雖推后稷以配 不過高 |文、武,周之祖宗,何云 爲祧者文王武王之廟, 享嘗乃止。 議,以禮父爲士,子爲天子諸侯,祭以天子諸侯,其尸 一德厚者流光,德薄者流 祖。 推隆恩於下 去祧 而云天子諸 武天,由 爲壇 功德之所始, 流,替誠敬於尊 去桃爲壇 王肅以爲五 去壇 而 侯俱 卑」。 ti 一爲墠,有禱然後祭之, · 祭五 又言自上以下降殺 自考廟以至祖考五廟,皆月祭之。 乎? 非尊崇之義每 廟, 世六世之祖。 廟,亦非 明遠廟爲祧 何哉? 也。 聖人 又王祭嫡殤, 若祕 有差降 以 者,無服 尋去祕 制 兩 此宗廟之次、親疏 禮 是文、武之廟 。禮也。 、服以 之意 也。 之言, 之祖 下及 士服 又 [禮 也。 يا الم 也。 則 是 來 則 有 宜 祧 故 以 遠廟爲 又遠廟 孫 尊 以 非文、 泰始 之序 卑等 多 同 爲 月 而

列

傳

所 征 屈 謂 太祖於卑坐,臣以爲非禮典之旨也。 西 子 以備六世之數。 雖 齊聖,不先父食者矣。 宣皇雖爲太祖,尚在子孫之位,至於殷祭之日,未 今京兆以上旣遷,太祖始得居正,議者以昭穆未足,欲 所謂與太祖而七,自是昭穆旣足, 申東向之禮, 太廟在六世

宜 與世 虞 之外 之 羣 或 和 世 不 祖 禮 廟 欲 之初 近 絕 同虞主之瘞埋 主 ,謂太祖以下先君之主也。 一所 遷 Ž 瘞 也。」豈如四府君在太祖 爲 而 議者又以四府君神主,宜永同於殷祫。 非為須滿七廟乃得居太祖 之兩 岢 上 以 用。 及,今則情禮已遠,而當長饗殷給,永虛太祖之位,求之禮籍。 大議斯禮 依 而 可 豊 不 階 神 順 四 一或欲 主諦 而 神 有 不斷? 移 然經典難詳,羣言錯繆,非臣淺識所能折中。 心於 藏之石室,或欲 于時虞喜、范宣 給不 則有瘞埋 、加厚, 故臣 已,則大晉殷祭長 之前乎,日日非繼統之主,無靈命之瑞,非王業之基。 故白虎通 子之情雖篤,而 顧禮制 之禮 也 爲 並以洪儒碩學,咸謂 四 不 之改築,雖所執 云:「禘祫祭遷廟者, 主 可踰 若饗祀 無太祖之位矣。 臣叉以爲不然。 耳。 靈、厲之諡彌 宜 石 室 廢 小異,而 則 亦 四府君神主無緣永存於 藏 彰, 神之所不依 於 夫 以其繼君之體,持其 傳所謂毀廟之主,陳乎太 廟 理 大歸是同。 追遠 北, 貴 有中,不必過厚,禮 之懷 改築則 未見其可。 也。 雖 若宣皇旣居 切, 未 準傍事例, 知 而遷毁 百世 所處 昔永 昔 統 以 丽

時學者多從燾議,竟未施行。

親 戚 共之。 宋 武 帝 永初三年致事,拜 受 命 拜太常。 雖 光祿 外戚 貴顯,而 大夫,加 金章紫綬。 彌 自 1沖約。 卒,少帝贈 茅屋蔬飱,不改其 左 光 禄 大夫 所 得 奉 禄, 與

之辭 僧祐 沈攸之傳。 語 俱以 韻 僧祐 長子邃,宜都太守。 詮序,上甚賞焉。 通 引 寅弟稜,後軍 凝之衣令止, 家子,始爲文帝所引見。 |逐 參軍。 後爲尚書左丞,以徐湛之黨,爲元凶 凝之大言曰 凝之,學涉 稜子 嚴。 時 明明 上與 有當 主 何尚之論 難 世才, 再 遇, 與 鑄錢 便應政盡 司空徐湛之爲異常交。 事 所殺。 凝之便干 所懷。」上與往 疑之子寅 ·其語· 次, 復 字士若, 年 少時, 1-上因 餘 反 回 與 凝 傅 與

郡 ,攜嚴之官,於途作屯 嚴字彥威,幼有孝性,居父憂以毁聞。 游赋,又作七算,辭並 孤 典 貧勤學,行止書卷不 麗 離 手。 從叔未 甄 冮

中各 寧 室。 郡 守。 對 嚴 性孤 於學多所諳記, 事, 介,未嘗造請。 郡 界蠻 幷 作者姓名, 左, 前郡 尤精漢. 梁僕 守常選武人以兵鎭之, 遂無遺失。 射徐勉 書, 諷 欲 誦 王 識之,嚴終不詣。 略 遷荆州 皆上口。 嚴獨以數門生單車入境、羣蠻悅服。 " 隨府轉 王嘗自執四部 西中 累遷湘東王宣惠輕 ·郎安西錄事 書目試之,嚴 多軍 車 自甲 ,歷義陽、 府 參 至丁 軍 後 籴 武 卷

列

傳

於鎭南諮議參軍。文集十卷。

知, `仕||梁爲太尉長史。丁所生母憂,三年廬于墓側。 嚴族叔未甄,自己廉會孫也。父潭之,左戶尚書。自己未甄有才幹,少爲外兄汝南周顯所 歷廷尉卿,江夏太守,卒。子盾

璩 書通事舍 曰:「此生王佐才也。」爲尚書中兵郎。美風姿,善容止,每趨奏,梁武帝甚悅焉。入兼中 盾字宣卿,幼從徵土琅邪諸萬璩受五經。據學徒常有數十百人,盾處其間,無所狎比。 人。

累敕 信果報凶問,其處通 抑譬。 盾 有孝性,嘗隨父宿直廷尉府,母劉氏在宅夜暴亡,盾左手中指忽痛不得寢。 後累遷御史中丞,性公强,甚稱職。 |如此。服未終,父卒,居喪五年,不出廬戶,形骸枯悴,家人不識。|武帝 及旦、宅

皆 中大通 駭散,唯盾 五年,帝幸同泰寺開講,設四部大會,衆數萬人。南越所獻馴象忽於衆中狂逸, 與散騎侍郎裴之禮嶷然自若,帝甚嘉焉。

隶 甚 理。 大同 先是吳平侯蕭景居此職著聲,至是盾復繼之。 二年,爲中領軍。 領軍管天下兵要,監局事多,盾爲人敏贍,有風力,長於撥繁,職 後卒於領軍將軍,諡曰忠。

止。 盾弟 厥 下 |厥字||劇,亦以幹局稱。 車宣化 凶黨皆襁 負而 出, 爲晉安太守,郡居山海,常結聚逋逃,前二千石討捕不能 自是居人復業。 然政嚴,百姓謂之臧彪。 前 後 再兼 中

書通事舍人,卒於兼司農卿。

尙

書三公郎。

卒 後, 厥 有撾登聞鼓 前後居職,所掌 訴求付清直舍人,帝曰:「臧厥旣亡,此事便無所付。」其見知 之局大事及蘭臺廷尉所不能決者,敕並付厥。 辯斷精明,咸得 如 此。 其理

令 ·阮崇獵 熹字義和 遇 猛獸突圍 一燾之弟 獵 也,與燾並好經學。 徒並散,熹射之,應弦 隆安初兵起,熹乃習騎射,志立 丽 倒 功名。 嘗與 (溧陽

器, 復 不肖 武 從宋武入京城,進至 帝問 實 熹「卿欲 無情於樂。」帝笑曰:「聊 以此乎? 建鄴。 点点 正色曰:「主上幽逼,播越非所,將軍首建大義,劬 桓玄走,武帝 以戲耳。」以建義功,封始興縣五等侯, 便使廣入宮收圖書器物,封府庫。 參武 帝 車騎、中軍 勞王室,雖 有 金飾樂

武帝將征廣固,議者多不同,熹贊成其行。

軍

事

o

列

四

卒於蜀,追贈光祿勳。 將 一門無法也中牌,又遣此小尚重兵塞打鼻。 > 「震至中脾、無之敗走、追斬之、成都平。」 武帝遣朱齡石統大衆伐蜀,命熹奇兵出中水,領建平、巴東二郡太守。 蜀主譙縱遣大

門戶,何至以此中相輕。」倫之慚謝,質拂衣而去。 子中軍參軍,嘗詣護軍趙倫之,倫之名位已重,不相接。質憤然起曰:「大丈夫各以老嫗作 子質字含文,少好鷹犬,善蒱博意錢之戲。 長六尺七寸,出面露口,頹頂拳髮。 初爲世

史,加都督。在鎭奢費、爵命無章、爲有司所糾。遇赦。與范曄、徐湛之等厚善。曄謀反、量 質必與之同。會事發,復爲義興太守。 言,乃出爲建平太守,甚得蠻楚心。歷1寬陵內史,巴東建平二郡太守,東人便之。 質年始出 三十,屢居名郡,涉獵文史,尺牘便敏,有氣幹,好言兵。」文帝謂可大任,以爲除、虎二州刺 後爲江夏王義恭撫軍參軍,以輕薄無檢,爲文帝所嫌,徙給事中。會稽長公主每爲之

以質爲輔國將軍北救。 固守告急,文帝遣質輕往壽陽,與安蠻司馬劉康祖等救憲。後太武率大衆數十萬向彭城 二十七年,遷南譙王義宣司空司馬、南平內史。未之職,會魏太武帝圍汝南,戍主陳憲 始至盱眙,太武已過淮。二十八年正月,太武自廣陵北返,悉力攻

謠言邪? 盱眙,就質求酒。 鐵鐵,云「破城得質,ここ當坐之此上」。質又與魏軍書,寫臺格購斬太武封萬戶侯,賜布絹各 飲江水。 頃年展爾陸梁者,是爾未飲江太歲未 爲亂兵所殺,爾若不幸,則生相鎖縛,載以一驢,負送都市。 未遠,爾自送死,豈容復令爾饗有桑乾哉。 **房馬飲** 廣主北歸石濟死, 虜欲度江天不徙。」故答書引之。 江水,佛狸死卯年。 質封溲便與之,太武怒甚,築長圍一夜便合。 ·卯故耳。」時國地童謠曰:「軺車北來如穿雉,不意 冥期使然,非復 假令寡人不能殺 八事。 爾,爾由我 寡人受命相滅,期之白登,師行 太武大怒, 爾識智及衆,豈能勝苻堅 質報太武書云:「爾不 而死。 乃作鐵牀, 爾若有幸,得 於 聞童 上施 。廣馬

關。 城,墜而復升,莫有退者。 外,截其鉤獲之。これ即日又以衝車攻城,土堅密,每至,頹落下不過數斗。ここの魏軍乃肉薄登 所糾,上不問 上嘉質功,以爲寧蠻校尉、雍州刺史、監四州諸軍事。明年,文帝又北侵,使質率見力向潼 質頓兵不肯時發,又顧戀嬖妾,棄軍營壘,單馬還城,散用臺庫見錢六七百萬,爲有司 |魏以鉤車鉤垣樓,城內繫絙,數百人叫呼引之,車不能退。 殺傷萬計,死者與城平。如此三旬,死者過半,太武乃解圍 質夜以木桶盛人,縣 而 出城

萬疋。

元凶弑立,以質爲丹陽尹。 質家遣門生師顕報質,具言文帝崩問。 質使告司空義宣及

孝 武 帝 而 自率 衆 五 千馳下討逆, 自陽 口 進江陵見義宣。時質諸子 在都 聞 質 舉義,並 逃亡。

太 儀 義宣 極 同 三司 始 殿 得質 庭,生禽元凶 、都督江州 報, 卽 H 舉 諸軍 ,仍使質 兵 馳 事。 信報孝武 留守朝堂,封始興郡公。 使質 自白下步上,薛安都 ,板進質 號 征 北將 之鎭,舫千餘乘,部伍前後 、程天祚等亦自南掖 軍 孝武 卽位,加質 門 車 入,與 騎將軍 百餘里,六 質 開 同 府 會

平 乘 並 施 龍 子

義宣 名。 傑。 時孝武 已推崇孝武,故其計 質於義宣 始聞 國 禍 自攬威權,而質以 雖 便 爲兄弟,而 有異圖 不行。 以義宣 年近大 少主遇之, 每慮事泄,及至新亭, 十歲。 凡 闇 易 刑政慶賞, 制 義宣驁 欲 外相 曰:「君 不復諮禀朝廷, 推奉以成 又拜江 何意 夏王 拜弟 其 志。 義恭。 __? 質 自謂 及至 日:「事 義恭愕然, 江陵, 人才足 中 宜 爲 便 然。 致 問 世 質 拜 所 時 稱 英

以。 質曰:「天下屯危、禮 異常日 ,前在荆州,亦拜司空。」

義宣 叉勸: 義宣 子悰妻。三 會 義宣 義宣 有爈於孝武,質因 時未受丞相 謂質無復 異 質 同, 此密信說誘,陳朝廷得失。 子敦爲黃門侍郎,奉 納其說。 且. 義宣 腹 心將佐 詔 敦勸,道經 又謂震主之威不可持 蔡超、竺超人等咸有富 尋陽,質令敦具更譬說義 人。 貴情願 質

宣。 義宣意乃定、馳報 豫州 刺 史 魯爽,期孝 建 元 年 秋 同 舉

|爽失旨,即起兵,遣人至都報弟\瑜,席卷奔叛。 瑜弟弘 爲質府佐,孝武馳使報質誅弘 列傳第八 黢黢

潰。 噉之。追兵至,以荷覆頭,沈於水,出鼻。 樂之說義宣曰:「質若復拔東城, 質陳軍城南。玄謨留羸弱守城,悉精兵出戰。薛安都騎軍前出,垣護之督諸將繼之, 絕,萬人綴玄謨,必不敢輕動。 玄借兵於仲堪, 於是執臺健, 纏縈水草。 ,兩岸築偃月壘,水陸待之。元景檄書宣告,而義宣亦相次係至。 質求義宣欲計事,密已走矣。 隊主裘應斬質,傳首建鄴。 狼狽舉兵, 有似今日。」義宣由此與質相疑。 馳報義宣。 質浮舟外江,直向石頭,此上略也。」義宣將從之,義宣客顏 則大功盡歸之矣。 質不知所爲,亦走至尋陽,焚府舍,載妓妾入南湖,摘蓮 孝武遣撫軍將軍柳元景統豫州刺史王玄謨等屯梁 錄尚書江夏王義恭等奏依漢王莽事,漆其頭藏于武 軍主鄭俱兒望見,<<>>三射之中心,兵刃亂至,腹胃 質進計日:「今以萬人取南州, 宜遣麾下自行。」義宣遣腹心劉諶 江夏王義恭書曰:「昔但 則 梁 之就 Щ 4 Щ

於山川,有驗於此。 古人云「 論 曰:趙倫之、蕭思話俱以外戚之親,並接風雲之會,言親則在趙爲密,論望則於蕭 人能弘道」,蓋此之謂乎。 臧氏文義之美,傳于累代,含文以致誅滅,好亂之所致乎。 惠開親禮雖篤,弟隙尤著,方寸之內,孝友異情。 爲 嶮

校勘記

- C13 材理乃快 「材理」各本作「理材」、據宋書乙正。
- [三] 嘗供三千沙門 「供」字各本並脫,據**通志補**。
- [M] 晉原郡反諸郡悉應 「反」各本作「及」,據宋書改。 -----
- 四 抗睡於局後寢 「睡」、「寢」於文爲複,宋書無「寢」字,張森楷南史校勘記謂「寢」字行文。
- Ħ. 故當不復私邪 獻奉。今段殊覺其下情厚於前後人。問之,故當不侵私邪。吾欲分受之也。」則是「復」當作「侵」。 「復」南齊書作「侵」,其敕云:「可問蕭惠休、吾先使卿宣敕、答其勿以私祿足充
- 六〕徙吳興太守 「徙」各本作「從」,據南齊書改。
- [4] 可處以一郡 「處以」各本作「以處」,據梁書乙正。
- 初武帝招延後進二十餘人 「招」各本作「總」,據梁書改。
- [元] 乃與弟肜及宗親等百餘人南奔嶺表 「肜」陳書作「彤」。
- [10] 引善隸書 「隸」字各本並脫,據陳書補。
- [11] 三輔舊老相傳 「老」各本作「書」,據梁書改。
- 二名不偏諱 「一」字各本並脫,據禮記補,下云「其如禮何」,即指禮記。

字行。」

[18] 循情禮以求中者也 「循」各本作「修」,據宋書改。

豊 如 、四府君在太祖之前乎 「乎」字各本並脫,據册府元龜五七六補。

嚴族叔 未甄 張森楷南史校勘記:「嚴祖凝之與未甄祖潭之爲同產兄弟,則未甄與嚴父稜爲同

堂從兄弟,當云嚴從叔未甄。」按上臧嚴傳亦作「嚴從叔未甄」。

父潭之左戶尚書 「之」字各本並脫, 宋書臧燾傳、梁書臧盾傳並有「之」字,今據補。又二書於

「左戶」並作「左民」,此避唐諱改。

[14] 云破城得質 「云」字各本並脫,據宋書補。

[1·2] 截其鉤獲之 「其」字各本並脫,據通鑑補。

毎至 頹落下不過數斗 「至」字據宋書、通鑑補。 胡注:「『每至』句絕、謂衝車至荒城身也。」

質女爲義宣子宗妻 「悰」各本作「採」,據通志改。 按朱書武二王傳,備載義宣子十八人,無名

採者,而悰爲其第三子。

軍主鄭俱兒望見 「軍主」各本作「軍士」,涉形近而譌,據宋書、通鑑改。

列

南史卷十九

列傳第九

謝晦 兄瞻 弟嚼 從叔澹 謝裕 子恂 玄孫微 裕弟純 述 孫朓

謝方明 子惠連 謝靈運 孫超宗 曾孫幾卿

遯。 據 子朗字長度,位東陽太守。朗子重字景重,位會稽王道子驃騎長史。重生絢、瞻、晦、嚼、 |絢位 謝晦字宣明,陳郡陽夏人,晉太常裒之玄孫也。 哀子奕、據、安、萬、饑,並著名前史。 至宋武帝鎭軍長史,早卒。[1] 晦初爲孟昶建威府中兵參軍。 昶死, 帝問劉穆之,

奇之,卽日署刑獄賊曹。 武帝當訊獄,其旦,刑獄參軍有疾,以晦代之。 累遷太尉主簿。從征司馬休之,時徐逵之戰死,帝將自登岸,諸將 晦車中一覽訊牒,

隨問,酬對無失。帝

列 傅 第 九 謝 脲

抱持帝,[三帝曰:「我斬卿。」晦曰:「天下可無晦,不可無公,晦死何有。」會問藩

諫不

從。

晦

五 二

登岸,賊退,乃止。

不及。 有兩玉人耳。」 輪。」於是羣臣並作。 賦詩,晦恐帝有失, 晦美風姿,善言笑,眉目分明,鬢髮如墨。 晦聞猶以爲恨。 起諫帝,卽代作曰:「先蕩臨淄穢,却淸河洛塵,華陽有逸驥, 時謝混風華爲江左第一,至嘗與晦俱在武帝前, 帝深加愛賞、從征關、洛、內外要任悉委之。 涉獵文義,博贍多通,時 帝於彭城 人以方楊德祖, 帝目之曰:「一時頓 大會, 桃林 無伏 微將 紙

穆之堅執不與,故終穆之世不遷。 喜甚,自入閤參審。 劉 穆之遣使陳事,晦往往異同,穆之怒曰:「公復有還時不。」及帝欲以晦爲 其日教出,轉晦從事 及穆之喪問至,帝哭之甚慟,曰:「喪我賢友。」 中郎。宋臺建、爲右衞將軍、加侍 中。 脢 從 事 時正直, 中

自勝。 羣僚誦詩,晦詠王粲詩曰:「南登霸陵岸,回首望長安,悟彼下泉人,喟然傷 武帝聞威陽淪沒,欲復北伐,晦諫以士馬疲怠,乃止。於是登城北望, 及帝受命,於石頭登壇,備法駕入宮,晦領游軍爲警。 加中領軍,封武昌縣 心肝。」帝流涕 乃命

領 人,與徐羨之、傅亮、檀道濟並侍醫藥。 軍 將軍,加散騎常侍,依晉中軍羊祜故事,入直殿省, 永初二年,坐行 璽封鎭西司馬南郡太守王華,而誤封北海太守球,板免晦 少帝卽位,加中書令, 總統 沒宿衞。 與徐、傅輔政。 及帝 不 豫, 及少帝廢,徐 給 侍 中。 班劍二十 尋轉

羡

之以晦

領護南蠻校尉、荆州刺史,加都督,欲令居外爲援。

慮文帝至,或別用

人,

故遽有

庾登之請解司馬、南郡以授之,晦即命超爲司馬,轉登之爲長史。

殿 之世,日夏彼猜嫌,積怨犯上,自貽非命。不有所廢,將何以興,耿弇不以賊遺君父,臣亦 當輔翼幼主,孤背天日,豈得沿流二千,虛館三月,奉迎鑾駕,以遵下武。故廬陵王於營陽 何負於宋室邪」。又言「羨之、亮無罪見誅,王弘兄弟輕躁昧進,王華猜忌忍害」。帝時已戒 發子弟凶問。旣而自出射堂,集得精兵三萬人,乃奉表,言「臣等若志欲專權,不顧國典,便 尚書符荆州暴其罪狀。 文帝 談談之等及晦子世休,收嚼、嚼子世平、兄子紹等。「吾」晦知訖,先舉湊之、亮哀,次

之師。」移檄建鄴,言王弘、曇首、王華等罪。又上表陳情。 委之以衆。 上流,檀鎭 晦率衆二萬發自江陵,舟艦列自江津至于破冢,旗旌相照。 歎曰:「恨不得以此爲勤王 廣陵,各有强兵,足制朝廷,羡之、虎於中知權,可得持久。 晦始謂道濟不全,及聞其來,大衆皆潰。 晦得小船還江陵。 初,晦與徐、傅謀爲自全計:晦據 及帝將行,召檀道濟

等七騎: 俄 而 初, 晦至江陵, 北走。 雍州 刺史劉粹遣弟竟陵太守道濟與臺軍主沈敞之襲江陵,至沙橋,周超大破之。 遯肥不能騎馬,晦每待不得速。至安陸延頭,晦故吏戍主光順之檻送建鄴。 無他處分,唯愧謝周超而已。[刊]超其夜詣到彦之降,晦乃攜弟遯兄子世基

於路作悲人道以自哀。

周超旣降,到彦之以參府事。 劉粹遣告彦之,沙橋之事,敗由周超。 彦之乃執與晦等

並伏誅。

翻 爲螻蟻食。」晦續之曰:「功遂侔昔人,保退無智力。旣涉太行險,斯路信難陟。」 世基, 絢之子也。有才氣, 臨死爲連句詩曰:「偉哉橫海鱗, 壯矣垂天翼, 一旦失風水,

<u>晦女爲彭城王義康妃,聰明有才貌,被髮徒跣與晦訣曰:「阿父,大丈夫當橫屍戰場,奈</u>

何狼藉都市。」言訖叫絕,行人爲之落淚。

晦死時年三十七。庾登之、殷道鸞、何承天自晦下並見原。

士歎異。 膽字宜遠,一日名檐字通遠,晦次兄也。六歲能屬文,爲紫石英贊、果然詩,爲當時才 與從叔混、族弟靈運俱有盛名。嘗作喜霧詩,靈運寫之,混詠之。王弘在坐,以爲

三經

逐勢傾朝野,此豈門戶福邪。」乃籬隔門庭,曰:「吾不忍見此。」後因宴集,<u>靈運問晦:「潘、陸</u> 衞,權遇已重,於彭城還都迎家,賓客輻湊。時瞻在家,驚駭謂晦曰:「吾家以素退爲業,汝 遠,自煙臺祕書郎解職隨從,故爲柳建威長史。後爲宋武帝相國從事中郎。晦時爲宋臺右 瞻幼孤,叔母劉撫養有恩,兄弟事之同於至親。劉弟柳爲吳郡,將姊俱行,瞻不能違

列傳

貴 世,不得爲並。」靈運曰:「安仁、士衡才爲一時之冠,方之公闆,本自遼絕。」瞻斂容曰:「若處 與賈充優劣。」晦日:「安仁諂於權門,土衡邀競無已,並不能保身,自求多福。 一而能遺權,斯則是非不得而生,傾危無因而至。 君子以明哲保身,其在此乎。」常以裁止 公閭勳名佐

章太守。 顯密,福過災生,特乞降黜,以保衰門。」前後屢陳。帝欲以瞻爲吳興郡,又自陳請,乃爲豫 及還彭城,言於武帝曰:「臣本素士,父祖位不過二千石。弟年始三十,志用凡近,位任 晦

如此

永初二年,在郡遇疾不療,幸於不永。晦聞疾奔波,瞻見之曰:「汝爲國大臣,又總戎重,萬 里遠出,必生疑謗。」時果有詐告晦反者。 晦 ·或以朝廷密事語瞻,膽輒向親舊說以爲戲笑,以絕其言。 晦遂建佐命功,瞻愈憂懼

門。 瞻曰:「吾有先人弊廬,何爲於此。」臨終遺晦書曰:「吾得歸骨山足,亦何所多恨。 弟思 瞻疾篤還都,帝以晦禁旅,不得出宿,使瞻居于晉南郡公主壻羊賁故第,在領軍府東

自勉,爲國爲家。」卒時年三十五。

否人物。混患之, 瞻文章之美,與從叔混、族弟靈運相抗。 欲加裁折, 未有其方。謂膽曰:「非汝莫能。」乃與晦、曜、 靈運父瑍無才能,爲秘書郎早卒,而靈運好臧 弘微等共游

戲、「〇」使瞻與靈運共車。 靈運登車便商較人物,膽謂曰:「祕書早亡,談者亦互有同異。」」靈

運默然,言論自此衰止。

者十餘年。位黃門侍郎,從坐伏誅。 懈倦,躬自執勞,母爲疾畏驚,而微踐過甚,〔己一家尊卑感聞至性,咸納屨行、屛氣語,如此 弟順字宣鏡,年數歲,所生母郭氏疾,嚼晨昏溫凊,勤容戚顏,未嘗暫改。 恐僕役營疾

灣字景恒, 晦從叔也。 祖安, 晉太傅。 父瑶,琅邪王友。 澹任達仗氣,不營當世,

陽范泰爲雲霞之交。歷位尚書。

宴,酣飲大言無所屈,鄭鮮之欲按之,帝以爲濟方外士,不宜規矩繩之,然意不說,不以任 後復侍飲,醉謂帝曰:「陛下用羣臣,但須委屈順者乃見貴,汲黯之徒無用也。」帝大笑。 |朱武帝將受禪,有司議使侍中劉叡進璽,帝曰:「此選當須人望。」乃使澹攝。 澹嘗侍帝

中,位侍中、特進、金紫光祿大夫,卒。 三十五。膽笑曰:「昔荀中郞年二十九爲北府都督,[10]卿比之已爲老矣。」晦色甚愧。

景平中,累遷光祿大夫。從子晦爲荆州,將之鎮,詣澹別。晦色自矜,澹問晦年,答曰

列 傳 第 九 謝 晦

五二八

初, 澹從弟混 與劉毅昵,澹常以爲憂,漸 疎混,每謂弟蹼、從子膽曰:「益壽此性,終當破

家。」混尋見誅,朝廷以澹先言,故不及禍。

蹼字景山,幼孝友,祖安深賞愛之,位光祿勳。

時,內外無不造門,唯景仁不至,年三十而方爲著作佐郞。 宣城內史。景仁幼爲從祖安所知, 司馬庶人父子云何不敗,遂令謝景仁三十而方佐著作郎。」」玄建變臺,以補黃門侍郎。 謝裕字景仁,朗弟沈之子、而晦從父也。名與宋武帝諱同,故以字行。 始爲前軍行參軍, 會稽王世子元顯嬖人張法順權傾 桓玄誅元顯,見景仁,謂四坐日 允字令度,位 及

從,而使景仁陪輦。 食未辦,而景仁爲玄所召。 景仁博聞强識,善敍前言往行,玄每與言不倦。 宋武帝爲桓脩撫軍中兵參軍,嘗詣景仁諮事,景仁與語說, 这性促,俄頃間騎韶續至,帝屢求去,景仁不許,曰:「主上見待, 玄出行,殷仲文、卞範之之徒皆騎馬 因留帝食。

篡位,領驍騎將軍

要應 百僚同見,武帝目之曰:「此名公孫也。」歷位武帝鎭軍司馬,復爲車騎司 有 方,我欲與客食,豈不得待。]竟安坐飽食然後應召。 帝甚 一感之。 馬。 及平建鄴, 景仁與

將軍王彧、孺子姑之子也。 飄 颻 有伊、洛間意。」爲新安王主簿,出爲廬江郡,辭,宋孝武謂有司曰:「謝孺子不可屈爲小 子恂字泰溫,位鄱陽太守。 嘗與孺子宴桐臺,孺子吹笙,彧自起舞,旣而歎曰:「今日 **恂子孺子,**5三少與族兄莊齊名。 多藝能,尤善聲律。

僕射。 守,二官共除,安泰以令史職拜謁陵廟,爲御史中丞鄭鮮之所糾,白衣領職。 相監,帝啓依僕射王彪之、尚書王劭前例不解職。 憂,轉景仁大司馬左司馬,專總府任。 豈有縱敵貽患者哉。」帝從之。及北伐,大司馬琅邪王天子母弟,屬當儲副,帝深以 古,而德刑未樹,宜推亡固存,廣振威略。平定之後,養銳息徒,然後觀兵洛汭,修復園寢, 太傅猶不自行。 宰相遠出,傾動根本」。景仁獨曰:「公建恒、文之烈,應天人之心,雖業高 又遷吏部尙書。時從兄混爲尙書左僕射, 坐選吏部令史邢安泰爲都令史、平原太 十一年,爲左 依制 根 不得 本爲

義熙五年,帝將伐慕容超,朝議皆謂不可,劉毅時鎭姑孰,固止帝,以爲「苻堅侵境,謝

振

夫。葬日,武帝親臨甚慟。 爭來受之。武帝雅相知重,申以昏姻,廬陵王義眞妃,景仁女也。十二年卒,贈金紫光祿大 景仁性矜嚴整潔,居宇淨麗,每睡輒唾左右人衣,事畢,卽聽 日澣濯。 每 欲睡, 左右

列 傳 第 九 剖 裕

眞

使人

車騎

郡。」乃以爲司徒主簿。後以家貧,求西陽太守,卒官。

天監中,爲左戶尚書,再遷侍中,固辭年老求金紫,帝不悅,未敍,會卒。 子璟,少與從叔朓俱知名。 齊竟陵王子良開西邸,招文學,璟亦預焉。 位中書郎。 梁

友善。 甚美,帝再覽焉。 子微字玄度、江三美風采,好學善屬文,位兼中書舍人。與河東裴子野、沛國劉顯同官 時魏中山王元略還北,梁武帝餞於武德殿,賦詩三十韻,限三刻成。 又爲臨汝侯獸製放生文,亦見賞於世。後除尚書左丞。 微二刻便就,文

休源 及微三人與議。 及昭明太子薨,帝立晉安王綱爲皇太子,將出詔,唯召尚書右僕射何敬容、宣惠將軍孔 微時年位尚輕,而任遇已重。後卒於北中郎豫章王長史、南蘭陵太守。

文集二十卷。

佐 敗衆散,純爲 純 字景懋,景仁弟也。 人所殺。 純弟, 處字景雕, 位司徒右長史。 劉毅鎭江陵,以爲衞軍長史、南平相。 及王鎭惡襲毅,毅時病,

暴風 寧可存亡俱盡邪。」述號泣答曰:「若安全至岸,尙須營理;如其已致意外,述亦無 因冒浪而進,見純喪幾沒,述號叫呼天,幸而獲免。 了純喪舫流漂不知所在,述乘小船尋求,經純妻<u>庾舫過</u>。 **櫆弟述字景先,小字道兒。** 少有至行,隨純在江陵,純遇害,述奉純喪還都, 咸以爲精誠所致,武帝聞而嘉之。 庾遣人謂曰:「小郎去必無及, 至西塞遇 心獨存。」 及臨

嘗而後進。衣不解帶不盥櫛者累旬,景仁深感愧焉,友愛遂篤。及景仁卒,哀號過禮。 仁肥壯,買材數具皆不合用,述哀惶,親選廼獲焉。 命之,請急不從。帝馳遣呼述,須至乃飱,其見重如此。及景仁疾,述盡 景仁愛趙而憎述,嘗設饌請宋武帝,希命魁豫坐,而帝召述。述知非景仁夙意,又慮帝 心視湯藥, 飲食必

豫州,諷中正以爲迎主簿,甚被器遇

義康驃騎長史,領南郡太守。義康入相,述又爲司徒左長史,轉左衞將軍。莅官淸約,私無 宅舍,義康遇之甚厚。 爲太尉參軍,從征司馬休之,封吉陽縣五等侯。元嘉二年,拜中書侍郎。 尚書僕射殷景仁、領軍將軍劉湛並與述爲異常之交。 後爲彭 城王

恕,吾所啓認會, 辟,述表陳邵先朝舊勳,宜蒙優貸,文帝手詔訓納焉。述語子綜曰:「主上矜邵 述美風姿,善舉止, 故特見納。 湛每謂人曰:「我見謝道兒未嘗足。」 雍州刺史張邵以黷貨將致大 若此跡宣布,則爲侵奪主恩。」使綜對前焚之。 夙誠,自將曲 帝後謂邵日

列傳第九

「卿之獲免,謝述力焉。」

赴, 望船流涕。 述有心 虚 疾,性理時或乖謬,卒於<u>吳興太守</u>。 及劉湛誅,義康外鎮,將行歎曰:「謝述唯勸吾退,劉湛唯勸吾進,述亡而湛 喪還未至都數十里,殷景仁、劉湛同乘迎

存,吾所以得罪也。」文帝亦曰:「謝述若存,義康必不至此。」

鄎。 宋文帝第五 子朓。 `:綜、約、緯。 一女長城公主,素爲綜、約所憎,免死,徙廣州,孝建中還都。 綜有才藝,善隸書,爲太子中舍人。與范曄謀反伏誅,約亦死。 方雅有父風,位正員 緯尙

還,道 新安王中軍記室。 州 好解 朓 中爲詩寄西府曰:「常恐鷹隼擊,時菊委嚴霜,寄言罻羅者,寥廓已高翔」是也。 字玄暉,少好學,有美名,文章淸麗。 賦、脁尤被賞、不捨日夕。 朓牋辭子隆日: 長史王秀之以朓年少相動,欲以啓聞。朓知之, 爲齊隨王子隆鎭西功曹,轉文學。 子隆 因 仍除 事求 在荆

流,行能無算,屬天地休明,山川受納,褒采一介,搜揚小善,故得捨耒場圃,奉筆冤園。 惆 悵 歧 朓聞潢汙之水,思朝宗而每竭,駑蹇之乘,希沃若而 路東 西,或以嗚唈。 況乃服義徒擁,歸志莫從,邈若墜雨,飄似秋帶。 中疲。 何則? 皐壤搖落,對之 朓實庸

永,思德滋深。唯待青江可望,侯歸艎於春渚,朱邸方開,效蓬心於秋實。 東泛三江,西浮七澤,契闊戎旃,從容讌語。 旅翮先謝。清切蕃房,寂寥舊蓽,輕舟反泝,弔影獨留。白雲在天,龍門不見,去德滋 色,沐髮晞陽,未測涯涘,撫臆論報,早誓肌骨。不悟滄溟未運,波臣自蕩,渤澥 長裾日曳,後乘載脂,榮立府廷,恩加顏 如其簪屨或

時荆州信去倚待,朓執筆便成,文無點易。

存,衽席無改,雖復身塡溝壑,猶望妻子知歸。攬涕告辭,悲來橫集。

以本官兼尙書殿中郎。隆昌初,敕朓接北使,朓自以口訥,啓讓,見許。 明帝輔政, 以

爲驃騎諮議,領記室,掌霸府文筆。又掌中書詔誥,轉中書郎。 出爲晉安王鎭北諮議、南東海太守,行南徐州事。啓王敬則反謀,上甚賞之,遷尚書吏

署皆讓邪。謝吏部今授超階,讓別有意,豈關官之大小。撝謙之美,本出人情,若大官必 部,朱脩之讓黃門,蔡興宗讓中書,並三表詔答。近代小官不讓,遂成恒俗,恐有乖讓意 部郎。朓上表三讓。中書疑朓官未及讓,以問國子祭酒沈約。約曰:「宋元嘉中,范曄讓吏 |王藍田、劉安西並貴重,初自不讓,今豈可慕此不讓邪。孫興公、孔覬並讓記室,今豈可三

讓,便與詣闕章表不異。例旣如此,謂都非疑。」朓讓,優答不許。 脉善草隸,長五言詩,沈約常云「二百年來無此詩也」。**敬皇后遷祔山陵,**脁撰哀策文,

列傳第九

謝裕

齊世莫有及者。

韶 陽驚 謀告 謂 及弟 渢 可 而 致 害 復 門賓曰:「寄語沈公,君方爲三代史,亦不得見沒。」 朓 意於 之。 左 東昏 祀 行廢 ,馳告始安王及江祏。始安欲出朓爲東陽郡,祏固執不與。 朓 劉源 興盛, 因 朓 詔暴 立。 失德,江 言有一詩,呼左右取,旣 、劉晏俱候朓,朓謂而曰:「可謂帶二江之雙流」,以嘲弄之。 又說劉暄曰:「始安一旦南 英 朓自以受恩明帝,不肯答。 始安年長入纂,不 、過惡,收付廷 而 欲立江夏王寶玄,末更回惑,與弟祀密謂朓曰:「江夏年少, 尉。 乖物望。 又使御史中丞范岫奏收朓,下獄死,時年三十六。 而 頭停。 面、則劉濕、劉晏居卿今地,但以卿爲反覆人爾。」暄 非以此 少日,遙光以朓兼知衞尉事,朓懼見引,卽以 |要富貴,只求安國家爾。」遙光又遣 先是,朓常輕而爲人,而常 而轉不堪、至是構 脫不堪,不 親 後而 臨終 而 人劉 等

天 道其 尙 初,朓 書 不 郎 告王 范縝 可 昧 乎 敬 嘲之曰:「卿 ! 則 我 反,敬則女爲朓妻,常懷刀欲報朓,朓不敢相見。 雖不殺王公,王公因 人才無慚 小選,但恨不 我 而 死。 可刑 于寡妻。」朓有愧色。 及當拜吏部,謙挹尤 及 臨課

手自折簡寫之,謂跬曰:「士子聲名未立,應共獎成,無惜齒牙餘論。」其好善如此。 朓 好獎 人才,會稽孔覬粗 有才筆,自己未爲時知,孔珪嘗令草讓表以示朓。自己朓嗟吟良

單, 謨。 帝 ,甚蒙矜 欲 及 朓 更適 帝 及 殷叡 爲 歎 張 雍州 弘策 素 丽 婦終不得還。 與梁武以 子,弘策卒,又以 二女並 一暫隨 文章相 母 尋用謨爲信安縣,稍遷 向 得,帝以 與 州 (王志 及 子諲 武 大女永興公主適 帝 卽 位 而 謨 . , 二主始隨 不堪歎 王 一府諮議。 叡子 恨,爲書狀如詩贈 內 鈞 還。 時以爲沈約早與朓善, ,第二女永世 武 帝 意薄 公主 主。 謨, 適 主 叉 以 朓 以 呈 門 子

制

此書云。

吳興 歸っ 爲孫恩 人胡桀、郜 謝 方 明 所 裕從祖; 殺 驃 ,贈散騎常侍。 破 弟 東遷縣,方明 也。 祖鐵字鐵石 方明 勸邈 隨伯 避之,不從,財 位永嘉 父吳興太守邈 太守。 至被害,方明逃免 父沖字三 在 郡 秀度,中書郎,家在 孫恩寇會稽,東 土 誻 會稽,病 那

謀。 明 舉 過 X 甚 急。 初,邈 功盡 結 劉牢之、謝 邈 力,數 方 舅子 門 明 生 於 月 琰 討 長 上虞載母 等 葬送並 嗣 樂 討恩 之 馮 等, 嗣之及北方學士馮翊仇玄達 畢 恩走臨 悉禽 妹奔東陽 平平 手 世 莂 海 備 之。 禮 嗣 曲 無 黄 之等不得同 時 以 亂 加 後吉 也。 鄱陽 区 頃 去, 俱投邈,禮待甚簡,二人 之,孫恩 禮 ,附載還都 廢,方明 方更聚合。 重 合 陷 寄居 門 會 方明 稽, 遇 國 禍 體素 謝 子學。 資 琰 並恨,遂 見害, 產 羸 弱 無 流離 遺, 與 因 而 ·險 見, 恩通 而 勇 决

列

傳

屯苦備經,而 貞履之操,在約無改。

除著作佐 桓玄克建鄴,丹陽尹卞範之勢傾朝野,欲以女嫁方明,方明終不回。 郎。 後從兄景仁舉爲宋武中軍主簿,方明知無不爲, 帝謂 曰:「愧未有瓜衍之賞 桓玄聞而賞之,卽

且當與卿

共豫章國祿。」屢加賞賜。

討之。 陵縣 台鼎 晉陵郡送故主簿弘季咸、徐壽之並隨在西,固諫,自以爲昔人雖有其事,或是記籍過言,且 諮決之。

府轉爲中軍長史,尋加晉陵太守,復爲驃騎長史、南郡相,委任如初。 混等誅後,方明、廓來往造穆之,穆之大悅,白武帝曰:「謝方明可謂名家駒,及蔡廓直置並 劉穆之權重當時,朝野輻湊,其不至者唯混、方明、郗僧施、蔡廓四人而已。 率領將送,竟無逃者。 無 當今人情僞薄,不可以古義相許。 恨。 獄囚事無輕重,悉放歸家,使過正三日還到,罪重者二十餘人,綱紀以下莫不疑懼。 人,無論復有才用。」頃之,轉從事中郎,仍爲左將軍道憐長史,CIMD武帝合府中衆事皆 方明嚴恪,善自居遇,雖暗室未嘗有惰容。從兄混有重名,唯歲節朝拜而已。 至期有重罪一人醉不能歸,違二日乃反。 方明 知爲囚事,使左右謝五官不須入,囚自當反。囚逡巡墟里,不能自歸,鄉村責讓 遠近歎服焉。 方明不納,一時遣之。 餘一囚十日不來,五官朱干期請 囚及父兄並驚喜涕泣,以爲就死 穆之甚恨。 嘗年終,江 見,欲自 丹陽

時

及

尹

詠之。性尤愛惜人物,江北未嘗有所是非。承代前人,不易其政,必宜改者,則漸變使無迹可 使還本。而守宰不明,與奪乖認,人事不至,必被抑塞。方明簡汰精當,各順所宜,東土稱 族豪士,莫敢犯禁。除比伍之坐,判久繫之獄。前後征伐,每兵運不充,悉倩士庶,事寧皆 相 陵,姦吏蜂起,符書一下,文攝相續。方明深達政體,不拘文法,闊略苛細,務在統領。貴 朱武帝受命,位侍中,丹陽尹,有能名。轉會稽太守。江東人戶殷盛,風俗峻刻,强弱

嘉西堂思詩,竟日不就,忽夢見<u>惠連,即得「池塘生春草」,大以爲工。常云「此語有神功,非</u> 吾語也」。 本州辟主簿,不就。 子惠連,年十歲能屬文,族兄靈運嘉賞之,公公云「每有篇章,對惠連輒得佳語」。嘗於永

惠連、其實非也」。文帝曰:「若此便應通之。」元嘉七年,方爲司徒彭城王義康法曹行參軍。 義康修東府城,城壍中得古冢,爲之改葬,使惠連爲祭文,留信待成,其文甚美。又爲雪賦, 坐廢不豫榮位。尚書僕射殷景仁愛其才,言次白文帝,言「臣小兒時便見此文,而論者云是 高麗見奇。 惠連先愛幸會稽郡吏杜德靈,及居父憂,贈以五言詩十餘首。「乘流遵歸路」諸篇是也。 靈運見其新文,每日「張華重生,不能易也」。文章並行於世,年三十七卒。日立

列

旣早亡,輕薄多尤累,故官不顯。 無子。 惠連弟惠宣,位臨川太守。

書郞,早亡。 謝靈運,安西將軍齊之會孫而方明從子也。祖玄,晉車騎將軍。父獎,生而不慧,位秘 靈運幼便穎悟,玄甚異之。謂親知曰:「我乃生喚,喚兒何爲不及我。」「110〕

司馬行參軍。 不如也。 靈運少好學,博覽羣書,文章之美,與顏延之爲江左第一。縱橫俊發過於延之,深密則 從叔混特知愛之。四旦襲封康樂公,以國公例除員外散騎侍郎,不就。為琅邪王大 性豪侈, 車服鮮麗, 衣物多改舊形制, 世共宗之, 咸稱謝康樂也。累遷祕書

懷憤惋。 爲相國從事中即,世子左衞率,坐輒殺門生免官。宋受命,降公爵爲侯,又爲太子左衞率。 宋武帝在長安,靈運爲世子中軍諮議、黃門侍郎,奉使慰勞武帝於彭城,作撰征賦。 靈運多愆禮度,朝廷唯以文義處之,不以應實相許。自謂才能宜參權要,旣不見知,常 廬陵王義眞少好文籍,與靈運情款異常。少帝卽位,權在大臣,靈運構扇異同,非 後

毁執

遂肆意遊遨, 偏歷諸縣,動踰旬朔。 理人聽訟,不復關懷,所至輒爲詩詠以致其意。

政,司徒徐羨之等患之,出爲永嘉太守。郡有名山水,靈運素所愛好。出守旣不得志,

列傳第九 謝靈運

讀書,亦在郡內,靈運又以爲絕倫。

游,時人謂之四友。惠連幼有奇才,不爲父方明所知。靈運去永嘉還始寧,時方明爲會稽,

靈運造方明,遇惠連,大相知賞。靈運性無所推,唯重惠連,與爲刎頸交。時何長瑜敎惠連

蕩爲娛,有終焉之志。 有故宅及墅,遂移籍會稽,修營舊業。 在郡一周、稱疾去職、從弟晦、曜、弘微等並與書止之、不從。 每有一首詩至都下,貴賤莫不競寫,宿昔間士庶皆偏,名動都下。 傍山帶江,盡幽居之美。與隱士王弘之、孔淳之等放 靈運父祖並葬始寧縣,幷

山居賦,幷自注以言其事

北。 談賞而已。王曇首、王華、殷景仁等名位素不踰之,並見任遇,意旣不平,多稱疾不朝直。 表聞,又不請急。上不欲傷大臣,諷旨令自解。靈運表陳疾,賜假東歸。將行,上書勸伐河 穿池植援,種竹樹果,驅課公役,無復期度。出郭游行,或一百六七十里,經旬不歸。 閣書遺闕,又令撰晉書,粗立條流,書竟不就。尋遷侍中,賞遇甚厚。 每文竟,手自寫之,文帝稱爲二寶。旣自以名輩,應參時政,至是唯以文義見接,每侍上宴, 而游娛宴集,以夜續畫。復爲御史中丞傅隆奏発官,是歲,元嘉五年也。 文帝誅徐羨之等,徵爲秘書監,再召不起。 運旣東,與族弟惠連、東海何長瑜、潁川荀雍、泰山羊璿之以文章賞會,共爲山澤之 使光祿大夫范泰與書敦獎,乃出。 靈運詩書皆兼獨絕, 使整秘 旣無

謂方明曰:「阿連才悟如此,而尊作常兒遇之,長瑜當今

出。 參軍 宗 可還 慶 雍 員 仲 大 人何 、璿之不 外 也。」淑 怒,白文帝,除廣州 如此 ,掌書記之任。 散 而 勗 騎郎 者五六句。 皮 以韻 以下客之食。 曰:「國 也。 **璿之字曜璠,爲** 語序義 臨 新喪宗英、气三未宜 行至板橋,遇 Щ 而輕薄 王 慶州 所統 義慶招集 尊旣不能禮賢, 府僚佐云:「 曾城 少年 臨 令。 Ш 暴 遂演 內史, 文士,長瑜 風 以流 及 之,凡人士 溺 陸展 義 被司 死 宜 慶 人 以 染白髮, 薨, 空竟陵 爲 自國 長瑜還靈 念。」廬陵王紹鎭 朝 並 侍 爲 士 郎至平西 王 並 題目 欲以媚側室, 誕 運。 詣 所 「, 皆· 第敍哀, 遇, 載 記室 之而 加 誕 (葬陽 劇 敗 何勗 一参軍 青肓 言 去。 坐 苦句, 談。 以長 謂 o 荀雍字 不 袁 嘗於江陵 解 長瑜 **入瑜爲南** 其文 淑 久 日::「 道雍, 才亞 流 星 中郎行 寄書 長 行 星 恵連, 瑜 官至 行 與 便 復 義

嶺 靈 不 驚 嘗自始寧 堪 運 動 必 前 叉要 縣 靈 遣 造幽 運 邑。 信 成 琇 南 因 相聞。 一峻, 佛 祖 更進 太守孟 Щ 必在 伐 巖嶂數 父之資,生業 木開 靈運 靈運 琇不肯。 顗 徑,直 **外**十重, 事 大怒曰:「身自大呼,何關癡人事。」 後。」顗 佛 精懇,而 至 甚厚, 奴僮 莫不 靈 深 福海 運 恨 贈 備 此言 、從者 爲 秀詩 盡 靈 旣 運 目 數 泉,義故門生數 登躡常着木屐, 所 叉 _; 百。 (與王 輕 邦 君難 臨 嘗謂顗 弘 海 之諸人出千秋亭飲酒, 地嶮, 太守 日 百, 上山則 一得 王琇驚駭 旅客易 鑿 道 山 去其前 應 浚湖, 111 謂 須 行 、慧業 爲 齒 功役 在 Ш 倮身大呼, 下 會稽 賊, 丈 無已。 Щ 人生天 末 亦多 去 知靈運 其 尋 心從衆, 後 當 顗 Щ 齒 在 乃 深 陟

情之, 顗堅執不與。 靈運旣不得回睡,又求始寧休惶湖爲田, CIED 顗 會稽東郭有回 踵湖,靈運求決以爲田,文帝令州郡履行。 此湖去郭近,水物所 又固執。靈運謂顗 田、百 非 存 利 姓

人,政慮決湖多害生命,言論傷之。 典顗遂隙。 因靈運橫恣,表其異志, 發兵自防,露板

言。 靈運 在郡游放,不異永嘉, 馳詣闕上表,自陳本末。文帝知其見誣,不罪也。 爲有司所糾。 司徒遣使隨州從事 不 鄭望生收靈運。 欲復使東 歸,以爲臨川 靈運 興 內史。

勳參微管,宜宥及後嗣,降死徙廣州」。 **送廷尉**,廷尉論 逸,遂有逆志。 爲詩曰:「韓亡子房奮,秦帝魯連耻,本自江海人,忠義臧君子。」追討 正斬刑。 上愛其才,欲発官而已。 彭城王義康堅執,謂不宜恕。 韶以「謝玄

得志 遭 韶於 欽云:『靈運犯事徙廣州,給錢令買弓箭刀楯等物,使道雙要合鄉里健兒於三江口篡 龔勝、李業,猶前 兵隨齊掩 廣州 如 後秦郡府將宋齊受使至涂口,行達桃墟村,見有七人下路聚語,疑非常人, 意後,行國功勞是同。 棄市 討禽之。其一人姓趙名欽,云「同村薩道雙先與靈運 0 詩子房、魯連之意也。 臨死作詩曰:「襲勝無餘生,李業有終盡, 遂合部黨要謝不得,及還饑饉,緣路爲劫。』」有司奏收之,文帝 時元嘉十年,年四 十九。 嵇公理旣迫, 所著文章傳 共事,道雙因 霍生命亦殞。」所稱 於世 同村 還告郡縣 成 國 若 報

孟顗字彦重 ,平昌安丘人,衞將軍昶弟也。 冠、
閩並美風姿,
時人謂之雙珠。 昶貴盛,

列

傳

第

九

謝鑑運

+ 九 五

顗 關 洛中事 不就辟。 ,與歎劉穆之終後便無繼者,王弘亦在,甚不平,曰:「昔魏朝酷 重張郃,謂不可 嘗就徐羨之因敍

靈運子鳳,坐靈運徙嶺南,早卒。

日無之。

及郃死,何關興廢。」顗不悦,衆賓笑而釋之。

後卒於會稽太守。

宗徒跣還內。 毛, 補新安王子鸞國常侍。王母殷淑儀卒,超宗作誄奏之,帝大嗟賞,謂謝莊曰:「超宗殊有鳳 「懸磬之室,復有異物邪。」道隆武人無識,正觸其父名,曰:「旦侍宴,至尊說君有鳳毛。」超 靈運復出。」時右衞將軍劉道隆在御坐,出候 鳳子超宗。 道隆謂檢覓鳳毛,曰至闇待不得,乃去。 隨父鳳嶺南,元嘉末得還。與慧休道人來往。 [超宗曰:「聞君有異物,可見乎。]超宗曰 好學有文辭、盛得名譽。

爲下,一不第。 泰始中,爲尚書殿中郎。三年,都令史駱字議策秀孝格,五問並得爲上,四三爲中,二 超宗議不同,詔從宰議。

風寒,高帝謂四座曰:「此客至,使人不衣自暖矣。」超宗旣坐,飲酒數盃,辭氣橫出,高帝對 史、臨淮 齊高帝爲領軍,愛其才,衞將軍袁粲聞之,謂高帝曰:「超宗開亮,善可與語。」 大字。 **粲誅, 高帝以超宗爲義興太守。** 昇明二年,坐公事 尧。 詣東府 門自通,其日 取 爲長

之甚歡。

太 學博士 及 齊 王咺之、總明學士劉融、何法圖、何曇秀作者凡十人,超宗辭獨 受禪,爲黃門郞。 有司奏撰郊廟歌,上敕司徒褚彦回、侍中謝朏、散騎侍郎孔珪、 見 用

年。 袁 天所不 笑曰:「落水三公,墜車僕射。」 彦回出水,霑濕狼藉。 怨望,答曰:「不知是司馬,爲是司驢,旣是驢府,政應爲司驢。」爲有司奏,以怨望免,禁錮十 矣, 、劉得富貴,焉殆寒士。」前後言說,稍布朝野。 佛出 後司 爲 ·容, 人恃才使酒,多所陵忽,在直省常醉。 亦無如 ,徒褚彦回因送湘州刺史王僧虔,閣道壞,墜水,僕射王儉驚跣下車。CEC超宗拊掌 地所不受。投畀河伯, 之何。」以失儀出爲南郡王中軍司馬。人問曰:「承有朝命,定是何府。」超宗 河伯不受。」彥回大怒曰:「寒士不遜。」超宗曰:「不能賣 上召見,語及北方事,超宗曰:「虜動 超宗先在僧虔舫,抗聲曰:「有天道焉, 來二十年

象言 朋 何計 爲 芒 婦 主 辭 武 帝甚疑之。 帝卽位,使掌 一,
発官 安人具啓之。 依 違,使左 · 禁錮 |丞王逡之奏彖「輕文略奏,撓法容非 及敬兒誅,超宗謂丹陽 十年」。 一國史。 上積懷超宗輕慢,使兼中丞袁彖奏超宗請付廷尉。 超宗下廷尉,一宿髮白皓首。 除竟陵王征 北諮議,領記室,愈不得志。 尹李安人曰:[]]行往年殺韓信, ,請免緣所居官」。詔「象 韶徙越嶲,行至 超宗爲子娶張敬兒女 今年殺 豫章 武 帝 上敕 雖 匿情欺國,愛 彭越, 可 其奏,以 豫章內 君 欲

列

傅

第

史虞悰賜盡,勿傷其形骸。

不 實見原。 明 年 超宗 永先 門生王永先又告超宗子才卿死罪二十餘條。 於獄盡之。 上疑其妄,以才卿付廷 尉辯

儉謂 數斗, 謂 亭,不勝其 王 儉 人曰:「 才卿弟幾卿,清辯,時號神童。 十餘 日:「幾 慟 日乃裁能言。 謝超宗為 ,遂投於江。 卿 本長玄 不 理,今可以經義訪之。」儉承旨發問,幾卿辯釋無滯, 死矣。」及長,博學有文采。 居父憂哀毀過禮。 超宗命估 客數 超宗徙越巂,詔家 人入水救之,良久涌 年十二, 仕齊爲大尉晉安王主簿 召補 人不得 國子 出,得 相 生。 隨。 就岸,歷 幾卿 齊文惠 年 文惠 太子 耳 八 歲, 目 大 自 口 別父 鼻, 稱賞焉 臨 策試, 於新 出水

多陳疾,臺事 梁天監 中, 略不 自尙 書 復 理。 三公郎爲書侍御史。 累遷尚書左 丞 舊郎官轉爲 此職者, 世 謂 之南 奔。 幾卿頗失

卿 嘗 處之自若。 預 樂遊苑宴,不得 幾卿 詳 悉故實, 後以在省署夜著犢 醉 僕射 而 還,因詣 徐勉 每有疑滯, [云]多詢訪之。 道 鼻褌,與門生登閣 邊酒爐,停車 褰 幔, 道 飲 與 酒酣 然性通 車 前 呼 為爲 三騶 脱, 有 對 會意 司 飲 糾 便行, 奏, 時 觀 坐免 者 不 如 拘 朝 幾

普通六年,詔西昌侯藻督衆軍 北侵、幾卿啓求行、擢爲藻軍 師長史。 將行,與僕射徐勉

別 "勉云:「淮、淝之役,前謝巳著奇功,未知今謝何如。」幾卿應聲曰:「已見今徐勝於前徐,

後謝 何必 愧於前 謝。」勉默然。 軍至渦陽退敗,幾卿坐免官。

並 肆 情誕縱 居 自 楊 ,或乘露車歷游郊野,醉則執鐸挽歌,不屑物議。 石井宅,朝中交好者載酒從之,客恒滿坐。時左丞庾仲容亦発歸,二人意相得, 湘東王釋在荆鎭 與書慰勉之。

省裸 所言。 袒 後爲· 酣 遷左丞。 太子率更令。 飲,及醉小遺,下霑令史,爲南司所彈,幾卿亦不介意。轉左光祿長史。 僕射省嘗議集公卿,幾卿外還,宿醉未醒,取枕高臥,傍若無人。又嘗於閤 放達不事容儀。 性不容非,與物多件,有乖己者,輒肆意駡之,退無 文集

幾 卿雖不持檢操,然於家門篤睦。 兄才卿早卒、子藻幼孤、幾卿撫養甚至。及藻成立、

歷清官,皆幾卿獎訓之力也。

行

於世

己,將欲以外制 廬陵 之殞 論 謝 事 晦 非 內,豈 以佐命之功,當顧托之重,殷憂在日,黜昏啓聖,於社稷之計,蓋爲大矣。但 主 命 ,昌門之覆,有乖 人主所久堪乎。 臣道。 向令徐、傅不亡、道濟居外,四權制 博陸 所慎,理 異於斯。 加 以身處上流, 命, 力足相 兵權 侔 劉 總

五四六

之奇,各擅一時,可謂德門者矣。 以降,雅道相傳,景恒、景仁以德素傳美,景懋、景先以節義流譽。 氏之危,則有逾累卵。 以此論罰,豈曰妄誅。 靈運才名,江左獨振;而猖獗不已,自致覆亡。人各有能, 宣遠所爲寒心,可謂睹其萌矣。 方明行己之度,玄暉藻績 然謝氏自晉

校勘記

茲言乃信,惜乎!

絢位至宋武帝鎭軍長史早卒 「宋武帝」各本作「宋文帝」。按宋武帝紀, 帝於晉元興三年爲鎭

軍將軍,義熙元年進爲車騎將軍,絢之卒當在此時,故云「早卒」。宋文帝無爲鎭軍事;且絢先其

弟謝晦卒,而晦卒於宋文帝元嘉三年,若作「宋文帝」,則不當云「早卒」矣。宋書「絢高祖鎭軍長

史蚤卒」、高祖、宋武帝也。今改正。

C=」 晦抱持帝 各本脫「抱」字、據宋書補。

時謝混風華爲江左第一 「混」各本作「琨」,據通志改。下逕改不出校。

「四」使示晦 「示」各本作「執」、據宋書改。

万五 收暇 嚼子世平兄子紹等 各本不疊「嚼」字,義晦,據宋書增。

故廬陵王於營陽之世 「營陽」各本作「滎陽」。按營陽指宋少帝,廬陵王謂義眞。「滎陽」誤,據

宋書改。

- -63 俄 丽 晦至江陵無他處分唯愧謝周超而已 「處分」、「謝」三字,各本並脫,據宋書補。
- [c] 乃與晦曜弘微等共游戲 「曜]各本作「谵」 猿深喜改。
- \cap 母 爲疾畏驚 而 微踐過甚 「微踐」各本作「微賤」。李慈銘宋書札記:「微踐過甚者,謂踐愿甚微,

昔荀 恐以 行 中郎年二十九爲北府都督 步聲驚其 、母也。 故下云『家人咸納履而 「二十九」宋書作「二十七」。洪願煊諸史考異:「按晉書荀羨傳 行』,其情事如見。」據宋書及通志 改。

作時年二十八,中興方伯未有如羨之年少者。」

恂子 孺 子 孺 子」宋書作「稚」,此避唐高宗小名而稱其字。

[三]子微字玄度 「微」梁書作「徴」。

會稽 孔鲵 粗 有才筆 「孔覬」各本作「孔顗」,據宋書、南史本傳改。 前沈約日:「孫興公、孔覬並

讓記室。」各本亦誤作「孔顗」,並改正。

孔珪嘗 令草讓表 以示朓 孔 珪即 孔稚珪,南齊書有傳,此避唐高宗小名而省。

二吾 仍爲 左 將 軍道憐長史 「左」各本作「右」,據宋書 改。 按宋書長沙景王道憐傳亦作「左將軍」。

二公 時晉 陵 郡送故主 簿弘季咸徐 壽之並隨在西固 諫 弘 季咸」宋書作「弘季盛」。

[14] 性尤愛惜人物 各本並脫「人物」二字、據通志補。

列

傅

第

九

校

勘

記

- 族兄靈運嘉賞之 「嘉」各本作「加」。王懋竑讀書記疑、張森楷南史校勘記云「當作嘉」、從改。
- 二七 年三十七卒 文選雲賦注引朱書作「年二十七卒」。按今本宋書作「元嘉十年卒,時年三十七」。

孫彪宋書考論:「以謝靈運傳考之、惠連元嘉十年卒、蓋二十七也。」

我乃生瑍瑍兒何爲不及我 朱書作「我乃生獎,獎那得生靈運」。晉書謝安傅附玄傅引語同, 惟

那得」下有「不」字。 錢大昕廿二史考異,孫彪宋書考論並以有「不」字爲是,朱書無「不」字,乃

傳寫脫誤,而南史改易,失去原語之雋永。

至 從叔混特知愛之 「知」各本作「加」,涉形近而譌,據宋書改。

CHII 國新喪宗英 「宗英」二字各本並脱,據宋書補。

[UI] 又求始寧休崲湖爲田 「休崲湖」宋書作「呸崲湖」。

[IB] 若得志如意後 「得志」各本作「得者」,據宋書改。

宣告 道隆謂檢覓鳳毛 「鳳」字各本並脫,據册府元龜九五四補。按元大德本、南北監本、殿本無

『鳳」字,汲古閣本、金陵局本「鳳」作「見」、皆不允合。

[三六] 僕射王儉驚跣下車 南齊書「驚」上有「牛」字。

写出 超宗謂丹陽尹李安人日 「李安人」南齊書作「李安民」,有傳,此避唐諱改。

[云] 僕射徐勉每有凝滯 「凝滯」梁書作「疑滯」。

南史卷二十

列傳第十

謝弘微子莊 孫朏 曾孫譓 玄孫哲 朏弟顥 題弟滿 **滯子覽**

覽弟舉 舉子嘏 舉兄子僑

謝密宇弘微,晉西中郎萬之會孫、尙書左僕射景仁從子也。祖韶,車騎司馬。父思,武昌

太守。[]

也,於弘微本服總、親戚中表、素不相識、率意承接、皆合禮夷。 叔父混名知人,見而異之,謂思曰:「此兒深中夙敏,方成佳器,有子如此足矣。」峻司空琰子 弘微年十歲,繼從叔峻,名犯所繼內諱,故以字行。 童幼時精神端審,時然後言。 所繼

遺財祿秩,一不關預。 義熙初,襲爵建昌縣侯。 混聞而驚歎, 謂國郎中令漆凱之曰:「建昌國祿本應與北舍共之,國 弘微家素貧儉,而所繼豐泰,唯受數千卷書,國吏數人而已,

第十 謝弘微

列

僔

侯 旣 不厝 意,今可依常分送。 弘微重違混言,四 乃少有所受。 北舍 弘微 家

散 剖瑩 譽,莫敢造門。瞻等才辭辯富,弘微每以約言服之,混特所敬貴,號曰微子。 遠 諸 在 瞻 胤 輔 以 此 基 以騎侍 字。 剛 鳥衣巷,故謂之鳥衣之游。 外 一微尙,無倦 此 人雖才義豐辯,未必皆愜衆心,至於領會機賞,言約理要,故當與我共推微子。 質 爲 躁 乃瓊瑾。 無所愼。」靈運、瞻等並有誠厲之言,惟弘微獨盡褒美。曜,弘微兄,多其小字。 混 嘗因 勝誠無文,其尙又能峻。通遠懷淸悟,采采摽蘭訊,直轡鮮不躓,抑用解偏容。 恨。 負氣,阿客博而無檢,曜仗才而持操不篤,晦自知而 風 客兒,靈運 郞 格高峻, 琅 一酣讌之餘,爲韻語以獎勸靈運、瞻等曰:「康樂誕通度,實有名家韻,若加繩染功, 至如微子,吾無間然」。又言「微子異不傷物,同不害正,若年造六十,必至公 邪王 曲 宣明體遠識,穎達且沈儁,若能去方執,穆穆三才順。 [慕藺,勿輕一簣少,進往必千仭。 數子勉之哉, 大司馬參軍 小名也。 少所交納, 晉世名家身有國封者,起家多拜員外散騎侍郎,弘微亦拜員 混詩所言「昔爲鳥衣游,戚戚皆親姓」者也。 唯與族子靈運、膽、晦、曜、弘微以文義賞會,「三 納善不周。 風流 阿多標獨解,弱冠纂華 由爾振。 設復功濟三才,終亦 其外雖復高 謂瞻等曰:「汝 常共宴處,居 如不 常言「 犯 通遠 所知 微子 流 外 卽

SF

啃

義熙八年,混以劉毅黨見誅,混妻晉陵公主改適琅邪王練。 公主雖執意不行,而詔與

主降 整, 謝 可謂 女,年並 氏離絕。 倉 知 封 廩充盈,門徒不異平日。 東鄉 人,僕射 一數歲。 君。 公主 爲 以混家事委之弘微。 以混得罪前代,東鄉君節義可嘉,聽還謝氏。 弘微 不亡矣。」中外姻親、道俗義舊見東鄉之歸者, 經紀生業,事若在公,一錢尺帛出入,皆有文簿。 田疇 墾闢,有加於舊。 混仍世宰相,一門兩封,田業十餘處,僮役千人,唯有 東鄉君歎曰:「僕射生平重此子」「四 自混亡至是九年, 入門莫不歎息, 宋武 受命,晉陵 或爲流涕, 而室宇修 公

感

弘微

之義

也。

書 闋 神。 盡 更部. 其 ,蔬素踰 文帝 時 誠 性 有 敬。 郎, 嚴 正,舉 蔡湛 初封 時。 |参機 內 宜都王,鎭 之者,及見謝安兄弟,謂人曰:「弘微貌類 外或傳語 密。 止 文帝卽位,為黃門侍郎 |必循禮度,[三]事繼親之黨,恭謹 尋轉; 通訊,輒正其衣冠。 右衞 江陵,以琅邪 將軍,諸故吏臣佐,並委弘微選擬 ,與王華、王曇首、殷景仁、劉湛等,號曰五 王球爲友,弘微爲文學。 婢僕之前, 不妄言笑。 远過常。 中郎,而性似文靖。 伯叔二母,歸宗兩姑,晨夕瞻奉, 母 憂去職,居喪以孝稱。 由是尊卑大小,敬之若 臣。 遷尙 服

越素旣 卒官。 居 多疾, 弘微 身清約,器服 哀 郎吉 戚 過禮 不 服 復膳。 華,而飲食滋味盡其 雖除 若以無益傷生,豈所望於得理。」弘微曰:「 猶 不 噉魚肉。 (豊美。 沙門釋慧琳嘗與之食,見其 兄曜歷御史中丞,彭城王義康 衣冠之變, 猶 蔬 素 際騎 謂 禮不可 曰:「檀 長史,

列

傳

第

+

謝

弘

微

踰,在心之哀,實未能已。」 遂廢食歔欷不自勝。

之,常亂以他語。歷位中庶子,加侍中。志在素宦,畏忌權寵,固讓不拜,乃聽解中庶子。 進之後,親人問上所御,弘徽不答,別以餘語酬之,時人比之漢世孔光。 每獻替及陳事,必手書焚草,人莫之知。上以弘微能膳羞,每就求食,弘微與親舊經營。及 弘微少孤,事兄如父。友睦之至,舉世莫及。口不言人短,見兄曜好臧否人物,每聞

以爲廉耳」。弘微曰:「親戚爭財,爲鄙之甚,今內人尚能無言,豈可導之使爭。今分多共少, 不問,何以居官。」弘微笑而不答。或有譏以「謝氏累世財產,充殷君一朝戲責,譬棄物江海 營葬。混女夫殷叡素好摴蒱,聞弘微不取財物,乃濫奪其妻妹及伯母兩姑之分以還戲責, 內人皆化以微之讓,一無所爭。以微舅子領軍將軍劉湛謂以微曰:「天下事宜有裁夷,卿此 不至有乏,身死之後,豈復見關。」 奴僮猶數百人,公私咸謂室內資財宜歸二女,田宅僮僕應屬弘微,弘微一不取。自以私祿 及東鄉君薨、遺財千萬、園宅十餘所、又會稽、吳興、琅邪諸處太傅安、司空琰時事業,

謂謝景仁曰:「謝弘微、王曇首年踰四十,名位未盡其才,此朕之責也。」 東鄉君葬、混墓開、弘徽牽疾臨赴、病遂甚。一一嘉十年卒,年四十二。文帝歎惜甚至、

弘微性寬博,無喜慍。末年嘗與友人棊,友人西南棊有死勢,復一客曰: [₭] 「西南風

時 急,或有覆舟者。」友悟乃救之。弘微大怒, 有一 長鬼寄司馬文宜家,言被遣殺弘微。 投局於地。 弘微疾每劇, 識者知其暮年之事, 輒豫告文宣。 及弘微死,與文宣 果以此歲終。

分別而 弘微臨終語左右曰:「有二厨書,須劉領軍至,可於前燒之,愼勿開也。」書是文帝手敕, 去。

上甚痛惜之。使二衞千人營畢葬事,追贈太常。

其見美如此。 弘微 與琅邪王惠、王球並以簡淡稱,人謂沈約曰:「王惠何如。」約曰:「今明簡。」次問王 子莊。 弘微當之。」

將軍 製 木 劉 方丈,圖 脏字希逸,七歲能屬文,及長,韶令美容儀,宋文帝見而異之,謂尚書僕射殷景仁、領軍 湛 日. 山川土地,各有分理。 藍田生玉,豈虛也哉。」爲隨王誕後軍諮議,領記室。 離之則州郡殊別,合之則宇內爲一。 分左氏經傳,隨國 立篇。

聲 率袁淑文冠當時,作賦畢示莊。 遠 布 元嘉二十七年,魏攻彭城,遣尚書李孝伯與鎭軍長史張暢語,孝伯訪問莊及王微,其名 如 此 二十九年,除太子中庶子。 及見莊賦,歎曰:「江東無我,卿當獨秀, 時南平王鑠獻赤鸚鵡,普詔羣臣爲賦。 我若無卿,亦 太子左衞 一時

列

之傑。」遂隱其賦。

固辭不入,而誕便剋日下船。 申誕發日,義宣竟亦不下。 生具慶奉啓事密詣孝武陳誠。 拒而觀釁,有足表强。 元凶弑立、轉司徒左長史。 驃騎竟陵王誕當爲荆州,徵丞相荆州刺史南郡王 莊以丞相旣無入志,而驃騎發便有期, 及帝踐阼、除侍中。 孝武入討,密送檄書與莊,令加改正宣布之。 時魏求通互市,上詔羣臣博議。 如似欲相逼切。 義宣入輔,義宣 莊遣腹心門 莊 議以

以爲知言。 魯爽,後爽叛,帝因宴問劍所在。答曰:「昔以與魯爽別,竊爲陛下杜郵之賜。」上甚悅,當時 答曰:「玄護爲雙聲,碻磝爲疊韻。」「引其捷速若此。初,孝武嘗賜莊寶劍,莊以與豫州刺史 始知『生爲久離別,沒爲長不歸』。」帝撫掌竟日。又王玄謨問莊何者爲雙聲,何者爲疊韻。 美矣;但莊始知『隔千里兮共明月』。」帝召莊以延之答語語之,莊應聲曰:「延之作秋胡詩, 孝建元年,遷左將軍。 班有口辯, 孝武嘗問顏延之曰:「謝希逸月賦何如?」答曰:「美則

于時搜才路狹,莊表陳求賢之義曰:

何嘗不興資得才,替因失士。故變書以善人爲寶,虞典以則哲爲難。 臣 聞 功傾處后,非特照車之珍,德柔秦客,豈徒祕壁之貴。 隆陂所漸, 而進選之舉旣隳 成敗之由

中 代,登造之律,未聞當今,必欲豐本康務,庇人濟俗,匪更惉滯,奚取九成。

稱冀缺 往牒。 則 管仲升盜 其 宜 道光亭,萬務俟德,而九服之曠,九流之艱,提鈞懸衡,委之選部。 水 之才難源,以易限之鑒,鏡難源之才,使國罔遺賢,野無滯器,其可得乎。昔公叔登臣, 坐。 普 任 ,茂異出於<u>荆</u>宛。寧二都智之所產,七隩愚之所育,實遇與不遇、用與不用耳。 者 命 夫才生於時,

古今豈貳,

士出於世,

屯泰焉殊。 刑 大臣,各舉所 而 且自古任薦,弘明賞罰,成子舉三哲而 重者免黜,輕者左遷。 ,趙文非私親疎嗣,祁溪豈諂讎比子。 論 疇以田采,張勃進陳湯而坐之褫爵。 知,以付尙書依 被舉之身,加以禁錮,年數多少,隨愆議制。 分銓用。 若任得其才,舉主延賞,有不稱職,宜及 身致魏輔,應侯任二士而己捐秦相,白 此則先事之盛準,亦後王之彝鑒。 茹茅以彙,作範前經,舉爾所知,式昭 升曆中陽,英賢起於除沛,受籙白 一人之鑒易限,天下 若犯大辟, 臣謂 今大

載。 勤 勞, 或就 又 如此,則 政 平 加 恩 秩 上 靡 ,或入崇暉寵。 棄能,下無浮謬,考績之風載泰,薪槱之歌克昌。 今莅人之職,宜遵六年之限,進得章明庸 故黃霸莅潁川累稔,杜畿居河東歷 情,退得人不

初,文帝世,限年三十而 仕郡縣,六周乃選代,刺史或十年餘。 至是皆易之, 仕者不拘長少,

列

傅

第

+

謝

弘

微

莅人以三周爲滿, 宋之善政於是乎衰。

常如 申前請,以死自固。願侍坐言次,賜垂接助」。三年,坐疾多줲官。 四十,曾祖三十三,亡祖四十七,下官新歲便三十五。〔<〕加以疾患如 弔親 殆 與 舊。 行尸。眼患五月來便不復得夜坐,恒閉帷避風。晝夜惛懵,爲此不復得朝謁諸王,慶 生俱,一月發動,不滅兩三。每痛來逼心,氣餘如綖,利患數年,遂成痼疾。 是年,拜吏部尚書,莊素多疾,不願居選部,與大司馬江夏王義恭牋,自陳「兩脅癖疢, 今之所止,唯在小閤。 下官微命,於天下至輕,在己不能不重。 此,當復幾時? 家世 無年,亡高祖 岋 「吸惙惙, 入年當

勢力。 書由 馬, 省五 韶羣臣爲賦,莊所上甚美。 來與錄共選,良以一人之識不辨洽通,兼與奪威權不宜專一故也。」於是置 大明元年,起爲都官尚書。上時親覽朝政,慮權移臣下,以吏部尚書選舉所由,欲輕其 二年,詔吏部尚 兵尙書。 莊及度支尚書顧覬之並補選職。[10]遷左衞將軍,加給 書依 .郎分置,〔£〕幷詳省閑曹。 又使莊作舞馬歌,令樂府歌之。 又別韶太宰江夏王義恭曰:「吏部尚 事 中。 更部 時河南獻舞 尚書二

詔 田,著之前誡。 乃開。 五 年,又爲侍中,領前 上後 因宴,從容曰:「卿欲効郅君章邪。」對曰:「臣 陛下今蒙犯塵露,晨往宵還,容致不逞之徒,妄生矯詐,臣是以伏須神筆。」 軍將軍。 時孝武 出行 夜還,敕開 門。 聞蒐巡 莊居守,以棨信或虚,須墨 有度, 郊祀 有節,盤于游

六年,又爲吏部尚書, 領國子博士。 坐選公車令張奇冤官,事在顏師伯傳。

太守。

出,使爲赦詔。 漢昭帝母趙婕妤堯母門事,廢帝在東宮銜之。至是遣人詰莊曰:「卿昔作殷貴妃誄,知有東 |王師,加中書令、散騎常侍。 尋加金紫光祿大夫,給親信二十人。 卒,贈右光祿大夫,諡|憲 宫不。]將誅之。孫奉伯說帝曰:「死是人之所同,政復一往之苦,不足爲困。莊少長富貴, 且繫之尙方,使知天下苦劇,然後殺之未晚。」帝曰:「卿言有理。」繫於左尙方。 明帝定亂得 所著文章四百餘首行于世。 前廢帝卽位,以爲金紫光祿大夫。 脏夜出署門方坐,命酒酌之,已微醉,傳詔停待詔成,其文甚工。後爲專陽 初,孝武寵姬殷貴妃薨,莊爲誄,言「贊軌堯門」,引

贈金紫光祿大夫。 五子:颺、朏、顥、牎、牗,世謂莊名子以風月景山水。 | 颺位||晉|||太守,女爲順||帝皇后,追

孝武帝游姑孰,敕莊攜朏從駕。 琅邪王景文謂莊曰:「賢子足稱神童,復爲後來特達。」莊撫朏背曰:「眞吾家千金。」 宋 朏字敬沖,幼聰慧。 脏器之,常置左右。十歲能屬文。

莊游上山,使朏命篇, 韶爲洞井讚,於坐奏之。帝曰:「雖小重也。」[11] 攬筆便

||||日:「君處臣以禮。」遂退不入。[二]時人兩稱之,以比||王尊、||王陽。後爲臨川內史,以賄見 明帝嘗敕朏與謝鳳子超宗從鳳莊門入。二人俱至,超宗曰:「君命不可以不往。」乃趨而 劾,

袁粲寢其事。 仕宋爲 衞將軍袁粲長史。 **粲性簡峻**,時人方之李膺。 朏謁退,桑曰:「謝令不死矣。」宋

假使。魏早依唐、虞故事,亦當三讓彌高。」帝不悅,更引王儉爲左長史,以朏爲侍中,領祕 魏臣有勸魏武卽帝位,魏武曰:『有用我者,其周文王乎。』晉文世事魏氏,將必終身北面。 置酒,獨與朏論覷、晉故事,言石苞不早勸晉文,死方慟哭,方之馮異,非知機也。 齊高帝爲驃騎將軍輔政,選朏爲長史。高帝方圖禪代,欲以朏佐命,遷左長史。 朏曰:「昔 毎タ

守耳。」歷都官尚書,中書令,侍中,領新安王師。 武帝請誅朏,高帝曰:「殺之則成其名,正應容之度外。」又以家貧乞郡,辭旨抑揚,詔舜官 錮五年。 「解璽授齊王」。朏曰:「齊自應有侍中。」乃引枕臥。 ·我無疾,何所道。」遂朝服出<u>東掖門,乃得車,仍還宅。 是日,遂以王儉爲侍中解璽</u>。 及齊受禪、朏當日在直,百僚陪位。侍中當解璽、朏佯不知,曰:「有何公事。」傳詔 永明中,爲義興太守,在郡不省雜事,悉付綱紀,曰:「吾不能作主者吏,但能作太 求出,仍爲吳興太守。 。傳詔懼,乃使稱疾,欲取兼 ر ر 朏曰: 旣而 禁

列傳第十 謝弘微

三年元

潚 數 斛 明 酒 謀入嗣位,引朝廷舊臣,朏內圖止足, 遺書曰:「可力飲此,勿豫人事。」朏居郡, 且實避事。 每不理, 弟瀟 常務聚斂, 時爲吏部尚書, 衆頗譏之, 胐 至郡,

屑也。

酒 詔 世,安可久處?」 滁 加 大夫,又並 **徵朏、胤,並不屈。** 優 禮,旌 建 武 主。 四年,徵爲侍中、中書令,不應。 其素概,賜牀帳褥席,奉以卿祿。時國子祭酒廬江何胤亦抗表還會稽。 及卽位、詔徵朏爲侍中、左光祿大夫、開府儀同三司、胤散騎常侍、特進、 不屈。 仍遣領軍司馬王果敦譬朏,朏謀於何胤,胤欲獨高其節,給曰:「興王之 時東昏皆命迫遣, 會梁武帝起兵。及建鄴平,徵朏、胤,並補軍諮祭 遣諸子還都,獨與母留,築室郡之西郭。 永元中, 明帝詔 右 光

停 賦 令。 乘 詩 興 餞 公事 胐 出 明 解脚 幸 年六月、朏輕舟出、詣闕自陳。[1三帝笑曰:「子陵遂能屈志。」詔以爲侍中、司徒、尚書 別,王人送迎 朏宅、宴語 及 朔望 疾,不堪 一朝謁 盡歡。 相望於道。 拜謁,乃角巾肩輿詣雲龍門謝。日四韶見於華林園,乘 朏固 陳本志、不許。 到都,敕材官起府於舊宅。 又固請自還 迎母, 武帝臨軒、遣謁者於府拜授。詔 許之。 臨發, 小車就席。 輿駕臨幸, 明旦,

會認 朏 乘 小輿升殿。 朏素憚煩,及居台鉉,兼掌內臺,職事多不覽, 以此頗失

衆望。其年母憂,尋有詔攝職如故。

五年,改授中書監、司徒、衞將軍,固讓不受。 遣謁者敦授,留府門及暮,至於經春夏。

八月,乃拜受焉。是冬薨,車駕出臨哭,諡曰孝靖。

建武初,朏爲吳興,口司以雞卵賦人,收雞數千。及遯節不全,爲清談所少。著書及文

章行於世。

子巖,位司徒右長史,坐殺牛廢黜。爲東陽內史,及還,五官送錢一萬,止留一百。答

曰:「數多劉寵,更以爲愧。」

次子譓,不妄交接,門無雜賓。 有時獨醉,曰:「入吾室者但有淸風,對吾飲者唯當明

月。」位右光祿大夫。

亂,因寓居焉。 仕陳歷東部尚書,中書令,侍中,司徒左長史。 卒,諡康子。 子哲、字類豫、美風儀、舉止醞藉、襟情豁朗、爲士君子所重。仕梁至廣陵太守、侯景之

齊高帝自占謝、言辭淸麗、容儀端雅,左右爲之傾目,宥而不問。齊永明初,高選友學、日以 願字仁悠,朏弟也。少簡靜。宋末爲豫章太守,至石頭,遂白服登烽火樓,坐発官。詣

應對合旨,帝悅,韶尙公主,景和敗,事寢。僕射褚彦回以女妻之,厚爲資送。 **顥弟瀟字義潔。** 年七歲,王景文見而異之,言於宋孝武,召見於人衆中。 **滿舉止閑詳**,

可 ·流湎千日。」|慘甚慚,無言。 仕齊累遷中書侍郎。 衞軍王儉引爲長史,雅相禮遇。 後拜克 性甚敏贈,嘗與劉慘飲,推讓久之,慘曰:「謝莊兒不可云不能飲。」滿曰:「苟得其人,自

部尚書。

事,公卿處之足矣,且死者命也,何足以此懼人。」 乃還齋臥,竟不問外事。明帝卽位,滿又屬疾,不知公事。蕭諶以兵臨起之,滿曰:「天下 明帝廢鬱林,領兵入殿,左右驚走報滿。滿與客圍棊,每下子,輒云「其當有意」,竟局

晏初 獻觴遂不見報。上大笑解之。座罷,晏呼滿共載,欲相撫悅,滿又正色曰:「君巢窟在何處。」 者,難爲酬對。」加領右軍將軍。 !得班劍,瀟謂曰:「身家太傅,裁得六人,若何事頓得二十?」晏甚憚之,謂江祏曰:「彼上 後宴會功臣上酒,尚書令王晏等興席,瀟獨不起,曰:「陛下受命應天,王晏以爲己力。」

兄朏在吳興、論啓公事稽晚、瀟輒代朏爲啓、上知非朏手迹,被問見原。 傅 第 + 榭 弘 微 五六一 永泰元年,卒

於太子詹事,贈金紫光祿大夫,諡簡子。

膏腴,江淹有意。」上起禪靈寺,敕瀟撰碑文。滿子覽。 為事,與劉瑱、沈昭略交,飲各至數斗。 齊武帝問王儉:「當今誰能爲五言。」 儉曰:「朏得父 初,朏爲吳興,瀟於征虜渚送別,朏指瀟口曰:「此中唯宜飲酒。」瀟建武之朝,專以長酣

徐勉曰:「覺此生芳蘭竟體,想謝莊政當如此。」自此仍被賞味。 餘皆拜,覽時年二十餘,爲太子舍人,亦長揖而已。意氣閑雅,視瞻聰明,武帝目送良久,謂 覽字景滌,選尙齊錢唐公主,拜駙馬都尉。 梁武平建鄴,朝士王亮、王瑩等數人揖,自

華。」爲侍中,頗樂酒,因宴席與散騎常侍蕭踩辭相詆毀,爲有司所奏。」武帝以贖年少不直, 出爲中權長史。 文甚工,乃使重作,復合旨。帝賜詩云:「雙文旣後進,二少實名家,豈伊爾棟隆,信乃俱國 天監元年,爲中書侍郎,掌吏部事,頃之卽眞。嘗侍坐,受敕與侍中王陳爲詩答贈,其

境多劫,為東道患,覽下車肅然。初齊明帝及覽父瀟、東海徐孝嗣並爲吳興,號爲名守,覽 事之。覽未到郡,睦之子弟迎覽,[1刊覽逐去其船,杖吏爲通者,自是睦之家杜門不出。 後拜東部尚書,出爲吳興太守。中書舍人黃陸之家居鳥程,子弟專橫,前太守皆折節 郡

致毀滅。 覽弟舉字言揚,幼好學,與覽齊名。 服闋,爲太常博士,與兄覽俱預元會。 年十四,嘗贈沈約詩,爲約所賞。 、江淹一見並相欽挹,曰:「所謂『馭二龍於長 弱冠丁 父憂,幾

塗』者也。」

於臣。」帝大悦。尋除安成郡守,母往於郡喪,辭不赴。 **盞嗟人,方深老夫託。」其屬意如此。梁武嘗訪舉於覽,** 祖莊、父瀟、兄覽並經此職,前代少比。 爲太子家令,掌管記,深爲昭明太子賞接。 秘書監任防出爲新安郡,別舉詩云:「距念 覽曰:「識藝過臣甚遠,唯飲酒不及 歷位左戶尚書,遷掌吏部尚書。

其盛如此。 屢折廣,辭理逎邁。 學尤長玄理及釋氏義,爲晉陵郡時,常與義學僧遞講經論,徵士何胤自虎丘山出赴之, 先是,北度人盧廣有儒術,爲國子博士,於學發講,僕射徐勉以下畢至。舉造坐 廣深歎服,仍以所執麈尾、斑竹杖、滑石書格薦之,以況重席焉。 加侍

跡略相比。 大同三年,出爲吳郡太守。 曾要何徵君講中論,何難以巾褐入南門,乃從東園進。自己致詩往復,爲虎丘山 先是,何敬容居郡有美績,世稱爲「何吳郡」。及舉爲政,聲

中,遷尚書右僕射。

列傳

賦題于寺。

射,侍中、將軍 入爲侍中、太子詹事、翊左將軍。 一如故。 舉雖屢居端揆,未嘗肯預時政,保身固寵,不能有所發明。 舉父瀟齊時終此官,累表乞改,敕不許。 後遷尚書僕 因疾陳解,

敕輒賜假,幷敕處方,加給上藥,其恩遇如此 侯景來降,帝詢訪朝臣,舉及朝士皆請拒之。 帝從朱异言納之,以爲景能立功趙、 魏

舉等不敢復言。 太清二年,遷尚書令,卒于內臺。 上曰:「舉非止歷官已多,亦人倫儀表,久

著公望,悵恨未授之。 可贈侍中、中衞將軍、開府儀同三司。」「己己

幘。 勝,尤長佛理,注淨名經,常自講說。 婁湖立園,廣讌,酒後好聚衆賓冠,手自裂破,投之唾壺,皆莫敢言。 舉正色曰:「裂冠毁冕,下官弗敢聞命。」拂衣 學宅內山齋捨以爲寺,泉石之美,殆若自然。 有文集二十卷。 而退。 臨川、始興諸王常所游踐。 子嘏 王屢召不返,甚有慚色。 舉嘗預宴, 邵陵王 王欲 舉託情玄 取 綸 舉 於

蕭 勃 嘏 字含茂,風神清雅,頗善屬文。 勃 敗,在 周迪 門。 後依陳寶應,寶應平,方詣闕。 仕梁爲太子中庶子,建安太守。 歷侍中,中書令,都官尚書。卒,諡 侯景之亂,之廣州依

日光子。

有文集行於世。

子儼位侍中、御史中丞、太常卿;他位尚書僕射。

曰:「寧餓死,豈可以此充食乎。」太淸元年卒,集十卷。 長子諱。 舉兄子僑字國美。 父玄大,仕梁侍中。 僑素貴,嘗一朝無食,其子啓欲以班史質錢,答

憍弟札字世高,亦博涉文史,位湘東王諮議,先僑卒。

偃仰當年。古人云:處士全盜虛聲,斯之謂矣。 <u></u>敬沖出入三代,驟經遷革,遁俗之志,無聞貞固之道,居官之方,未発貨財之累。 論曰:易云,「積善之家,必有餘慶」。弘微立履所蹈,人偷播美,其世濟不隕,蓋有馮焉。 因傴成敬,

校勘記

父思武昌太守 張森楷南史校勘記:「晉書謝萬傳云『韶子恩』,即此人也。『恩』、『思』、宋知誰

是。」

C こ い 弘微重違混言 「違」字各本並脫、據宋書補。 按重訓難、於義爲順。

列傳第十 校勘記

- ベミ 唯與族子靈運瞻晦曜弘微以文義賞會 各本並脱「弘微」,據宋書補。
- 僕射 生平重此子 「子」上各本有「一」字,據宋書删
- 万五 舉止 必循禮度 「循」各本作「脩」,據宋書改。
- ヘベ 友人西南恭有死勢復一客曰 册府元龜八六九無「復一」二字。
- 玄護爲雙聲碻磝爲疊韻 「碻礉」各本譌「礉碻」,按王玄護,人名,碻儆,地名,今乙正。

下官新歲便三十五 「三十五」各本作「四十五」。洪頤煊諸史考異:「莊以泰始二年卒,年四十

六、此與江夏王義恭牋在孝建元年、則作四十五者誤也。」據宋書、册府元龜四六三改。

- /^ クu し 詔吏部尚書依郎分置 「郞」各本作「部」,據宋書改。
- 莊及度支尚書顧覬之並補選職 「覬之」各本作「顗之」,據宋書改。按宋書及本書並有顯覬之

雖小重也 「重」梁書作「奇童」、北監本、殿本、金陵局本同。 元大德本、南監本、汲古閣本作

「重」,通志作「重器」。

- 遂退不入 「塗退」各本作「進退」,據通志改。
- 朏輕舟出詣闕自陳 「舟」字各本並脫,據梁書
- 乃角巾肩輿詣雲龍門謝 「肩輿」各本作「自輿」,據梁書改。

二吾 年,齊明帝立,改元建武。「武」上明脫「建」字,今補正。 建武初朏爲吳興 「建」字各本並脱,按梁書謝朏傳, 朏於齊廢帝隆昌元年出爲吳興太守。

是

高選友學 「友學」各本作「文學」,今改正。

二出 睦之子弟迎覽「子」字各本並脫,據梁書及册府元龜六九六補。

 $\frac{1}{2}$ 乃從東園進 「東園」各本作「東囷」,據通志改。

可贈侍中中衞將軍開府儀同三司 「中衞將軍」各本作「衞將軍」,不疊「中」字,據梁書增。

南史卷二十一

列傳第十一

王弘子錫 錫弟僧達 會孫融 弘弟子微 微兄遠 遠子僧站

僧祐子籍 弘從孫瞻 弘玄孫沖 沖子瑒 瑜

王弘字休元,琅邪臨沂人也。 會祖導,晉丞相,祖給,中領軍,父珣,司徒。

及薨,弘悉燔券書,一不收責,其餘舊業,悉委諸弟。時內外多難,在喪者皆不得終其哀,唯 弘少好學,以淸悟知名。弱冠爲會稽王道子驃騎主簿。 **珣頗好積聚,財物布在**

一人間,

弘徵召一無所就。

桓玄剋建業,收道子付廷尉,臣吏莫敢瞻送,弘時尙居喪,獨道側拜辭,攀車涕泣,論者

稱焉。

列 僔 第 +

> 王 弘

宋武帝召補鎭軍諮議參軍,以功封華容縣五等侯,累遷太尉左長史。 從北征, 前鋒已

五六九

平洛陽, 副所期,自今以爲永制。」於是殆靈運官。後遷江州刺史,省賦簡役,百姓安之。 其嬖妾、靈運殺興棄屍洪流,御史中丞王淮之曾不彈舉。日武帝答曰:「端右肅正 病,遂卒。 而未遣九錫,弘銜使還都諷朝廷。時劉穆之掌留任,而旨乃從北來,穆之愧懼 宋國 建,爲尚書僕射掌選,領彭城太守。 奏彈世子左衞率謝靈運,爲軍人桂興淫 風軌 誠 發

之不可得,推之不可去。」時稱其簡舉。 曰:「我布衣,始望不至此。」傅亮之徒並撰辭,欲盛稱功德。 永初元年,以佐命功,封華容縣公。三年入朝,進號衞將軍、開府儀同三司。 弘率爾對曰:「此所謂天命,求 帝因宴集

弘由是固自陳請。乃降爲衞將軍、開府儀同三司。 [3] 陵,平陸令河南成粲與弘書,誡以盈滿,兼陳彭城王宜入知朝政,竟陵、衡陽宜出據列藩。 錄尚書事,給班劍三十人。上西征謝晦,與彭城王義康居守,曰入住中書下省,引隊仗出 非首謀,且弟曇首又爲上所親委。事將發,密使報弘。一羨之旣誅,遷侍中、司徒、揚州刺史、 建安郡公,固辭見許。進號車騎大將軍,開府、刺史如故。徐羨之等以廢弑罪,將及誅,弘以 (,司徒府權置參軍。 元嘉五年春,大旱,弘引咎遜位。 先是彭城王義康爲荆州刺史,鎭江 少帝景平二年,徐羡之等謀廢立,召弘入朝。文帝即位,以定策安社稷,進位司空,封

六年,弘又上表陳彭城王宜入輔,幷求解州,義康由是代弘爲司徒,與之分錄。弘又辭

分錄。 不罪之科,回然每至詰謫,輒有請訴。若常垂恩宥,則法廢不行,依事糾責,則物以爲苦。 弘博練政體,留心庶事,斟酌時宜,每存優允。與八座丞郎疏曰:「同伍犯法,無人士

恐宜更爲其制。」時議多不同,弘以爲:

伍之謫,取罪其奴客,庸何傷邪?〔三〕無奴客,可令輸贖。 有修身閭閻,與羣小實隔,又 謂之人士,便無庶人之坐,署爲庶人,輒受人士之罰,不其頗歟。謂人士可不受同

或 無奴僮,爲衆所明者,官長二千石便親臨列上,依事遣判。

又主守偷五疋,常偸四十疋,並加大辟。議者咸以爲重。弘以爲: 更無知,臨財易昧。或由疏慢,事蹈重科。宜進主守偸十疋,常偸五十疋死,四

十疋 降以補兵。至於官長以上,荷蒙榮祿,冒利五疋乃已爲弘,士人至此,何容復加哀 小

矜。且此輩人士可殺不可謫,謂宜奏聞,決之聖旨。

五. 文帝從弘議。 而 |至十六爲半丁,十七爲全丁。」從之。及弟||曇首亡,|文帝嗟悼不已,見弘流涕歔欷,弘斂容 旣 而 彭城王義康言於帝曰:「曇首旣爲家寶,又爲國器,弘情不稱,何也。」帝曰:「賢 弘又上言:「舊制,人年十三半役,十六全役。 今四方無事,應存消息。請以十

者意不可度。」其見體亮如此。

九 年進 列 傳 位 第 + 太保、領中書監、餘如故。其年薨。贈太保、中書監、給節、加羽葆、鼓吹、增 王 弘 五七一

班 劍爲 六十人。 諡 日文昭公,配食武帝 廟 庭。

就以 薄所不 此 相 何 家 家諱 所謂 所 盼 法 接 在 求 弘 與蘇子高 任。」問 語 縣 雖 旣 姦 弘 歷藩 以 欣 人望 默然。 此人嘗以蒲戲得罪,弘詰之曰:「 事 歡 者, 輔,而 君 者悅伏。 一所宗,造次必存禮 同。」性褊 者 必無所諧。 也。 自領選及當朝總錄,將加榮爵於 不營財利,薨亡之後,家無餘業。 子錫 若求者絕官敍之分,旣無以爲惠,又不微借顏色,卽 隘,人有忤意,輒 嗣 人問其故,答曰:「王爵旣加 法。 凡動 加置 止 君 施 得錢 辱。 爲及書翰儀體,後人皆依放之,謂爲王太保 會戲,何用祿爲。」答曰:「不審公城 人者,每 少嘗摴蒱 而輕率少 於 入, 先呵責譴 公城子野舍, ノ威儀 又相撫勞, 。客有疑其諱者 辱之,然後 及後當權 便成 大成怨府,亦鄙 與主 施行,若美 「、」以日 一分功, 有人 子 野

坐, 殆無推 錫 字寡光 敬。 ,云位 卒,子僧亮嗣,齊受禪,降爵爲侯。 太子 左衞率、江夏內史,高自位 僧亮弟僧衍,位侍中。 遇。 太尉 江夏王義恭當朝, 弘 少子僧達。 錫箕踞大

慧,召見德陽殿,應對閑敏,上甚知之,妻以臨川 亦 進, 僧達 弘 意 幼 其 聰 小, 敏,弘爲揚州時,僧達六七歲,遇有 留 左 右, 僧達爲申理 闍 誦 不 王 失 通 義慶女。 訟者, 句。 兄錫質訥乏風采。 竊覽: 光其辭, 謂 爲 有 理。 文帝聞僧達早 及 大 、訟者

列傳第十一 王弘

|文曰::「王弘子旣不宜作秦郡,僧達亦不堪莅人。」乃止。 遷太子洗馬,母憂去職 鷹犬,與閭里少年相馳逐,又躬自屠牛。 席,與論文義,云語觀酬答不暇,深相稱美。訴家貧求郡,文帝欲以爲秦郡。 沙 \好學,善屬文,爲太子舍人。 坐屬疾而於揚列橋觀鬭鴨,爲有司所糾,原不問。 義慶聞之,令周旋沙門慧觀造而觀之,僧達陳書滿 吏部郎 庚仲 性好

所。人或逢,不識,問府君所在。 爲宣城太守。性好游獵,而山郡無事,僧達肆意馳騁,或五日三日方歸,受辭辯訟,多在獵 與兄錫不協。 錫罷臨海郡還,送故及奉祿百萬以上,僧達一夕令奴輦取無餘。 僧達且曰:「在近。」其後徙義興。 服闋

答詔曰:「亡父亡祖、司徒司空。」其自負若此。 至,孝武卽以爲長史。及卽位,爲尚書右僕射。 「虜馬飮江,王出赴難,見其在先帝前,議論開張,執意明決,以此言之,其必至也。」僧達尋 及元凶弑立,孝武發尋陽,沈慶之謂人曰:「王僧達必來赴義。」人問其所以,慶之曰 僧達自負才地,一二年間便望宰相。「己嘗

宅於吳,多役功力,坐発官。後孝武獨召見, 憿然了不陳遜, 唯張目而視。 得數百萬。 不得意。吳郭西臺寺多富沙門,僧達求須不稱意,乃遣主簿顧曠率門義劫寺內沙門竺法瑤 後爲護軍將軍,不得志,乃求徐州,上不許。 荆、江反叛,(10)加僧達置佐領兵。臺符聽置千人,而輒立三十隊,隊八十人。立 固陳, 乃以爲吳郡太守。 時春歲五遷, 彌 及出,帝歎曰:

以沒沒求活。」師伯不答,逡巡便退。 「王僧達非狂 如何。乃戴面向天子。」後顏師伯詣之,僧遠慨然曰:「大丈夫寧當玉碎,

文旨抑揚。侍中何偃以其言不遜,啓付南臺,又坐觅官。 寄宣城左永之籍,注以爲子,改名元序。啓文帝以爲武陵國典衞令,又以補竟陵國典書令, 禁呵乃止。 僧達族子確少美姿容,僧達與之私款。確叔父休為永嘉太守,當將確之郡,僧達欲逼留之, 建平國中軍將軍。孝建元年,事發,又加禁錮。表謝言不能因依左右,傾意權貴。上愈怒。 知其意,避不往。僧達潛於所住屋後作大阬,欲誘確來別,殺埋之。 初,僧達爲太子洗馬在東宮,愛念軍人朱靈寶,及出爲宣城,靈寶已長。僧達詐列死亡, 御史中丞劉瑀奏請收案,上不許。二年,除太常,意尤不悅。頃之,上表解職, 從弟僧虔知其謀,

矣。」帝曰:「瓊之年少,無事詣王僧達門,見辱乃其宜耳。僧達貴公子,豈可以此加罪乎。」 順功,封寧陵縣五等侯,累遷中書令。黃門郎路瓊之,太后兄慶之孫也,宅與僧達門並。嘗 放鷹犬,勿復游獵。」僧達答曰:「家養一老狗,放無處去,已復還。」尚之失色。一大明中,以歸 一車服詣僧達,僧達將獵,已改服。 是君何親。」遂焚瓊之所坐牀。太后怒,泣涕於帝曰:「我尙在而人陵之,我死後乞食 先是,何尚之致仕,復膺朝命,於宅設八關齋,大集朝士,自行香,次至僧達曰:「願郎且 瓊之就坐,僧達了不與語,謂曰:「身昔門下騶人路慶之

高闍 太后 苗乞食等起兵攻宮門。 遂不 相 誑 免死 事陷 惑,自言有鬼神龍鳳之瑞,常聞簫鼓音,與秣陵人藍宏期等謀爲亂,〔〕〕又結 又謂帝曰:「我終不與王僧達俱生。」先是,南彭城蕃縣人高閣、沙門釋曇標、道方等共 有蘇寶者名寶生,本寒門,有文義之美,官至南臺侍御史、江寧令,坐知高閣謀反,不 ,追思太保餘烈,使人慨然。」於是韶太保華容文昭公門爵國姻,一不貶絕。 之,收付廷尉,於獄 事發,凡黨與死者數十人。 賜死。 時年三十六。 帝亦以爲恨,謂江夏王義恭曰:「王僧達 僧達屢經犯忤, 上以爲終無悛心,自己因 殿中將 軍

僧達子道琰,徙新安。 元徽中,爲廬陵內史,未至郡,卒。 子嗣。

卽

聞

時

啓,亦伏誅。

笑謂 欲 叔 | 儉謂 紹 興家業,啓齊武帝求自試,遷秘 融字元長,少而 人曰:「: 人曰:「此兒至四十,名位自然及祖。」舉秀才, 穰侯印証便可 神明警慧。 解。」 歴丹陽 母臨川太守謝惠宣女,性敦敏,教融書學。 書丞。 丞,中 從叔儉初 書郞 有儀同之授,贈儉詩及書,儉甚奇之, 累遷太子舍人。 以父宦不通,弱 博涉有文才,從 年便

琅邪 城 永 射 明 堂 末, 壁上,游 武帝欲北侵,使毛 幸輒觀焉。 惠秀畫 九年,芳林園禊宴,使融爲曲水詩序, |漢武北伐圖,融因此上疏,開張 當當 北侵 時稱之。 之議。圖 上以融才 成,上置

列

傳 第 舟不能答。 堂謂融曰:「昔觀相如封禪,以知漢武之德,今覽王生詩序,用見齊主之盛。」融曰:「皇家盛 辯,使兼主客,接魏使房景高、宋弁。 聖上當駕鼓車。」弁曰:「向意旣須,必不能駕鼓車也。」融曰:「買死馬之骨,亦以郭隗之故。」 北,實多駿驥,而覷之良馬,乃駑不若,將旦旦信誓,有時而爽,駉駉之牧,遂不能嗣?」宋弁 明, 豈直比蹤漢武, 更慚鄙製, 無以遠匹相如。」上以魏所送馬不稱, 使融問之曰:「溱西冀 其半。」景高又云:「在北聞主客曲水詩序勝延年,實願一見。」融乃示之。後日,宋弁於瑤池 而躓。」|弁曰:「王主客何爲勤勤於千里。」|融曰:「卿國旣異其優劣,聊復相訪,若千里斯至, 曰:「當是不習地土。」融曰:「周穆馬迹徧於天下,若騏騮之性,因地而遷,則造父之策,有時 |弁見融年少,問:「主客年幾?」|融曰:「五十之年,久踰

君長東隅,居然應嗜此族。」其高自標置如此。 相 天下,誰云不知,而卿此問。」四略云:「不知許事,且食蛤蜊。」融曰:「物以羣分,方以類聚, 融 躁於名利,自恃人地,三十內望爲公輔。初爲司徒法曹,詣王僧祐,因遇沈昭略,未 昭略屢顧盼,謂主人曰:「是何年少。」融殊不平,謂曰:「僕出於扶桑,入於湯谷,照耀

曰:「車中乃可無七尺,車前豈可乏八騶。」 及爲中書郎,嘗撫案歎曰:「爲爾寂寂,鄧禹笑人。」行遇朱雀桁開,路人填塞,乃搥車壁 列傳第十一 王弘

子良。 服還省,數曰:「公誤我。」 仍排 而 愚夫不爲。主上大漸,國家自有故事,道路籍籍,將有非常之舉,卿聞之乎。」雲不敢答。 病篤暫絕,子良在 可待,子良特相 帝崩 而 及魏軍 融 入,奉太孫登殿,命左右扶出子良,指麾音響如鍾,殿內無不從命。 韶草已立,上重蘇,朝事委西昌侯鸞。 乃處分以子良兵禁諸門,西昌侯聞,急馳 動,竟陵王子良於東府募 友 好。 殿內,太孫未入,融戎服絳衫,於中書省閤口斷東宮仗不 晚節大習騎馬,招集江西傖楚數百人,並有幹用,融特爲謀主。 人,板融寧朔將軍、軍主。融文辭捷速,有所造作,援筆 梁武謂范雲曰:「左手據天下圖,右手刎其喉, 到雲龍門,不得進,乃曰:「有敕召 · 得進, 融知不遂,乃釋 欲矯詔立 我。」 武帝 俄

乍擾,令囚草撰符詔。 流 帝 奉敎君子。 權 競,動迹驚羣,抗言異類。 識擢之重,司徒公賜預士林,安陸王 了無所推下,事暴遠近,使<u>融依源據答。」融辭曰:「囚實頑蔽,觸行多愆</u>。 利,反覆唇齒之間,傾動頗舌之內,威福自己,無所忌憚,誹謗朝政,歷毁王公。 鬱林深怨融,卽位十餘日,收下廷尉獄。 爱自總髮, 迄將立年, 州閭鄉黨, 見許愚眘。過蒙大行皇帝獎育之恩, 又荷<u>文</u>皇 及司徒宣敕招募,同例非一,實以戎事不小,不敢承教。 近塞外微塵,苦求將領,遂招納不逞,扇誘荒傖。 曲 垂盼接,前後陳伐虜之計,亦仰簡先朝。 使中丞孔珪倚爲奏曰:「融姿性剛險, 但夙忝門素,得 狡弄威聲,專行 續蒙軍號 今段犬羊 謂己才 立身浮

言。」融意欲指斥帝在東宮時過失也。 救 日詩序、接廣使語辭,竭思稱揚,得非誹謗。 囚才分本劣,謬被策用,悚怍之情,夙宵兢惕,日詩序、接廣使語辭,竭思稱揚,得非誹謗。 囚才分本劣,謬被策用,悚怍之情,夙宵兢惕, 日,一介罪身,獨嬰憲劾。」融被收,朋友部曲,參問北寺,相繼於道,請救於子良,子良不敢 自循自省,並愧流言。伏惟明皇臨宇,普天蒙澤,戊寅赦恩,輕重必宥,百日曠期,始蒙旬 賜 唇齒之間』,未審悉與誰言?『傾動頰舌之內』,不容都無主此。曰己自上甘露頌及銀甕啓、三 使招集,銜敕而行,非敢虛扇。且『張弄威聲』,應有形迹。『專行權利』,又無贓 一西昌侯固爭不得。詔於獄賜死,時年二十七。臨死歎曰:「我若不爲百歲老母,當吐一 賄 『反覆

而 丘 死,舉體皆青,時人以準膽破。 融文集行於時。 國賓竊相謂曰:「竟陵才弱,王中書無斷,敗在眼中矣。」及融誅,召準入舍人省詰問,遂懼 先是,太學生會稽魏準,以才學爲融所賞,旣欲奉子良,而準鼓成其事。太學生虞羲、

右 軍 術 諮議 之事。宋文帝賜以名蓍。 微字景玄,弘弟光祿大夫孺之子也。少好學,善屬文,工書,兼解音律及醫方卜筮陰陽 參軍,仍爲中書侍郎。時兄遠觅官歷年,微歎曰:「我兄無事而屛廢,我何得而叨 初爲始興王友,父憂去職。微素無宦情,服闋,除南平王鑠

忝踰

分了文帝即以遠爲光祿勳。

拔。 塵 外之適。 時 微 論 爲文好古,言頗抑揚,袁淑見之,謂爲訴屈。 者 其從弟僧綽宣文帝旨使就職,因留之宿。 或云微之見舉,廬江何偃亦參其議。 偃慮爲微所咎, 吏部尚書江湛舉微爲吏部郎,微確乎不 微妙解天文, 與之書自陳。 知當有大故, 微報書深言 獨 妈與僧綽

仰

·視,謂曰:「此上不欺人,非智者其孰能觅之。」遂辭不就。

尋有元凶之變。

之。 屬, 不 弟 復自療,哀痛僧謙 僧 施五尺狀爲 所著 謙 微 常住門屋一間,尋書玩古,遂足不履地。 亦 文集傳於世。 有才譽、爲太子舍人、遇疾、微躬自處療、而僧謙服藥失度、遂卒。 靈,二宿便毀,以常所彈琴置牀上,何長史偃來,以琴與之。 不能已,以書告靈。 贈秘書監。 僧謙卒後四 終日端坐,牀席皆生塵埃, 旬而微終,遺令薄葬,不設轜族鼓挽之 唯當 深自咎恨 無子, 坐處獨淨 家人遵 一發病

微 兄遠字景舒,位光祿勳。 時人謂遠如屛風,屈曲從俗,能蔽風露。 言能不乖物理也。

皆 儉 推 所 一般之愛 遠子 重 一(三)每 僧祐字胤宗,幼聰悟, 名 德,而 鳴 笳 列 重 翳到 僧站 其門候 之不 叔父微撫其首曰:「兒神明意用、當不作率爾人。」雅 趨勢也。 之, 僧祐 「輒稱疾 不前。 儉曰:「此吾之所望於若 人也。」世 爲從兄

未弱冠,頻經憂,居喪至孝。 服闋,髮落略盡,殆不立冠帽。 舉秀才,爲驃騎法曹,羸瘠

堪受命。

南郭,汝家饒賓侶,我家多鳥雀。」儉時聲高一代,賓客填門,僧酤不爲之屈,時人嘉之。 謂朝隱。」答曰:「臣從非敢妄同高人,直是愛閑多病耳。」經贈儉詩云:「汝家在市門,我家在 而悅,上書薦之。爲著作佐郎,遷司空祭酒,謝病不與公卿游。 雅好博古、善、、莊、不尙繁華。 工草隸,善鼓琴,亭然獨立,不交當世。 齊高帝謂王儉曰:「卿從可 沛國劉瓛聞風

子籍。 論。 屬疾,不待對人輒去。中丞沈約彈之云:「肆情運氣,不顧朝典,揚眉闊步,直轡高驅。」坐贖 儉借觀不與。竟陵王子良聞其工琴,於座取琴進之,不從命。永明末,爲太子中舍人,在直 時何點、王思遠之徒請交,並不降意。自天子至于侯伯,未嘗與一人游。卒於黃門郎。 稍遷晉安王文學,而陳郡袁利爲友,時人以爲妙選。齊武帝數閱武,僧砧獻講武賦,王

然爲百姓所訟。又爲錢唐縣,下車布政,咸謂數十年來未之有也。 籍字文海,仕齊爲餘杭令,自己政化如神,善於擿伏,自下莫能欺也。 性頗不儉,口心俄

籍好學,有才氣,爲詩慕謝靈運。至其合也,殆無愧色。時人咸謂康樂之有王籍,如仲

尼之有 丘明,老聃之有嚴周。 梁天監中,爲輕車湘東王諮議參軍,隨府會稽郡。 至若邪溪

賦 詩 云 蟬噪林逾靜,鳥鳴 Щ 更幽。」 劉孺 見之,擊節不能已已。 以公事 逸。

又甚 面 工 後 及 草書,筆 爲作唐侯相,曰引小邑寡事,彌不樂,不理縣事。 爲 中散 大夫,彌忽忽不樂, 勢遒放,蓋孔琳之流亞也。 乃至徒行 湘 市道,不擇交游。 東 王集其文爲十卷云。 人有 訟者,鞭 有時 塗中見相識,輒以笠傘覆 而遺之。 未幾而卒。籍

大夫。 頗好逸游,爲閭里患,以 之, 行為謂其父猷曰: 「大宗不衰,寄之此子。」年十二 瞻字思範,弘從孫也。 瞻 年六 歳從 師,時有伎經 輕 薄稱。 祖柳字休季,位光祿大夫、東亭侯。 門過,同業皆出 及長,折節 修 士操,涉獵書記,善碁工射。 觀,瞻獨不視,習業如初。 居父憂,以孝聞。 父猷字世倫, 位侍中、 服闋,襲封 從父僧達聞 東亭侯。後 光祿 而 異

匑 王 敬 法。 則 歷 莅 齊明 作 亂,瞻赴都,敬則 驃騎將軍王晏長 帝從之,所全萬數。 史。 經晉陵郡,人 晏誅,出 遷御 史中 多附之。 爲晉陵太守。 丞 敬則 敗,臺軍討賊黨,瞻言愚人易動,不足 潔己爲政,妻子不觅飢寒,時號 廉平。

精 神 梁 朗贈,不 臺 建) 爲 侍 廢 簿 領 中、吏部尚書。 梁武 、每稱瞻有三術:射、棊、酒也。 性率亮, 居選部,所舉多行 卒。諡 · 其意。 康侯。 頗 嗜酒,每飲 子長玄早卒。 或彌 日 了, 而

列

南 史 卷二十一

弘 四弟:虞、柳、孺、曇首。 虞学休仲,位廷尉卿。 虞子深字景度,有美名,位新安太守。

柳、 孺事列于前,曇首別卷。

於法令,政號平理,雖無赫赫之譽,久而見思。曉音樂,習歌舞,善與人交,貴游之中,聲名 梁武帝妹新安公主,卒於齊世。武帝深鍾愛沖,賜爵東安亭侯。累遷侍中,南郡太守。 沖字長深,弘玄孫也。祖僧衍,位侍中。父茂璋字胤光,仕梁位給事黃門侍郎。 沖母,

射、開府儀同三司,給扶。口引 陽 尹。魏平江陵,敬帝爲太宰承制,以沖爲左長史。紹泰中,累遷左光祿大夫、尚書左僕 侯景之亂,元帝承制,沖求解南郡讓王僧辯,幷獻女伎十人,以助軍賞。侯景平,授丹 籍甚。

年薨,年七十六,贈司空,諡曰元簡。 臣,特申長幼之敬。文帝卽位,益加尊重,嘗從幸司空徐度宅,宴筵之上,賜以几。 陳武帝受禪,領太子少傅,加特進、左光祿大夫,領丹陽尹,參撰律令。帝以沖前代舊 光大元

沖有子三十人,並致通官,第十二子賜。

列 傳 第 + 王 弘

徒左長史。文帝卽位、累遷太子中庶子、散騎常侍、侍中。 瑒 字子瑛、「川〇」沈靜有器局,美風儀。 梁元帝時,位太子中庶子。 父沖嘗爲陽辭領中庶子,文**帝** 陳武帝入輔, 以 爲 顧 司

沖曰:「所以久留陽於承華,正欲使太子微有陽風法耳。」

宣帝卽位,歷中書令,吏部尚書。 陽性寬和,務淸靜,無所抑揚。 遷尙書左僕射, 加侍

中,參選事

陽居家篤睦,每歲時饋遺,偏及近親。 敦誘諸弟, 禀其規訓。 卒,贈特進,諡曰光子。

瑜 副。 及憲並危殆者數矣,齊僕射楊遵彦每救護之。 齊以王琳故,囚之。齊文宣每行,載死囚以從,齊人呼曰供御囚。 陽弟瑜字子跬,亦知名。美容儀。年三十,官至侍中。 天嘉二年還朝,復爲侍中。 永定元年使齊,以陳郡袁憲爲 每佗怒, 卒,諡曰貞子。 則召殺之。

|兄弟兄,並舉棟梁之任,下逮世嗣,無虧文雅之風。 年移三百,蓋有憑焉。 論 曰:語云「不有君子,其能國乎」。 其初諺云:「汪與馬,共天下。」蓋三氏人倫之盛,實始是矣。 晉自中原沸騰,介居江左,以一 其所以簪纓不替,豈徒然也。 隅之地,抗衡上國, 僧達猖狂 及夫休

成性,元長躁競不止。闕

校勘記

- [1] 御史中丞王准之曾不彈舉 「准之」各本作「淮之」,據册府元龜五一八改。按王准之宋書有傳。
- [三]與彭城王義康居守 「義康」各本作「義恭」、據宋書改。
- 乃降爲衞將軍開府儀同三司 「降」各本作「遷」、據宋書改。按宋書、南史宋文帝紀並作「降」。
- 無人士不罪之科「人士」、保本册府元龜六一五同。、朱書及問本册府元龜六一五並作「士人」,

下同

- 万五 謂人士可不受同伍之謫取罪其奴客庸何傷邪 「取」朱書作「耳」,屬上爲句。
- 錫字寡光 不知張氏所據何本,然「寡光」字亦可疑。 張森楷南史校勘記:「毛本、殿本『宣』作『寡』,誤。」按各本俱作「寡」,無作「宜」者,
- 弘少子僧達 「弘少子」各本作「僧衍弟」,據宋書改。按宋書王僧達傅亦云「弘少子」,又載其孝

建三年解太常職表云「亡兄臣錫」、「兄子僧亮」,則僧達爲錫之弟、僧亮爲錫之子無疑,今訂正。

- [八] 與論文義 「與」各本作「舉」,據宋書改。
- [f] 一二年間便望宰相 「一二」各本作「三」、蓋誤合「一二」二字爲「三」、據宋書改。

江州刺史臧質。」

與秣陵人藍宏期等謀爲亂 「宏」各本作「宕」,據宋書改。

[三] 上以爲終無悛心 「上」字各本並脫,據宋書補

[1] 不容都無主此 「都」、「主」二字,各本並脫,據南齊書補

雅為從兄儉所重 南齊書僧祐傳附王秀之傳, 謂僧站 爲儉從祖兄。 觀下儉到其門候之, 則 **済**

齊書爲是。

至 仕齊爲餘杭令 「餘杭」梁書作「餘姚」。 按册府元龜七〇五作「餘杭

性頗 不儉 王懋並讀書記疑:「儉疑作檢。」按下云「徒行市道,不擇交遊」。 亦是不檢之一端。

二世 後爲作唐侯相 梁書作「帶作唐令」。 作唐縣屬荆州 南平郡,見南齊書州郡志

從父僧達聞而異之 達」,今據改。 「僧達」各本作「僧遠」。 梁書、 册府元龜七九八、八一九及通志俱作 僧

二九 紹泰中累遷左 光祿. 大夫尚 書左僕射開府儀同三司給扶 「左光祿」各本無「左」字、據陳書補

C103 瑒字子瑛 「子瑛」陳書作「子璵」。

列

傩

南史卷二十二

列傳第十二

王曇首 子僧綽 孫儉 曾孫騫 騫子規 騫弟陳 陳子承 訓 僧綽弟僧虔

僧虔子慈 慈子泰 慈弟志 志弟子筠 志弟彬 寂

屬。 彭城、大會戲馬臺、賦詩、曇首文先成。帝問弘曰:「卿弟何如卿。」答曰:「若但如下官,門戶 首答曰:「旣從神武之師,[1]自使懦夫立志。」時謝晦在坐,曰:「仁者果有勇。」帝悅。 從府公修復洛陽園陵,與從弟球俱詣宋武帝,帝曰:「並膏粱世德,乃能屈志戎旅。」 王曇首,太保弘之弟也。幼有素尙,兄弟分財,曇首唯取圖書而已。辟琅邪王大司馬 及至 曇

何寄『帝大笑。

自非祿賜,一毫不受於人。爲文帝鎭西長史,武帝謂文帝曰:「曇首輔相才也, 曇首有智局,喜慍不見於色,閨門內雍雍如也。 手不執金玉,婦女亦不得以爲 汝可每事諮 飾玩。

五八七

列

參軍朱容子抱刀在平乘戶外,不解帶者累旬。及卽位,謂曇首曰:「非宋昌獨見,無以致此。」 以曇首爲侍中,領驍騎將軍,容子爲右軍將軍。誅徐羨之等及平謝晦,皆曇首及華力也。 固陳,回并言天人符應。上乃下,率府州文武嚴兵自衞,臺所遣百官衆力不得近部伍。中兵 之。」及文帝被迎入奉大統,議者皆致疑,曇首與到彦之、從兄瞱並勸上行,上猶未許。

肯開。尚書左丞<u>羊玄保奏</u>舜御史中丞傅隆以下。[四]曇首曰:「旣無墨敕,[五]又闕幡棨,雖 遷太子詹事,侍中如故。 其不請白獸幡、銀字檗,致開門不時,由尚書相承之失,亦合糾正。」上特無問,更立科條。 元嘉四年,車駕出北堂,使三更竟,開廣莫門。 南臺云,「應須白獸幡、銀字桑」。〔三不

日。」出 自 . 詔以示之。 曇首曰:「豈可因國之災,以爲身幸。 陛下雖欲私臣,當如直史何。」 封事 謝晦平後,上欲封曇首等,會讌集,舉酒勸之,因拊御牀曰:「此坐非卿兄弟,無復今

建大厦而遺其棟梁。賢兄比屢稱疾,固辭州任,將來若相申許,此處非卿而誰。〕時弘久疾, 意常快快,又欲得揚州。以曇首居中分其權任,愈不悅。曇首固乞吳郡,文帝曰:「豈有欲 時 弘 錄尚書事,又爲揚州刺史。曇首爲上所親委,任兼兩宮。彭城王義康與弘並錄, 列傳第十二 王曼背

屢遜位, 不許。 義康謂賓客曰:「王公久疾不起,神州詎合臥臨。」曇首勸弘減府兵力之半,

以配義康,乃悅。

等謀,追封豫寧縣侯,諡曰文。孝武卽位,配饗文帝廟庭。子僧綽嗣。 侍側曰:「王家欲衰,賢者先殞。」上曰:「直是我家衰耳。」贈光祿大夫。 七年卒,時年三十七。文帝臨慟,歎曰:「王詹事所疾不救,國之衰也。」中書舍人周赳 九年,以預誅徐羨之

哽咽,上亦悲不自勝。襲封豫寧縣侯,尙文帝長女東陽獻公主。初爲江夏王義恭司徒參 累遷尙書吏部郎,參掌大選,究識流品,任舉咸盡其分。 僧綽幼有大成之度,衆便以國器許之。好學,練悉朝典。年十三,文帝引見,拜便流涕

也。」遷侍中,時年二十九。始興王濬嘗問其年,僧綽自嫌早達,逡巡良久乃答,其謙退若此。 亦輕。僧綽嘗謂中書侍郎蔡興宗曰:「弟名位應與新建齊,(K) 弟超至今日,蓋姻戚所致 僧綽深沉有局度,不以才能高人。父曇首與王華並被任遇,華子新建侯嗣,才劣位遇

立,使尋求前朝舊典。別於東宮夜饗將士,僧綽密以啓聞。上又令撰漢、魏以來廢諸王故 盛,勸令損抑。僧綽乃求吳郡及廣州,並不許。會巫蠱事洩,上先召僧綽具言之。及將廢 元嘉末,文帝頗以後事爲念,大相付託,朝政大小皆參焉。 從兄微,清介士也,懼其太

雖密,公不可使難生慮表,取笑千載。」上曰:「卿可謂能斷大事,此事不可不殷勤,且庶人 始亡,人將謂我無復慈愛之道。」僧綽曰:「恐千載之後,言陛下惟能裁弟,不能裁兒。」上默 事送與江湛、徐湛之。 江湛出閤謂僧綽曰:「卿向言將不傷直邪。」僧綽曰:「弟亦恨君不直。」 誕妃卽湛之女, 鱳妃湛妹也。 僧綽曰:「建立之事,仰由聖懷。 臣謂惟宜速斷,幾事 湛之欲立隨王誕,「中」江湛欲立南平王鱳,文帝欲立建平王宏,議久

爲與僧綽有異志。孝武卽位,追贈金紫光祿大夫,諡曰愍侯。 及檢文帝巾箱及湛家書疏,得僧綽所啓饗士幷廢諸王事,乃收害焉,因此陷北第諸侯王,以 及砌弑逆、江湛在尚書上省、聞變、曰:「不用王僧綽言至此。」砌立,轉僧綽吏部尚書。

凶、請以爲第、始造、未及居而敗。子儉。 宅,又爲章武王司馬秀宅,皆以凶終,及給臧燾,亦頻遇禍,故世稱凶地。僧綽嘗謂宅無吉 初,太社西空地,本吳時丁奉宅,孫皓流徙其家。江左初,爲周顗、蘇峻宅,後爲袁悅

咽。 害催子玉座右銘以貽之。丹陽尹袁粲聞其名,及見之曰:「宰相之門也。栝栢豫章雖小,已 幼篤學,手不釋卷。 檢字仲寶,生而僧綽遇害,爲叔父僧虔所養。數歲,襲爵豫寧縣侯。拜受茅土,流涕嗚 賓客或相稱美, 僧虔曰:「我不患此兒無名, 政恐名太盛耳。」 乃手

有 公主 棟梁氣矣,終當任人家國事。」言之宋明帝,選尙陽羨公主,拜駙馬都尉。 同 太初巫蠱事,至不可以爲婦姑,欲開冢離 葬。 儉因 人自陳,密以死請,故事不行。 帝以儉嫡母武

儉 元徽四部書目。 上言宜 年 十 |復舊制,時議不許。 八、解祸秘書郎、太子舍人、超遷秘書丞。 母憂、服闋、爲司徒右長史。晉令、公府長史著朝服、宋大明以來著朱衣。 及蒼梧暴虐,儉告袁粲求外出,引晉新安主婿王獻之任吳興 依七略撰七志四十卷,表獻之。又撰定

爲

例,補義

興太守。

兒,朏 吐 今 謝 「我當自往。」 「公今名位, ·日位 所 小 朏 一二年間 復 難 昇 爲長史,帝夜召朏,却人與語久之,朏無言。 又無言, 帝乃呼左右。 吐,何 地,欲北 明二年,爲長兼侍中,以父終此職,固讓。 推遷,則 未容 故是經常宰相,宜 經 賜 面 少日,帝自造 人望去矣,豈唯大業 拒之深。 便移。 居人臣,可乎。」帝正色裁之,而神采內和。 且吉夢未 宋以景和、元徽之淫虐,非公豈復寧濟,但人情澆薄,不能持 |彦回,款言移晷,乃謂曰:「我夢應得官。」|彦回 檢索知帝雄異,後請問言於帝曰:「功高不賞,古來非 禮 必便在旦夕。」帝還告儉,儉曰:「褚是未達理。」虞整時爲 絕羣后,微示變革。 永淪,七尺豈 唯有二小兒捉燭,帝慮朏難之, 先是,齊高帝爲相,欲引時賢參贊大業,時 |可得保。]|帝笑曰:「卿言不無理 當先令褚公知之, | 儉因又曰:「儉蒙公殊眄,所以 儉請 曰:「今授始爾, 銜 一。」儉 命。」 仍取燭遣 一,以公 帝日: 文曰:

用。 中書舍人,甚閑辭翰,儉乃自報整,使作詔。 大典將行,禮儀詔策,皆出於儉,褚彥回唯爲禪詔[10],又使儉參懷定之。 及高帝爲太尉,引儉爲右長史,尋轉左,專見任

|帝嘗從容謂||儉曰:「我今日當以||青溪爲鴻溝。」對曰:「天應人順,庶無煙、漢之事。」 |儉謂曰:「齊桓滅譚,那得有君。」答曰:「譚子奔莒,所以有僕。」 |儉賞其善據,卒得職焉。 齊臺建,遷尙書右僕射,領吏部,時年二十八。多所引進。 時客有姓譚者,詣儉求官, 高

殿門。 世子宮,儉又曰:「魯有靈光殿,漢之前例也。 緒爲世子詹事,車服悉依東宮制度。」 禮,下其君一等。今齊公九命,禮冠列蕃,世子亦宜異數。」並從之。世子鎭石頭城,仍以爲 參軍四人,朝服武冠』,此又宰府之明文。」又疑百僚敬齊公之禮, 儉又曰:「晉王受命,勸進 云,『沖等眷眷』,稱名則應盡禮。」而世子禮秩未定,儉又曰:「春秋曹世子來朝,待以上公之 時朝儀草創,衣服制則,未有定準,儉議曰:「漢景六年,梁王入朝,中郞謁者金貂 左思魏都賦云『藹藹列侍,金貂齊光』,此藩國侍臣有貂之明文。晉百官表云『太尉 聽事爲崇光殿,外齋爲宣德殿,以散騎常侍張 出

少。 國不過二千,以臣比之,唯覺超越。」上笑曰:「張良辭侯,何以過此。」 趙充 高帝踐阼,與儉議佐命功臣,從容謂曰:「卿謀謨之功,莫與爲二,卿止二千戶,意以爲 |國猶能自舉西零之任,

「三況卿與我情期異常。」

險曰:「昔宋祖創業,佐命諸公,開

列傳第十二 王曇首

二年正 乃止。 日 師 月上辛,有事南郊,即以其日還祭明堂,又用次辛饗祀北郊,而並 是歲,有司奏定郊殷之禮,儉以爲宜以今年十月殷祭宗廟, 翼翼,四方是凑,必也持符,於事旣煩,理 元年,改封南昌縣公。 時都下舛雜,且多姦盗,上欲立符伍,家家以相檢括。 成 不曠,謝安所謂『不爾 自 此 無配。 以 後,五 何 以 從 為京 年 声 殷祭。 師」。 明年 儉

轉左

僕射,領選

如

故

生 加 樽言「白門三重門,竹籬穿不完」**。** 彦 儉 也。」朝廷初基,制度草創,儉問無不決。 回 也。 初 及叔父僧虔連名表諫,上手 宗宋 其 明帝紫極殿珠簾綺柱,飾以金玉,江左所未有,高帝欲以其材起宣陽門, 年 固請解選,見許。 詔酬 上處其言, 納。 宋世, 上每日:「詩云『惟岳降神,生 改立都牆。 宮門外六門城設竹籬, 儉 又諫, 上答 甫及申』, 曰:「吾欲 是年 初,有 後 今天 儉與 褚 世 發 爲我 白虎 無以

齊, Ŀ 而 寡 一笑日 沈 不 要。 帝 文 知 幸 一此 季歌子夜來,張敬 肉 臣 樂遊 味 請 盛 。」帝稱善。 誦 宴集,謂儉 德之事 之。 • 乃誦 吾何 曰:「卿好音樂,孰與朕同。」儉曰:「沐浴唐 後 君子之事上章。 兒舞。 幸華林宴集,使各効 以堪 之。」後 儉 日:「臣無所解,唯 Ĺ 一使陸澄 上曰:「善,張子布更覺非奇也。」於是王敬則脫 人伎藝。 誦孝經,起自「仲尼居」,儉 知 褚 誦 彦 書。」 回 彈 、琵琶, 因 跪 風, 上 事兼 王 前 僧虔、柳 誦 日 比屋, 亦旣在 相 澄 如 封 所謂 世 禪書 隆 博 彈

朝服 得三公,不可忘拍張。」時以爲 祖,以絳糾髻,奮臂拍張,叫動左右。 名答。 上不悅曰:「豈聞三公如此。」答曰:「臣以拍張,故

謂明年正月宜饗祀二郊,虔祭明堂。[18]自茲以後,依舊間歲。」有司又以明年正月上辛應南 明年改元,亦郊。宋元嘉三十年正月南郊,二月崩,孝武嗣位,明年亦郊。 析,未嘗壅滯。|褚彥回時爲司徒、錄尚書,笑謂儉曰:「觀令判斷甚樂。」|儉曰:「所以得厝私 詳服不。 日立春,元嘉十六年正月六日辛未南郊,其月八日立春,此近世明例也。」並從之。 郊,而立春在上辛後,郊在立春前爲疑。|儉曰:「宋景平元年正月三日辛丑南郊,其月十一 可依放。 年九月崩,江三成帝卽位,明年改元,亦郊。 嗣位,或仍前郊年,或別爲郊始,晉、宋以來,未有畫一。儉議曰:「晉明帝太寧三年南郊,其 懷,實由禀明公不言之化。」武帝卽位,給班劍二十人,進號衞將軍,掌選事。時有司以前 庾翼喪妻,王允、滕含猶謂府吏宜有小君之服,況臣節之重。宜依禮爲舊君之妻齊衰三月 而除。」曰三上崩,遺詔以儉爲侍中、尙書令、鎭軍。每上朝,令史恒有三五十人隨上,諮事辯 **儉尋以本官領太子詹事,加兵三百人。時皇太子妃薨,左衞將軍沈文季經爲宮臣,未** 今聖明係業,幽顯宅心,言化則頻郊非嫌,語事則元號初改,**禮燎登配,孝敬**兼遂。 **儉議**曰「漢、魏以來,宮僚先備臣隸之節,具體在三。 。簡文咸安二年南郊,自己其年七月崩,孝武 存旣盡敬,亡豈無服?昔 此二代明例,差 了即位,

列傳第十二 王曇首

流宰相,惟有謝安」,蓋自況也。」武帝深委仗之,士流選用,奏無不可。 庭,劍衞令史,儀容甚盛。作解散幘,斜插簪,朝野慕之,相與放効。。儉常謂人曰,「江左風 郎,無能異者。令史諮事,賓客滿席,儉應接銓序,傍無留滯。十日一還,監試諸生,巾卷在 事,撰次諳憶,無遺漏者。所以當朝理事,斷決如流。每博議引證,先儒罕有其例,八坐丞 大興。何承天禮論三百卷,儉抄爲八帙,又別抄條目爲十三卷。朝儀舊典,晉、宋來施行故 弱年便留意三禮,尤善春秋,發言吐論,造次必於儒教,由是衣冠翕然,並尚經學,儒教於此 爲府。四年,以本官領吏部。先是宋孝武好文章,天下悉以文采相尚,莫以專經爲業。 各有差。是歲,以國學旣立,省總明觀,於儉宅開學士館,以總明四部書充之。又詔儉以家 東觀,置東觀祭酒一人,總明訪舉郎二人,儒、玄、文、史四科,科置學士十人,其餘令史以下 接少傅以賓友禮。 永明二年,領丹陽尹。 三年,領國子祭酒,又領太子少傅。 宋時國學頹廢,未暇修復,宋明帝泰始六年,置總明觀以集學士,或謂之 舊太子敬二傅同,至是朝議 儉

七年,乃上表固請,見許,改領中書監,參掌選事。 其年疾,上親臨視。 薨,年三十八。 詔衞 軍文武及臺所給兵仗,悉停侍葬。 史出外諮事,CIKI上以往來煩數,詔儉還尚書下省,月聽十日出外。 五年,儉卽本號開府儀同三司,固讓。六年,重申前命。先是詔儉三日一還朝,尚書令 又詔追贈太尉,加羽葆、鼓吹,增班劍爲六十人,葬禮依 **儉啓求解選,上不許。**

太宰文簡公褚彦回故事。諡文憲公。

之志 服集記幷文集,並行於世。梁武帝受禪、詔爲儉立碑,降爵爲侯。 ,賦詩云:「稷契匡虞夏,伊呂翼商周。」及生子,字曰玄成,取仍世作相之義。 儉 、嗜慾,唯以經國爲務,車服塵素,家無遺財。 手筆典裁,爲當時所重。 少便有宰臣 撰古今喪

慮 爲 禍,因褚彦回 儉弟遜,宋昇明中爲丹陽丞,告劉彥節事,不蒙封賞。 啓聞,中丞陸澄依事舉奏。 韶以儉竭誠佐命,特降刑書宥遜,遠徙永嘉 建元初,爲晉陵太守,有怨言。儉

長子騫嗣。

郡,於道伏誅。

除舊 周。 在 曰:「吾家 諸 鍾 女子姪皆嬪 以 布 山 [審字思寂,本字玄成,與齊高帝偏諱同,故改焉。性疑簡,慕樂廣爲人,未嘗言人之短 新之象也。」及梁武起兵,騰曰:「天時人事,其在此乎。」梁武霸府建,引爲 此 八 爲愧。 十餘頃,與諸宅及故舊共佃之。 本素族,自可依流 王尙主,朔望來歸,輜輧塡咽,非所欲也,敕歲中不過一再見。 永元末,召爲侍中,不拜。三年春,枉矢晝見西方,長十餘丈。 『平進,不須苟求也。」歷黃門郎、司徒右長史。 常謂人曰:「我不 如鄭公業 有田 不 四 百頃,而 事產業,有舊墅 嘗從容謂諸子 騫 大司馬諮 日一 食常不 此

列傳第十二 王曇首

賣,若敕取,所不敢言。」酬對又脫略。 诗、騫舊墅在寺側者、即王導賜田也。 議參軍,遷侍中。及帝受禪,降封爲侯。 帝遣主書宣旨,就騰市之,欲以施寺。 帝怒,遂付市評田價,以直逼還之。由是忤旨,出爲 歷位度支尚書,中書令。武帝於鍾山西造大愛敬 答云:「此田不

吳興太守。

年卒,年四十九。贈侍中、金紫光祿大夫,諡曰安。子規。 邑不樂,在郡臥不視事。徵復爲度支尚書,加給事中,領射聲校尉。以母憂去職。 不及弟陳,特以儉之嫡,故不棄於時。陳爲尙書左丞僕射,當朝用事,騫自中書令爲郡,邑 **麡性侈於味而儉於服,頗以多忌爲累。又惰於接物,雖主書宣敕,或過時不見。才望** 普通三

叔 · 父陳亦深器重之,常曰:「此兒吾家千里駒也。」年十二,略通五經大義。 及長,遂博涉有 規字威明,八歲丁所生母憂,居喪有至性。齊太尉徐孝嗣每見必爲流涕,稱曰「孝童」。 爲本州迎主簿。起家秘書郎,累遷太子洗馬。

之,爲新安太守。父憂去職,服闋,襲封南昌縣侯。 王錫、范陽張緬同侍東宮、「日」俱爲昭明太子所禮。 天監十二年,改造

太極殿畢,規獻新殿賦,其辭甚工。 後爲晉安王綱雲麾諮議參軍,

久 除中書黃門侍郎,敕與陳郡殷芸、琅邪 湘東王繹時爲丹陽尹,與朝士宴集,屬

規爲酒令。 規從容曰:「江左以來、未有茲舉。」特進蕭琛、金紫光祿大夫傅昭在坐, 並謂爲

知言。朱异嘗因酒卿規,規責以無禮。

爲功難,成功難也。昔桓溫得而復失,宋武竟無成功。 普通初,陳慶之北侵,陷洛陽,百僚稱慶。規退曰:「可吊也,又何賀焉。道家有云:非 我孤軍無援,深入寇境,將爲亂階。

俄見覆沒。

吳,前守宰皆傾意附之。至是珍宗假還,規遇之甚薄,<u>珍宗</u>還都,密奏規不理郡事。 子,侍東宮。太子賜以所服貂蟬,幷降令書,悅是舉也。尋爲吳郡太守,主書丙珍宗家在 又美,武帝嘉焉,卽日授侍中。後爲晉安王長史。王立爲太子,仍爲散騎常侍、太子中庶 左戶尙書。郡境千餘人詣闕請留,表三奏不許。求於郡樹碑,許之。 六年,武帝於文德殿餞廣州刺史元景隆,韶羣臣賦詩,同用五十韻。 規援筆立奏,其文 俄徵為

續漢書二百卷。文集二十卷。 |寺築室居焉。卒,贈光祿大夫,諡曰|文。皇太子出臨哭,與湘東王|釋令曰:「王威明風韻遒 去歲冬中,已傷劉子,今茲寒孟,復悼王生。俱往之傷,信非虛說。」規集後漢衆家異同,注 上,神峰標映,千里絕迹,百尺無枝,實俊人也。一爾過隙,永歸長夜,金刀掩芒,長熦絕涸。 規常以門宗貴盛,恒思減退。後爲太子中庶子,領步兵校尉,辭疾不拜,遂於鍾山宋熙

子聚,魏剋江陵,入長安。

領國子祭酒。門貴,與物隔,不能留心寒素,頗稱刻薄。後爲尚書左僕射,領國子祭酒。卒, 曰:「公才公望,復在此矣。」弱冠選尚淮南長公主,拜駙馬都尉,歷祕書丞。 諡 士,始安王遙光薦陳及東海王僧孺。除陳驃騎從事中郎、日乙天監中,歷位侍中,吏部尚書, 日崎。 陳字思晦,騫弟也。 子承、幼、訓、並通顯。口む 年數歲而風神警拔,有成人之度。時父儉作宰相,賓客盈門,見陳 齊明帝韶求異

耳。」小東陽即承弟幼也。 世爲國師,前代未之有。久之,出爲東陽太守。政存寬惠,吏人悅之。卒郡,諡曰章。 尙,罕以經術爲業,唯承獨好儒業。遷長兼侍中,俄轉國子祭酒。 好危言高論以忤權右。 承性簡 |承字安期,初為秘書郎,累遷中書黃門侍郎,衆國子博士。 時膏腴貴遊,咸以文學相 貴,有風格。 右衞朱异當朝用事,每休下,車馬塡門。 時唯承兄弟及褚翔不至异門,世並稱之。 嘗指异門曰:「此中輻湊,皆爲利往,能不至者,唯大小王東陽 承祖儉父陳皆爲此職,三 有魏郡申英者,門寒才

智國 追 此,實無所恨。」射策,除祕書郎,累遷祕書丞。 虚想,及觀容止,若披雲霧。」俄而諸袁子弟來,昂謂諸助敎曰:「我兒出十數,若有一子如 送久之,「三〇]謂朱异曰:「可謂相門有相。」初補國子生,問說師袁昂。 昂曰:「久籍高名,有勞 文殊。」文殊,訓小字也。年十三,陳亡,憂毀,家人莫識。十六召見文德殿,應對爽徹,上目 祖儉之志 曰:「四郎眉目疎朗,舉動和韻,此是興門戶者。」智國以白陳,陳亦曰:「不墜基業,其在 訓 也。 嘗賦詩云:GIIJ「旦處匡世功,蕭曹佐甿俗。」

曰:「今之王訓,無謝彦回。」訓美容儀,善進止,文章爲後進領袖。 後拜侍中,入見武帝。帝問何敬容曰:「褚彦回年幾爲宰相。」敬容曰:「少過三十。」上 年二十六,卒,諡溫子。

其書素扇,歎曰:「非唯跡逾子敬,方當器雅過之。」爲太子舍人,退默少交接。 當以名義 亦復不惜。伯父弘歎曰:「僧達俊爽,當不減人,然亡吾家者,終此子也。 子。〔三〕時僧虔累十二博棊,旣不墜落,亦不重作。 僧虔,金紫光祿大夫僧綽弟也。父曇首,與兄弟集會子孫,任其戲適。 見美。」或云僧虔採燭珠爲鳳皇,弘稱其長者云。 僧綽採蠟燭珠爲鳳皇,僧達奪取打壞, 僧虔弱冠,雅 善隸書,宋文帝見 僧虔必至公,僧綽 僧達跳下地作 與袁淑、謝莊

淑每歎之曰「卿文情鴻麗,學解深拔,而韜光潛實,物莫之窺,雖魏陽元之射,王汝南之

騎,無以加焉。」遷司徒左西屬。

於弟子,更逾所生,吾實懷其心,誠未異古。亡兄之胤,不宜忽諸,若此兒不救,便當回 짾。」 還爲中書郞,再遷太子中庶子。 塗得病,僧虔爲廢寢食,同行客慰喩之。 之事,苦不見及耳。若同歸九泉,猶羽化也。」孝武初,出爲武陵太守,攜諸子姪。兄子儉中 兄僧綽爲宋元凶所害,親賓咸勸之逃,僧虔泣曰:「吾兄奉國以忠貞,撫我以慈愛,今日 僧虔曰:「昔馬援處子姪之間,曰言一情不異,鄧攸 一舟謝

鳥衣諸郎坐處,我亦可試爲耳。」泰始中,爲吳興太守。 書,又爲郡,論者稱之。 騎將軍。 孝武欲擅書名,僧虔不敢顯跡,大明世常用掘筆書,以此見容。 甲族由來多不居憲臺,王氏 分枝居鳥衣者,位宦微減。 始王獻之善書,爲吳興郡,及僧虔工 僧虔爲此官, 乃曰:「此是 後爲御史中丞,領驍

|虔曰:「我立身有素,豈能曲意此輩;彼若見惡,當拂衣去耳。」|佃夫言於宋明帝,使御史中丞 孫夐奏僧虔,坐発官。尋以白衣領侍中。 徙會稽太守。中書舍人阮佃夫家在東,請假歸,客勸僧虔以佃夫要幸,宜加 、禮接。 僧

元徽中,爲吏部尙書,尋加散騎常侍,轉右僕射。昇明二年,爲尙書令。 嘗爲飛白書題

傅

第十

王经首

卷二十二 カロニ

尚書省壁曰:「圓行方止,物之定質,修之不已則溢,高之不已則慄,馳之不已則躓,引之不 已則迭,是故去之宜疾。」當時嗟賞,以比<u>坐</u>右銘。 兄子<u>儉</u>每觀見,輒勗以前言往行、忠貞止

雅好文史,解音律,以朝廷禮樂,多違正典,人間競造新聲。時齊高帝輔政, 僧虔上表

請正聲樂,高帝乃使侍中蕭惠基調正淸商音律。

暴,若罪必入重,自有正刑,若去惡宜疾,則應先啓,豈有死生大命,而潛制下邑。」上納其言 齊受命,轉侍中、丹陽尹。郡縣獄相承有上湯殺囚,僧虔上言:「湯本救疾, 而實行寃

靑絲綸。 文惠太子鎮雍州,有盜發古冢者,相傳云是楚王冢,大獲寶物:玉履、玉屛風、竹簡書、 簡廣數分,長二尺,皮節如新。有得十餘簡以示僧虔,云是科斗書考工記,周官所

闕文也。

<u>「</u>丘不與易也。」帝示僧虔古迹十一卷,就求能書人名。僧虔得人間所有卷中所無者:吳大皇 陛下草書第二,而正書第三。臣無第三,陛下無第一。」帝大笑曰:「卿善爲辭,然天下有道, 一。」帝笑曰:「卿可謂善自爲謀。」或云帝問:「我書何如卿?」答曰:「臣正書第一,草書第二, 高帝素善書,篤好不已,與僧虔賭書畢,謂曰:「誰爲第一。」對曰:「臣書第一,陛下亦第

卷、奏之。又上羊欣所撰能書人名一卷。遷湘州刺史、侍中如故。 帝、景帝、歸命侯書,桓玄書,及王丞相導、領軍洽、中書令珉、張芝、索靖、衞伯儒、張翼十一 清簡不營財產,百姓

客有相之云:「僧虔年位最高,仕當至公,餘人莫及。」及此授,僧虔謂兄子儉曰:「汝任重於 空,侍中如故。 齋,制度小過,僧虔視之不悅,竟不入戶。 儉卽日毀之。 其故,僧虔曰:「吾樂位已過,無以報國,豈容更受高爵,方貽官謗邪。」檢旣爲朝宰,起長梁 朝,行當有八命之禮,我若復此授,一門有二台司,實所畏懼。」乃固辭,上優而許之。客問 武帝卽位,以風疾欲陳解,遷侍中、左光祿大夫、開府儀同三司。 諡簡穆。 永明三年薨,時年六十。 僧虔少時,羣從並會, 追贈司

|之年三十許,病篤,已辦凶具,旣而疾愈,因畜棺以爲壽,九十餘乃亡,此器方用。因此而 行,令家人豫作壽冢,未至東,又信催速就。冢成而得罪,因以葬焉。又宋世光祿大夫劉鎭 僧處薨,棄郡奔赴。時有前將軍陳天福,坐討唐寓之於錢唐掠奪百姓財物棄市。先是天福將 僧處頗解星文,夜坐見豫章分野當有事故,時僧處子慈爲豫章內史,慮有公事,少時而

僧虔論書云:「宋文帝書,自言可比王子敬。時議者云,『天然勝羊欣,功夫少於欣』。王

列傳第

膏,天道未易知也

當不減,筆力恨弱。謝綜書,其舅云緊生起。是得賞也,恨少媚好。謝靈運書乃不倫,遇其 書,天然縱放,極有筆力,規矩恐在羊欣後。丘道護與羊欣俱面受子敬,故當在欣後。范曄 亦自重,爲子敬書嵇康詩。羊欣書見重一時,親受子敬。行書尤善,正乃不稱名。孔琳之 **寳草亞於二王,緊媚過其父。如此桓玄自謂右軍之流,論者以比孔琳之。謝安亦入能書錄,** 駸恒欲度驊騮前。』庾征西翼書,少時與右軍齊名,右軍後進,庾猶不分。在荆州與都下人 古制今,惟右軍。 與蕭思話同師羊欣,後小叛,旣失故步,爲復小有意耳。蕭思話書,羊欣之影,風流趨好,殆 前代,無以辨其優劣,唯見其筆力驚異耳。張澄當時亦呼有意。郗愔章草亞於右軍。郗嘉 後答,右軍當時不別,久後方悟,云『小人幾欲亂眞』。 張芝、索靖、韋誕、鍾會、二衞,並得名 書云:『小兒輩賤家雞,皆學逸少書,須吾下當比之。』張翼,王右軍自書表,晉穆帝令翼寫題 平南 廙,右軍叔,過江,右軍之前以爲最。 合時,亦得入流。賀道力書亞丘道護。庾昕學右軍,回己亦欲亂眞矣。」 領軍不爾,至今猶法鍾、張。亡從祖中書令書,子敬云:『弟書如騎騾,駸 亡曾祖領軍書、三四右軍云:『弟書遂不減吾。』變

多奇,自以伎能,僧虔乃作飛白以示之。寶先曰:「下官今爲飛白屈矣。」僧虔著書賦,儉爲

僧虔嘗自書讓尚書令表,辭制旣雅,筆迹又麗,時人以比子敬崇賢。

吳郡顧寶先卓越

注序甚工。

欺也。 復 當云『阿越不學,何忽自課』? 頭, 生。 1倍不如,今亦必大滅,致之有由,從身上來也。 百日許,復徙業就玄。 但 知 由吾不學,無以爲訓,然重華無嚴父, 汝 亟 恨吾未許汝學,欲自悔厲,或以闔棺自欺,回也或更擇美業,且得有慨,亦慰窮 聞 斯 唱,未覩其實,吾未信汝, 汝曾未窺其題目,未辨其指歸,而終日自欺人、「云」人不受汝 汝見其一耳, 非徒然也。 不全爾也。 放勛無令子,亦各由己耳。 汝今壯年,自勤數倍,許勝劣及吾耳。 往年有意於史,取三國志聚 設令吾學如馬、鄭,亦復甚勝, 汝輩竊議,亦 置牀

深松茂栢,寧知子弟毀譽事。 宦,兼有室累,何 也? 耳。 門中,優者龍鳳,劣猶虎豹。 化 之後,若自 體盡 或有身經三公,蔑爾無聞,布衣寒素,卿 吾在世雖乏德素,要復推排人間數十許年,「云」故是一舊物,人或以比數 讀數 無調度,誰復知汝事者。 百卷書耳。 處復得下帷 吾今悔無所及,欲以前車誠 失蔭之後,豈龍虎之議。況吾不能爲汝蔭,政應各自努力 如王郎時邪? 因汝有感,故略敍胸懷。 舍中亦有少負令譽、弱冠越超清級者,于時王家 各在爾身已切,至己豈復關吾邪 相屈體、[50]父子貴賤殊, 爾後乘 也。 汝年入立境,方應從 兄弟聲名異,何 ! %汝耳。 鬼唯知愛 卽

子慈。

及孝子圖而已,義恭善之。袁淑見其幼時,撫其背曰:「叔慈內潤也。」 慈宇伯寶。 年八歲,外祖宋太宰江夏王義恭迎之內齋,施寶物恣所取,慈取素琴石硯

興蔡氏之宗。」歷位吳郡太守,大司馬長史,侍中,領步兵校尉,司徒左長史。慈患脚,齊武 宗子)約入寺禮佛,正遇沙門懺,約戲慈曰:「衆僧今日可謂虔虔。」|慈應聲曰:「卿如此,何以 宗 帝敕王晏:「慈有微疾,不能騎,聽乘車在仗後。」江左以來少例也。 日「卿書何如虔公。」慈日:「慈書比大人,如雞之比鳳。」超宗狼狽而退。十歲時,與蔡興 少與從弟儉共書學。謝鳳子超宗嘗候僧虔,仍往東齋詣慈。慈正學書,未卽放筆,超

拜,永明九年卒。贈太常,諡懿。子泰。 王妃,慈女也,以慈爲東海太守,行南徐州府州事。〔三〕還爲冠軍將軍、廬陵王中軍長史,未 慈妻劉彥節女,子觀尙武帝長女吳縣公主,修婦禮,姑未嘗交答。江夏王鋒爲南徐州,

雅,家人不見喜慍之色。姊夫齊江夏王鋒爲齊明帝所害,外生蕭子友並孤弱,至三泰資給無 其故,對曰:「不取自當得賜。」由是中表異之。少好學, 手所抄寫二千許卷。 泰字仲通,幼敏悟。年數歲時,祖母集諸孫姪,散棗栗於牀,羣兒競之,泰獨不取。問 及長,通和 溫

訓,逾於子姪。

寫,武帝從之。 梁天監元年爲秘書丞。 歷中書侍郎,掌爽部,仍卽眞。自過江,吏部郎不復典大選,令史以下,小人 自齊永元之末,後宮火延燒祕書,圖書散亂殆盡。 泰表校定繕

求競者輻凑前後,少能稱職。 轉黃門侍郎,每預朝宴,刻燭賦詩,文不加點,帝深賞歎。 泰爲之,不爲貴賤請屬易意,天下稱平。 沈約常日:「王有養、炬、謝有

覽、舉。」養,泰小字,炬,筠小字也。

夷。 頃之,爲吏部尙書,衣冠屬望。 子廖。 始革大理,以泰爲廷尉卿,再歷侍中,後爲都官尚書。 未及選舉,仍疾,改除散騎常侍、 |泰能接人士,故每願其居選官。 左驍騎將軍,未拜,卒,諡

殊特,所可光榮,在屈賢子。」 女安固公主,拜駙馬都尉。 志字次道,慈之弟也。 九歲,居所生母憂,哀容毀瘠,爲中表所異。 褚彦回爲司徒, 引志爲主簿。 謂其父僧虔曰:「朝廷之恩,本爲 弱冠,選尚宋孝武

王 府君有德政, 累遷宣城內史,淸謹有恩惠。郡人張倪、吳慶爭田,經年不決。 吾鄉里乃有如此爭。」倪、慶因相攜請罪,所訟地遂成閑田。 志到官, 父老相謂曰: 後為東陽太

列傳

守,郡 勿憂。」明旦果至,以婦孕。 吏人益歎服之。 獄有重囚十餘,冬至日,悉遣還家,過節皆反,唯一人失期。 志曰:「此自太守事,主者

葉矮服· 將軍。 史。 梁臺建,位散騎常侍、中書令。 爲 之,僞悶不署名。梁武覽牋無志署,心嘉之,弗以讓也。霸府開,爲驃騎大將軍長 及梁武軍至,城內殺東昏,百僚署名送首。 吏部尚書,在選以和理稱。 崔慧景平,以例加右軍將軍,封臨汝侯。 |志歎日:「冠雖弊、可加足乎。」因取庭樹 固讓,改領右衛

愍其 病 曰:「謝莊在宋孝武時,位止中書令,吾自視豈可過之。」三年,爲散騎常侍、中書令,因多謝 簡通賓客。 、義,以俸錢 天監 初,爲丹陽尹,爲政淸靜。 償焉。 九年、還爲散騎常侍、金紫光祿大夫,卒。 時年饑,每旦爲粥於郡門以賦百姓,衆悉稱惠。 都下有寡婦無子,姑亡舉責以斂,葬旣而無以還之。志 常懷止足,謂諸子姪

和,時 幰 建 康 賣之,志知而 禁中里馬糞巷。 志善草隸,Caoo當時以爲楷法。 人號 馬糞諸王爲長者。 不問,待之如 父僧虔門風寬恕,志尤惇厚,所歷不以罪咎劾 初。 普通四年,志改葬,武帝厚賻贈之,諡曰安。 賓客遊其門者,專蓋其 齊游擊將軍徐希秀亦號能書,常謂志爲「書聖」。志家居 過 而稱其善。 人。 門下客嘗盜 兄弟子姪皆篤實謙 有五子:緝、休、 脫 志車

諲

操、素。

靜好學,與從兄<u>泰齊名。沈約見筠,以爲似外祖袁桑,謂僕射張稷曰:「王郎非唯額類袁公,</u> 筠字元禮,一字德柔,幼而警悟,七歲能屬文。年十六,爲芍藥賦,其辭甚美。 及長,清

風韻都欲相似。」稷曰:「袁公見人輒矜嚴,王郎見人必娛笑。唯此一條,不能酷似。」 仕 !爲尙書殿中郞,|王氏過||江以來,未有居郞署,或勸不就,||筠曰:「陸平原東南之秀,||王

文度獨步江東。

吾得比蹤昔人,何所多恨。」乃欣然就

職

筵謂王志曰:「賢弟子文章之美,可謂後來獨步。 署。」約製郊居賦,搆思積時,猶未都畢,示筠草。筠讀至「雌霓五的反連蜷」,約撫掌於抃曰: 擅美。筠又能用强韻,每公宴並作,辭必妍靡。約嘗啓上,言晚來名家無先筠者。 音者希,真賞殆絕,所以相要,政在此數句耳。」筠又嘗爲詩呈約,約卽報書歎詠,以爲後進 「僕常恐人呼爲霓五兮反。」次至「墜石磓星」及「冰懸塪而帶坻」,筠皆擊節稱贊。|約曰:「知 閣齋,請筠爲草木十詠書之壁,皆直寫文辭,不加篇題。|約謂人曰:「此詩指物程形,無假題 僕雖不敏,請附斯言。自謝朓諸賢零落,平生意好殆絕,不謂疲暮復逢於君。」約於郊居宅 沈約每見筠文咨嗟,嘗謂曰:「昔蔡伯喈見王仲宣,稱曰王公之孫,吾家書籍悉當相與。 謝朓常見語云。『好詩圓美流轉如彈丸』 又於御

列

+ =

六一〇

近見其數首,方知此言爲實。」

到洽 一如此。 、殷鈞等遊宴玄圃,太子獨執筠袖,撫孝綽肩曰:「所謂左把浮丘袖,右拍洪崖肩。」其見 累遷太子洗馬,中舍人,並掌東宮管記。昭明太子愛文學士,常與筠及劉孝綽、陸倕、 筠又與殷鈞以方雅見禮。後爲中書郎,奉敕製開善寺寶誌法師碑文,辭甚麗逸。

叉

《敕撰中書表奏三十卷,及所上赋頌都爲一集。

侵刻、還資有芒屬兩舫,他物稱是。 司 年、〔三〕爲司徒左長史。三年,昭明太子薨,敕製哀策文,復見嗟賞。尋出爲臨海太守,在郡 徒左長史。 後 爲太子家令,復掌管記。普通元年,以母憂去職。筠有孝性,毀瘠過禮。中大通一 及簡文卽位,爲太子詹事。 爲有司奏,不調累年。後歷秘書監,太府卿,度支尚書,

或 子 祭酒蕭子雲宅。夜忽有盜攻,懼墜井,卒,時年六十九。家人十三口同遇害,人棄尸積 筠家累千金,性儉嗇,外服粗弊,所乘牛嘗飼以青草。及遇亂,舊宅先爲賊焚,乃寓居

於室井中。

與性成,不覺筆倦。 自序 筠 云:「余少好抄書,老而彌篤,雖偶見瞥觀,[录]皆卽疏記。後重省覽, 歡興彌深。 狀貌寢小,長不滿六尺。性弘厚,不以藝能高人。而少擅才名,與劉孝綽見重當時。 自年十三四,建武二年乙亥,至梁大同六年,四十六載矣。「寻」幼年讀五

芸二十卷,凡一百卷,行於世 力。」筠自撰其文章,以一官爲 代之史。 德重光,爵位相繼,人人有集,如吾門者也。 沈少傅約常語人云:『吾少好百家之言,身爲四 應氏並累葉有文才,所以范蔚宗云崔氏彫龍。「云」然不過父子兩三世耳,非有七葉之中,名 國語、爾雅 ,

皆

七

八

十

逼

。 不足傳之好事,蓋以備遺忘而已。」 自開 、山海經、本草並再抄,子史諸集皆一遍。 闢 愛左氏春秋,吟諷常爲口 以 來,未有爵位蟬聯、文才相繼 一 集, 自洗馬、中書、中庶、東部、左佐、臨海、太府各十卷,尚 又與諸兒書論家門集云:「史傳稱安平崔氏及汝南 實。 廣略去取,凡三過五抄,餘經及周官、儀禮、 如王氏之盛 未嘗倩人假手,並躬自抄錄,大小百餘 也。』汝等仰觀堂搆,思各努

子祥,仕陳位黃門侍郎。揖弟彬。

徙永嘉 立身清白,推賢接士,有士君子風。 起舊宮 彬宇思文,好文章,習篆隸,與志齊名。 太守。 ,彬獻賦,文辭典麗。 ŀ 室於積穀 山,有終焉之志。 尚齊高帝女臨海長公主, 拜駙馬都! ||彬弟寂 時人爲之語曰:「三眞六草,爲天下寶。」齊武帝 梁天監中,歷吏部尚書、秘書監。 尉。 仕 齊, 歷太子 卒,諡惠。 中庶子, 彬

寂字子玄,性迅動,好文章。讀范滂傳,未嘗不歎悒。 王融敗後,賓客多歸之。 齊建武

初,欲獻中興頌,兄志謂曰:「汝膏粱年少,何患不達?不鎭之以靜,將恐貽譏。」寂乃止。位

秘書郎。卒年二十一。

其餘文雅儒素,各禀家風,箕裘不墜,亦云美矣。 伊、呂之志,竟而逢時遇主,自致宰輔之隆,所謂衣冠禮樂盡在是矣。 論曰:王曇首之才器,王僧綽之忠直,其世祿不替也,豈徒然哉。 齊有人焉,於斯爲盛。 仲寶雅道自居、早懷

校勘記

- .一〕旣從神武之師 「之師」二字各本並脫,據宋書補。
- [二] 曇首固陳 「陳」各本作「諫」,據宋書改。
- [1] 應須白獸幡銀字檗 「獸」本字「虎」、避唐諱改。
- 尚書左丞羊玄保奏発御史中丞傅隆以下 「以下」各本作「旨下」,據宋書改。
- C五〕旣無墨敕 「墨」各本作「異」,據宋書改·

- ^ **~** ∪ 弟名位應與新建齊 「應」字各本並脫,據宋書補。
- 湛 之欲立隨王誕 「湛之」二字各本並脫,據宋書補。
- ^ ^ _ _ 幾事雖密 「雖」各本作「難」,據宋書改。
- <u>へ</u> た ∪ 帝以儉嫡母武康公主同太初巫蠱事 「公」字各本並脱、據南齊書補
- (10) 褚彦回唯爲禪詔 「禪」字各本並脫,據南齊書、通志 補。
- 趙充國 **猶能自舉西零之任** 「西零」漢書趙充國傳作「先零」。 錢大昕廿二史考異: 「西零即先

零,西、先聲相近。」

- 宜依 禮 爲舊君之妻齊衰三月而除 「禮爲」二字各本並脫,據南齊書禮志補。
- 其年九 月崩 晉書明帝紀,明帝死於太寧三年閏八月,非九月。
- 簡文咸安二年南郊 「二年」各本作「三年」。 按咸安無三年,據晉書簡文帝紀、南齊書禮志改。
- 六〇:「 謂明年正月宜饗祀二郊虔祭明堂 明堂安得稱『虞祭』? 疑當作『虔祭』。」按二郊亦當稱「饗祀」,今並據南齊書禮志改正。 「饗祀」、「虔祭」各本作「饗禮」、「虞祭」。 王鳴盛十七史商権

Ž Ž

- 尚書令史出外諮事 「外」字各本並脫,據南齊書補
- 敕與陳 八 七 郡殷芸琅邪王錫范陽張緬同侍東宮 {梁 書 「殷芸」梁書作「殷鈞」,册府元龜二六〇、七〇八、

列 傳 第 + 校 勘 記

0

並

同

- 除陳 驃 騎 從 事中郎 「驃」字各本並脫,據梁書補。
- 子承 幼訓 並 通顯 「幼」梁書作「稚」、此避唐諱改。
- 上目送久之 「久之」各本作「之久」,據册府元龜二〇 四乙正。
- 嘗賦 詩云 「賦」字各本並脫,據通志 補
- 僧達 跳 下地作彪子 「彪子」通鑑作「虎子」,此避唐諱改。
- 昔馬援處子姪之間 「處」字各本並脫,據南齊書補

- 亡曾 祖 領軍 書 「書」字各本並脫,據南齊書
- 三芸 緊媚 過 右軍 其父 過」字各本並脫,據册府元龜 作「康 八六一、法書要錄補

至

庾昕

學

庾昕」法書要錄

听。

或以闔 棺 自欺 張森楷南史校勘記: 「『欺』, 南齊書作 :『期』, 於誼較長。」 按嚴可均全齊文作

期。

- 而終日 自欺人 「自」字兩齊書、册府元龜八一 七並 無
- 要復 推 排 人間 數十許年 「數」字各本並脫,據南齊書補。
- 卿 相 屈 體 卿 相」各本作「輕相」,據南齊書、册府元龜八一 七及通志改。
- 各在爾身已切 在」字各本並脱、據南齊書、通志補。

- 行南徐州府州事 「南」字各本並脫。按上云「江夏王鋒爲南徐州」,則此不當云「徐州」 今補正。
- 外生蕭子友並孤弱 「並」字疑衍文。
- 志善草隸 「草隸」各本並作「藁隸」,據梁書改。
- 中大通二年 「中」字各本並脫,據梁書補。
- 雖偶見瞥觀 「偶見」各本作「遇見」。李慈銘南史礼記:「遇當作偶」,今從改。
- 建武二年乙亥至梁大同六年四十六载矣 「六」字據册府元龜七七〇補。按自齊建武二年至梁

大同六年適四十六年。

所以范蔚宗云崔氏彫龍 李慈銘南史札記:「後漢書崔駰傳贊云」『崔爲文宗,世禪雕龍 。』此處

『雕』上脫『世禪』二字。」按梁書、册府元龜八七一並作「崔氏世擅雕龍」,禪擅古字通 用。

南史卷二十三

列傳第十三

王誕 兄子偃 偃子藻 藻弟子瑩 **瑩從弟亮** 王 華 從弟琨

惠 從弟球 王或 子絢 絢弟績 績孫克 彧兄子蘊

奐

奐弟份

王

份孫銓錫 兔 通 勒 質 固

騎長史,內史如 軍長史、琅邪內史。 代變」後云:「霜繁廣除,風回高殿。」珣歎美,因而用之。 武帝崩,從叔尚書令晦爲哀策,出本示誕,曰:「猶恨少序節物。」誕攬筆便益之,接其「秋冬 王誕字茂世,太保弘從祖兄也。 故。 元顯討桓玄,欲悉誅諸桓,誕救桓脩等,由此得免。 誕結事元顯嬖人張法順,故見寵。 祖恬、晉中軍將軍。父混,太常卿。 元顯納妾, 誕爲之親迎。 襲爵雉鄉侯,爲會稽王世子元顯後 脩, 誕甥也。 誕少有才藻,晉孝 隨府轉 及玄 鹽

六一七

列

傳

第十

Ξ

王

鱁

得志,將見誅,脩爲陳請,乃徙廣州。

吳公,公私非計。 軍情味不淺, 盧循 據廣州 若得北 ,以<mark>誕爲其平南府長史,甚賓禮之</mark>。 孫伯符豈不欲留華子魚,但以一境不容二君耳。」於是誕及隱之俱得還。 歸,必蒙任寄。」時廣州刺史吳隱之亦爲循所拘留,誕又曰:「將軍今留 誕久客思歸,乃說循曰:「下官與劉鎭

白帝曰:「公旣平廣固,復滅盧循,則功蓋終古,勳無與二。 去 與公同 職。 誕 起布 爲 宋武帝太尉長史,盡心歸奉, 衣, 一時相推耳,今旣喪敗,不宜復使立功。」帝納其說。 帝甚仗之。 盧循自蔡洲南走,劉毅固求追討。 如此大威,豈可使餘人分之。緣 後爲吳國 內史,母憂 誕密

是先還。 知下官蒙公垂盼,今輕身單下,必當以爲無虞,可少安其意。」帝笑曰:「卿勇過貫、官矣。」於 自安,武帝甚慮之。 武帝伐劉毅,起爲輔國將軍,誕固辭,以墨絰從行。 後卒,追封作唐縣五等侯。 **毅旣平,誕求先下。帝曰:「長人似有自疑心,卿詎宜便去。」誕曰:「長人** 時諸葛長人行太尉留府事,心不

子翮早卒。 誕兄脚字偉世,侍中、左戶尚書、始興公。 嘏子偃。

偃字子游,母晉孝武帝女鄱陽公主。〔〕宋受禪,封永成君。 偃尚宋武帝第二女吳興長

公主,諱榮男。 常倮偃縛諸庭樹,時天夜雪,噤凍久之。 偃兄恢排閤 詬主,乃免。

偃 謙 虚 一恭謹,不以 世 事 關 懷,位 右光 脉 大夫,贈 開府儀 同三 司, 諡 恭公。

吳崇祖。 之。 上乃使 湖熟 長 子 藻、位: 令袁 景 人爲數作表讓婚 和 慆 中 東陽太守,尚文帝第六女臨川長公主,諱英媛。 ,主讒之於廢帝,藻 妻以妬賜死,使近 日 臣虞通 下 獄 死,主 之撰妬婦記 與王氏離 婚。 左 光祿 宋 世 公主性妬,而藻別愛左 大夫江 語主莫不嚴妬 湛孫斅當 明 尚 孝 帝 右 旗 毎 疾 人

降 室。 宗榮,於臣 臣 寒 公主,日 荆 門悴族,人 伏 承 鉯 部旨, 布 非倖,仰緣 天恩所覃,庸及 裙 足得 凡質 當以臨汝 成 陋 聖貨) 禮。 閲 公主降嬪,三榮出 閻 冒陳 醜 毎 有對,本 末。 不 自 愚 實 懷 解,無偶 隔 憂抱惕,慮 天姻。 迄茲, 望表,恩加 如 不 臣 媒訪莫尋, 獲発,徵命所當 .素流,家貧業寡,年近將 典外。 素族弗問 顧審輶蔽, 果膺茲舉。 自 惟 冠 伏用憂惶。 一,皆已 門慶,屬 雖 門泰 有

投 佯 愚 軀 於 以 自 晉氏 深 求 発 井 以來 謝 子 敬 莊 配 灸 殆自 尙 足 害於 王姬 以 違 朦叟,殷沖幾 者,雖 禍 主 累經 偃 無 仲都 美胄,亟有 不 之質, 発 於 强 名才。至 而 鉏。 倮 雪 彼數 於 如 北 人者, \pm 階, 敦懾氣 非 何 無 瑀 桓 才 闕 温斂 意 龍 而 I 威,眞長 之姿,而 勢屈 於

議舉 領。 傷理害義,難以具聞。夫螽斯之德,實致克昌,專妬之行,有妨繁衍。是以尚主之門, 言,恒同 非唯交友離異,乃亦兄弟疏闊。第令受酒肉之賜,制以動靜,監子待錢帛之私,節其言 恒意,不可貸借,固實常辭。或云野敗去,或云人笑我。雖曰家事,有甚王憲,發口所 嫚嫡之嫌,豈有輕婦之誚。 今義絕傍私,虔恭正匹,而每事必言無儀適,設辭輒云輕易 弄琴,畫拱袂而披卷,一生之內,與此長乖。 別意。召必以三晡爲期,遣必以日出爲限。夕不見晚魄,朝不識曙星。至於夜步月而 檢口舌。其間又有應答問訊,卜筮師母,乃至殘餘飲食,詰辯與誰,衣被故弊,必責頭 理之常,當待賓客,<

四別服從之義;而令掃轍息駕,無闚門之期,廢筵抽席,絕接對之理 ·止則未閑是非,聽言語則謬於虛實。姆嬭敢恃耆舊,唯贊妬忌,尼媼自唱多知,務 姆嬭爭媚,相勸以嚴,尼媼競前、相諂以急。第令必凡庸下才,監子皆葭萌愚豎。 ,事隔於問覽,吞悲茹氣,無所逃訴。 制勒甚於僕隸,防閑過於婢妾,往來出入**,人** 又竊聞諸主聚集,唯論夫族,緩不足爲急者法,急則可爲緩者師。 又出入之宜,繁省難衷,或進不獲前,或入不聽出。不入則嫌於欲疎,求出則疑有 ·科律。王藻雖復强佷,頗經學涉,戲笑之事,遂爲寃魂。 左右整刷,以疑寵見嫌,賓客未冠,以少容致斥。禮有列媵,象有貫魚,本無 又聲影裁聞,則少婢奔迸,裾袂向席,則醜 褚曖憂憤,用致天絕, 更相扇誘,本其

列傳第十三 王誕

前後嬰此,其人雖衆,然皆患彰遐邇,事隔天朝,故吞言咽理,無敢論訴。 往往絕嗣、駙馬之身,通離釁咎。以臣凡弱,何以克堪。必將毀族淪門,豈伊身眚。

荷殊榮,足守前基,便預提拂。清官顯位,或由才升,一叨婚戚,咸成恩假。是以仰冒 臣幸屬聖明,矜照由道,弘物以典,處親以公,臣之鄙懷,可得自盡。 如臣門分,世

特賜蠲停,使燕雀微羣,得保叢蔚,蠢物憐生,自己彌篤。 若恩詔難降,披請不申,便當 非宜,披露丹實,非唯止陳一己,規全身願,實乃廣申諸門受患之切。伏願天慈照察,

刊膚剪髮,投山竄海。

帝以此表遍示諸主以諷切之,幷爲戲笑。元徽中,臨川主表求還身汪族,守養弱嗣,許之。 藻弟懋字昌業,光祿大夫,封南鄕侯。 懋子瑩。

懋大忿,言於朝廷,稱瑩供養不足,坐失郡,廢棄久之。 設精白鮑、美鮓、麞ル。|懋問那得佳味,超宗詭言|義興始見餉,陽鰲曰:「丈人豈應不得邪。」 可。 交惡, [R] 還都就懋求書屬瑩求一吏, 曰: 「丈人一旨, 如湯澆雪耳。」及至, <

營答旨以公吏不 超宗往懋處,對諸賓謂懋曰:「湯定不可澆雪。」懋面洞赤,唯大恥愧。 <u></u>
瑩字奉光,選尙宋臨淮公主,拜駙馬都尉。累遷義興太守,代謝超宗。 懋後往超宗處, 超宗去郡,與瑩

有 :能名。 \歷侍· 還爲中領軍隨王長史。意不平,改爲太子詹事、中領軍。 中,東陽太守。 以居 郡有惠政、遷吳興太守。 齊明帝勤憂庶政,瑩頻處二郡,

護軍崔慧景自京口奉江夏王內向,瑩担慧景於湖頭。 取孝嗣所居宅,及取孝嗣封名枝江縣侯以爲己封。 多慚。」時人咸謂失德。原旣當朝,於陰素雖不善,時欲引與同事。 ·我昔從東度爲吳興,東身登岸,除時爲宰相,不能見知,相用爲領軍長史。 永元初,政由羣小,營守職而已,不能有所是非。 慧景敗,瑩還居領軍府。梁武兵至,復假節、都督宮城諸軍事。 從弟亮謂曰:「此非盛德也。」陰怒曰: 及尚書令徐孝嗣誅,瑩頗綜朝政,啓 衆敗、瑩赴水、乘舫入樂遊、因得還 遷尚書左僕射,未拜, 建康平,瑩乃以宅還 今住其宅, 差無

猛 |獸入郭,[ヤ] 上意不悅,以問羣臣,羣臣莫對。 | 慘在御筵,乃斂板答曰:「昔擊石拊石,百獸 初爲武帝相國左長史,及踐阼,封建城縣公,累遷尚書令。 陛下膺籙御圖、虎象來格。」帝大悅、衆咸服焉。 **瀅性淸愼,帝深善之。時有**

鄰朱侃半宅。侃懼見侵,貨得錢百萬,瑩乃回閤向東。時人爲之語曰:「欲向南,錢可貪;遂 向東,爲黃銅。」及將拜,印工鑄印,六鑄而龜六毀。及成,頭空不實,補而用之。居職六日 十五年,位左光祿大夫、開府儀同三司、丹陽尹。旣爲公,須開黃閤。 宅前促, 欲買南

暴疾薨,諡曰靜恭。

郡 王 來 曰:「肅玉誌念實、殿下何見憎。」王驚赧卽起。 湘州 那,就求告。 數十里,實乃知,命追之。 少子實嗣。 長史、長沙郡。 實與銅錢五十萬,不聽於郡及道散用。從兄密於郡市貨,還都求利。 起家 秘書郎,尚梁武帝女安吉公主,襲爵建城縣公,爲新安太守。 王三日出禊, 實衣冠傾崎, 王性方嚴, 呼從兄上岸盤頭,令卒與杖,搏頰乞原,劣得免。 後密啓之,因此廢錮 見之意殊惡。 實稱主名謂王 後為南 實從兄 康嗣 及去

館,日使工圖其像,亮亦預焉 子,除末選尙公主,拜駙馬都尉。 亮字奉叔,瑩從父弟也。父攸字昌達,仕宋位太宰中郎,贈給事黃門侍郎。 歷任祕書丞。 齊竟陵王子良開西邸, 延才俊, 亮以 以爲士林 名家

啓代之。 巑之怏怏,乃造坐云:「下官以犯諱被代,未知明 犬。爲犬傍無骸尊。若是有心攸。無心攸。乞告示。」
5. 亮不履下牀跣而走,巑之撫掌大 去。 累遷晉陵太守,在職清公,有美政。 時有晉陵令沈巑之性粗疏,好犯亮諱,亮不堪,遂 府諱。 若爲攸字, 當作無骸尊傍

建武 末,累遷吏部尚書。 時右僕射江祏管朝政,多所進拔, 爲士所歸。 亮自以身居選

列傳

第十

=

£

誑

此 毎持異議。 至是 外若詳審,內無明鑒,所選用,拘資次而已,當時不謂爲能。 與兩情好攜薄,兩昵之如初。 始亮未爲吏部郎時,以祏帝之內弟,故深友祏。 及祏遇誅、羣 小放命,凡所除拜, 後爲尚書左僕射。 而爲之延譽,益爲帝所器 悉由 內 亮 及東昏 佛能

肆虐,亮取容以死。

離解,征東在近,何不諮問。」張稷又曰:「傑有昏德,鼎遷于殷。今實微子去殷、頂伯歸漢之 張稷仍集亮等於太極殿前西鍾下坐,議欲立齊湘東嗣王寶晊。 日。」亮默然。朝士相次下牀,乃遣國子博士范雲齎東昏首送石頭,推亮爲首。 梁武帝至新林,內外百僚皆道迎,其不能拔者亦間路送誠款,亮獨不遣。及東昏遇殺, 領軍瑩曰:「城閉已久,人情

固讓,乃爲侍中、中書監,兼尚書令。及受禪,遷侍中、尚書令、中軍將軍,封豫寧縣公 扶,明公豈有今日之舉。」因泣而去。 城平,朝士畢至,亮獨後,裙履見武帝。帝謂曰:「顚而不扶,安用彼相。」亮曰:「若其可 霸府開,以爲大司馬長史。梁臺建,授侍中、尚書令,

公卿問訊,亮無病色。御史中丞樂講奏亮大不敬,論棄市。詔削爵,廢爲庶人。 天監二年,轉左光祿大夫。元日朝會,亮辭疾不登殿,設饌別省,語笑自若。

前尙書令|王亮頗有政體,陛下棄之如彼。 四年,帝宴華光殿,求讜言。尚書左丞范縝起曰:「司徒謝朏本有虛名,陛下擢之如 愚臣所不知。」帝變色曰:「卿可更餘言。」 觸固執

列傳第十三 王華

不已,帝不悅。 遭母憂,居喪盡禮。後爲中書監,加散騎常侍。卒,諡煬子。 御史中丞任昉因奏縝妄陳褒貶,請殆縝官。 詔可。 **亮因屏居閉掃**, 不通賓

與廞 討恭爲名。 以女人爲官屬。 初,王恭起兵討王國寶,時歐丁母憂在家。 皮 相 者十餘 王華字子陵,誕從祖弟也。 我。」 失,隨沙門釋曇冰逃,使提衣樸從後, 恭遣劉牢之擊廢,廢敗走,不知所在。長子爆爲恭所殺。 年。 以杖捶崖數十,衆乃不疑,由此得免。 及國寶死,恭檄廢罷兵。 祖薈,衞將軍、會稽內史。父歐,司徒右長史。 **歐起兵之際,多所誅戮,至是不復得** |恭檄令起兵,」歐卽聚衆應之,以女爲貞烈將軍, 津邏 咸疑焉。 遇赦還吳, 華行遲,曇冰駡日 以父存沒不測,布 華時年十三在軍中, :「奴子怠懈, 已,因舉兵以 晉安帝隆安 衣蔬食,不

未親 乘牽 刺 史, 車 政 宋武帝欲收其才用,乃發麼喪,使華制服。 辟華爲 一,從者一 事,悉委 不 州主簿。 過 司 兩 馬 張邵。 三人以矯之。 後爲別駕,歷職 華性尙物, 嘗相逢,華陽若不知是哪,謂左右曰:「此鹵簿甚盛,必是 著稱。 不欲人 文帝鎭江陵,爲西中郎主簿、諮議 在己前。 服闋,武帝北伐長安,領鎭 邵性豪, 每行來常引 西將軍、北徐州 夾轂。 参軍 華 文帝 出

殿

下。」乃下 牽 車 立於道 側 及邵 至乃驚。 邵白服登城,為華所糾,邵 坐被徵, 華代為 司

萬 廬陵 主不 論,殆必不 無所慮。」帝從之,曰:「卿復欲爲吾之宋昌矣。」乃留華總後任 嚴 綱,人望未改。 文帝將入奉大 斷, 將來 然。 羡之、亮、晦 必不自容。 統, 徐羨之中才寒士,傅亮布衣諸生,非有晉宣帝、王大將軍之心 以少帝見害, 又要檀道濟、王弘 殿下寬叡慈仁,天下所知,(10]已且越次奉迎,冀以見德,悠悠之 不敢下。 五. 華曰:「先帝有大功 人同功, 孰肯相 讓 於天下,四 勢必不行。 海 所 今日就徵 明 服 雖 畏 嗣

華毎閑 齒憤 構之於 蓋, 如故。 賞 至是為黃門侍郎, 隣 里 笑 之。 叱 上 文帝。 一即位, 宋世),數曰:「當見太平時否<u>。」元嘉二年,</u>甯子卒。 諷 詠, 唯華與南陽劉湛 以瞱爲侍中、 甯子嘗東歸至金昌亭,左右欲泊船,甯子命去之,曰:「此 常誦王粲登樓賦 甯子曰:「大丈夫何常之有。」甯子與華並有富貴之願, 領步兵校尉。 右衞 不爲飾讓,得官卽拜,以 將軍。 日:「冀王道之一平,假高衢而 甯子先爲 先是, 會稽孔 何無忌安成國 此 三年,誅羨之等。 甯子 爲 常 爲文帝鎭 侍郎, 聯力。」 還東修宅, 西諮議參軍,以文 華遷護 出入逢羡之等,每切 殺君亭,不可泊 自羨之等執權, 軍 令門可 將軍,侍中 義 日夜 也 見

出 車就之。 華 以 情 及王弘輔政,而弘弟曇首爲文帝所任,與華 事 異 人,未嘗 預宴集。 終身不 飲酒 有 宴不 相埒。 之詣。 若有論 華常謂已力用不盡,每歎曰 事者) 乘 車 造 門,主人

「宰相 頓有數人,天下何由得安了」四年卒,年四十三。九年,以誅羨之功,追封新建縣侯,鷸

日宣。孝武卽位,配享文帝廟庭。

琨, 華從父弟也。父懌不辨菽麥,時以爲<u>殷道</u>矜之流。人無肯與婚,家以猟婢恭心侍 子定侯嗣,卒。〔11〕子長嗣,坐罵母奪爵,以長弟修紹封。 齊受禪、

之,遂生琨。初名崐崘,懌後娶南陽樂玄女,無子,故卽以琨爲名,立以爲嗣。 **猶懷昔顧,使王華訪素門,嫁其二女。 華爲琨娶大女,以小女適潁川庾敬度,亦是舊族。 除 琨少謹篤,爲從伯司徒謐所愛。** 宋武帝初爲桓脩參軍,脩待帝厚。後帝以事 計圖脩

琨郎中、駙馬都尉、奉朝請。

孝建中,爲吏部郎。吏曹選局,貴要多所屬請,跟自公卿下至士大夫,例爲用兩門生。江夏 同 王義恭嘗屬琨用二人,後復屬,琨答不許。 (生)為之延譽。歷位宣城、義熙太守、皆以廉約稱。華終、又託之宋文帝、故琨屢居淸顯。 先是,跟伯父麼得罪晉世,諸子並從誅,唯瞱得免。 瞱宋世貴盛,以門衰,提攜琨,恩若

經城門一過,便得三千萬。 出爲平越中郎將、廣州刺史,加都督。 **琨無所取納,表獻祿俸之半。鎭舊有鼓吹,只啓輸還。** 南土沃實,在任者常致巨富。世云廣州刺史但 及罷任,

別事等十

是。

上以限忠實,徙爲寵子新安王北中郎長史。再歷度支尚書,加光祿大夫。 知其清,問還資多少? **珽曰:「臣買宅百三十萬,餘物稱之。」帝悅其對。** 後為

舊糾駁,不爲屈。時賦見龍,朝廷歎賦强正。 獻軍用,左遷光祿大夫。尋加太常及金紫,加散騎常侍。廷尉虞蘇議社稷各一神,八三琨案 跟後出爲<u>吳郡太守,遷中領軍,坐在郡用朝舍錢三十六萬,營餉二宮諸王及作</u>絳襖奉 初,琨從兄華孫長襲華爵新建縣侯,嗜酒多愆失,琨表以長將傾基緒,請以長小弟佟嗣

蟻,頻見此事。」 嗚噎不自勝,百官人人雨淚。 順帝遜位,百僚陪列,琨攀畫輪獺尾慟泣曰:「人以壽爲歡,老臣以壽爲戚。旣不能先驅螻 明帝臨崩,出爲會稽太守, 加都督,坐誤竟囚,降爲冠軍。 順帝卽位,進右光祿大夫。

損 郎 ·三臺五省,皆是郞用人,外方小郡,當乞寒賤,省官何容復奪之。」遂不過其事。 [望。]琨曰:「今日奔赴,皆自應爾。」遂得病卒,贈左光祿大夫,年八十四。 及高帝崩、琨聞國諱、牛不在宅、去臺數里、遂步行入宮。朝士皆謂曰:「故宜待車、有 齊高帝卽位,領武陵王師,加侍中。時王儉爲宰相,屬琨用東海郡迎吏,琨使謂曰:「語 尋解王

中,尚書僕射顏師伯豪貴,下省設女樂,琨時爲度支尚書,要琨同聽,傳酒行炙,皆悉內 琨 謙恭謹慎,老而不渝,朝會必早起,簡閱衣裳,料數冠幘,如此數四,或爲輕薄所笑。 長史。

屏風,酒漿悉置牀下,內外有求,琨手自賦之。 擬。」「三其鯁直如此。 尙書令袁粲以下莫不贊美之。 妓。 父名懌,母名恭心,並不得犯焉,時咸謂矯枉過正。 左右欲營辦,琨曰:「元嘉初征謝晦,有紫樹在匣中,不須更作。」檢取果得焉。 **之,爲人望才譽,勔不及也。** 笑,琨容色自若。 **與以男女無親授,傳行每至,令置牀上,回面避之然後取,畢又如此,坐上莫不撫手嗤** 師伯後爲設樂邀琨,琨不往。中領軍劉勵, 而儉於財用、設酒不過兩盌、輒云「此酒難遇」。 琨曰:·「永初、景平,唯謝晦、殷景仁爲中領軍,元嘉有到彦 近聞加侍中,已爲怏怏,便求東陽,臣恐子房亦松未 景和中,討義陽王昶,六軍戒嚴, 晚節有栖退志,表求東陽郡 鹽豉薑蒜之屬,並挂 而避諱過甚, 應須紫檦 易 輕

王惠字令明,誕從祖弟也。 祖砌,車騎將軍。 父默,左光祿

其名, 與兄弟羣從造惠,談論鋒起,文史間發,惠時相酬應,言清理遠,瞻等慚 惠幼而 以問其從兄誕,誕曰:「惠後來秀令,鄙宗之美也。」即以爲行參軍,累遷世子 中軍 夷簡,爲叔父司 徒謐所知。 恬靜不交遊,未嘗有雜 事。 陳郡謝瞻才辯有風 而退。 宋武帝聞

 皆 動 散 。 子在坐,退而告人曰:「靈運固自蕭散直上,王郎有如萬頃陂焉。」嘗臨曲水,風雨暴至,坐者 「唯覺逢人耳。」素不與謝靈運相識,嘗得交言,靈運辯博,辭義鋒起,惠時然後言。時荀伯 時會稽內史劉懷敬之郡,送者傾都,惠亦造別。還過從弟球,球問:「向何所見。」惠言: 惠徐起,不異常日,不以霑濡而改。

曰:「吾得其人矣,曜卿不得獨擅其奇。」乃以惠居之。 宋國初建,當置郎中令,武帝難其人,謂傅亮曰:「今用郎中令,不可減袁曜卿。」旣而

與書求官、得輒聚閣上、及去職、印封如初。時以廓不拜惠卽拜、事異而意同也。 宋 兄鏖頗好聚斂,廛意不同,謂曰:「何用田爲。」鏖怒曰:「無田何由得食。」惠又曰:「何用 少帝卽位,以蔡廓爲吏部尚書,不肯拜,乃以惠代焉。 惠被召卽拜,未嘗接客。 人有

食爲了其標寄如此。 卒,贈太常,無子。

歷位侍 球辭曰:「士庶區別,國之章也。 友,轉諮議參軍。 \\ 宗帝玉,司徒|| 二子、惠從父弟也,少與|| 惠齊名。| 宋武帝受命, 爲太子中舍人, 宜都 中,中書令,吏部 文帝即位、王弘兄弟貴動朝廷、財終日端拱、未嘗相往來、弘亦雅敬之。 尚書。 臣不敢奉詔。」上改容謝焉 時中書舍人徐爰有寵於上,上嘗命球及殷景仁與之相知。

尙 音僕 球 簡 射 殷景仁、領軍 貴勢,不交游,自己筵席虛靜,門無異客。 將軍劉湛並執 重權) 傾動 內 曇首常云:「檮玉亦是玉巵無當耳。」 旣而 外, 球雖通家姻戚,未嘗往來。 居選職

接

客

甚

稀

不

視求官書疏,而銓衡

有序。

遷光祿

大夫,領廬陵王

師

之屬 訓 文 履 球 怖 亦 膩 有 謂 殷景 不 甚 胩 素尚 ٠٠٠٠ ٺار 不 尙 得 衜 大 何 納。 書 仁 答 之。 將 加加 所 口。球徐 何 卒,球除尚書僕射 軍 地施? 彭城王義康專以政事爲本,刀筆幹練者多被意遇。 自 又多疾,公應以淡退求之,未可 尚之曰:「當今乏才,羣下宜 及誅湛之夕,履徒跣告球。 大 曰:「阿父在,汝何憂。」命左右扶郎還齋,上亦以球故,履免死廢 將軍從 爲自富貴, 事中 ", 王 ·郎轉太子中庶子,流涕訴養康不願違離,故 復那可解。」球兄子履深結劉湛,委誠 師 如 故。 球 加勠力,而 素有脚 命爲 以文案責 取履, 疾,多病還家 王球放恣如 也。」義恭 先溫酒與之,謂曰:「常日謂 了朝直至 叉 此,宜以法 謂劉湛曰:王敬弘、王球 面 啓文帝 義康與劉斌等。 少。 糾之。」尚之日: 復爲從事 錄尙 日:「王球誠 於家 書江 汝 中 夏王 球毎 何? 郞 有

素譽。 終日 九 飲 鮰 頗 特進 酒 以 而 物 居 外自 金紫光 此 任,蓋所 許。 禄 端 大夫。 任要切, 以 · 崇素 無子 德也。」 或非所 從孫與為後。 逐 長。」帝日 見優容。 「誠知 後以白衣領職。 如 此, 要 是時 十八年,卒,時年四十 望所 歸。 昔 周 伯 仁

伯父智少簡貴,有高名,宋武帝甚重之。 書右僕射,明帝初,以后父加特進,贈開府儀同三司,諡元公。 而智在焉,他日,穆之白武帝曰:「伐國重事,公言何乃使王智知。」武帝笑曰:「此人高簡,豈 常言「見王智使人思仲祖」。 彧名與明帝諱同,故以字行 武帝與劉穆之計劉毅

問此輩論議。」其見知如此。爲宋國五兵尚書,封建陵縣五等子,追贈太常。

歎曰:「景文非但風流可悅,乃哺歠亦復可觀。」有一客少時及見謝混,答曰:「景文方謝叔 源,則爲野父矣。」燦惆悵良久,曰:「恨眼中不見此人。」 智無子,故父僧朗以景文繼智。幼爲從叔球所知憐。 美風姿,爲一時推謝。 袁粲見之

辭以 文越 而以景文之名名明帝。)席曰:「臣以爲垂綸者淸,故不獲貪餌。」衆皆稱善。 疾,故不成婚。 景文好言理,少與陳郡謝莊齊名。文帝嘗與羣臣臨天泉池,「以一帝垂綸良久不 以父在都下,不獲致身,事平,頗見嫌責。 襲爵建陵子。元凶以爲黃門侍郎,未及就,孝武入討,景文遣間使歸 武帝第五女新安公主先適太原王景深,離絕,當以適景文,景文固 **獹以舊恩,累遷司徒左長史。** 文帝甚相欽重,故爲明帝娶景文妹 景

上以散騎常侍舊與侍中俱掌獻替,欲高其選,以景文及會稽孔覬俱南北之望以補之。

六三二

列傳第十三 王政

中 尋復爲司徒左長史。 太子中庶子。 坐與奉朝請毛法因猜 以姊墓開不臨赴, 戲得錢百二十萬, **発官。** 後拜侍中、領射聲校尉、 白衣領 職 左衞將 軍, 加 給 事

後徵 景文 左僕 在江州 爲 射、丹陽 景 尚書左僕射、領吏部、揚州 和 元年,爲尙書右僕射。 不能 尹,固辭僕射。 潔己,景文與 出爲江州刺史,加都督,服闋 上幸臣王道隆書,深自申理 明帝卽位,加領左衞將軍,尋加丹陽 刺史,加太子詹事。 不願還朝,求爲湘州 乃受詔。 封江安縣侯,固 尹。 遭父憂,起爲尚書 讓不許。 時又謂

遣新除尚 令,常侍、僕射 卿若有辭,便不 流 義 贊 可 雖 重 中興,豈謝干木,綢繆 此 中書令耳。 景文屢辭內授,上手詔譬之曰:「尙書左僕射,卿已經此任,東宮詹事用人雖美,職次政 ,密邇畿內,又不得不用驃騎。[l+]|陝西任要,由來用宗室,驃騎旣去,巴陵理 日 閑 書 地,控帶三江,自己通接荆、郢,經塗之要,由 右 僕 揚州 知 射褚 庶姓作揚州,徐干木、王休元、殷鐵並處之不辭,卿清令才望,何愧休元 誰應處之。 如 彦 故。 相與,何後殷鐵邪? 回宣旨,不得已乃受拜 叉進 此選大備 中 書 監,領太子太傅, 與公卿疇懷,非聊爾 司徒以宰 來有重鎭。 相 常侍、揚州如故。 不應帶神州, 也。」固辭詹事、領選,徙爲中書 如此,則 遠遵先旨, 揚州 景文固辭太傅,上 自 成 應居之,中 京口 闕刺史。 鄕 毗 基

時太子及諸皇子並小,上稍爲身後計,日也諸將帥吳喜、壽寂之之徒,慮其不能奉幼主

答曰

弓長 並 殺 射殺 之。 人。」一士王字,指景文,弓長張字,指張永。 而景文外戚貴盛,張永累經軍旅,又疑其將來難信,乃自爲謠言曰:「一士不可親, 景文彌懼,乃自陳求解揚州

傅,位 之懼 困 觸 忘 於 細 之木、旣摧 今旣省錄 情 其 履 於塗路者,天地之間,亦復何限,人不係意耳。 人 僕射 危,未 揆耳。 向 改容,否 雌貴 卑賤 梁,淡 居貴要,但問心若爲耳。 ,令便居昔之錄任,Ciloz ,横行尚 然為 必逢禍,縱意於處安,不 於斧斤,一寸之草,亦悴於踐蹋。 有溝壑之憂,張單雙災,木雁 而 晉將畢萬七戰皆獲,死於牖 然亦復 則行路嗟愕。 不 教者每誠貴 關 書中。 |朝政,可安不懼,差於||聚也。 (不改常。以此居貴位要任,當 袁粲作僕射領選,而 不 至如 誠 賤, 大明之世,巢、徐二戴位不過執戟, 賤 置省事及幹僮, 必 者,否泰不 言其 全福。 下、三三蜀 兩 八貴滿日 失。 高崖 但 好 足以動 人往往不知有疑。 貴者 卿虚 有 自恃 並依 相費禕 以此而推,貴何必難處,賤何必易安。 之修幹,與深谷之淺條,存亡之要,巨 有致憂兢不? 心於避 自惜 心受榮,有 也。 錄格。 福,不 一故每 從容坐談,斃於刺客。 存亡不足以絓數 凡 名位 **繁作令來亦** 漫其 如無 而 卿 緊遷爲令,居之不疑。 不 貴達,人以 今雖 ·為累。 身,賤者自 心 權亢人主, 顏師伯 於任 作 揚州、太子太 不異爲僕射, 貴高 運。 死 存 於 「輕,故 懷 故甘 夫千 有危 、溝瀆, 泰則 易 仞 殆 **J**

但人生自應卑慎爲道,行己用心,務思謹惜。

避禍於襄陽,當時皆羨之,謂爲陵霄駕鳳,遂與義嘉同滅。駱宰見狂主,語人言「越王 事論之:景和之世,晉平庶人從壽陽歸亂朝,人皆爲之戰慄,而乃遇中興之運。 袁顗圖 先,正是依俙於理,至三言可行而爲之耳。得吉者是其命吉,遇不吉者是其命凶。以近 可豫圖邪? 之慶,人人蒙爵級,宰逢義嘉染罪,金术纒身,性命幾絕。卿耳目所聞見,安危在運,何 之狀,我在尚書中久,不去必危」。遂求南江小縣。自己諸都令史住京師者,皆遭中興 長頸鳥喙,可與共憂,不可共樂。范蠡去而全身,文種留而遇禍。今主口頸頗有越王 若乃吉凶大期,正應委之理運。遭隨參差,莫不由命也。旣非聖人,不能見吉凶之

敕示客。酒至未飲,門客焦度在側,憤怒發酒覆地曰:「大丈夫安能坐受死。州中文武可數 下,神色怡然不變。方與客棊思行爭劫竟,斂子內奩畢,徐謂客曰:「奉敕見賜以死。」方以 曰:「與卿周旋,欲全卿門戶,故有此處分。」敕至之夜,景文政與客暴,扣函看,復還封置局 上疾篤,遣使送藥賜景文死,使謂曰:「朕不謂卿有罪,然吾不能獨死,請子先之。」因手韶 晏駕,皇后臨朝,則景文自然成宰相,門族强盛,藉元舅之重,歲暮不爲純臣。泰豫元年春, 上 |旣有疾,而諸弟並已見殺,唯||桂陽||王||休範人才本劣,不見疑,出爲||江|||刺史。 慮一旦

百人,足以一奮。」景文曰:「知卿至心,若見念者,爲我百口計。」乃墨啓答敕,幷謝贈詔。酌 謂客曰:「此酒不可相勸。」自仰而飮之。時年六十。追贈開府儀同三司,諡曰懿。 長子絢。

乎文哉。」絢應聲答曰:「尊者之名,安可戲,寧可道草翁之風必舅。」及長,篤志好學。 位秘 絢 先景文卒、諡曰恭世子。絢弟績。 字長素,早惠。年五六歲,讀論語至「周監於二代」,外祖何尚之戲之曰:「可改耶耶

文封江安侯、「邑」續襲其本爵爲始平縣五等男。「三三元徽末、爲黃門郎、東陽太守。 續字叔素,弱冠祕書郎、太子舍人,轉中書舍人。景文以此授超階,令續經年乃受。

興 衣 領職。 太守、輒錄郡吏陳伯喜付陽羨獄、欲殺之、縣令孔逭不知何罪、不受績教、爲有司奏、坐白 齊武帝爲撫軍,吏部尚書張岱選續爲長史,呈選牒,高帝笑曰:「此可謂素望。」再遷義 後長兼侍中。 武帝出射雉,續信佛法,稱疾不從。 · 永元元年,卒於太常,諡靖子。

家,置酒設樂,公卿皆冠冕而去,當世榮之。 繢 女適武帝寵子安陸王子敬,永明二年納妃,修外舅姑之敬。武帝遣文惠太子相隨往

讃弟約,齊明帝世數年廢錮。 梁武帝時爲太子中庶子,嘗謂約曰:「卿方當富貴,必不

容久滯屈。」及帝作輔,謂曰:「我嘗相卿當富貴,不言卿今日富貴便當見由。」歷侍中,左戶

尚書,廷尉。

續長子騰,不慧,位止建安太守。

辯乃誚虎曰:「汪氏百世卿族,便是一朝而墜。」仕陳,位尚書右僕射。 在。克默然良久曰:「趙平原將去。」平原名思賢,景腹心也,景授平原太守,故克呼焉。 侍中、錄尚書事。 儁子克。 克美容貌,善容止, 仕梁歷司徒右長史、 尚書僕射。 **景敗,克迎候王僧辯,問克曰:「勞事夷狄之君」,克不能對。次問璽紱何** 臺城陷,仕侯景,位太宰、 僧

字也。及事寧,封吉陽男。歷晉陵、義興太守,所莅並貪縱。後爲給事黃門侍郎。 叔父景文常誠之曰:「阿荅,汝滅我門戶。」蘊曰:「荅與童鳥貴賤異。」童鳥,絢小字,荅,蘊小 家貧,爲廣德令。明帝卽位,四方叛逆,欲以將領自奮,每撫刀曰:「龍泉太阿,汝知我者。」

爲吳郡太守,司徒左長史蕭惠明言於朝曰:「云以「褚澄開城以納賊,更爲股肱大郡,王蘊被甲 死戰,棄而不收,賞罰如此,何憂不亂」,褚彥回慚,乃議用蘊爲湘州刺史。及齊高帝輔政, 桂陽之逼,王道隆爲亂兵所殺,蘊力戰,重創御溝側,或扶以免。事平,撫軍長史楮澄

列

|蘊與沈攸之連謀,事敗,斬於秣陵市。

常侍邸許,甚見愛。 異,常撫奐背曰:「阿奴始免寒士。」 與字道明,彧兄子也。 與諸兄出身諸王國常侍,而與起家著作佐郎。 父粹字景深,位黄門侍郎。 奥繼從祖球,故小字彦孫。 **琅邪顏延之與球情款稍** 年數歲,

丹陽 |晏深德之。及||晏仕齊,||武帝以||奐宋室外戚,而從弟||瀘叉同逆,疑有異意,||晏叩頭保||奐無異 尹。 時晏父母在都,請以爲質,武帝乃止。 與少而强濟,叔父景文常以家事委之。 初,王晏父普曜爲沈攸之長史,常懼攸之舉事,不得還,與爲吏部,轉普曜爲 仕宋歷侍中,祠部尚書,轉掌吏部。 昇明初,遷 内

變。 將軍曹道剛領兵收與,又別韶梁州刺史曹武自江陵步出襄陽。與子彪凶愚,頗干時政,士 收付獄。 答曰:「柳世隆有勳望,恐不宜在與後。」乃轉左僕射,加給事中。 上知其枉,敕送興祖還都,奠恐辭情翻背,輒殺之。上大怒,遣中書舍人呂文顯、直閤 與寧蠻長史劉興祖不睦。十一年,與遣軍主朱公恩征蠻失利,興祖欲以啓聞,與大怒, 永明中,累遷尚書右僕射。王儉卒,上欲用與爲尚書令,以問晏。 興祖於獄以針畫漆合盤爲書,報家稱枉,令啓聞,而奧亦馳信啓上,誣興祖扇動荒 出爲雍州刺史,加都 晏位遇已重,意不推

琛弟肅 門, 陵 申, 爽、爾、殷叡皆伏誅。 馬黃瑶起、寧蠻長史裴叔業於城內起兵攻奧,與聞兵入,禮佛,未及起,軍人斬之,彪及弟 門生鄭羽 顯 勇 人 籍,故且 죾 俱 咸 白 亦不忠不被宥。」乃令叡書啓,遣典籤陳道齊出城,便爲文顯所執。 切齒。 逃 至, 服 、康並奔魏,後得黃瑤起臠食之。弟伷女爲長沙王晃妃,以男女並長,又且出繼,特 死,百世門戶,宜思後計,孰與仰藥自全,則身名俱泰, 接臺使,不過檻車徵還,隳官免爵耳。」彪堅執不從,叡又曰:「宜遣典籤問道送啓自 衆力 叩頭啓奐,乞出城迎臺使,與曰:「我不作賊,欲先遣啓自申,政恐曹、呂辈小人相 閉門自守耳。」彪遂出戰,敗走歸。上人起義,攻州西門,彪登門拒戰,却之。 時文顯以漆匣匣箜篌在船中,因相誑云,「臺使封刀斬王彪」。 、旣盛,又懼漆匣之言,於是議閉門拒命。 長史殷叡,與女壻也,諫曰:「今開城 與長子太子中庶子融,

融弟司徒從事中郎琛,於都棄市,餘孫皆原宥。 **叡請先驅螻蟻。**」又不從。 叡又曰:「忠不背國, 及道剛、曹武、文 司

奥旣 誅, 故舊無敢至者,汝南許明達先爲與參軍,躬爲殯斂,經理甚厚,當時高其節。

奥弟份。

不

離

絕

份字 季文。 仕宋位始安內史。 袁粲之誅,親故無敢視者,份獨往致慟,由是顯名。 累

列

傳

第

+

Ξ

王

坐,武帝謂曰:「比有北信不。」份改容對曰:「肅旣近忘墳栢,寧遠憶有臣。」帝亦以此亮焉。 遷大司農。 **煥誅後,其子肅奔魏,份自拘請罪,齊武帝宥之。** · 庸屢引魏人至邊,份嘗因侍

後位 【秘書監。 仕)梁位散騎常侍,領步兵校尉,兼起部尙書。

|武帝嘗於宴席問羣臣曰:「朕爲有爲無。」|份曰:「陛下應萬物爲有,體至理爲無。」帝稱

後累遷尚書左僕射。歷侍中,特進,左光祿大夫,監丹陽尹。卒,諡曰胡子。

長子琳,字孝璋,位司徒左長史。[[刊]琳齊代取梁武帝妹義興長公主,有子九人,並

知名。

踢,而孝行齊焉,時人以爲**銓、錫二王,可謂玉昆金友。母長公主疾,**銓形貌瘠貶,人不復 及居喪、哭泣無常、因得氣疾。位侍中、丹陽尹。卒於衞尉卿。 長子銓,字公衡,美風儀,善占吐,尙武帝女永嘉公主,拜駙馬都尉。銓雖學業不及弟

子溥,字伯淮,尚簡文帝女餘姚公主。

十二爲國子生,十四舉清茂,除祕書郎,再遷太子洗馬。時昭明太子尚幼,武帝敕錫與祕書 避弟

錫字公嘏,幼而警悟,與兄弟受業,至應休散,輒獨留不起,精力不倦,致損右目。

郎張纘使入宮,不限日數。 孝綽、到洽、張緬爲學士,十人盡一時之選。 與太子游狎,情氣師友。 錫以戚屬,封永安侯 又敕陸倕、張率、謝舉、王規、 王筠、劉

對,無所稽疑,善明甚相歎挹。 即使南苑設宴,錫與張纘、朱异四人而已。善明造席,遍論經史,兼以嘲謔。錫、纘隨方酬 若以才辯相尙,則不容見使。」善明乃曰:「王錫、張纘,北間所聞,云何可見。」异具啓聞,敕 負其才氣,酒酣謂异曰:「南國辯學如中書者幾人。」异曰:「异所以得接賓宴,乃分職是司, 國。」引宴之日,敕使左右徐僧權於坐後,言則書之。 普通初,魏始連和,使劉善明來聘,敕中書舍人朱异接之。善明彭城舊族,氣調甚高, 他日謂异曰:「一日見二賢,實副所期,不有君子,安能爲

子溫清,隔簾趨倚。公主乃命穿壁,使子涉、湜觀之。至三卒年三十六,贈侍中,諡貞子。 能捨其所好而徇所不能。」乃稱疾不拜。便謝遣胥徒,拒絕賓客,掩扉覃思,室宇蕭然。 累遷吏部郎中,時年二十四。謂親友曰:「吾以外戚謬被時知,兼比羸病,庶務難擁,安 諸 錫

丁所生母憂,固辭不拜。又除南康內史,在郡義興主薨,詔起復郡。後爲太子中庶子,掌東 <u></u>
劍字公會,八歲丁父憂,哀毀過禮。 初補國子生,祭酒食昂稱爲通理。累遷始興內史,

列傳第

王爽

卒,贈侍中。 元帝下詔:賢而不伐曰恭,追諡曰恭子。 **愈**弟通

拜,卒,諡曰成。 射 。 〔三〕太建元年,爲左光祿大夫。 通字公達, 仕梁為黃門侍郎。 弟勵。 六年,加特進,侍中、將軍、光祿、佐史、扶並如故。CIO未 敬帝承制,以爲尚書右僕射。 陳武帝受禪,遷左僕

才地,豈可游外府乎。」奏爲太子洗馬。後爲南徐州別駕從事史。 王出鎭京口,勱將隨之蕃。范陽張纘時典選舉,勱造纘言別,纘嘉其風采,乃曰:「王生 勘字公齊,美風儀,博涉書史,恬然淸簡,未嘗以利欲干懷。仕梁爲輕車河東王功曹

隨事應對,咸有故實。 又從登北顧樓賦詩,辭義清典,帝甚嘉之。 大同末,梁武帝謁園陵,道出朱方,勵隨例迎候,敕令從輦側。 所經山川、莫不顧問、勵

懼罪稱疾,委州還朝,勱行州府事。越中饒沃,前後守宰,例多貪縱,勱獨以淸白著聞。 時河東王爲廣州刺史,乃以勸爲冠軍河東王長史、南海太守。 王至嶺南,多所侵掠,因

爲給事黃門侍郎。

侯景之亂,奔江陵,歷位晉陵太守。時兵饑之後,郡中彫弊,勸爲政淸簡,更人便安之。

徵爲侍中,遷五兵尚書。

會魏軍至,元帝徵 湘州刺史宜豐侯蕭循入援,以勵監湘州。 及魏平江陵,敬帝承制,以

爲 中書令,加侍 中。 歷陳武帝 司空、丞相長史、侍中、中書令並如故。

及 蕭勃平,以勱 爲 廣州刺史。 未行,改爲衡州刺史。 王琳據有上流,衡、廣攜貳,勱不

得之鎭,留于大庾嶺。

請立碑,頌勵政德,詔許之。 太建元年, 累遷尙書右僕射。 徵爲中書監,重授尚書右僕射,至三領右軍將軍。卒,諡曰溫子。 時東境大水,以渤爲晉陵太守。在郡甚有威惠,郡人表

脚弟質。

侯景濟江 質字子貞,少慷慨,涉獵書史。 ,質領步騎頓于宣陽門外。 梁世以武帝甥,封甲口亭侯。位太子中舍人、庶子。 景軍至都,質不戰而潰,爲桑門,潛匿人間。城陷

後,西奔荆州。 魏平荆州 侯瑱鎭盆城,與質不協,質 元帝承制,歷位侍中,吳州刺史,領鄱陽 率所部依于留異。 內史。 陳永定二年、武帝命質率所部

隨都督周文育討王琳。 之,獲発。 文帝嗣位,以爲五兵尚書。 質與琳素善, 或譖 宣帝輔政、爲司徒左長史。 云於軍 中潛信交通,武帝命文育殺質,文育啓救 坐招聚博徒,発官。 後爲

六四三

都官尙書。卒,諡曰安子。弟固。

制,以爲相國戶曹屬,掌管記。尋聘쮏,魏人以其梁氏外戚,待之甚厚。 固 字子堅,少清正,頗涉文史。 梁時以武帝甥,封莫口亭侯。位丹陽尹丞。 梁元帝承

縣。 侍,國子祭酒。 以其女爲皇太子妃,禮遇甚重。 陳永定中,移居吳郡。 承聖元年,爲太子中庶子,遷尋陽太守。 文帝以固清靜,且欲申以婚姻。 魏剋荆州,固之鄱陽,隨兄質度東嶺,居信安 天嘉中, 歷位中書令, 散騎常

太常卿、諡恭子。 密旨,事洩,比黨皆誅,宣帝以固本無兵權,且居處淸素,止免所居官,禁錮。 廢帝卽位,授侍中、金紫光祿大夫。宣帝輔政,固以廢帝外戚,嬭媼恒往來禁中,頗宜 太建中,卒於

經。 大設罟網,固以佛法呪之,遂一鱗不獲。 嘗聘魏,因宴饗際,Clob請停殺一羊。 固清虛寡欲,居喪以孝聞。又信佛法。及丁所生母憂,遂終身蔬食,夜則坐禪,晝誦佛 子寬,位侍中。 羊於固前跪拜。 又宴昆明池,魏人以南人嗜魚,

甚,榮貴之來,匪由勢至。 若使泰始之朝,身非外戚,與袁粲羣公,方驂並路,傾覆之災,庶 幾可趸。 成齊代,而亮自著寒松,固爲優矣。 論 曰:王誕夙有名輩,而間關夷險,卒獲攀光日月,遭遇蓋其時焉。 庾元規之讓中書令,義歸此矣。 **墜印章六毀**,豈鬼神之害盈乎? 奧有愚子, 自致誅夷。 份胤嗣克昌,特鍾門慶, 景文弱年立譽,芳聲籍 奉光、奉叔、並得官

校勘記

美矣。

母晉孝武帝女鄱陽 公主 張森楷南史校勘記: 「晉書王導傳以公主爲簡文帝女, 孝武稱長公

當以臨汝公主降嬪 主,則是孝武帝妹,非女也。 女字蓋當爲妹。此沿宋書文穆皇后傳文而 誤。」

女臨海惠公主,封號不應同名。 「臨汝」各本作「臨海」。 南齊書江數傳,尚孝武帝女臨汝公主,臨海當是臨汝之譌。」今 洪頤煊諸史考異:「按何尚之傳,顒之尚太祖第 四

29 當待賓客 屬降公主 「屬」各本作「屢」)據宋書后妃孝武文穆王皇后傳改(後簡稱宋書后妃傳)。

據改。

(五) 豈伊身眚「眚」各本作「貴」,據宋書后如傳改。
(五) 當待賓客 宋書后妃傳作「當賓待客」。

列傳第十三 桉勘記

- CXJ 超宗去郡與瑩交惡 各本脫「超宗」二字、據通志補。
- (4) 時有猛獸入 郭 「獸」本字「虎」,此避唐諱改。下「虎象來格」李延壽原文本亦作「獸象來格」,經
- [八]以爲士林館 「館」字各本並脫,據梁書補。

後

人追改

若爲攸字至 乞告示 心爲悠;無心爲攸。 攸悠猷猶同紐同音,俗讀攸悠如憂音,而史文難通矣。」按骹訓脛,此以指 錢大昕廿二史考異:「予謂無骸尊者,酋也。 有

「算」之「寸」言。

- C_{0} 殿下寬叡慈仁天下所知 「天下」二字各本並脫,據通志補。
- (二) 子定侯嗣卒 「定侯」宋書作「宣侯」。
- 廷尉虞龢議社稷各一神 祭,江左無改,故朱書禮志云:「宋仍舊無所改作。」是虞龢之議當爲「合爲一神」,而下云 「各一神」南齊書作「合爲一神」。 按社、土神、 稷、 穀神,社稷分立各 **現**案

舊糾駁」,乃主「各一神」也。

- 臣恐子房赤松未易輕擬 若以周秦間 語例 之則愼矣。」 張森楷南史校勘記:「『臣』疑當作『誠』。 現非對帝語,無爲稱臣也。
- [A] B] 球簡貴勢不交游 「勢」宋書作「素」,屬下爲句。

- 命左右扶郎還齋上亦以球故履免死廢於家 「命」、「上」二字各本並脫,據宋書補
- 文帝嘗與羣臣臨天泉池 「天泉池」即「天淵池」,此避唐諱改。
- 〔14〕又不得不用驃騎 「用」各本作「同」,據宋書改。
- [15] 控帶三江 「三」各本作「二」,據宋書改。
- [1元] 上稍爲身後計 「稍」各本作「猶」,據宋書改。
- [10] 令便居昔之錄任 「任」各本作「至」,據宋書改。
- \subseteq 晉將畢萬七戰皆獲死於牖下 「皆獲」二字各本並脫,據宋書補。 按事見左傳哀二年

 Ξ

不能見吉凶之先正是依俙於理

「先」下各本衍一「見」字,據宋書删

按南江即贛江、謂求一江州

- 小縣 遂求南江小縣 也。 册府元龜四六三亦作南江。 「南江」各本作「江南」,又無「小」字,據宋書乙補。
- 景文封江安侯 「江安」各本作「曲安」,據兩齊書改。按宋書、南史本傳並作「江安」。
- 至 **緯襲其本爵爲始平縣五等男** 錢大昕廿二史考異:「本爵之語未詳,景文初襲伯父封建安縣子
- こう 可自己をご請求申言を用す 「請求用・テマニ「請求非始平男。」
- 云 長子琳字孝璋位司 司徒左長史蕭惠明言於朝日 徒左長史 「孝璋」梁書作「孝章」、「司徒」陳書王通傳作「司农」。 「蕭惠明」各本作「蕭惠開明」,衍「開」字,據通鑑 删。

列

傳

第十

Ξ

校

勘

記

- 使子涉是觀之 「涉」梁書作「泛」、册府元龜三〇〇亦作「泛」。
- 一僕射 「左」各本作「右」,據陳書改。按上云「爲尙書右僕射」,則此作「左」是也。
- 侍中將軍光祿佐史扶並如故 「佐史」各本作「佐吏」,據陳書改。按此敍通所歷官不云爲侍中、

`則「如故」不知所自來矣。 陳書謂爲侍中,自翊右將軍進號安右將軍,又無給扶之文,則此

「扶」亦無着落。

陳書改。 重授尚書右僕射 「右」各本作「左」。按上云「累遷尙書右僕射」,此云「重授」,何得爲「左」,據

三)因宴饗際「際」各本作「祭」,據陳書改。

